

JOH. HENRICI HOTTINGERI,
S. THEOLOGICÆ PROFESSORIS Ord.

IN

Universitate Heidelbergensi,

TYPUS

VITÆ

CHRISTIANÆ

DELINEANS

THEOLOGIAM

MORUM SPECIALEM

DE

OFFICIIS ERGA DEUM,
PROXIMUM ac SE IPSUM,

In

Usum Institutionis Domestica,

Tit. II. II. 12.

Illuxit gratia DEI salutifera omnibus ho-
minibus, erudiens nos, ut sobriè,
justè ac piè vivamus in
hoc seculo.

SPIRÆ,

Typis GUSTAVI ROSTII.

ANNO M DCC XXV.





Lectori Christiano

*Gratiam DEI in Christo JESU
apprecatur*

JOH. HENRIC. HOTTINGERUS.



Uam primum observabam velle
DEUM, qui *ND* mirabilis est, qui-
que suos per vias mirabiles ducit,
ut ego, qui nihil perinde desideravi
ac etiam quæsi, quam benè latere

& cum meis benè vivere, denuò publicam per-
sonam agerem meamque operam Sacrarum lite-
rarum cultoribus ducendis ac regendis darem,
constitui quoque pensum circa mores formandos
adstrictum, quod jam olim non sine animi lu-
bentia &, ut spero, non absque omni fructu
tractaveram, reassumere, idque, si DEO placuerit,
perficere. Quare ubi olim substiteram, mox ac
Exordium novi laboris Academici feceram, per-
rexì tradens juxta priorem, quæ mihi utilis vi-
debatur, Methodum *officia erga Deum, proxi-
mum & seipsum*, thema & à communi ædifica-
tione,

PRÆFATIO.

tionē , (quam ego non fastidio) & à Claritate maximè commendatum.

Quoniam verò arbitrabar mea hac de materia cogitata tam singulis lectoribus quam præprimis dilectissimis Auditoribus in viis sanctis faciliore ratione ducendis non inutilia fore (ne dicam , quod verè dicere possum , me precibus Amicorum , eorum speciatim , qui me sacra profitentem jam olim audiverant quique à cogitatis meis animum alienum non habent , faciles aures præbere debuisse) proposui non solum ea publicare sed & nunc propositum , Deo vitam & vires benignè largiente , in effectum deduxi. Ex animo præcor , ut quemadmodum mirâ Clementissimi Numinis providentiâ has castiores ac præ aliis pacificas literas publice rursus doceo , sic primitias has Heidelbergenses jubeat fecundas esse ad Gloriam Sancti Nominis sui ac proximi ædificationem.

Probè quidem scio & experientiâ quotidianâ magis confirmor , quod jam ante duo secula vir Magni Nominis notaverat , morum inculcationem non sufficere nec eâ Lectores aut Auditores Sanctiores reddi. Attramen video Sapientissimo Deo à multo tempore constanter placuisse creaturas suas intelligentes præceptis ac morum regulis regere ac continere. Is verò mihi tutò docere aliosque ducere videtur , qui divina vestigia sequitur. Sapientia divina quippe nihil absque Summa ratione ac certo fructu agit.

Habet

PRÆFATIO.

Habet quoque plenior curatioque morum tractatio suos præclaros usus. Nam primò informat hominem, qualis intus & extus esse debeat. Hinc detegit plures ac varias sordes animi corporisque. Convincit dein attentiores de miseria ac paupertate in bonis veris, spiritualibus ac divinis. Extorquet quasi salutarem desperationem de propria justitia. Urget ita & tantum non cogit hominem, ut se ipsum abneget ac Liberatorem quærat. Certum insuper eum reddit non esse ex hominibus quempiam, qui ipsum verè juvare, ex miseria sua liberare ac moraliter divitem reddere queat. Hac verò ratione attollit oculos in cælum & exinde unicè liberationem divitiisque petit, sperat expectatque.

Ecquid sodes, Christiane Lector, reperis, quod in ejusmodi labore carpas sive ad scripturam, sive ad conscientiam tuam attendas. Dic liberè, sed & dic judicatò, non impellentibus affectibus tuis. Da argumenta, quæ ego perpendam. Vel annon præfens labos, quem hic tracto, his partibus constat? Annon partes hæ inter se conjunctissimæ sunt? Annon naturaliter eque ducunt, quo eum ducere indicavi? Annon certus ac λογικὸς modus hominem ad Christianismum præparandi, trahendi atque etiam in eo perficiendi? Et annon Spiritus S. in sacris similem viam tenet atque nobis monstrat? Imò annon etiam, qui leges divinas publicè inculcant, prædictam viam, materiam præbente utroque Testamento, terunt. Et si res ita

PRÆFATIO.

se habet , uti dixi , quis jure talem morum . tra-
ctationem censet ac perstringit. Quis attentior
non videt ejusmodi laborem ducendis Nasiræis
perquam utilem esse , tum ad cupiditates juveni-
les , quæ ob ætatem aliasque causas fortiores esse
solent , castigandum , tum quoque ad sapientiam
Cœlestem hauriendum : *Timor Domini* enim *sa-*
pientia principium est , tum denique ad Audito-
res suo tempore in bonis moribus informandum.
Qua de re plenius alibi in simili occasione.

Noli dicere curatiorum morum Auditores vel
Lectores inflari , sibi placere , animum ab Evan-
gelio alienum habere. Aut soli Evangelio vim
vivificandi bonosque mores ingenerandi inesse ;
Hominem mores , quales esse debent , audiendo
non ideo fieri bene moratum , DEUM reveren-
tem , amantem eique confidentem. Nollem qui-
dem simpliciter negare , vitio hominum fieri
posse , ut morum scioli magis quam cultores in
fastum prolabantur. At profectò mores sancti-
ores ad fastum nullatenus ducunt. Naturaliter
& ex interna eorum virtute Lectores & Audito-
res deprimunt fastumque coërcent. Etenim cla-
rissimè monstrant deesse , quæ requiruntur , vir-
tutes , inesse verò vitia & sordes , quæ abesse de-
berent. Hinc vitiosos , quales sibi veri morum
cultores apparent , DEO dissimiles , deformes ,
communione ejus indignos , & damnandos sistunt.
An tales sibi placent & quare ? An ab Evangelio
abalienantur ? Annon potius sibi displicent &
mores

PRÆFATIO.

mores suos abominantur? Annon turpitudinis & commeritæ condemnationis agnitio certissima ad Evangelium quærendum, amplectendum ac exosculandum via? Imo manus quasi apprehendens ac vel invitum trahens ad JESUM Christum sanguinemque ejus & remittentem ac purgantem peccata. Tum quoque bene notandum morum tractationem, quam do, non solum præcipere agenda, vetare omittenda. Sed & ex Evangelio illum exerto digito monstrare, qui nobis dat & bonum velle & perficere. Commendare gratiam DEI salutiferam, quæ omnibus hominibus illuxit, castigantem nos, ut abnegemus impietatem ac concupiscentias malas, vivamus autem sobriè, justè ac piè in præsentī seculo. Inculcamus ergo mores & ostendimus simul gratiosam DEI in JESU Christo manum, quæ Spiritu suo nos renovat transformatque ad Imaginem divinam. Tradimus hac ratione medicatam misturam fidei morumque. Quanquam de his ex præsentī instituti ratione plenius agamus, ut gratia DEI in Christo JESU, inspectis sordibus suis agnitaque propria *ἀδυναμία*, ardentè quæratùr recipiatùrque aptos nos reddens *ad ambulandum ἀξίως τῷ κυρίῳ ἡμῶν ἀποστολίαν* dignè domino ad omne placitum atque ita fructus feramus *in omni opere bono*. Coloss. I. 10. De hoc satis.

Progredior ad alterum, quod præfaturus tangere volui. Nimirum quia tot tamque varia morum præcepta existunt, quæru nt indagantque viri

PRÆFATIO.

in hoc studiorum genere occupati, quodnam eorum primum, præcipuum, ac reliquorum quasi centrum, principium ac fons sit. Arbitrantur enim officium alio officio prius & quodammodo genitorem alterius existere. Jam verò si naturalis aliquis officiorum ordo ac nexus daretur notusque esset, ille optimam maximeque commodam Methodum mores tradendi sequere in iis exercendi perhiberet.

Reperis, qui principium actionum moralium fidem asserunt. Alii amorem DEI. Rursum alii timorem Numinis. Denique alii abnegationem propriæ voluntatis ac ejus subjectionem voluntati divinæ sive conformitatem voluntatis humanæ cum divina. Et hi omnes cogitatorum suorum fundamentum in sacris quærunt. Scriptura enim fidem ceu principium vitæ spiritualis notat & ex illa actiones Christianas deducit. vide 1. Timoth. I. 5. 1. Petr. I. 5. 6. 7. Rom. XIV. 23. Hebr. XI. 16. Gal. II. 20. Habac. II. 3. 4. Eadem amorem DEI *primum* & maximum præceptum commendat. Matth. XXII. 37. 38. atque ex eo alia officia derivat Joh. XIV. 23. Timor DEI semel ac iterum in sacris paginis *sapientia principium dicitur*. Prov. I. 7. IX. 10. Ps. CXI. 10. Salvator primò abnegationem sui ab affectis poscit. Matth. XVI. 24.

Putem ego varium hunc officiorum ortum ac nexum concipiendi modum liberum esse atque omni damno, saltem notabili, carere. Modò illi, qui has sanctiores literas docent, vinculum omnium officiorum indissolutum teneant ac nullum

PRAEFATIO.

lum vel omittant vel sinistrè exponant. Habent officia, quæ debemus, catenæ ex pluribus annulis constanti eique ita connexæ, ut uter annulus primus, medius vel ultimus sit, non perspicias, similitudinem. Vel si mavis, ad talem accedunt catenam, quæ ferro vi fortioris ignis liquefacto una fusione fusa est, cujus hinc annuli unà quoque fusi sunt, ut inter illos non detur primus, secundus, tertius &c. Unde si ejus modi catenam manu prehendis, jam ab hoc annulo exordium quasi facere & reliquorum concatenationem aut numerum intueri vel numerare potes, jam ab alio, uti libet. Pari fermè ratione morum tradendorum Doct̃or jam primo loco metum tradit & cum eo alia officia connectit aut ex eo deducit; jam præmittit amorem, & ex eo alia derivat officia.

Si in causas diversorum judiciorum investigas, hæ probabiliter sunt. Quidam officium primum habent, quod summum ac perfectissimum quodque alia in se complectitur. At alii primum dicunt, quod quasi infimum & ex quo subsequente tempore alia majora, perfectiora oriuntur. Atque ita non sine causa posteriores timorem, sed priores amorem primum ac reliquorum principium ducunt. Timor naturaliter præcedit. Sed amor sequitur. Rursum alii respectum habent ad virtutes, quæ etiam piis inter gentiles, Judæis vel Christianis nondum plene conversis insunt. Sed alii ad virtutes eorum, qui ὁρθῶς Christiani &

PRÆFATIO.

γυνήεις discipuli JESU Christi sunt. Hinc in principio vitæ actionumque moralium nominando haud conveniunt. Vide exempla in Eunuchō Actor. VIII. Cornelio Actor. X. Lydia Actor. XVI. Paulo Gal. II. 20. Tandem alii principium vitæ spiritualis indagantes causam ejus producentem, alii semen, alii prolem pro eo accipiunt.

Rem ab ovo exordiar experturus, an quæsitum hoc aliqua ratione illustrare valeam. Præsuppono hominem ex carne nasci carnalem, hinc illum & actu & potentialiter ad DEUM cognoscendum, glorificandum, timendum similiaque officia præstandum ineptum esse. DEUS misericors verò miseri & carnalis hominis, qui caro semper futurus, miseretur atque donat illi auxilium communius sive se illi tanquam Spiritum divinum, æternum, potentem, sapientem, sanctum, justum, bonum revelat. Unde etiam intelligit prima saltem & generalia officia. Hoc verò dono homo, qui illud accipit, idoneus non est ad virtutes verè Christianas modo quoque Christiano edendas. Attamen incumbit ei, veritatem hanc in injustitia non detinere, puram custodire, DEUM, ut se manifestavit, agnoscere, glorificare, timere, sobriè & justè vivere. Is, qui donum & auxilium hoc DEI non dilapidat nec defodit sed pro statu suo rectè impendit, majus & perfectius accipit. Etenim omniscius Deus videt hominem hunc, quem juvit, veritatem in injustitia non detinuisse, in minimo, quod ipsi.

PRÆFATIO.

ipsi concredebatur, fidum extitisse. Videt quoque hoc, quod donavit, non sufficere ad virtutes verè Christianas, modo quoque Christiano, faciendum. Itaque pro bonitate sua majus, perfectius & specialius donum in illum confert prospicitque ut ingens gratia in filio suo JESU Christo annuntietur eaque interna divina operatione agnoscat & recipiatur. Vide quæ huc spectant, Rom. I. 18 - 22. II. 14. 15. Matth. XIII. 12. XXV. 29. Luc. VII. 1 - 9. Joh. XII. 20. 21. Actor. VIII. 27. X. XVI. 14. 15.

Hæc nunc interna gratiosi Numinis operatio est verum & proprium principium vitæ spiritualis, quo homo, qui operationis illius particeps fit, idoneus redditur ad Christianas actiones agendum.

Quatenus principium hoc consideratur proveniens à DEO, homo passivè se habet sive dono accipit novam vitam. Quatenus verò nova hæc vita in homine producta consideratur, ille vi vitæ donatæ ipse vivit & actiones vitales agit.

Nova hæc vita statim quidem ac in homine est vitalitatis spiritualis documenta edit sed non perfectissima. Nec mox plenos ac omni numero consummatos fructus profert. Phil. I. 9-12. Coloss. I. 10. 11. Crescit quippe tempore, fruitione victus spiritualis ac exercitatione.

Hujus novæ vitæ *generalis* quasi *actus* & qui alios plures *speciales* in se complectitur, & ex se gignit, fides est. Gal. II. 20. Rom. XIV. 23. Qui enim

PRÆFATIO.

enim credit in DEUM & JESUM Christum, ille abnegat se ipsum, propriam voluntatem, subjicit se DEO ejusque voluntati. Ille quoque DEUM timet, reveretur, amat eique confidit. Ille etiam in necessitatibus protectionem & gratiam Numinis implorat. Ille denique in bonis, quibus fruitur, exultat. Hi actus in vera fide continentur & ex ea gignuntur.

Primus quasi *specialis* vitæ spiritualis *actus* rectè habetur abnegatio sui ipsius propriæque voluntatis. Unde Christus abnegationem statim post fidem narrat. Matth. XVI. 24. Quamprimum enim homo verè credit JESUM Christum esse promissum Messiam, Prophetam sacerdotem ac Regem, ille se ipsum, cogitata, voluntatem, sapientiam, justitiam, dominium suum abnegat. Cum hoc conjunctissimus est *subjectio sui & voluntatis sue sub voluntate & imperio DEI & Domini JESU Christi*. Quia enim credit in eum tanquam Dominum, Prophetam, Sacerdotem & Regem suum, exspectat, admittit, probat, facit præcepta, consilia, quæ dantur. Conjunctus quoque est *metus ac reverentia*. Credit enim fidelis in DEUM & JESUM Christum tanquam Numen omnipotens, omniscium, omnipræsens, sanctum ac justum quod tantæ sanctitatis & justitiæ, ut peccata nostra in sponse, DEO simul & homine sanctissimo, gravissimè puniverit. Novit quoque fidelis se innumeris vicibus, animo quoque aliter convicto voluntati DEI sapientissimæ,

PRÆFATIO.

mæ , sanctissimæ , justissimæ , æquissimæ , optimæ obstrepuisse.

Ubi fides in DEUM & Jesum Christum, ibi quoque amor. Qui enim verè credit verbo gratiæ, ille non potest non DEUM Gratosissimùm amare. Qui jam ingentis divini doni, quod est spiritualis vita, particeps factus, quomodo sine amore donantis esse valet? *Ibi præterea fiducia ac spes.* Qui credit DEUM filio suo non pepercisse, ut salvaretur, ille confidit, quod divinus salvator ipsum non solum non relicturus sit sed cum filio ei omnia donaturus. *Ibi insuper precatio*, sive ex corde profecta gratiarum actio pro maximis bonis acquisitis, oblatis, applicatis, etiam petitio ut defendatur, protegatur, bonis Spiritualibus, Cœlestibus magis ac magis in Christo JESU coronetur. *Ibi denique gaudium ac júbilus in DEO* ob actuale eamque lætissimam fruitionem donorum Spiritus S.

Ne dicam de aliis iisque magis specialibus novæ vitæ actibus, quorum plurimi hoc in libello notati ac deducti sunt. Impossibile videtur (nec etiam necessarium est) omnes illos tali ordine infra se collocare, uti se invicem excipiunt. Et quis asseret, imò quis argumentis idoneis demonstrabit actus speciales vitæ spiritualis, quales jam jam notavimus, in omnibus regenitis, etiam in principio vitæ, certo ordine sequi ut v. gr. primus abnegatio sui, alter conformitas cum voluntate divina, tertius metus, quartus amor, quintus spes

PRÆFATIO.

Spes &c. sit, nec ordo hic variet. Putem ego potius tum ab initio regenerationis tum maxime in continuatione vitæ actus ejus speciales pro variis subjectis, eorumque conditionibus, vita antecedente, generibus vivendi, functionibus, gradu fidei, tentationibus, manuductionibus, tot aliis circumstantiis admodum variare. Essentiales actus omnibus spiritu vivificatis insunt. At quidam in aliis magis latent, in aliis conspicui sunt. In his prædominatur amor, spes, gaudium. In aliis, ut videtur, tristitia & metus. In uno eodemque subjecto sed aliter ac aliter se habente actuum vitalium diversitas observanda est, uti ex Psalmis Davidis colligere licet.


Superfedeo plura præfari. Dum verò in manus tuas, Benevole Lector, hanc *de officiis erga DEUM, proximum & se ipsum* Theologiæ moralis partem trado, unam partem scopi laboris, quem præfixi, etiam inter fluctus assecutus sum. Promisi quidem ab initio me quoque vitam & mores studiosorum Theologiæ ac Pastorum tum pravos tum probos pari ratione delineaturum. Etiamnum fidem datam liberare, DEO benigno annuente, mente mea & sto, & actu laboro. Quando verò ex certis, iisque legitimis, rationibus partem adhuc publicandam in remotius tempus differo separoque à publicatis, tu non ægrè feres. Utere interea mecum tribus his partibus in lucem editis communia officia continentibus & ubi animadvertis illas nomen *τῶν ἐκείνων*
εἴρη

P R A E F A T I O .


typi vite Christianæ non mentiri , trade te illis atque mores tuos ad eas forma. Certum quidem est imaginem terræ , quam nunc ferimus, in cæli non mutari , nisi plures eosque acutos dolores subeamus, id quod Auctores linguæ Hebrææ haud male observasse videntur quando formæ & doloris rationem iisdem vocibus incluserunt. At felix transformatio, quæ DEI imaginem in nobis restituit , quæque dolores temporarios potentiâ DEI superandos abundè compensat. Quod si trinus hic typus , DEO pro incredibili suo homines juvandi studio ex alto benedicente & in infirmitate mea potentiam suam demonstrante, occasio , incitamentum , instrumentum ac calcar ad tuos , Christiane Lector, meosque mores juxta voluntatem DEI formandos exister, impensè gaudebo me alteram eamque longe nobiliorem scopi partem obtinuisse. יִצְרָא הַבֵּל Magnus ac sapiens ille *formator totius* universi , cordium maxime, fundat formetque nos totos , ut imaginem ejus verè referamus.

Amen.

Dabam Heidelbergæ , die
27. Martii 1725.



INDEX



INDEX

Capitum Theologiæ Morum specialis

De

Officiis erga DEUM, Proximum ac se ipsum.

Cap.	Pag.
I. De Legibus ceu officiorum fundamentis ac Regulis.	I
II. De Obedientia legibus divinis præstanda.	22
III. De Cognitione DEI.	44
IV. De Reverentia & Metu Numinis.	68
V. De Amore DEI.	79
VI. De Spe, Fide & Fiducia.	108
VII. De Precatione.	129
VIII. De Professione & Conversatione Christiana.	158
IX. De Cognitione Proximi.	178
X. De Justitia.	196
XI. De Sermonе ritè cum Proximo ducendo	217
XII. De Pace.	239
XIII. De Amore Proximi.	253
XIV. De Liberalitate erga Pauperes.	269
XV. De Cognitione sui ipsius.	288
XVI. De Abnegatione sui ipsius.	302
XVII. De Humilitate.	316
XVIII. De Temperantia cupiditatum.	340
XIX. De Assiduitate.	369
XX. De Patientia.	382
XXI. De Constantia.	393

THEO-



THEOLOGICÆ MORUM SPECIALIS

DE

Officiis erga DEUM, Proximum & se ipsum

CAPUT I.

DE

Legibus ceu Officiorum

Fundamentis ac Regulis.

Σύνοψις.

Fundamentum Officiorum Leges §. I.

Harum Definitio §. II.

Nomina §. III.

Legislator §. IV.

Qui Deus §. V.

Isque solus §. VI.

Homines, qui Leges dant, eas dant nomine DEI. §. VII.

Quare leges humana voluntati divina

conformes requiruntur. §. VIII. IX.

Qualibus, licet ab hominibus latis, alii obedientiam debent §. X.

Leges divinas dari §. XI.

Easque hominibus revelari probatur. §. XII.

Unde homo ad voluntatem divinam cognoscendū factus §. XIII.

A

Ipse

2 Cap. 1. De Leg. cen officiorum Fundament. ac Reg.

Ipse Deus revelat interne. §. XV.

Externe. §. XV.

Mediate. §. XVI.

Hic modus leges dandi communis est. §. XVII.

Id quod argumentis probatur. §. XVIII.

Lumen naturale decre-

scit crescitque. §. XIX.

Datur quoque modus leges divinas dandi

peculiaris ac extra-

ordinarius. §. XX.

Harum legum rationes. §. XXI.

Earumque scriptionis usus & praestantia. §. XXII-XXV.

Leges naturales supernaturalibus non ad-

versantur. §. XXV.

Sed conveniunt. §. XXVI.

Haec tamen illis praestant. §. XXVII.

Et illa & haec recte seorsim tractantur. §. XXVIII.

Male tamen supernaturales negliguntur. §. XXIX.

Harum genuinas Interpretes Spiritus S. est. §. XXX.

Qui itaque quarendus. §. XXXI.

Tanquam clavis scriptura. §. XXXII.

Leges divinae sunt vel absolutae vel hypotheticae. §. XXXIII.

Leges Scripturariae sunt vel etiam naturae

cognoscenda, vel ex sola revelatione. §. XXXIV.

Vel morales, vel ceremoniales, vel politicae. §. XXXV.

Vel aeterna vel temporalis Observationis. §. XXXVI.

Vel explicita, vel implicita. §. XXXVII.

Legum attributa octo traduntur §. XXXVIII.

Earum

Cap. 1. De Leg. seu officiorum Fundament. ac Reg. §

Eorum usus. §. XXXIX.
Leges naturales omnes
homines obligant.

§. XL.

Supernaturales tantum
illos, quibus revelata
sunt. §. XLI.

Non eximuntur Politici
§. XLII.

Judicium de legibus di-

vinis earumque sen-
su summum & Au-
thoritativum inter
homines non datur.

§. XLIII.

Difficultas solvitur. §.
XLIV.

Legum Scopus obedi-
entia subditorum est.

§. XLV.



§. I.

Acturi sumus de Officiis erga DEUM, proxi-
mum ac seipsum. Officia presupponunt le-
ges, quarum tenore hoc vel illud officium pra-
stare debemus.

II. Lex in genere est voluntas superioris, quae
jure inferiorem ad hoc illudve faciendum ob-
ligat.

III. Quandoquidem lex varias relationes
admittit, variè etiam in sacris appellatur.
Quia monstrat agenda & scopum, hinc
תורה Commonstratio. Quia dein definit,
nec actiones liberas relinquit, פה Definitio.
Quia portò cum auctoritate præcipit, מצוה,
ἐντολὴ, ἐντάλμα, πρόσταγμα præceptum. Quia
insuper justa præscribit, quique secundum

4 Cap. 1. De Leg. seu officiorum Fundament. ac Reg.
 eam vivit, justus habetur, defenditurque
 דִּינָא, δικαίωμα, νόμος *jus*. Quia deni-
 que superior inferiori voluntatem significat,
 דִּבְרֵי, λόγος, ῥῆμα *verbum* audit.

IV. *Legem ergo fert superior, non par, non inferior.* Non inferior, quia, si talis legem ferret, non esset inferior, sed superior. Omnia susque deque verterentur. Non par: Nam par in parem nullum jus habet. Si jus haberet, non esset par, sed superior.

V. *Superior est DEUS:* Qui hinc עֶלְיוֹן
 ὑψιστος *altissimus* dicitur Ps. LXXXIII. 19. Act.
 VII. 48. Creaturæ infra illum sunt: depen-
 dent ab illo in fieri, in porro esse, in benè
 esse. Maximum itaque illi jus est in crea-
 turas, quibus itaque voluntatem suam
 præscribit.

VI. *Non solum DEO maximum jus est leges creaturis ferendi, sed & unicum.* Unus est νομοθέτης legislator Jac. IV. 12. Non alius aliquis illis jure leges præscribit. Vel quid diceret Princeps, si alius aliquis ipso invito subditis suis præciperet? Creaturæ sunt Creatoris, Conservatoris, non verò alius creaturæ. Creatura in creaturam nullum per se jus habet. Nam ortum, conserva-
 tionem & felicitatem non creaturæ sed creatori debet. Nec etiam, licet vellet,
 potest

potest jus in se alii creaturæ dare. Uti subditus Principis nequit Dominium in se alii Domino donare.

VII. *Si itaque creatura creatura sive homo homini legem præscribit, præscribit eam non propriâ Authoritate, sed supremi Numinis.* Evexit autem Altissimus quosdam ex hominibus naturâ cæteroquin reliquis in natiuitate, conseruatione & morte simillimis ad ὑπεροχὴν *eminentiam* super alios 1. Tim. II. 2. Rom. XIII. 1.

VIII. *Hi in altum libera Altissimi voluntate erecti nequeunt leges præscribere pro lubitu.* Sunt enim nonnili *Diaconi*, *Ministri DEI*, Rom. XIII. 4. Qui à Domino dependent, quique actionum suarum gravissimam rationem reddere tenentur.

IX. *Quas igitur leges præscribunt, conformes requiruntur Voluntati Summi Numinis, ei non adversantes.* Et hæ leges spectare debent illas humanas actiones, quæ ipsorum dependenti à Deo jurisdictioni commissæ, quales civiles sunt, Rom. XIII. 1. 6. 7. Matth. XXII. 21.

X. *His cetera creatura, quanquam ejusdem originis & natura cum Domino, obedientiam debent.* Nam ordo hic à Summo constitutus est. Neque solum subiectæ esse tenen-

¶ Cap. 1. De Leg. cen officiorum Fundament. ac Reg.
tur metu gravis damni, sed ex conscientia
Rom. XIII. 5. 1. Petr. II. 13. Etiam tum,
si mandata rigidiora præscribuntur 1. Petr.
II. 18. 19.

XI. *Sed de humanis legibus alia hic non dicturi
sumus: Verum de divinis. Tales dari, ex se-
quentibus rationibus constat.* I. Præsupponi-
mus esse DEUM, cumque à creaturis
cognosci. Jam cognitio Dei involvit leges.
Qui enim DEUM cognoscit, simul cognos-
cit illum pro Deo habendum, timendum,
honorandum, amandum esse. II. Præsup-
ponimus dari actiones bonas & malas. At
bonitas & malitia rursus involvit leges,
quæ has actiones bonas, illas malas decla-
rant. III. Præsupponimus dari judicia,
temporalia & æternum. Nemo absolvitur
aut condemnatur, ubi nullæ leges sunt.
IV. DEUS Rector mundi, speciatim ho-
minum. Rector verò nemo absque legi-
bus est. Præsupponimus autem hæc, quia
contrarium non solum impium, sed & sum-
mè stolidum est.

XII. *Si verò dantur leges divina, necesse
est, eas hominibus revelatas esse, & etiamnum
revelari.* Leges enim non revelatæ, & ita
non cognitæ, non obligant.

XIII. *DEUS hunc in finem homini mentem
dedit,*

Cap. 1. De Leg. seu officiorum Fundament. ac Reg. 7
dedit, eamque instruxit facultatibus percipien-
di, judicandi, ratiocinandi. Talis verò mens
capax ad voluntatem sive leges Dei cognos-
cendum. Non tamen recens indita statim
facultates has exerit, ut earum usus notari
queat, successu temporis demum incipit
percipere, judicare, ratiocinari, atque ita
indies magis crescit perficiturque.

XIV. *DEUS seu Spiritus*, qui non procul
ab unoquoque nostrum, in quo sumus,
vivimus & movemur, *hominibus*, quos sub-
jectos sibi vult, *intus voluntatem suam mani-*
festat.

XV. *Eandem expressit in operibus suis atque*
aliquando satis notabiliter in Regimine mundi,
docens quid rectum, quid non rectum sit.
Modò mentem, quam habemus, ad opera
& vias divinas rectè referamus, judicemus,
ratiocinemur.

XVI. *Traditio ac institutio sapientum ad le-*
ges Numinis facilius & clarius cognoscendum
non parùm facit. Periculosa tamen est, nisi
probè cum legibus internis collatio fiat.

XVII. *Hac communis & ordinaria via leges*
hominibus significandi est. Ita DEUS à mun-
do condito genus humanum instituit, &
etiamnum instituit. Quod evidentissimè
cernere licet ex exemplo gentium. Aue

3 *Cap. 1. De Leg. seu officiorum Fundament. ac Reg.*

dicendum illas sine legibus Numinis vivere, atque ita non peccare, non etiam puniri posse, aut DEUM modo dicto illas de voluntate sua informare.

XVIII. *Quod posterius probant supra §. XI. dicta. Probant quoque plura loca scriptura.* Paulus docet omnes homines, etiam gentiles, sub reatu esse Rom. III. 9. iram DEI provocasse Cap. I. 18. scēdē peccasse Cap. I. 21 - 32. Hæc vero præsupponunt & leges & legum notitiam. Idem Apostolus docet, qua ratione Gentes DEUM & voluntatem ejus cognoverint. *Ipsæ enim DEUS manifestavit illis τὸ γνωστὸν τῷ Θεῷ. Cap. I. 19. Ipse DEUS τὸ ἔργον τῷ νόμῳ opus legis, quod lex vult, in corda inscripsit. Cap. II. 15. Dedit quoque τῷ νῦν mentem per opera visibilia invisibilem DEUM ejusque perfectiones investigare valentem v. 20. Gentiles cognoscere poterant non solum leges, sed & pœnam eamque gravissimam in violentes animadvertendam Rom. I. 32. Quæ cuncta cum in finem Gentibus manifestata, ut sint inexcusabiles. Cap. I. 20. Excusabiles utique, si voluntatem DEI nulla ratione nosse quivissent. Probant porro plurima sapientum ex gentilibus, eorum speciatim, qui de moribus scripserunt, scripta. Cito*

non.

nonnisi Senecæ verba Ep. XLI. *Non sunt ad cælum elevanda manus, nec exorandus aditus, ut nos ad aures simulacri, quasi magis exaudiri possimus, admittat. Propè est à te DEUS. (conf. Act. XVII. 27. 28.) tecum est, intus est. Ita dico, Lucili, Sacer intra nos Spiritus sedet malorum bonorumque nostrorum Observator & Custos. Ille dat consilia magnifica & erecta. Ac Sextii Pythagoræi in suis sententiis: Priusquam agas, quodcunque agis, cogita DEUM, ut lux ejus pracedat actus tuos.*

XIX. *Lumen hoc naturale Divinum, si homo tenebras præ luce diligit, imminuitur, peritque: Si adeoque erroribus credit, mala facit, quæ lux damnat Rom. I. 21. 22. 23. 24. At conservatur, augetur, purificatur, si veritates, quas detegit, creduntur, bona, quæ jubentur, aguntur. Pulchrè idem Sextius Pythagoræus: Templum sanctum est DEO mens pii & altare est optimum ei cor mundum & sine peccato. Et DEUM non cognovit, qui non colit.*

XX. *Præter communem hanc & ordinariam voluntatis suæ revelationem DEUS etiam homines extraordinariò πολυμερῶς καὶ πολυτρόπως, prout ipsi videtur, instituit.*

XXI. *Revelat autem extraordinariò, tum quia veritates quadam supernaturales sunt, tum quoque, quoniam naturales non sine medi-*

10 *Cap. 1. De Leg. cen. officiorum Fundament. ac Reg-
tatione, longiori tempore, ac difficultate cognosci
ac retineri queunt. Cognoscuntur autem
& retinentur facile instrumentis mansuris
commisſæ: tum maxime, quia poſt peccatum
homo carnalis factus eſt. Habet autem caro
motus; cupiditates voluntati divinæ con-
trarias. Habet quoque mundus axiomata
& conſuetudines pravas comparatas ad lu-
men illud divinum in homine offuſcan-
dum, extinguendum. Igitur Φιλανθρωπία
DEI multis temporibus voluntatem ſuam
præter communem ordinem ſignificavit,
confirmavit, deduxit, ut caligo luci prætenſa
diſſiparetur reſplenderetque lux divina.*

XXII. *Ejuſmodi extraordinaria revelationes
divinæ plurimæ factæ ſunt. Quadam volente
DEO ad poſteritatem non ſunt propagatæ: Aliæ
vero propagatæ.*

XXIII. *Hæ juffu & providentiâ divina lite-
ris committebantur, ut eſſent tuta ac conſtans
norma credendorum & agendorum. 2. Tim.
III. 15- fin.*

XXIV. *Hinc ingens conſtituunt beneficium
divinum gratiſſima mente extollendum,
quale non dedit omnibus gentibus Plalmi.
CXLVII. 19. 20. ſed nonniſi peculio ſuo,
olim Iſraëlitico, nunc Chriſtiano Rom. III.
2. 2. Petr. I. 19.*

XXV. *Re-*

XXV. *Revelationes sive leges hæ extraordinario datæ naturalibus non adversantur.* Quando enim eundem Auctorem habent Deum veracem, oportet conveniant. DEUS enim veritas est. DEUS in lege naturali non præcipit, quod in scriptura vetat. Unde certum, illam legem non esse naturalem, quæ legi scripturariæ adversatur. Nec lex scripturaria est, sed falsa ejus explicatio, quæ legi verè naturali adversatur.

XXVI. *Potius leges naturales & scripturariæ conveniunt, suntque mutuo auxilio. Conveniunt.* Nam quod agendum & intermitendum præcipit Natura, præcipit quoque scriptura Rom. I. 19. 20. II. 14. 15. *Sunt mutuo auxilio.* Scriptura seu lex divina probatur, quia convenit cum naturali in cor inscripta. Hæc, quod talis sit, non vero dictamen carnis, ex scriptura rursus cognoscitur.

XXVII. *Habet tamen revelatio scripturaria præ naturali veritates & ita leges supernaturales:* Leges quoque naturales in scriptura facile, copiosè & purè argumentis etiam demonstratæ ac exemplis illustratæ reperiuntur. Non item sic inveniuntur in mente. Quia DEUS voluntatem suam tum in corde humano tum in scriptura
reve

12 *Cap. 1. De Leg. seu officiorum Fundament. ac Reg.*

revelat, rectè homo ad utramque legem attendit.

XXVIII. *Rectè etiam seorsim tum leges naturales, tum scripturariae investigantur, ordinantur, inculcantur, ut aliquatenus utriusque revelationis natura, limites, scripturariae præ naturali præstantia cognoscatur.*

XXIX. *Male verò & imprudenter illi agunt, qui contenti Legibus Naturalibus, Ethnicis scripturarias negligunt, contemnunt. Hi mihi similes videntur iis, qui valvis obductis diu noctuque ad lucem lucernæ laborant, solis splendorem non admittunt.*

XXX. *Leges literis sacris contentæ nonnisi Spiritu DEI seu divina purè, plenè & salutariter cognoscuntur. Vel unde est, quod scriptura à centum pariter lecta ac audita, nonnisi à decem ex iis πληροφορία πίστεως divina credatur? unde est, quod sæpius ii, qui clamitant pro Mose, Moïsen tamen adulterent ac alium ei sensum affingant. Matth. V. Joh. V. Unde hodie Christiani non solum diversos sensus & aliquando oppositos eidem Scripturæ & iisdem Scripturæ locis tribuunt? unde ex iis, qui videntur leges scripturarias pariter exponere, pauciores morem gerunt? Neque à Scriptura, neque à lectione, neque ab auscultatione
ejus,*

ejus, neque ab explicatione usque regularum criticarum ratio propriè petenda est, sed à Spiritu Domini. Hic est Spiritus veritatis, quem mundus non potest accipere Joh. XIV. 17. qui tamen hominem ducit in veritatem Ps. CXLIII. 10. Joh. XVI. 13. Est Spiritus sapientiæ & revelationis in cognitione DEI. Ephes. I. 17. 1. Cor. II. 1. Joh. V. 6. Actor. XVI. 14.

XXXI. *Leges itaque divinas cogniturus & observaturus Spiritum hunc possidere contendat orando* Luc. XI. 13. *Jac. I. 5. meditando, legendo.* Quò majorem Spiritus Divini mensuram quis habet, tantò rectius leges divinas intelliget, deducet, prudenter referet huc, illuc, amabit, præstabit.

XXXII. *Ideo rectè quidem commendatur Scriptura ejusque prudens usus ad voluntatem divinam cognoscendum, sed non minus commendandus Spiritus Sanctus.* Hic clavis scripturæ est. Sine illo scriptura quidem ob utilitatem ac metum verbum DEI dicitur, defenderetur, sed non in animo habebitur. Spiritus Sanctus demùm verum & plenum sensum verborum suorum Lectores docet, quando alii absque eo in cortice hærent. Spiritus S. affectus, qui impediunt; quò minus verum cernere queamus, qui quoque

14 *Cap. 1. De Leg. cen officiorum Fundament. ac Reg.*

que in causa, quod verba Scripturæ juxta hypothesein uniuscujusque invertantur, cohibet. Spiritus S. dicta Scripturæ generalia aut conditionata eò referet, quò referenda sunt, absque quo omnia confunduntur. Scriptura absque spiritu chartis nonnisi imprimitur, sed per Spiritum cordi inscribitur 2. Cor. III. 2.3. Sine hoc nullus salutaris usus lectionis, auscultationis, explicationis etiam eruditæ verbi divini est, quod tristis experientia abundè docet. Sine Scriptura per bis mille annos leges divinæ cognoscebantur. Sine Spiritu nunquam, nequidem nunc, quando ingenti gratia Numinis divina voluntas chartis mansuris ad ædificationem Ecclesiæ commissa est.

XXXIII. *Leges divina sive naturales sive scripturariae sunt alia absoluta, alia hypothetica.* Illæ, quæ omnem hominem simpliciter obligant, uti DEUM amare &c. Hæ, quæ obligant in certo statu, veluti servum, subditum.

XXXIV. *Leges Scripturariae sunt vel naturales, ceu quæ etiam naturâ notæ sunt, vel nonnisi extraordinaria revelatione cognoscenda.*

XXXV. *Et spectant vel cultum internum erga DEUM, vel externum vel politiam.* Illæ
mora-

Cap. 1. De Leg. seu officiorum Fundament. ac Reg. 19
morales : Istæ ceremoniales : Hæ vero foren-
ses sunt.

XXXVI. *Quadam aterna : Quadam tem-
poralis observationis.*

XXXVII. *Quadam explicita : Quadam im-
plicita sunt*, siue in virtute verborum &
nexûs continentur I. Cor. IX. 9. 10. Ps. CXIX.
69. Cavendum tamen, ne leges confectionis
formentur, quæ tales non sunt.

XXXVIII. *Attributa harum legum plura sunt.*
Ps. XIX. 8 - 12. I. Notanda *Justitia* ac
sanctitas earum. : Præscribunt, quod justum
est, quodque cum sancta DEI natura con-
venit, ac observantes justos sanctosque
reddit. Rom. VII. 12. I. Joh. III. 7. Joh.
XVII. 17. II. *Perfectio*. Leges in se per-
fectæ sunt, ac quoque observantem per-
ficiunt, ut omnes ejus facultates juxta leges
formatæ perfectæ fiant. Ps. XIX. 8. 2. Tim.
III. 16. 17. III. *Claritas*. Quoniam enim
DEUS leges fert, ut præstentur, feret
procul dubio, ut earum sensus attendenti
perspicuus sit. Unde, quanquam in scriptu-
ra plura *duvovnta* & sublimia sunt, quæ no-
titiam spectent, clara tamen & perspicua
sunt, quæ à nobis agenda. Quod con-
stat ex inductione præceptorum divinatorum.
IV. *Utilitas*. Omnes enim divinæ leges ita
com,

paratæ sunt, ut observantibus utiles quoad animum, corpus, famam, familiam, Politiam, Ecclesiam in hac alterave vita existant. V. *Possibilitas Observationis*. Nemo prudens Magistratus absolutè impossibilia subditis præscribit, multo minus Deus. Quod impossibile propriis viribus & *in sensu legis*, id possibile viribus divinis, quæ precibus propter Christum donantur, & *in sensu Evangelii*. 1. Joh. V. 3. 4. Phil. IV. 13. VI. *Æquitas*. DEUS vitam & omnia dat. Quid æquius, quam ut hic jubeat, quomodo vita nostra ducenda? servit servus legibus Domini, à quo nonnisi alimentum ac vestimenta accipit: Quantò æquius servimus DEO, à quo omnia habemus. VII. *Indissolubilis nexus omnium Legum*. Præcepta inter se conjunctissima sunt, & unam quasi legem constituunt. Unde *qui unum præceptum violat, reus omnium*. Jac. II. 10. Qui proximum non amat, is neque DEUM amat 1. Joh. IV. 20. Qui DEO non obedit, nec eum amat, nec eum reveretur &c. VIII. *Indispensabilitas*. Quædam leges absolutè indispensables sunt, uti quæ non poterant non ferri, quales amor DEI, obedientia &c. Aliæ secundum quid, uti ceremoniales. Ab harum observatione nullus homi-

hominum nos eximere potest: Potest verò DEUS. Non homo, quia nequit de eo dispensare, quod DEUS ordinavit.

XXXIX. *Juvat nosse memorata legum attributa, tum quia communia ad illas observandum argumenta continent, tum quia variis carnis prajudiciis obicem ponunt.*

XL. *Leges Naturales omnes homines obligant.* DEUS enim τὸ πρῶτον, quod de se citrà extraordinariam revelationem cognoscendum, non solum Judæis & Christianis, sed etiam Gentibus manifestavit. Quæ ratio hunc obligat, eadem alium.

XLI. *Leges Scripturariae, quæ speciali manifestatione indigebant, obligant omnes illos, quibus proposita sunt, quique unâ eandem societatem sacram constituunt, sine discrimine statûs, conditionis, sexûs, ætatis, saltem ejus, quæ jam capax ad voluntatem DEI percipiendum.* Rationes sunt. I. Neminem excipit DEUS, hinc nemo seipsum excipere aut ab alio excipi potest Exod. XX. II. Omnes sublato discrimine pares sunt in Christo Gal. III. 28. III. Eadem erga omnes leges, eadem omnium obligatio in Baptismo & S. Coena IV. Una tantum

B

tum arcta via, quæ senes & juvenes, qui præfunt Cœtibus, quique subiecti sunt, divites & pauperes, eruditos & rudes &c. in cœlum intromittit Matth. VII. 14.

XLII. *Tantum abest, ut persona politica, qua Christianum nomen profitentur, ab accuratis Christianismi legibus libera vel ex parte sint, quin potius præ multis aliis ad accuratam vitam teneantur.* Non solum enim omnes illæ rationes, quæ Christianos ad præcepta Christi adstringunt, etiam personas politicas obligant, sed etiam aliæ. Majorem dignitatem, majores divitias, majorem existimationem præ aliis consecutæ sunt. Personæ in eminentia constitutæ plus valent ad malos mores exterminandum, bonos vero plantandum. Eædem etiam plus valent ad Regnum Christi destruendum, Satanæ promovendum, nam qualis Rex, talis Grex. Cuncta hæc Magistratus fortius adstringunt ad Christianè vivendum. Hinc prudentissime olim in Politia Israëlitica statutum, ut ipse Rex legem describeret, legem secum ferret, jugiter in ea legeret, timeret Jehovam, omnia verba legis observaret, super subditos animum non efferret, nec recederet à voluntate DEI

dex-

dextrorsum aut sinistrorsum. Deut. XVII. 17 - f. Nam ut in genere Christiani Israëlitas sanctitate superare debent, sic speciatim Reges & Magistratus Christiani Magistratus Judaicos.

XLIII. *Uti Legum observatio omnibus incumbit, sic judicium de iis earumque sensu omnium est.* Non datur Judex humanus, qui summa auctoritate decidat, quænam leges divinæ, quis earum sensus, quæ limitationes & applicationes ex voluntate Numinis justæ sint. *Talis non datur ratione legum naturalium.* Vel quis ille? Talis neque constitutus neque declaratus, neque etiam possibilis est. Talis judex nonnisi Spiritus æternus, qui corda scrutatur, alloquitur, accusat, defendit, qui ipse leges dedit. *Nec talis datur ratione legum Scripturarum.* Nullus in Scriptura nominatus est. Summi, qui erant harum legum Ministri, talem judicatum sibi non attribuerunt 2. Cor. I. 24. 1. Petr. V. 2. 3. Rom. XIV. An talis post horum excessum constitutus est? Non. Nullus ergo eligendus aut habendus est. Nemo hominum efficere potest, ut alius pro lege divina aut ejus sensu habeat, de quo non convictus. Talis Judex alios assentientes habere nequit, quam hypocritas ac rudem plebeculam

tanto iudice dignos affeclas. Talis Iudex ipse fallibilis, fallitque sæpius. Nec componit lites, sed auget, ac turbat, vexatque proximum suum. Jussit DEUS leges suas annuntiari, scribi, ut auditores ac lectores ipsi in sensum indagarent, à DEO informarentur, judicarentur, lege interna donarentur, quo DEO gloria tribueretur, atque ita homo DEO crederet, non fallaci proximo. Rom. XIV. Hebr. IV. 12. Jer. XXXI. 31 - 35.

XLIV. *Sed quid tum, si quis ambigit de lege vel ejus sensu?* R. Ejus est Legislatorem in precibus adire, atque coram illo sincere testari, se cupere notitiam voluntatis suæ, ut ei morem gerat. Eius porro est scripturam attentè legere. Ejus insuper se non conformare seculo huic, ut voluntatem DEI explorare queat. Ejus præterea consulere Pastores vel Auditores Christianos in legibus divinis incedentes, responsa eorum cum verbo DEI & cum conscientia conferre. Nihil agat, quod conscientiæ repugnet. *Quod non ex fide, illud peccatum est.* Rom. XIV. 23.

XLV. *Legislatoris in legibus ferendis primarius scopus est, ut subditi iis obedientiam exhib-*

Cap. 1. De Leg. cœi officiorum Fundament. ac Reg. 21
exhibeant. Quare Magistratus Civilis hoc
 illudve præcipit? Procul dubio, ut cives
 obediant. Non minus DEUS. Hinc
 toties Moſes Deut. V. 32. *Obſervabitis ad
 faciendum, quemadmodum vobis præcepit Je-
 hova DEUS veſter: non declinabitis dextror-
 ſum aut ſiniſtrorſum.* conf. IV. 1. 5. 13. Hic
 ipſe ſcopus Præceptorum N. Testamenti.
 Matth. VII. 23 - 28. Neutiquam ſufficit
 lectio, auſcultatio, inculcatio, expoſitio,
 aut fides mortua. Requiritur obedientia.
 Is ſolus intrabit in Regnum Cœlorum,
 ὁ ποιῶν, *qui facit voluntatem Patris in Cœlis,*
 Matth. VII. 21. ποιητὴς ἔργου *factor operis*
beatus erit in opere ſuo Jac. 1. 25. *Eſtote*
factores ſermonis, non tantum auditores ꝑ. 22.
 Chriſtus quidem pro nobis mortuus eſt,
 & ſine morte Chriſti nulla eſt remiſſio
 peccatorum, nulla quoque vis præcepta
 ſervandi Joh. XV. 5. Sed ille nemini cauſa
 ſalutis, quam *obedientibus.* Hebr. V. 9.
 Id quod etiam perfectiones divinas decet ac
 hominem incitat ad voluntati Legis-
 latoris obſequendum.



Obedientiâ Legibus divinis præstandâ.

Σύνοψις.

Nexus hujus Capituli cum antecedente. Tales circumstantia nar-
rantur. §. XI.

§. I.

Obedientia præmittitur. Monela subjungitur. §.

Tractatio Inobedientia, Difficultas solvitur. §.

quia hæc nunc naturâ XIII.

præit. §. II.

Inobedientia quid §. III. VI. Qui Obedientiam

Ejus varia species. §. IV. tantum præ se ferunt.

I. Eorum, qui voluntatem DEI non norunt. §. XIV.

§. V. VI.

II. Qui sibi notam trans- VII. Qui inconstanter obe-

grediuntur. §. VII. diunt. §. XV.

III. Qui agenda omittunt, VIII. Qui duobus Domi-

omittenda committunt. §. XVII.

§. VIII.

IV. Qui Corde tantum, X. Qui superioribus à

aut simul Corpore pec- DEO constitutis non

cant. §. IX. obsequuntur §. XVIII.

V. Qui deficiunt in cir- XI. Qui Officia erga

cumstantiis. §. X. DEUM, Proximum,

et seipsum negligunt.

§. XIX. XX.

Inobe-

- | | |
|---|--|
| Inobedientia etiam Gra-
du variat. §. XXI. | IX. Cæca. §. XXXV. |
| Cujus Characteres produ-
cuntur. §. XXII. XXIII. | X. Humilis. §. XXXVI. |
| Inobedientia Enormitas.
§. XXIV. | XI. Intendens Glorifica-
tionem nominis divini.
§. XXXVII. |
| Fontes. §. XXV. | Sequuntur obedientia gra-
dus §. XXXVIII. |
| Succedit Obedientia. §.
§. XXVI. | Exploratio sui juxta an-
tecedentia. §. XXXIX. |
| Cujus Requisita sunt. | Additis Cautelis. §. XL. |
| I. Notitia Legis §. XXVII. | Proponuntur, ac solvun-
tur quedam Questio-
nes. §. XLI. XLII. |
| II. Abnegatio propria Vo-
luntatis. §. XXVIII. | XLIII. |
| III. Volitio ejus, quod Lex
vult. §. XXIX. | Homo naturâ veram
Obedientiam præstare
nequit. §. XLIV. |
| IV. Ipsa Obedientia. §.
XXX. | Itaque requiritur ad obe-
diendum nova Genera-
tio. §. XLV. |
| V. Oportet sit universa-
lis. §. XXXI. | Subjunguntur media obe-
diendi. §. XLVI. |
| VI. Externa & interna.
§. XXXII. | Ultimò adduntur Moti-
va numero quinque.
§. XLVII. f. |
| VII. Erga Creatorem &
Creaturas. §. XXXIII. | |
| VIII. Constans ac fortis.
§. XXXIV. | |



§.

DEI est Leges ferre. Hominis verò se Le-
gibus subjicere. Superiori Capite de
B 4 Legi-

24 Cap. II. De Obedient. Leg. divin. præstand.

Legibus divinis : Hoc de Obedientia nostra,

II. Obedientiam commendaturi incipimus ab Inobedientia, quæ nobis filiis Adæ inest, antequam Obedientia: à quâ itaque liberandi, si DEO obedire volumus.

III. *Inobedientia est Hominis vitium, quod non paret Legibus DEI, sed facit, quod ipse vult.*

IV. *Inobedientia valde variat in modo.*

V. *Inobediens est, qui voluntatem DEI, quam nosse posset, & deberet, ignorat, & hinc non explet.* Quamquam Inobedientia hæc necessaria, est tamen culpabilis.

VI. Voluntas DEI autem, quæ ignoratur, vel ex naturali vel supernaturali lumine constare potest. Illa omnibus hominibus, Rom. II. 14. 15. hæc Christianis & Judæis manifestata est.

VII. *Inobediens dein is, qui voluntatem Numinis quam novit, majori aut minori luce concessâ, transgreditur.*

VIII. *Inobediens porro, qui agenda omittit, aut omittenda committit.* Hic magis sceleratus, si Circumstantiæ pariter se habent.

IX. *Inobediens præterea vel corde cogitatis, affectibus intus latentibus tantum, vel simul membris externis existit.*

X. *Inobediens insuper, cujus actio in se considerata*

siderata legi adversatur, aut si actio quidem cum lege convenit, sed circumstantia aliqua aut plures ei adversantur.

XI. *Tales circumstantia sunt varia causa impellentes ad agendum extra DEUM & studium ei placendi.* Uti temperamentum, genus vitæ, necessitas 2. Cor. IX. 7. ambitio Matth. VI. 1 - 5. commodum 1. Petr. V. 2. metus, ineptitudo ad contrarium agendum, Auctoritas Magistratûs Rom. XIII. 5. Parentum aliorumque Eph. VI. 5. quos venerari solemus. Tales enim non DEO, sed sibi & hominibus serviunt, obediunt & obedire coguntur. Unde DEUM non habent compensatorem, sed illos, quibus obediunt. Ô quantus igitur numerus inobedientium, qui sibi & aliis obedientissimi videntur!

XII. *Quanquam, si curatius rem consideramus, nequidem actio cum lege convenit.* Opus quidem, uti in sensus nostros cadit, simile operi ex bono principio profecto. Sed lex non solum iubet, ut hoc agatur, sed etiam propter DEUM.

XIII. *Quæris, an ergo is obedire dici non possit, qui obedit iubentibus Parentibus, Pastoribus? R. Potest, & non potest. Non potest: Si fundamentum obedientiæ unicum aut*

26 Cap. 11. De Obedient. Leg. divin. præstand.

primarium est jussum Parentum, Pastorum. Talis enim non DEO obedit, sed Parentibus, Pastoribus. *Potest*: Si fundamentum obedientiæ est voluntas divina per Parentes indicata. Talis non tam obedit Parentibus, quam DEO, cui obediendum esse Parentes monuerunt.

XIV. *Inobediens porrò, qui præ se fert singularem DEO obediendi conatum, cumque urget, sed tantum præ se fert.* Ex hac classe Scribæ & Pharisei frequentes numero sunt, Matth. XXI. 30. VII. 22.

XV. *Qui jam obedit, jam non, ex inobediens est.* Quam enim obedientiam DEUS poscit, illa constans esse debet.

XVI. *Aut qui duobus Dominis servire vult, DEO & Mammonæ, quod verò impossibile.* Matth. VI. 24.

XVII. *Denique inobediens, qui inter Leges discrimen facit, quasdam explere constituit, alias verò eximit.* Quæ enim ratio illarum præstandarum, eadem harum. Unus omnium Legislator est. Qui eximit leges, ille se super Legislatorem evexit, & Leges DEO præscribit.

XVIII. *Tandem inobediens DEO, qui leges, quas superiores in DEO ferunt, violat.* Dum enim a DEO habent potestatem præcipiendi,

endi, ille, qui se opponit, opponit se non solum hominibus sed etiam DEO. Rom. XIII. 2.

XIX. *Ultimò inobediens considerari potest negligens officia, quae DEO, proximo & sibi debet.* Accurate loquendo immoriger semper negligit officia erga DEUM, etiam tum quando adversus proximum & seipsum peccat. Quanquam aliquando magis directè & immediatè, aliquando indirectè & mediatè homo se immorigerum erga DEUM exhibeat.

XX. *Ha sunt praecipuae inobedientiae species. Unicus actus subinde ad plures referri potest.*

XXI. *Uti species variant, sic gradus. Peccatum peccato majus est.* Matth. VII. 3. v. 22. Ezech. V. 6. Joh. XIX. 11.

XXII. *Hi cognoscuntur ex lege clariori aut obscuriori, homine magis aut minus informato, objecto & eo vel DEO Patre, Filio aut Spiritu S. aut hominibus itidem variè distinctis, actu turpiori vel minus turpi, interno, vel simul externo, damno, quod inde oritur graviore, aut minus gravi, vicibus frequentioribus, aut rarioribus, obstaculis fortioribus, aut imbecillioribus, causis impulsivis, beneficiis, judiciis, aetate, occasione, & tot aliis circumstantiis concurrentibus, aut magis solitarius.*

XXIII.

28 Cap. 11. De Obedient. Leg. divin. præstand.

XXIII. *Judicium humanum de variis inobedientia gradibus facile fallit. Levis videtur, quæ gravissima est, inobedientia. Non attendimus aut non perspicimus ea, quæ peccatum aggravant. At DEUS omnia pensitat. Hinc solus justus judex.*

XXIV. *Plurima sunt, quæ inobedientia enormitatem docent, ejus nomina, natura, effectus, relatio inter Legislatorem & misellum hominicionem aliaque. Hic solum noto, quod quamquam specialis inobedientia actus contra unam aliquam DEI proprietatem directe pugnet, simul tamen contra reliquas, attrahatquæ alias plures vel pauciores specialis inobedientia actus: Unde qui in uno immoriger est, simul est in pluribus. Dictum exemplo illustro: Qui nomen Domini profanat, ejus peccatum speciatim in eo consistit, quod, quum illud omni veneratione exprimere debuisset, sine reverentia, vanè & contemptim pronunciaverit. Hic profanator pugnavit simul contra infinitatem, Omnipræsentiam, Omniscientiam, Omnipotentiam, Sanctitatem, Justitiam, Bonitatem, Majestatem DEI, officia veluti amorem, reverentiam, fiduciam DEO debitam. Scelestus hic actus his omnibus contrariatur. Non datur peccatum aliquod solitarium. Atque hoc est*

est, quod Jacobus ait. Cap. II. 10. *Qui impingit in in uno, ille πάντων ἐνοχος omnium reus est.*

xxv. *Inobedientia primò oritur ex ignorantia voluntatis divina.* Homo, qui DEI voluntatem ignorat, eam præstare nequit. Hinc tantus inobedientium numerus, quia tantus ignorantium, maxime eorum, qui voluntatem DEI perfectam, gratam, populo suo peculiari Christiano latam ignorant. *Dein ex propria, quam nunc peccator habet, voluntate.* Nam quid est inobedientia, quam propria voluntas, juxta quam homo sibi Dominus est, & ait: Nolo, quod DEUS vult. Faciam, quod ipse volo. Determinat autem se homo ad nolendum aut volendum hoc vel illud, prout reperit sibi inglorium, noxium, aut honorificum & utile esse. Hinc nunc alia inobedientiæ causa, *perversus sui ipsius amor*, surgit Ex eadem causâ flectitur voluntas huc, illuc minantibus aut promittentibus vel præcuntibus hominibus, Auctoritate, sanguine, numero conspicuis. Hæc de inobedientia.

xxvi. *Sequitur Obedientia, qua est illa hominis virtus, qua is abnegata propria voluntate, illud ipsum vult agitque, quod DEUS vult.*

10 *Cap. 11. De Obedient. Leg. divin. præstand.*

XXVII. *Qui obedire vult, oportet voluntatem Domini rectè sciat.* Alias non potest obedire aut non rectè. Hebræi & Græci obedire per *שמע* ὑπακούειν, expresse-
runt, significaturi, id ipsum agendum esse, quod ex ore Domini auditum est.

XXVIII. *Oportet porrò abneget propriam Voluntatem, sive ut nihil ipse ex se disponat, mutet, addat, adimat contra voluntatem Domini.* Hic valet: *Non ut ego volo, sed ut tu vis.*

XXIX. *Oportet præterea velit id ipsum, quod DEUS vult præscribitque.* Actio enim omnis dependet à voluntate. Ago, quod volo & quia volo. Corporis quidem actiones externæ possunt vi cogi, sed non mentis.

XXX. *Oportet denique agat, quod vult juxta voluntatem & præceptum DEI.* Obedientia enim est executio voluntatis mandantis. Qui vult facere, nondum fecit. Quanquam voluntate rectè se habente ac imperante actio sequatur. Aut si citra culpam volentis non posset sequi, voluntas sine externa actione jam obedientia habetur. Ex adverso inobediens is, qui quidem vult, sed ab actione impediri se finit, nec impedimentum illud tollit, dum tollere valet.

XXXI. *Hinc nunc sequitur, quod obedientia requiratur universalis, præstans non solum*
unum

unum aut alterum, quod DEUS jussit, sed omne Gal. III. 10. Vel quare hoc agendum putas? Quia DEUS præcepit. Rectè; sed DEUS etiam illud præcepit.

XXXII. Unde nunc porro sequitur, quomodo obedientia nostra debeat esse & interna & externa. Saltem quando DEUS vult, ut conjuncta sit. Externa nunquam absque interna esse potest. Est enim vel actus ille instinctus naturalis tantum vel hypocrisis, non verò obedientia, quæ provenit à voluntate, adeoque interiori principio subiacendi se voluntati Numinis. 1. Tim. I. 5. Ps. CXIX. 77. Interna aliquando est sine externa, quod de specialibus actibus intelligendum est.

XXXIII. Etiam testanda est non solum Creatori, sed in Creatore Creaturis rationalibus, superioribus, paribus, inferioribus, irrationalibus. Vult enim Creator, ut his creaturis certa officia præstem. Si ergo Creatori obedire volo, hæc officia explere debeo. Exinde verò sponte fluit, Creaturis, Magistratibus, Pastoribus, Parentibus, Patronis &c. nullam obedientiam exhiberi posse, quæ Dei voluntati repugnet. Act. IV. 19. V. 29.

XXXIV. Insuper requiritur constans & fortis, DEUS qui vult, ut hoc tempore obediam,
idem

idem vult, ut omni alio. Quæ autem ratio ut nunc obediām, eadem ut omni. Unde nobis *ἐπιμένειν* *permanſio* incumbit. Gal. III. 10. Servus quamdiu servus, obedire debet. Servitus nostra nunquam finitur. Quare & tum obediendum, si obedientia nostra multum periculi, damni, ignominia, molestia caufatur.

XXXV. *Præterea Cæca.* Clarè quidem scire debeo, DEUM hoc illudve velle, & tum quidem clarius, quo actio magis insolita. Sed quando certò scio velle DEUM, voluntas explenda est, quanquam non assequar rationes & scopum voluntatis divinae, imò si vel maxime arbitraret obedientiam meam esse noxiam. Mandata herilia à servis sæpenumero non intelliguntur, vel etiam ratione destitui videntur: sunt tamen exequenda. Quanto magis DEI voluntas. DEI non est creaturis rationem reddere, quare hoc vel illud agendum. Sufficit, quod DEUS velit Joh. XIII. 7. 8. DEI voluntas semper sapiens est, & tum quidem sapientissima, si nobis stulta videtur 1. Cor. I. 25. Ita obedivit Abrahamus Gen. XXII. Hebr. XI. 17.

XXXVI. *Proporrò humilis:* Obediens enim habet *ἡσίου* *servi*, quem nihil minus deceat

ac factus. Homo obediens agnoscit, se nihil esse, aut habere, aut posse. Omnia DEI esse & hinc omnia ad DEUM referenda esse. Quare audita voluntate Numinis in humilitate eam suscipit. Implorat divinum auxilium, ut præceptum, quod ex propriis viribus præstare nequit, ex donatis præstare queat. Obedientiam præstans ugiter à Domino suo dependet curatè mandatum observans & continuum influxum potentie divinæ expetens. Quam obedientiam præstint, DEO acceptam refert, debitam agnoscit, & varias imperfectiones, quas ex se profluentes observavit, sincere atetur Luc. XVII. 10.

XXXVII. *Denique intendens glorificationem Domini.* Qui leges DEI observat ex solo metu, aut sola spe commodi, honoris, ille non rectè obedit. Omnium actionum nostrarum scopus glorificatio DEI esse debet. Cor. X. 31. obedire adeoque debemus, quia DEUS vult: quia ita tanquam Dominus, qualis revera est, honoratur.

XXXVIII. *Obedientia gradu diversa est.* Perfectior voluntatis divinæ notitia etiam perfectiorem obedientiam ex se gignere valet, igiturque. Rom. XII. 2. Phil. I. 9-12, *propterea* ad volendum, quod DEUS vult, promptè

prompta quoque atque lata executio mandati obedientiam laudabilem faciunt, maxime tum, si conjuncta est cum periculo, molestia, damno 2. Cor. VIII. 11. IX. 7. Si adeoque obediens non nisi DEI gloriam, non verò propriam aut proprium commodum pro scopo habet. Hinc obedire constituit, qualemcumq; successum in mundo obedientia habitura. Dan. III. 17. 18. 1. Petr. II. 19. 20.

XXXIX. *Quis ad hac obedientia requisita ac gradus rectè attendit, confersque cum dispositione cordis ac actionibus suis, ille sine magna difficultate nosse poterit, an ex obedientium numero sit, nec ne.* Quod vero nosse nostris refert. Nec enim Christus aliis causa salutis, quam obedientibus Hebr. V. 9. existit.

XL. *Examinaturus se probe sibi caveat a quibusdam exitiosis praedictis ac erroribus.* I. Christum pro se obedivisse: Hinc propriam obedientiam non requiri. DEUM non vicariam & propriam obedientiam persequere. 2. Christus minimè pro te obedivit, ut tu legibus solutus in diem viveres, sed ut ipsi obedires. Sin, nullum jus aut utile ex obedientia Christi habes. Christum consummatus omnibus υπακούων αὐτῷ ἵπὸν obedientibus causa aeterna salutis factus est Hebr. V. 9. Unde fideles dicuntur τῶν

ὑπακούοντων

ὑπακούετε *liberi obedientes* 1. Petr. I. 14. Sed
 terribilis vindicta manet τὸς μὴ ὑπακούοντας
 τῷ εὐαγγελίῳ τῷ κυρίῳ ἡμῶν Ἰησοῦ Χριστῷ *non*
obedientes Evangelio Domini nostri JESU
Christi. 2. Theil. I. 8. II. Obedientiam
 meritoriam esse. R. Obedientia, quæ humili-
 lis, cum conlecutione salutis conjunctissima
 est, sed non superba, qualis est eorum,
 qui salutem promereri volunt, sive poscere
 à DEO tantum, quantum ipsi dederunt.
 Christus est causa salutis. III. Ais quoque
 habere te προθυμίαν τῷ θέλει velle te obe-
 dire, DEUM verò ad voluntatem respi-
 cere, agnoscere te quoque & commendare
 obedientiam. R. Verum quidem, quod DEUS
 προθυμίαν τῷ θέλει respiciat, atque etiam illà
 contentus sit, si executio impossibilis, sed
 non aliter. Aliàs προθυμία τῷ θέλει *prompta vo-*
luntas exire debet eis τὸ ἐπιτελεῖσαι ἃ τῷ ἔχει *in*
perficere ex eo, quod quis habet. 2. Cor. VIII.
 10. 11. Etiam illi, qui dicunt Domine, Do-
 mine, Dominium divinum agnoscunt, sed
 à Cœlo excluduntur, quia non faciunt vo-
 luntatem Patris cœlestis Matth. VII. 21.
 Qui commendant obedientiam, non tamen
 ipsi obediunt, graviter à Paulo reprehen-
 duntur: *Tu qui doces alium, te ipsum doce:*
Qui prædicas, non esse furandum, ipse furaris:

Qui ais non esse mæchandum, & ipse mæcharis.
Rom. II. 21. 22. IV. Nec putandum illum,

qui agit propter se aut propter homines,
etiam in cultu sacro, DEO obedire. Obedien-
tia enim prærequirit voluntatem Domini.

V. Denique etiam illi se seducunt compa-
rantes actiones suas cum aliis magis scelera-
tis. Gradus minor inobedientiæ non eximit
ab inobedientia, sed tantum à gradu maiori.

*¶ XLI. Produenda hic sint quædam quæstio-
nes, quæ ex dictis moveri solent, iisque
respondendum. Prima est, si obedientia re-
quirit voluntatem DEI, quid tum agendum,
si hæc sciri nequit? R. Intègra mente inqui-
rendum est in voluntatem DEI, ut, quæ
nunc ignoratur, postea innotescat. Tali
investigationi benedicet DEUS. 2. Nun-
quam quidquam agendum est, quod quis
putat voluntati divinæ adversari, si vel
maxime alii prætenderent, DEUM id præ-
cepisse. Alias talis homini obediret, DEO
inobediens esset. 3. Si constat, quod actus
ille à DEO non prohibitus, quanquam
non cognoscatur à DEO speciatim manda-
tus, situs ille in libertate hominis est. Per-
agit cum aut non, prout circumstantiæ
poscunt. Si peragit, refert ad gloriam &
ædificationem proximi. 4. Atque ita,
quan-*

quantum actus speciatim non præceptus est, obediit 1. Cor. X. 31.

XLII. *Secunda: An, quemadmodum unus inobedientia character actionem malam constituit, bonam constituat, cui inest unus obedientia?* R. Non. Plus requiritur ad obedientiam, quam ad inobedientiam. Ille qui opus in se bonum agit, aut qui intendit actione sua DEUM glorificare ex inobedientium numero sapius est. Exemplis res clara fit. Eleemosyna in se bonum opus, sed is non obedit, qui stipem erogat, ut spectetur. Vult enim DEUS non solum ut Eleemosyna erogetur, sed etiam debito scopo & animo. At animus & scopus deest. Persecutores intendunt gloriam DEI, & tamen immorigeri sunt.

XLIII. *Tertia: An ergo omnes characteres obedientia, qui supra allati sunt, requirantur, si quis obedire dicendus.* R. Alii constituunt naturam obedientia, sine quibus obedientia nulla est: Alii vero varios obedientia gradus indicant. Illi sunt necessarij: Hi vero perficiunt & ornant obedientiam. Veluti si promptè, hilariter, ea quoque mandata, quæ gravissima sunt, nonnisi ad DEUM glorificandum agantur. Non tamen dicendus est inobediens, qui agit, quod agendum,

98 *Cap. 11. De Obedient. Leg. divin. præstand.*

omittit, quod omittendum sine promittit-
dine ac hilaritate. 2. Actus particulares rari
distinguendi sunt ab animo, ejus *προθυμία*,
actibus ordinariis. Obedientium animus
ad omnem voluntatem DEI, etiam illam,
quæ carni molestissima, exequendum pro-
pensus esse debet. Eorum quoque ordina-
riæ actiones legi, quam cognoscunt, con-
formes requiruntur. Si vero unum alterum-
ve actum inobedientiæ committunt, elogi-
um *filiorum obedientia* iis non statim dene-
gandum. Ab animo, proposito, actibus
ordinariis fit denominatio. Inobedientes
quidem sunt respectu particularium actuum,
sed quia illos fatentur, rejiciunt, abomi-
nantur, gratiam remissionis implorant,
atque etiam in Christo consequuntur, in-
obedientes non dicuntur.

XLIV. *Obedientia*, uti juxta antecedentia
comparata esse debet, *naturâ nobis non inest*.
Naturâ sumus ἀπειθεῖς immorigeri Tit. III. 3.
Filii Inobedientia. Eph. II. 2. Qui Dominum
nostrum ejusque sanctas leges nequidem
scimus, multo minus amamus, præstamus:
qui declinavimus à DEO & ad obediendum
inutiles facti: Obedimus autem peccato in
concupiscentiis suis, & membra nostra arma
injustitiæ sistimus. Rom. III. 10. VI. 12. 13.
Sumus

Sumus enim carnales. At caro legi DEI non subiecta est *οὐδὲ γὰρ δύναται neque enim potest.* Rom. VIII. 7.

XLV. *Solus DEUS nos verè obediētes reddere potest, vult.* Ex filiis inobediētiæ, quales naturâ, *τίνα ὑπακοῆς filii obediētia* regenerandi sumus. 1. Petr. I. 3. 14. accipiendo *καινότητα πνεύματος novitatem Spiritus.* Rom. VII. 6. Nam illi soli, qui ex DEO nati, mundum vincunt, præceptaq. custodiunt. 1. Joh. V. 3. 4. Spiritus S. per quem veritati obedimus 1. Petr. I. 23. operatur in nobis *καὶ τὰ θέλει καὶ τὰ ἐνέργει & velle & efficere* Philip. II. 13. animum & actum obediendi.

XLVI. *Obediētiā præstiturus, exulturus sequentibus mediis utatur:* Contendat voluntatem DEI ex Legibus Naturæ, Scripturæ, Spiritûs S. in cordibus operantis nôsse & explorare *τὰ διαφέροντα*, voluntatem DEI bonam, gratam ac perfectam: Abneget propriam voluntatem, quæ prima Christianismi regula, eaque iustissima est: Credat præconio Evangelii, quod *ὑπακοὴ πίστεως* Obediētiā fideli producit Rom. I. 5. XVI. 26. 2. Cor. X. 5. Exerceat se in obediētia. Actus enim obediētiæ iterati obediētiā facilem reddunt, docentque, quam præstans ac salutaris sit. Perpendat varias,

C 4

quæ

40 Cap. II. De Obedient. Leg. divin. præstand.

quæ obedientiam suadent, rationes compellentes. Tales sunt.

XLVII. I. *Inobedientia damnum.* Filii *Inobedientia* sunt mancipia Satanæ Ephes. II. 2. Rom. VI. 16. Dominum adeoque habent Diabolum omnis infelicitatis auctorem, à quo aliam mercedem, quam infelicitatem, expectare nequeunt. Jam infelices sunt, dum Satanæ obedientes odio habent, invident, irascuntur, inquieti vivunt, quanto infeliciores damnandi. 1. Petr. IV. 17. Nulla quies, quæ juramento divino illis denegata, expectanda est. Hebr. III. 18. Sed ira DEI mansura Ioh. III. 36. *Inobedientibus* veritati, *obedientibus* vero *injustitia* erit *excandescencia & ira, afflictio & angustia super omnem animam hominis, quæ malum operatur.* Rom. II. 8. 9.

XLVIII. II. *Obedientia commodum.* Qui obediunt, sunt *Filii Obedientia.* Filii adeoque DEI, quibus non potest non bene esse. Patrem enim habent & divitem & liberalem & potentem, qui non permittit ut bonæ indolis filiis ullus verus defectus sit. *Bontas Jehovæ à seculo ad seculum super illos, qui ipsum timent, qui custodiunt fœdus ejus & memorant deposita ad faciendum illa* Ps. CIII. 17. 18. Vide Psalmum integrum CXII. *Qui facit*

Cap. 19. De Obedient. Leg. divin. præstand. 44
facit voluntatem DEI, manet in Æternum.
1. Joh. II. 17. intrat in Regnum DEI. Matth.
VII. 21.

XLIX. III. Obedientia Equitas. DEUS est Dominus, homo servus. Homo, quæ habet, à DEO habet. DEUS singulis momentis in corpus & animam hominis influit. Nemo alius in hominem, nec homo in seipsum jus habet. Quid ergo magis æquum, quam ut homo servus continuis beneficiis fruens Domino suo benignissimo serviat.

L. IV. Obedientia justitia & necessitas. Non solum æquum, sed & justum imo necessarium est, ut homo DEO obediat. Si nullæ essent ad obediendum leges, æquum tamen ut obediremus. At sunt leges, & quidem multæ ac variæ. Ergo justum est, ut iis morem geramus. Vita enim, quam ducimus, anima ejusque facultates, corpus ejusque sensus ac membra sunt non tam nostra, quam DEI. Justum igitur, ut quod DEI est, DEO tribuamus, impendamus, prout Dominus vult. Necessarium quoque, nisi in tempore & æternitate infelices esse velimus. DEUS enim minatus est maledictionem illis, qui non manent in omnibus, quæ scripta sunt in lege.

42 *Cap. II. De Obedient. Leg. divin. præstand.*

LI. V. *Natura Domini.* Aut nullus Dominus, aut DEUS Dominus. Quodcunque justum Domini titulum constituit, id reperis in Dominium divinum quadrare, & quidem ratione perfectissima. Nec illa sola argumenta, quæ titulum Domini aliàs constituere habentur, heic obtinent sed insuper alia Deo uti propria, sic efficacissima. Est enim Dominus jure creationis, conservationis, gubernationis, redemptionis, nativitatis, protectionis. Etiam quilibet creatura ex intimis visceribus persuasa in Dominium hoc consentire debet, maximè Christianus, qui ab initio tanquam servus Triunus DEI in nomen Patris, Filii & Spiritus S. baptizatur: qui servitium hoc toties probat, confirmat, sanctè promittit, præsertim S. Cœnâ fruens. Denique in DEI natura sunt, quæcunque servus excogitare posset. Ubique servus est, Dominus est. Alii servi heros suos rarius vident. At hic Dominus servum suum ubique sequitur, antecedit, circumstat. In quocumque hinc statu versatur, etiam Dominus novit & curat pro illo. Si nescit quid agendum, Dominus docet. Si indiget gratiâ, Dominus misericors est. Si servitium difficile, potens Dominus cum juvat.


Si

Cap. 11. De Obedient. Leg. divin. præstand. 43

Si alius ipsum lædere vult, Omnipotens Dominus ei auxilio est. Optat huic Domino semper servire, quando alii benigni Domini moriuntur, hic immortalis ac immutabilis Dominus est. Hic Dominus Dominorum est. Gloriosum itaque huic Domino obedire.

LII. Quare quando impossibile est duobus Dominis servire, unus odio habendus, alter diligendus est. Quid cunctamur Satanam, mundum Dominum suum nobis obtrudentem rejicere, detestari? Quum tandem non alia ex hoc servitio merces expectanda, quam pudor & mors, Rom. VI. 21. At ex servitio DEI sanctificatio, perfectio naturæ nostræ, gloria & vita æterna. Qui in his terris iusto Domino serviunt, servient ei quoque in Hierosolyma cœlesti, & simul regnabunt in Secula Seculorum, Apoc.

XXII. 3. 5.



CAPUT

CAPUT III.

DE

Cognitione DEI.

Σύνοψις.

- O**bedientia, de qua antea, comprehendit omnia officia specialia. §. I - IV.
- Nam Obedientia est integra catena, cuius annuli specialia officia sunt. §. V.
- Hac pro variis objectis dispenduntur in ea, quae DEO, proximo ac nobis ipsis debemus. §. VI.
- Officia erga DEUM sunt vel interna vel externa. §. VII. VIII.
- Horum officiorum ordo arbitrarius quidem est. Qui tamen maxime conveniens, hic indicatur. §. IX. X.
- Sunt illa inter se unitissima. §. XI.
- Primum ex iis est cognitio DEI. §. XII.
- Cujus opposita vitia primo tractanda sunt. §. XIII.
- Sunt autem sequentia:
- I. Ignorantia. §. XIV.
 - II. Notitia superficialis. §. XV.
 - III. Notitia rerum mundanarum. §. XVI.
 - IV. Notitia Theologica *ψευδώνυμος*. §. XVII.
 - V. Notitia sterilis. §. XVIII.
 - VI. Notitia falsa. §. XIX.
- His mundus Christianus abundat. §. XX.
- Indicantur horum vitiorum fontes. §. XXI. XXIV.
- Enormitas ac damnum. §. XXIV. XXV.

Vitiis

Vacis his opponitur cogni-
tio DEI, qua definitur.
§. XXVI.

Deduciturque. §. XXVII-
XXX.

Requisita sunt.

I. Veritas. §. XXX.

II. Sufficiens. §. XXXI.

III. Modestia. §. XXXII.

IV. Efficacia. §. XXXIII.

Notantur quoque cognitio-
nis gradus, tum in ge-
nere. §. XXXIV.

Tum in specie. (a) ratione
puritatis. §. XXXV.

(b) Objectorum. §. XXXVI.

(c) Firmitatis. §. XXXVII.

(d) Præstantiæ. §. XXXVIII.

(e) Informationis vel hu-
mana vel divina. §.
XXXIX.

(f) Efficacia. §. XL.

Nostrum est jugiter ad
majorem gradum con-

tendere. §. XLI.

Cognitionem DEI nemo
hominum naturâ ha-
bet. §. XLII.

A DEO illa est. §. XLIII.

Qui pro libertate mensu-
ram lucis donat. §.
XLIV.

Lux hac varia est. §. XLV.

Externa. §. XLVI.

Interna. §. XLVII.

Eam debemus gratia & po-
tentia DEI. §. XLVIII.

Nostrum tamen mediis
tum ad propriam. §.
XLIX. L.

Tum ad aliorum insticu-
tionem recte uti. §. LI.

Adduntur motiva, qualia
sunt. (1.) Voluntas DEI
§. LII.

(2.) Gloria DEI. §. LIII.

(3.) Commodum nostrum.
§. LIV.

§. I.

Obedientia, quam DEO debemus, complecti-
tur omnia officia specialia. Hæc enim ni-
hil sunt, nisi speciales actus obedientiæ,
veluti

veluti qui amat, reveretur, confidit &c. ille DEO obedit.

II. Unde vera obedientia non est, cui deest speciale officium. Quanquam quis DEUM cognosceret, revereretur, amaret, non confideret ei, ille non obediret.

III. Una tantum obedientia est, ut aliàs dicitur: una virtus.

IV. Quanquam speciales actus, ab eo quod praeponderatur, aut quo magis respiciunt, denominantur, veluti dicuntur cognitio, amor, reverentia &c.

V. Obedientia est quasi catena ex pluribus annulis constans. Actus obedientiae speciales sunt annuli, qui catenam constituunt. Uti vero uno annulo soluto catena soluta est, sic uno officio non praestito, obedientia legi exhibita non est. Et catena annuli omnes inter se conjuncti poscuntur, quomodo omnes obedientiae actus uniti, si ex iis vera obedientia exsurgere debet.

VI. Officia specialia, quae unam obedientiam constituunt, commode dissepiscuntur in ea, quae DEO, proximo & nobis debemus. Tit. II. 12.

VII. Ea, quae DEO debemus, subdividuntur in interna & externa. Interna non ita interna dicuntur, quasi nunquam extra homi-

hominem prodire deberent, sed non nisi in oppositione ad externa, quæ semper externa sunt.

VIII. *Interna præcedunt externa. Externa, si non ex interiori cordis principio profluunt, DEO placere nequeunt.* Matth. XV. 8. 9.

IX. *Quis officiorum internorum ordo sit, quodnam primum, secundum &c. & difficulter noscitur, nec necessarium est cognitu: Necessarium tamen, ut contendamus omnia explere.*

X. *Cujusvis arbitrio relictum est, quem locum unicuique dare velit.* Commodè videtur præmitti cognitio, tum subjicitur reverentia. Hanc sequitur amor. Amor gignit spem & fiduciam. Ultimò tractanda precatio mentis. Hic ordo videtur naturalis, causalisque. Cognitio est ante omnia, & ex cognitione fluunt reliqua. DEUM reveremur, antequam amamus. Reverentia ducit ad amorem. Amamus antequam confidimus. Qui confidit, ille precatur, ut DEUS avertat malum, largiatur bonum.

XI. *Officia hæc, uti conjunctissima sunt, sic sibi invicem splendorem opemque adferunt. Cognitio præcedit quidem reliqua officia. Hæc vero veluti reverentia, amor cognitionem illustrant augent, perficiuntque. Reverentia cum amore conjuncta pulchra est.*

Ec

Et sic quoad reliqua. Summus ornatus, summa fortitudo in fecundo horum officiorum conjugio consistit.

XII. *Primum ergo officium speciale est cognitio DEI.* Est enim *εἰσαγωγή* & fundamentum reliquorum officiorum, reverentiae amoris, fiducia &c. Amo DEUM, quia amandum esse novi. Et sic quoad reliqua. Non rectè DEUM diligerem, si ipsum diligendum ignorarem. Ex adverso ubi nulla DEI cognitio, nulla quoque officia erga eum ritè præstari queunt. Patet idem ex scriptura Exod. XX. 2. Deut. VI. 4. 5. quæ officiis DEO præstandis DEI descriptionem præmittit. *Confident tibi, qui nomen tuum cognoscent.* Pl. IX. 11. Qua ex causa vocabulum *γινώσκειν* subinde omnem cultum DEI comprehendit. Nam notitia cultus initium, causa & scopus, si aliter genuina est.

XIII. *Tractaturi hoc officium primò, quæ ipsi opponuntur vitia, producemus:* Post peccatum vitia virtutes præcedunt. Hinc homini ad virtutem contendenti utile, faciem suam sordidam in speculo legis primò intueri, tum sordes abluere, & munditiei studere. Quare hæc methodus jam in superioribus placebat. Sic Tit. II. 12. 1. Petr. III. 11. Pl. XXXIV. 15. Eccl. I. 16. 17.

XIV. *Vitia*

XIV. *Vitia cognitioni Numinis opposita hac sunt.*

I. *Ignorantia*: Quando homo nullum conceptum de DEO, perfectionibus ejus, voluntate, operibus, beneficiis habet. Rogatus an DEUS sit, an is omnipræsens &c. respondebit forsan: Omnino. Si verò porrò rogas: Quid sit omnipræsentia, sanctitas, nihil respondere valet, non solum defectu verborum, sed conceptus ipsius, sicuti plenior discursus & vitæ ratio docebit.

xv. II. *Notitia superficialia*, quæ non rem divinam, sed verba, imagines, signa rei divinæ, re signatâ non cognitâ tenet, memoriæque imprimit. Est notitia verbalis, sed ignorantia realis, priori sæpius peior. Ille enim, qui putat se DEUM nosse, nec novit, difficilius informatur à præjudicio & fastu primò liberandus. At quàm frequens in educatione liberorum! Utinam in educatione liberorum tantum!

xvi. III. *Notitia rerum mundanarum*: Paulo dicitur σοφία τῶ ἀνθρώπου τῆς αἰῶνος I. Cor. II. 6. Tales res vel sunt in se malæ, quales plures in mundo, vel saltem ob abusum; si cæ, quæ ut instrumenta tractanda atque ad veram sapientiam referenda, pro ipsa sapientia, saltem actu, habentur: Si homines in his consenscunt: Si quæ ultimo loco habenda,

benda, primo habentur, & quæ primo, ultimo aut etiam nullo. Si πάρεργον ἐργον fit: Ἐργον vero vix πάρεργον. Res mundanæ in se malæ cum notitia DEI prorsus consistere nequeunt. Opposita enim non conjunguntur. Cæteræ verò, si cum detrimento, contemptu veræ DEI notitiæ discuntur, docentur, excoluntur, applicantur 1. Cor. I. 20. 21. Coloss. II. 8. Talis quò magis vasta est, tantò magis veræ notitiæ obstat.

XVII. IV. *Notitia Theologica* ψευδώνυμος *falsò nominata*. 1. Tim. VI. 20. qualis est, quæ in vocibus hæret, & κενοφωνίας, λογομαχίας committit, 1. Tim. VI. 4. 2. Tim. II. 14. quæ præterito aut negligenter tractato fine præceptorum, qui charitas est, occupata circa subtilia, curiosa, obscuros rerum modos, quæstiones, quæ Christianos non ædificant, 1. Tim. I. 4. 5. Tit. III. 9. quæ citra necessitatem rixosa, dominans in aliorum conscientias ac ad damnandum eos, qui idem fundamentum tenent, prona est. 1. Cor. XI. 16. 1. Petr. V. 3. Tit. III. 9.

XVIII. V. *Notitia sterilis*. Omnis de DEO doctrina ad cultum comparata. Quando verò homo in Theoria subsistit, nec refert ad DEI cultum, aut ore quidem refert, non
verò

verò corde & opere, vitiosa, imò exiriosa
notitia est. Matth. VII. 26. 27. Rom. II. 17-f.

xix. VI. *Tandem notitia falsa*, quæ fal-
sum de DEO conceptum fover. Qualis est,
DEUM in templo, aut in cœlis inclusum,
Regis mundani instar, concipere, vel ut
benignum, non verò justum, aut tentato-
rem ad malum, & quæ similia malè fœcun-
da falsa cogitata de DEO sunt.

xx. Si nunc mundum Christianum lustra-
mus, atque eum cum allatis conferimus,
quantus eorum numerus, qui ignorantia
DEI, aut saltem vitiosâ notitiâ laborant!
Fundata est etiamnum illa Hoseæ querela
אֵין דַּעַת אֱלֹהִים בָּאָרֶץ *non est notitia DEI*
in terra Cap. IV. 1. Ignorantia enim in pagis,
inter servos & ancillas, notitia superficialia
in urbibus, scholis, notitia rerum munda-
narum apud principes τῶ ἀίῶνος τῆ γῆς *hujus*
seculi, γυνῶσις ψευδώνυμος apud scribas &
Phariseos est.

xxi. *Facilius est horum vitiorum causas*
nōsse, quam eas tollere. Ex iis, quæ non
in nostra potestate, corruptio originaria est.
In nostra potestate magis sunt, & quidem alia
concernunt Auditores, alia eorum præfectos.

xxii. Illa sunt pigrizia ad legendum, audi-
endum, meditandum res divinas: *visa tota*

occupata circa mundum vel voluptuosa, vel pretiosa vel fastuosa propinquantem, allicientem aut damnantem ad opera servilia, vix absque respiratione jugiter agenda. Hæc enim ratione non solum tempus præripitur notitiæ DEI dandum, sed, quod adhuc magis est, ipse animus ad contraria objecta alligatur. Accedunt præjudicia: Notitiam DEI ad Theologos tantum pertinere, nullam utilitatem aut pulchritudinem illi inesse. Fieri quoque potest, ut qui falsò opinantur falsò nominatam γυνῆσιν veram esse, ejus tardium concipiant, arbitantes DEUM cognosci non posse, nisi rixando, damnando, subtiles quæstiones movendo.

XXIII. *Hæc; Qui informationi præfecti sunt, illi sæpius eadem crassâ ignorantia aut viciosâ DEI notitiâ constricti existunt. Jam quod quis habet, alteri dat, si quid dat, non verò quod ipse non habet. Parentes plurimum nec possunt liberos informare, nec volunt, sed vocibus & exemplis præeunt ad mundum cognoscendum. Tenerioris ætatis non nisi memoriâ exercentur. Qui judicare, ratiocinari incipiunt, illi ἐπεὶ circa mundana objecta faciunt, tenenturque facere, vel divina quidem, non tamen ἐν fine & conatu, ut voluntas ad DEUM moveatur.*

XXIV.

XXIV. *Vitia hac evitaturi notare debemus* primò ignorantiam DEI primum omnium scelerum fontem esse. Ignorantia intellectui est, quod tenebræ oculis. Qui in tenebris ambulat, is faciliè impingit in alios prostermitque, nescit, quò vadit & incertus est quando præceps ruat. Qui DEUM ignorat, ille DEUM colere nequit. Ille propter DEUM nulla officia suscipit, præstat. A nullo scelere retrahitur, nam in corde ejus non est DEUS. Hinc corrumpit & vias suas detestabiles facit. *Dein ignorantiam Numinis homini rationali, maxime Christiano, probrosam esse.* *Quidam DEI ignorantiam tenent:* πρὸς ἑρπονὺν *ad ignominiam vobis dico* 1. Cor. XV. 34. Tales bestiis interiores Jes. I. 3. Hinc Paulus argumentum à probro quasi sumpturus ait: *An non nostis, injustos Regnum DEI non heredituros?* 1. Cor. VI. 9. 2. V. 6. *An contemnis divitias benignitatis DEI ac tolerantiam & longanimitatem* ἀγνοῶν *ignorans benignitatem DEI te ad resipiscentiam ducere debere* Rom. II. 4. *Tertio ignorantiam hanc insuper cum judiciis divinis conjunctam esse.* *Populus meus excinditur* מבלי דעת *sine notitia:* quia tu notitiam rejecisti, etiam te rejiciam, ne pro me sacerdotio fungaris, & quia oblitus

es legis DEI tui, etiam ego filiorum tuorum obliviscar. Hof. IV. 6. conf. 2. Thess. I. 8.

XXV. *Hac ipsa argumenta valent adversus notitiam rerum mundanarum, Theologicam falsò nominatam ac sterilem: Deest quippe vera DEI notitia. Notitia verò, quæ illis est, inflat 1. Cor. VIII. 1. offendit, contemnit proximum. Tales putant se divina nòsse & nihil quidquam nòrent ꝑ. 2. Hinc non, aut difficulter se institui patiuntur. Quæ illis inest eruditio, effert se adversus cognitionem Christi. Ejusmodi legisperitis Christus vix interminatur, quoniam clavem cognitionis abstulerunt: Ipsi non ingrediuntur arcentque alios intraturos, Luc. XI. 52.*

XXVI. *Sequitur officium ipsum, sive cognitio DEI, qua DEI proprietates, opera, voluntas ad rectum cultum DEO præstandum cognoscuntur.*

XXVII. *DEUM ergo cogniturus primò cognoscere debet proprietates divinas. Proprietates enim sunt ipse DEUS. Hinc proprietatibus non cognitis, DEUS non cognoscitur. In incipientibus est cognitio proprietatum divinarum generalior & minus distincta. In profectionibus verò specialior & clarior. Tum perfectiones hæc facilius*
cogno-

cognoscuntur negativè quam positivè, maximè illæ, quæ dicuntur incommunicabiles. Communicabiles quodam modo depictæ cernuntur in regeitis. Imperfectio, quæ picturæ inest, tollitur, & perfectio modo eminenti DEO attribuitur.

XXVIII. *Cognoscenda dein opera divina*: *Opera natura*, creatio, conservatio, gubernatio, eaque universalis quoad creaturas inanimatas, animatas, ratione præditas, harum actiones necessarias, liberas, contingentes, bonas, malas. *Opera gratia*, qualia sunt redemptio, vocatio, justificatio, sanctificatio, confirmatio, glorificatio, Ministerium Evangelii externum, Operationes Spiritûs S. internæ. Qui hæc opera divina non novit, DEUM non cognoscit Es. V. 12. 13.

XXIX. *Cognoscenda denique voluntas divina*, præcipiens ut omne peccatum agnoscamus, confiteamur, relinquamus, emendemus, præstemus officia erga DEUM, proximum, nos ipsos. DEUS hoc modo non cognitus ignoratur, si quis etiam perfectiones & opera Divina cognosceret (quod tamen impossibile) non verò sanctam eius voluntatem, ille DEUM non cognosceret.

XXX. *Postulata hujus cognitionis sunt*. I. *Veritas*. Quod de DEO cognoscitur, in DEO

oportet sit. Quæ DEI notitia nos ad officia compellere debet, vera poscitur. Alioquin officii, quod inde deducitur, fundamentum nullum.

xxxI. II. *Sufficiencia.* Tantum de DEO cognoscendum, quantum ad rectum & integrum cultum requiritur. Quæ sufficiens de DEO notitia sit, id curatius definire perdifficile est. Solent faciliè homines sua sublimiora de rebus divinis cogitata, quæ ipsis magnopere placent, pro cognitu necessariis habere. Sed quæ verè necessaria, illa facilia attendentibus. Illa quoque procul dubio perspicuè in sacris prostant. Vel an credibile, DEUM minus necessaria perspicuè in sacris manifestasse, non item necessaria? Illa insuper omni tempore sub V. & N. Testamento cognoscebantur. Quæ enim cognitio ad cultum DEI olim sufficiens, illa quoque hodie. Quis verò dubitat, DEUM jam olim tantum de se revelasse, quantum ad cultum necesse erat? Capita necessaria notis quibusdam in Scriptura distinguuntur. Joh. XVII. 3. XIV. 6. 1. Joh. II. 3. 4. Act. IV. 10. 11. 12. Hebr. XIII. 8. XII. 14. Talia sunt, DEUM esse auctorem salutis in Christo JESU omnibus miseriam suam

suam agnoscentibus, resipiscentibus, credentibus, obedientibus.

xxxii. III. *Modestia.* Modesta illa notitia, quæ rem divinam novit, quanquam non rei modos, limites, aliaque difficilia. Uti si quis novit DEUM esse omniscium, licet modum, quo DEUS omnia scit, modestè ignoret Ps. CXXXIX. 6. Novit nihil absque DEO fieri, non tamen novit, quomodo omnia à DEO proficiantur, regantur. Rom. XI. 33. 34. Is, qui modestè notitiæ studet, magis vult nosse voluntatem DEI sibi præcipientem, quam arcanam decernentem. Magis ergo contendit nosse quid velit DEUS à se fieri Act. IX. 6. quam quo modo æternus, omnipræsens &c. sit, quo modo de rebus futuris ab æterno decreverit: quo modo in tempore mundum creaverit &c. & quæ alia immodesta de modis perfectionum, actionum themata, ad litigandum comparata. Quasi nos homunciones ejusmodi modos ratiociniis nostris investigare valeamus, qui ne quidem modos actionum nostrarum assequimur. Modestè cum Paulo dicamus: *nos tantum ex parte cognoscere* 1. Cor. XIII. 9.

xxxiii. IV. *Efficacia ad agendum id, quod thema cognitum docet.* Thema est vel theoreticum

ticum vel practicum. Hoc : veluti DEUM esse amandum &c. Si cognosco DEUM esse amandum, tum quoque à me amandus. Illud : Exemplum esto DEUM esse omnipræsentem, sanctum, si id cognosco, tum quoque me talem gerere debeo, qualem postulat omnipræsens & sanctus DEUS. Omnes theoreticæ veritates piæ simul sunt Tit. I. 1. 1. Tim. VI. 3. Quæ non pia est, non est veritas de DEO. Id ipsum vult ratio intellectûs, quo veritates cognoscimus. Datus is, ut moveat voluntatem. Si non movet, inutilis est, similis ligno putrido, quod tempore nocturno splendorem aliquem edit, non calefacit. Hanc notitiam passim urget scriptura. *Annon hoc est nōsse me!* Quodnam illud? Afflicti causam agere. Jer. XXII. 16. conf. Matth. VII. 21-28. Joh. XIII. 17. Jac. III. 17. rejicit verò non conjunctam cum obedientia. *Qui dicit: Cognovi eum, & (tamen) præcepta ejus non servat, ille mendax est* 1. Joh. II. 4. Non enim cognoscit DEUM, ceu cujus præcipua cognitio obedientiam demum sequitur, non verò antecedit Ps. XXV. 14. Prov. I. 7. Joh. VII. 17. XIV. 21. 23. *xxxiv. Cognitio DEI varios gradus habet.* Coloss. I. 9. 10. 2. Petr. III. 18. Eph. IV. 12. 13. 14. 15. Hebr.

Hebr. V. 11 - f. VI. 1 - 3. Hinc dantur recens nati, pueri, juvenes, patres 1. Petr. II. 2. 1. Joh. II. 13. 14.

xxxv. *Primò ratione puritatis.* Quorundam impurior est admixtis præjudiciis, erroribus, quos cum matris lacte suxerant. Quia tamen hi fundamentales non sunt, nec malitiâ retinentur, veritates fundamentales verò regnant, illis notitia DEI denegari nequit 1. Cor. III. 11 - 16. Purior eorum, qui præjudiciis & erroribus depositis in puriore luce DEUM norunt. Huc facit exemplum discipulorum Christi ante & post Spiritûs S. effusionem.

xxxvi. *Secundò ratione objectorum.* Quidam paucas & primas veritates tantum norunt Hebr. VI. 1. 2. Joh. XVI. 12. Alii plures altioresque, quales sunt Myſteria, Prophetiæ, typi, maximè operationes secretiores Spiritûs S. Hebr. V. 11. 1. Cor. II. 6 - f.

xxxvii. *Tertiò ratione firmitatis.* Sunt qui DEUM & res divinas norunt, sed qui auctoritate, astu, sophismatibus falsorum doctorum ab agnita veritate abstrahi se patiuntur Gal. I. 6. III. 1. aut saltem fluctibus similes huc illuc inclinant Eph. IV. 14. Sed alii immoti sunt, imò longiori tempore ac studio contradicentium in cognitione de
DEO

DEO & rebus divinis magis confirmantur, stabiliuntur.

xxxviii. *Quartò ratione præstantia.* Veritas veritate præstat. Quæ notitia maximè occupata circa præstantissimas veritates, illa alii anteferenda 1. Cor. II. 2. Phil. III. 8. tum maximè, quando hæc diffusior, majori studio themata, quæ nos indirectè concernunt, statum veluti veteris Testamenti, comprehendit.

xxxix. *Denique ratione informationis humanae aut divinae.* DEUS cognoscitur informatione præceptorum: Tum etiam proprio studio, legendo, meditando; Denique illuminatione internâ Spiritûs S. Hæc longè præstantissima est 1. Joh. II. 27. Hebr. VIII. 10. 11. Altera primâ præstat, quam ab hac exordium fieri debeat. Utraque utilis est, si ducit, impellit ad ultimam consequendam Act. XVI. 14.

xl. *Ultimò ratione efficacie* Quò notitia plus valet ad Christianè vivendum, eò excellentior: Quò minus, eò imperfectior. Ratio clara; quippe veritatum & Mysteriorum cognitorum finis pietas est. Tit. I. 1. 1. Tim. VI. 3. III. 16. Nec alia aliqua notitia tantopere facit ad cognitionem DEI; sicuti cibi natura plenius cognoscitur degusta-

gustata, ita notitia de DEO in praxin deducta. *Petimus ut impleamini cognitione voluntatis DEI in omni sapientia & spiritali intelligentia, ut convenienter Domino ad omne placitum ambuletis fructus ferentes καὶ αὐξάνομενοι εἰς τὴν ἐπίγνωσιν Θεοῦ & crescentes ad cognitionem DEI.* Coloss. I. 9. 10.

XLII. Quando verò officia, qua DEO debemus, perfectissimo, quo fieri potest, modo exhibenda sunt, nostrum est, ut DEI notitiam in excellentissimo gradu assequamur. Facit ad gloriam DEI nostri, atque etiam ad nostram felicitatem & perfectionem. Feliciores & perfectiores sumus, quo DEUM purius, plenius, firmitus, excellentius ex interna illuminatione novimus atque ad eum dignè colendum fortius impellimur.

XLIII. Omnis homo naturā in potestate tenebrarum est Act. XXVI. 18. hinc tenebricosus, imò *tenebra* Eph. V. 8. quare DEUM ejusque perfectiones non novit. Dicit in corde suo *non est DEUS* omnipræsens, omniscius, sanctus, justus &c. Quo in statu tenebricoso, si sibi relinqueretur, manere deberet. Tenebræ enim qualitates lucis nullas habent.

XLIII. Sed DEUS, qui lux 1. Joh. I. 5. constituit tenebras dispellere, hoc est, hominibus

bus sui, suarumque perfectionum & voluntatis notitiam manifestare.

XLIV. *Constituit autem pro libertate, quæ pollet, aliis minorem, aliis majorem lucem dare* Matth. XXV. 15. XI. 21. Quæ lucis diversitas dependet quoque à locis, temporibus, uti libetrimo lucis diribitori placuit 1. Tim. II. 6. Cujus rei Symbolum in naturâ exhibuit. Orientales plus lucis habent, quàm septentrionales. Plus lucis horâ meridianâ, quam matutinâ est.

XLV. *Lux vel est externa vel interna, tam naturalis, quam spiritalis.*

XLVI. *Lux externa est Natura, ejus conservatio & regimen* Rom. I. 20. Ps. XIX. 1. Dein Lex, sermo Propheticus 2. Petr. I. 19. insuper Evangelium, Prophetiarum & Typorum implementum Matth. IV. 16. 17. 2. Cor. IV. 4. Ultima secundam; Secunda primam claritate antecedit. Attamen & illa & ista & hæc lux grata mente agnoscenda atque sibi subordinanda est.

XLVII. *Lux hæc externa nondum sufficit, quod exemplis gentilium, Judaorum, Christianorum constat.* Physicè cæcus datur, qui in ipsa meridiana luce sedet. Requiritur insuper *Lux interna*, quæ est vel communis, quam Deus accendit in omnium mentibus

Rom,

Röm. I. 19. II. 15. vel specialis, quæ Spiritu S. ceu igne cœlesti in Christianorum pectoribus accenditur ad cognoscendum mysteria Evangelii Ps. XXXVI. 10. CXIX. 18. 1. Joh. II. 27. 2. Cor. IV. 6. Eph. I. 17-20.

XLVIII. *Qui ergo DEUM cognoscit, id debet gratia & potentia DEI.* DEI est utraque Lux, externa & interna. DEUS est Pater τὸν φῶς luminum Jac. I. 17. DEUS ex tenebris ad admirabilem lucem vocat. 1. Petr. II. 9. DEUS jubet ut Lux splendeat in cordibus nostris ad illuminationem cognitionis gloriæ DEI in facie JESU Christi 2. Cor IV. 6. Figura illuminationis Spiritualis prostat in creatione & gubernatione lucis ut & facultate videndi, quæ oculis nostris inest.

XLIX. *DEUM ergo cogniturus agnoscat naturales suas tenebras, caveatque sibi à causis tenebrarum, & tegumento lucis* 2. Cor. III. 15. uti sunt infidelitas, affectus, ira, amor, voluntas carnis, scelera, præjudicia. *Patrem Luminum supplex adeat, ut oculos mentis aperiat, illuminet* Ps. CXIX. 18. veluti cæcus ille mendicus Matth. XX. 30 - f. *Luce externa naturali, legali, Evangelicâ debite utatur nec contumaciter oculos claudat. In Luce ambulet.* Ita enim semper propior luci erit.

I. Specia-

I. *Speciarim hac tria probè observet. I. Omnem notitiam DEI practicam esse. Quare, quam didicit de DEO perfectionem ad usum pium tum mente tum opere externo referet. Veluti didicit quis, unum DEUM esse, necet sequentes circiter usus. Si, DEUS unus est, ille solus ut DEUS habendus, colendus: Si beneficium mihi obtrigit, ille dedit, & non alius: Si in periculo aliquo versor, ille solus adeundus. Non alii Dii sive personales, sive reales (uti divitiæ, voluptates) habendi sunt. Sed vide ne verbis unitatem, opere verò multitudinem Deorum statuas. Gravissimus error & meritò habetur plures Deos stature: At & grave vitium plures Deos actu habere. Habent vero omnes ii, qui homines, Patronos, Parentes, Magistratus plus amant, timent, iis confidunt, obediunt &c. quam DEO. II. DEUM & res divinas spirituales esse. Hanc ergo notitiam non esse rerum, qua sensus nostros subeunt: Non ergo neganda ea, quæ ipsi non vidimus, audivimus &c. quorum naturam, modum, limites sensibus & ratiociniis non assequimur. Res divinæ fide recipiendæ sunt, si earum fundamentum in scriptura ac natura est. DEUM omnipræsentem, omniscium credo,*
sed

sed non video, nec etiam modum ratione mea assequor 2. Cor. V. 7. Qui medium hoc non tenet, ille magnum obstaculum notitiæ rerum divinarum ponit. III. *Con-*
tendere ad altiora, perfectiora Hebr. VI. 1. Subsistere in principiis, hære in iisdem thematibus eorumque demonstratione per ratiocinia & tædiosum & periculosum est. I. c. Omnia, in quibus vita est, crescunt. Quæ non crescunt, decrescunt, corrumpuntur. Inædificandum igitur jugiter principiis jactis Jud. v. 20. veritate semel recte probatâ argumentis non identidem indigemus. Æde exstructa machinamenta removemus, ædes incolimus. Excipe, si veritas illa oppugnaretur, conquassaretur ab hostibus, quanquam & tum tutum fide oppugnationes repellere. Excipe quoque, si tyrones informandos habemus Phil. III. 1.

LI. *Alios informaturi in notitia DEI agnoscant difficultatem operis & propriam indoneitatem* 2. Cor. III. 5 6. *Primo & præcipuè agant precando, ut ipse DEUS mentes veritatibus divinis illustret* Eph. I. 16 - 19. *Quas dein veritates de DEO aliis proponunt, eas ipsi illuminata mente teneant. Tum manifestatione veritatis commendent se ad conscientiam auditorum* 2. Cor. IV. 2. *habeantque ra-*

E

sionem

tionem captus eorum. Absit vis, minæ, persecutiones, quæ non sunt arma militiæ Christianæ 2. Cor. X. 4. Qui nolunt informari, sibi relinquantur, pœnas accepturi à principe tenebrarum, qui eorum mentes excœcavit 2. Cor. IV. 3. 4. Actor. XIII. 46. Conscientiæ & muneri satisfecit, qui veram DEI notitiam argumentis & precibus commendavit. Alius omnis conatus frustraneus est. Si DEUS cognitionem sui aliter vellet propagatam, aliam prorsus Ecclesiæ suæ politiam ad hunc scopum comparatam instituisset.

LII. *Officium hoc commendant voluntas, gloria DEI & propria varia felicitas.* I. *Voluntas:* Audi Israel Jehova DEUS noster, Jehova unus. Deut. VI. 4. *וְיָ, cognoscite, quod Jehova DEUS sit.* Pl. C. 3. *Crescite in gratia & cognitione Domini nostri & Salvatoris JESU Christi* 2. Petr. III. 18.

LIII. II. *Gloria DEI.* Hæc ratione creaturarum primò consistit in cognitione Numinis. DEUS non cognitus ignoranti & dī, ut nihilum est. Merito gloriosus DEUS à creaturis intelligentibus cognitionem sui poscit, ceu à qua etiam omnis vera obedientia & cultus dependet.

LIV. III. *Quod DEI postulatum, uti iustissimum,*

simum, sic nobis optimum est. Cognitionis Dei enim perficit intellectum. Quod lux oculis, id cognitio DEI intellectui Eccles. XI. 7. Intellectu ita perfecto, etiam voluntas perficitur. Intellectus enim illuminatus monstrat, quid non volendum, & quid volendum sit; si ad malum pellimur, advocat, abstrahit, terret vera DEI cognitio. Si infortunium imminet, aut etiam inflictum est, auxilium, solatium, tranquillitatem dat. Bonum, quod agendum est, commendat, urget. Beneficium, quod obligat, vero Benefactori attribuit, atque ad eum laudandum impellit. Notitiæ divinæ variæ & maxima commoda docet Sapiens Salomo: *Si Sapientia cor tuum intrabit & cognitio animæ tuæ amœna erit, cogitatio custodiet te, prudentia tenebit te, ut libereris à via mala, à viro perverso loquente; ab illis, qui vias rectas deserunt, & in viis tenebrosis incedunt* Prov. II. 10-14. conf. Prov. III. 13-19. VIII. 17-20. & 34. f. Notitia (DEI maxime) conclavia (Spiritualia) replebuntur omnibus pretiosis ac amœnis opibus. *Vir notitia corroborat vires suas.* Prov. XXIV. 4. 5. Breviter & nervose Christus. *Hac est vita æterna, ut te cognoscant solum verum DEUM, & quem misisti JESUM Christum.* Vera DEI cognitio me-

E 2

dium

dium est ad vitam æternam, & certa ratione est ipsa vita æterna Joh. XVII. 3.



CAPUT IV.

De

Reverentia & Metu Numinis.

Σύνοψις.

QUæ DEUM cognoscit, eum quoque revereatur, timetq. §. I.
Reverentia erga DEUM adversantur sequentia vitia.

- I. Homines plus timere, quam DEUM. §. II.
 - II. DEUM non rectè timere, id quod variè fieri solet. §. III.
 - III. Liberè peccare. §. IV.
- Hæc vitia valde enormia noxiaque sunt. §. V.
Speciatim oriuntur à Tyrannide in conscientiam. §. VI.

Definitur Reverentia DEI. §. VII.

Ejusque fundamentum in natura. §. VIII.

Et operibus DEI ostenditur. §. IX.

Unde etiam constat, quod DEUS præ aliis & aliquando solus timendus sit. §. X.

Hinc quoque sequitur, quod reverentia DEI prærequirat notitiam DEI. §. XI.

Quæ vim in corde exerit. §. XII.

Atque in causa est, ut homo

homo os manusq; com- pescat. §. XIII.	Virtus hac omnibus fide- libus competit. §. XIX.
Gradus hujus virtutis narrantur quatuor. §.	Objectioni satisficit. §. XX.
XIV. XV. XVI. XVII.	Tandem media ac motiva indicantur. §. XXI.
Subjiciturque usus explo- ratorius. §. XVIII.	XXII.



§. I.

Qui DEUM cognoscit, eum quoque reverē-
bitur. Reverentia enim Numinis
oritur ex cognitione perfectionum divina-
rum metum omni attendenti ineutientium.

II. Vitia, quæ reverentia Numinis adver-
santur, primo recensenda sunt. Et sunt.
I. Homines, Magistratus veluti, Parentes, Pa-
tronos plus timere quam DEUM: Ex metu
hominum ommittere aut agere, quod voluntati
DEI adversatur. Quod vitium gravissimum
est in iis, qui non ex ignorantia aut præci-
pitanzia sed scienter illud patrant; uti Pha-
risæi Joh. XII. 42. qui hinc in poenam sce-
leris obfirmabantur.

III. II. DEUM non rectè timere, quod fit
(*) Ore: quanquam pauci DEUM rectè
timeant, attamen nemo sine reverentia
Numinis haberi vult. Hinc profligatæ ne-
E 3 quitia

quitia homo de Reverentia Numinis rogatus respondebit. *Quis DEUM non timebit?* & graviter succensere dubitanti. Sed *hostes DEI DEO mentiuntur*. Ps. LXVI. 3. (β) *revereri in certis tantum locis*. Templis veluti, Collegiis, presentibus Viris auctoritate gravibus, non in sodalitiis, conviviis. Talis reverentia veri Numinis non est. Quæ enim ratio DEUM reverendi in hoc loco, eadem in alio. Non tam timetur DEUS, quam homo, (γ) *revereri certo tantum tempore*. Tempore veluti, quo tonitrua audiuntur, gravia judicia DEI recensentur. 1. Sam. XII. 18. 1. Reg. XXVII. 27. 21. 22. (δ) *revereri ex sola formidine pœna*, uti mancipium herum suum metuit. Hinc si pœna non metuenda esset, nulla quoque reverentia animum occuparet. Talis reverentia maxime Christianos dedecet Rom. VIII. 15. (ε) *Timere DEUM & timore absterri à DEO*. Gen. III. 8. 10. (ς) *revereri supersticiosè*. Supersticiosè reverentur DEUM plurimum illi, qui quidem confuse norunt cultum divinum cum metu peragendum esse, sed qui naturam veri cultus ignorant, hinc illum constituunt in ritu, actione sacra, aliquando nequidem à DEO præcepta. Quæ reverentia plurimum nocet vero timori DEI & non.

nonnunquam, conjuncta cum ingenti odio eorum, qui misso superstitioso cultu vero se dant:

iv. III. *Liberè peccare.* Omnis quidem, qui peccat, DEUM præ oculis non habet, eum non reveretur, sed noto hic viros peccatores, qui metu Numinis seposito agunt, quicquid lubet, mentiuntur, comessantur, decipiunt, furantur. Qui cum Pharaone quærant: *Quis est Jehova?* Aut saltem: *Oblitus est DEUS: occultavit faciem suam: non videt in perpetuum* Ps. X. 11. Quoniam Abraham suspicabatur Gerari non esse metum Numinis, metuebat se ob uxorem suam occisum iri. Noverat adeoque nullum non scelus patrari ab iis, qui soluti à timore DEI sunt. Gen. XX. 11. conf. Ps. XXXVI. 2. 3. Rom. III. 18.

v. *Est vero irreverentia DEI maxime enorme vitium.* Pulvis & Cinis præponitur omnipotenti & verè formidabili DEO. Frænum, quo DEUS homines regit, vi quasi ex manu ejus trahitur, atque janua aperta est ad omnia scelera. Qui enim DEUM irreverenter habet, ille nullum non scelus, quod patrandi occasionem habet, patrabit.

vi. *Habet varias causas: præter eas, quas alibi* IN INSPECTIONE SUI IPSIUS

XIII. §. 59. notavi, notanda est *authoritas & Tyrannis* eorum, qui regno Christi contrariantur. Significanter id docet Salvator. Dico vobis amicis meis: Nolite timere eos, qui corpus occidunt, sed postea nihil ultra facere valent. Ostendam vobis, quem timere debeatis. Timete eum, qui postquam occidit, potestatem habet projiciendi in gehennam. Imò dico vobis, hunc timete Luc. XII. 4. 5.

VII. Sequitur ipsum officium sive reverentia Numinis, qua Christianus perspicit tremendis perfectionibus divinis, sanctitate, justitia, omnipotentia, supremo dominio, jugiter tanquam in Oculis DEI cum veneratione versatur, cavet sibi ab omni, quod DEO displicet, agit verò, quod ipsi placet.

VIII. Fundamentum hujus officii est ipse DEUS tremendus rectè cognitus Deut. X. 17. Nam Jehova est DEUS Deorum, & Dominus Dominorum, ille DEUS, ille magnus, ille fortis וְהַגָּבִיר & ille tremendus. Omnes perfectiones mentem attendentem reverentiâ implent. Speciatim Sanctitas & Justitia: Illa tantæ puritatis, ut nulla labecula in DEUM cadat nec cum illo conjungi queat ullus peccator. Ps. V. 5 - 9. Hæc homini ad peccandum prono graves minatur pœnas easque infligit Deut. XXVII. Ps. LXXVI. 8.

Rom.

Rom. I. 32. *Crescit hinc reverentia, si homo cogitat, DEUM adeo sanctum & justum simul omnia scire semperque adesse. Si enim ipsum lateret actio mala, aut latere posset, minus videretur timendus. Crescit porro ex consideratione omnipotentia, ad cujus nutum omnia adversantur, corporalia, spiritualia, temporalia, æterna. Ipsa quoque bonitas in natura & gratia, quæ aliàs ad DEUM amandum plurimum valet, valet quoque ad DEUM timendum.* Timendus enim DEUS, ne nobis bona necessaria neget Jer. V. 24. Ps. CXXX. 4. *Denique reverentiam incutit Universale Dominium DEI, quod tenet in omnes creaturas, Angelos quoque & Reges, qui quanquam timeantur ab inferioribus, timent debentque timere tremendum Numen* Es. VI. 2. 3. Ps. II. 2. Dan. V. 5. 6.

ix. *Qualis DEUS in se, talia quoque opera ejus extra eum adeoque ea expensa pectora nostra timore opplent* Ps. LXVI. 3. *quam terribilia sunt opera tua.* Elihu narrat opera DEI & addit; *Ideo timent eum viri* Job. XXXVII. 24. Narrat speciatim tonitru. *Ob hoc trepidat cor meum* Cap. XXXVII. 1. conf. XXXVI. 33. Maximè terribilia sunt opera DEI extraordinaria, apparitiones in-

74 *Cap. iv. De Reverentia & Metu Numinis.*

solitæ sive privatæ, qualis Jacobi. *Timuit ac dicit, quam terribilis hic locus!* Gen. XXVIII. 17. sive publicæ, uti illa in *vomobesia*, totum cœtum tremefaciens. Exod. XX. 18 - 21. ipsum quoque Moſen, Symbolorum divinorum alioquin expertum.

X. *Hæc ipsa porro docent DEUM timendum esse præ omni alio, imò solum, si aliorum metus subordinari nequit.* Matth. X. 28. Nam in quo fundamenta reverentiæ sunt, uti in DEO? In nemine. Imò alii etiam maximè formidabiles, coram tremendo DEO vel manum tantum monstrante toti tremunt. Dan. V. 5. 6.

XI. *Reverentia DEI præsupponit agnitionem memoratarum perfectionum divinarum.* Nam uti ignorantia DEI obest aliis officiis, sic quoque præstando erga DEUM timori. Qui DEUM sanctum, justum, omnipotentem, universum Dominum ignorat, quomodo eum timeret? quid produceret timorem?

XII. *Agnitio hæc operatur in cor sive perfectiones illæ divinæ cognitæ cor hominis afficiunt, tangunt, movent, regunt.* Unde cordi attribuitur. 1. Sam. XII. 24.

XIII. *Quia operatur in Cor, nihil vult, loquitur aut agit homo, quod DEO tremendo adversatur, & quod timore Numinis seposito male volu-*

volitum, dictum, factum, cor DEUM timens
 mox improbat. Vult verò, loquitur & agit,
 quod ipsi placet. Exemplum sume in subdito
 coram Principe existente eumque reverente.
 Unde reverentia DEI causa sanctæ vitæ.
 Prov. III. 7 Gen. XXXIX. 9. Eph. V. 21.

XIV. Habet etiam hoc officium gradus suos,
 quales sunt. 1. DEUM timere formidine pœnæ
 & simul ex consideratione sanctæ Naturæ divinæ.
 Qui DEUM solum timet ob pœnam & hanc
 solum ob causam delicta intermittit, ejus
 timor huc non pertinet. Malus quippe
 est. Timor ille purior perfectiorque est, cujus
 fundamentum sanctitas ac Majestas DEI. Qui
 adeoque DEUM timeret, licet nulla hinc
 pœna timenda esset.

XV. 2. Quo minor notitia DEI ejusque vo-
 luntatis, eo imperfectior ejus reverentia. Quo
 verò clarior ac efficacior notitia, perfectior quo-
 que reverentia. Sume duos, quorum unus
 leges ignorat, novit alter. Quanquam
 prior alias leges ex reverentia Numinis non
 sit violaturus, violat facile hanc, quam à
 DEO datam esse ignorat, sed is, qui eam le-
 gem divinam novit, illam quoque timore
 impellente observat.

XVI. 3. Timere DEUM atque timore ejus
 impellente omittere gravius peccatum, aut agere
 actio.

*actionem pluribus communem. Uti Eleemosynam dare. Quò perfectioris timor, qui abstrahit etiam ab occultissimis peccatis, iis quaque, quæ carni grata atque favorem concilia-
rent Gen. XXXIX. 9. Qui impellit ad agendum voluntatem divinam legibus Regiis contrariam, qualis erat in Daniele ejusque sociis.*

xvii. 7. *Sacra Scriptura laudat timorem ex toto corde 1. Sam. XII. 24. Unito Corde. Ps. LXXXVI. 11. omnibus diebus vite. Deut. IV. 10. Qualis timor alius ab illo, qui provenit ex corde distracto & qui subinde succumbit, quanquam rursus emergat vincatque.*

xviii. *Christianus exploraturus se, an hoc officium præstet: An quoque in illo proficiat, cor actionesque suas externas & internas juxta dicta examinet.*

xix. *Officium hoc universale est, siue nemo ab illo excipitur. Quis non timeat te, Domine & glorificet nomen tuum, quia solus sanctus. Apoc. XV. 4. Omnes fines terra timeant ipsum Ps. LXVII. 8. Timebunt ab occasu nomen Jehova & ab ortu solis gloriam ejus. Jer. LIX. 19. Fideles passim timentes DEUM tanquam nomine proprio veniunt Ps. CXV. 11.*
Fun-

Fundamentum reverentiz Numinis, quod in natura DEI consistit, commune est.


xx. *Difficultas hic oritur, quomodo etiam timoris officium competat fidelibus, quandoquidem alibi timorem deponere jubentur.* Gen. XV. 1. Rom. VIII. 15. Act. XVIII. 9. & amor excludit metum. 1. Joh. IV. 18. atque meticolosi malis annumerantur. Apoc. XX. 8. Solutio ex hoc Capite facilis; nam datur vitiosus & laudabilis, imperfectus & perfectior timor. Qui vitioso laborant, rectè accensentur malis, qui homines plus metuunt quam DEUM. Aut saltem meritò culpantur ii, quorum metus à fiducia promissionibus DEI habenda avocatur. Gen. XV. 1. libertatem filialem supprimit Rom. VIII. 15.

xxi. *Media & motiva, quæ simili occasione alibi dedimus (vide de Inspectione sui ipsius Cap. XIII. §. LXX. LXXIII - LXXVII.)* heic præterimus; *Nonnisi observamus, Hebræos videre & timere* vocibus affinibus exprimere scil. רָאָה & יָרָא. Forsan ideo, quod visus corporis & mentis metum & reverentiam gignat; saltem huc videntur alludere Scriptores Sacri Ps. XL. 4. יִרְאוּ *videbunt multi* יִירָאוּ & *timebunt* Ps. LII. 8. יִירָאוּ & *videbunt* יִירָאוּ *justi* atque *timebunt*. Commendamus itaque tanquam medi-

mediū timoris divini, *videre DEUM*,
ejus perfectiones, virtutes, opera, iudicia,
Certe nemo, *qui hæc videt, non timet.*

XXII. Summam æquitatem & justitiam
timendi Numinis porro tradimus ex metu,
quem Magistratibus debemus. Magistratū
timemus, quia subditis præfectus est. Multo
magis timendus is, qui Magistratū præ-
fecit. Timemus dein ob leges justas. Sed
perfectior justitia legibus divinis inest. Ti-
memus porro quia observat scelera subdi-
torum. Quāto magis timendus DEUS,
coram quo omnia aperta sunt. Magistra-
tū latent plurima peccata, veluti quæ in-
tra cor subsistunt, quæ in loco occulto pa-
trantur, quæ inter paucos, quæ nullum de-
latorem habent. At DEO nota sunt sin-
gula hæc. DEUS æquè novit malum, quod
quis cogitat, quam facinus mille testibus
probatum &c. Timemus porro Magistra-
tū, quia delinquentibus gravis est. At
ira Regis cum Regis Regum assimilari ne-
quit. Illa in gratiam convertitur, si hic non
succenset. Nunquam nocet, nisi vult, ut
noceat DEUS. Noxa, quam ille infert,
bona, famam, corpus, non animam ad
breve tempus ferit, sed quam DEUS in-
fert, & bona & famam & corpus & ani-
mam

nam in æternum ferit. Is ipse, qui timendus, tremendum Numen timere debet: Quamto magis timendus Is, qui à timendo cum timentibus timendus est.



CAPUT V.

DE

Amore DEI.

Σύνοψις.

Cognitio DEI, de qua supra, gignit amorem DEI. §. I.

Ubi vero cognitio deficit, deficit quoque amor DEI. §. II.

Vitia, qua amori DEI opponuntur, sequentia sunt.

I. DEUM corde non diligere. §. III.

II. Gratiam DEI diligere. non justitiam ejus. §. IV.

III. Diligere mundum. §. V.

IV. Odio habere, idque

exerere data occasione erga id, quod DEI est. §. VI.

V. Odio habere Christum. §. VII.

VI. Directo odio in Deum ferri. §. VIII.

Vitia hæc gradu quidem variant: Sed facilis est transitus ab uno ad alterum. Igitur primò resistendum. §. IX.

Sequitur ipse DEI amor, qui definitur. §. X.

Subiectum hujus amoris DEUS est & quicquid divinum. §. XI.

DEUS

DEUS consideratur ut Ens perfectissimum. §. XII.	7 Habito vel non habito respectu ad pramium. §. XXIX.
Optimum. §. XIII. XIV. Speciatim mihi, tibi §. XV.	Datur amor legitimus, qui ad pramium re- spicit. §. XXX. XXXI.
DEUS ita cognitus amo- rem accendit. §. XVI. Amori erga DEUM in- est (a) inclinatio. §. XVII. XVIII.	Non tamen legitimus, qui unice in DEUM propter beneficia fer- tur. §. XXXII.
(b) Studium averfandi id, quod DEO displi- cet, & agendi quod DEO placet. §. XIX. XX. XXI.	Amor summus est, qui DEUM in se propter se fervide amat. §. XXXIII.
(c) Unio amantis cum amato. §. XXII.	Qui tamen sine premio non est. §. XXXIV.
(d) Et hinc gaudium. §. XXIII.	Et hic firmior est alio quovis. §. XXXV.
Amor erga DEUM sum- mus esse debet. §. XXIV.	Unde constat amorem pu- rum amore spei mayo- rem esse. §. XXXVI.
Crescit tamen in amante. §. XXV.	Officium nostrum est ad majorem semper amo- ris gradum ascendere. §. XXXVII.
Gradus sunt 3 quoad ten- dentiā. §. XXVI.	Variat amor in amante. §. XXXVIII.
2 Immunitatem à metu vel non. §. XXVII.	Characteres amoris divi- ni. §. XXXIX.
3 Efficaciam. §. XXVIII.	

<i>Media amaturi sunt.</i>	[1] <i>Præterita, præsentia ac futura. §. L.</i>
[α] <i>Obstacula amovere. §. XL.</i>	(α) <i>Aliis communia. §. LI.</i>
[β] <i>Amabilitatem DEI menti sue sistere §. XLI.</i>	(β) <i>Maximè DEUM ipsum. §. LII. LIII.</i>
[γ] <i>Beneficia. §. XLII. Speciatim. §. XLIII. XLIV.</i>	(γ) <i>Amorem Patris & Filii erga nos. §. LIV.</i>
[δ] <i>Corporis. §. XLV.</i>	(δ) <i>Gloriam DEI amandi. §. LV.</i>
[ε] <i>Anima. §. XLVI.</i>	(ε) <i>Commodum damnumque. §. LVI.</i>
[ζ] <i>Spiritus. §. XLVII.</i>	(ζ) <i>Necessitatem. §. LVII.</i>
[η] <i>Sibi peculiaria. §. XLVIII.</i>	(η) <i>Ei specialem usum ad veram Theologiam ad-discendam. §. LVIII.</i>
[θ] <i>Tum applicata tum oblata. §. XLIX.</i>	



§. I.

VERA DEI notitia plura officia erga DEUM monstrat, commendat, urget, speciatim amorem. Nam qui DEUM cognoscit, cognoscet illum ut summum bonum: Summum bonum cognitum sui amorem præcipit, accendit. Deut. VI. 4. 5.

II. *Ex adverso, qui DEUM non cognoscit, eum non diligit. Non diligit, quia non cognoscit. 1. Joh. IV. 8.*

III. *Vitia, quæ amoris DEI opponuntur, hæc sunt.*

sunt. I. *DEUM corde non diligere*: Id jam vitiosum est non diligere eum, quem super omnia diligere deberes, & in quo fortissima diligendi argumenta sunt, licet directum aliquod odium erga DEUM non sit.

IV. II. *Diligere DEI gratiam, verbum remissionem peccatorum annuntians, beneficia, non verò diligere justitiam, sanctitatem DEI, verbum resipiscentie & fidei, castigationes.* Fundamentum hujus amoris est perversus sui ipsius amor. DEUS non solum benignus, sed & justus. DEI non solum verbum remissionis peccatorum est, sed & resipiscentiæ &c. Jam DEUS non potest diligi, si non totus, & in omnibus actionibus diligitur.

v. III. *Diligere mundum, divitias, voluptates, peccato servire.* 1. Joh. II. 15. Matth. VI. 24. Jac. IV. 4. Qui enim oppositum amat, alterum oppositum necessariò odisse debet. Annon voluptuosus illum odit, qui vult, mandat, ut appetitum crucifigat, parcè & temperanter vivat? jam verò hæc vult DEUS.

vi. IV. *Fastidium, odium actu in mente tenere, occasione data exerere adversus id, quod DEI est*: Veluti adversus verbum DEI, illud maxime, quod peccatorem redarguit: Adversus ministros DEI pios, qui & ore & exemplo profanam vitam damnant: Ad-

versus

versus regimen DEI voto suo contrarium. Unde verbum ejus, sancta expositio & applicatio audiri, legi nequit, nisi animo adverso, irato, murmurante. Quia verò fundamentum fastidii, odii divinum quid est, rectè habetur odium adversus DEUM I. Sam. VIII. 7.

VII. V. *Odio habere Christum* Hebr. VI. 6. *Qui me odio habet, etiam Patrem odio habet.* Joh. XV. 23.

VIII. VI. *Odio in DEUM ipsum directe ferri.* Tale scelus non nisi in profligatissimos nequam cadit, blasphemantes veluti. Vide alia in part. de *Inspectione sui ipsius* cap. XIII. §. 8 - 27. & Cap. XIV. 11. 17. 18.

IX. *Quamquam inter memorata vitia discrimen sit, attamen tenendum est, nullum eorum non vitium esse adeoque fugiendum.* Participat quoque unum de altero, & cum eo conjunctum est. Qui DEUM non diligit, ille mundum diligit. Levius, ut habetur, data occasione facile in gravius abit. Qui amat voluptates atque vi verbi divini, Pastoris ministerio, ab iis abstrahitur, ille actuale odium erga hoc verbum Ministrumque facile concipit, gerit, exerit.

X. *Officium, quod vitiis his opponitur, DEI scilicet amor, est sincerus cordis illuminati affe-*

etus, quo in DEUM ut perfectissimum & summum bonum tendit, cum illo uniri cupit. Hinc agit, quodcunque unionem promovet ac DEO placet, avertatur verò, quod displicet.

XI. *Objectum est DEUS & omne quod DEI.* Vel an posset DEUS rectè diligi, si quidquam, quod divinum, odio haberetur, vel quod non diligeretur? Amor proximi ejusmodi divisionem admittit: Nam in proximo possunt esse qualitates amore indignæ. Non item in DEO.

XII. *DEUS, qui diligitur, in genere occurrit ut Jehova. Deut. VI. 5. ens perfectissimum.* Jam quod nostrum amorem accendit, est perfectio, quæ amato inest. Quodcunque amamus, amamus propter perfectionem vel revera talem, vel saltem apparenter. DEO verò omnis cogitabilis perfectio inest; Sapientia, sanctitas, justitia, potentia, æternitas &c. in summo gradu.

XIII. *In specie ut ens perfectissimum perfectiones suas in usum creaturarum impendens.* Omnes enim memoratæ perfectiones creaturis utiles sunt. Quia æternus, DEUS nullum finem habebit, nosque in æternum conservare potest: Quia omniscius, nihil ipsum latet, novit defectiones nostras: Quia omnipotens, valet defectum supplere:

Quia

Quia benignus, vult nobis benefacere &c. Si unica perfectio DEO nostro deesset, de salute aut saltem parte salutis nostræ actum esset, decederetque summæ amabilitati. Veluti si non omnia nosset aut posset &c.

XIV. *Etiam illa perfectiones in DEO, quæ primo intuitu nobis amabiles non videntur, amabiles sunt: imò habent illa præ reliquis, quod in presenti hominum statu amore dignum est.* Unde cœcitati nostræ attribuendum, quod amabilitatem non cernamus. Sunt autem veluti justitia, quæ in malum animadvertit, sanctitas, quæ sceleratum à DEO separat, verbum crucis, purificationis &c. sine his DEUS ut amabilis concipi nequit: concipiendus alioquin ut lux attris enebri mixta, asylum hominum sceleratorum &c. Hæ dein perfectiones & movent & terrent ad sanctè (sanctitas verò gratissima pulchritudo est) vivendum. Verum crucis est turpi peccatori, quod negma vesti sordidæ, castigatio verò, quod manus lotricis. Amanda ergò, quæ adeo magnum usum nobis præstant, quæque ab ore proficiscuntur. Hebr. XII. 6. 10.

XV. *Specialissimè occurrit, ut mihi, tibi &c. ut omnis boni, liberando ex malo, imperando bonum.* אֶרְחַמְךָ ex visceribus amabo

te, Jehova robur meum, Jehova petra mea & arx mea & liberator meus, DEUS meus, rupes mea, ad quam confugiam, scutum meum & cornu salutis mea, exaltatio mea. Pl. XVIII. 2. 3. Talis vero maximè in Christo manifestatus est. Unde etiam DEUS in Christo maximè amabilis in Evangelio proponitur. 1. Joh. IV. 9. 10. Luc. II. 10.

XVI. *Objectum hoc amorem sui non accendit nisi cognitum.* Ignoti non est, nec esse potest cupido. Quo verò magis cognitum, tanto magis amorem incendit.

XVII. *Amorem erga DEUM curatius cognituri observamus ipsum comprehendere* (a) *inclinationem animi.* Dein (b) *studium averfandi id omne, quod DEO displicet, agendi verò, quod placet.* Unde sequitur (c) *amantis cum amato unio gratumque* (d) *oblectamentum.*

XVIII. (a) *Qui DEUM amat, ille corde suo in eum propendet.* Omni amori vis magnetica inest. Bonum summum igitur amantem ad se trahit. Nam amans cogitat de DEO, cogitans invenit, DEO summam perfectionem, pulchritudinem ac bonitatem inesse, perfectionem hanc & bonitatem esse unicum fundamentum existentiae & felicitatis propriae, ut & aliarum quarumvis creaturarum. Unde propensio, nifus, deside-

rium

rium, fames, sitis erga DEUM oritur. Igitur amor DEI καρδία 1. Tim. I. 5. לֵב *menti* intelligenti, judicanti, וּשְׁמַיִם *volenti*, desideranti Deut. VI. 5. attribuitur. Eodem tendit, quod exprimatur vocibus חֲסִידִים *ex visceribus diligere*. Ps. XVIII. 2. *viscera commoveri*. Cant. V. 4. conf. Ps. XLII. 2. 3. LXIII. 2. 3. 4. 9. Es. XXVI. 9.

xix. (b) *Amans, qui in DEUM propendet, averfatur id, quod amato displicere novit.* In nullo sincero amore, nedum divino, una confiltere queunt propensio erga amatum & indifferens animus, ubi amatum læditur, ad iram provocatur, fastidium concipit. Igitur amator odit peccata ante acta DEO adeo invisa 2. Cor. VII. 10. Luc. VII. 47. Cavet sibi à novis, quæ unionem cum amato intercipiunt. Rejicit aut flocci habet quodcunque aliàs magni æstimatum, si amorem DEI & JESU Christi impedit. Luc. XIV. 26. Phil. III. 8. Averfatur autem non solùm propria, sed & proximi, quæ amato suo adverfa, qualia sunt: Si DEUS & voluntas ejus ignoratur, vilipenditur; Si DEI, cultus & verbi divini sine reverentia & inter jocum mentio fit Ps. CXIX. 136. 139.

xx. *Amans agit quoque id, quod DEO placet. Si quis me diligit, sermonem meum servabit.*

bit. Joh. XIV. 23. 1. Joh. V. 3. Omne igitur, quod DEUS præcipit, agit; idque agit, quia DEUS præcipit, & quidem animo lubenti. Quæ ex metu agimus, tristes agimus; Quæ vero amore impellente, læti ac hilares. Unde quam habemus occasionem DEUM glorificandi, eam arripimus, atque gaudemus ubicunque & à quocunque amabilis DEUS colitur, honoratur.

XXI. *Qui DEUM amat, ille, ubi circumstantia poscunt, ab amore DEI nullis incommodis & passionibus se abstrahi patitur.* Damna illa varia esse possunt: opum veluti, famæ, patrocinii, dignitatis, vitæ Rom. VIII. 35 - f. Hæc in censum non veniunt cum summo bono.

XXII. (c) *Qui ita in DEUM propendet, & ex animo malum omittit, rectum facit, ille cum DEO amato suo unitus est.* Joh. 14. 23. *Si quis me diligit, sermonem meum servabit, & Pater meus diliget eum, ac veniemus ad eum & mansionem apud ipsum faciemus.* conf. 1. Joh. IV. 16. Cant. VIII. 6. Pl. LXIII. 9. Nec potest DEUS, qui ipsa charitas est aliter, quam se cum genuinis amatoribus conjungere.

XXIII. (d) *Ex hac vero unionem amantis cum amato maximum gaudium ac júbilus profluit.* Quæ enim gaudium excitare valent, ea possi-

possidet cum DEO unitus, & possidebit in omne ævum. Non habet quod timeat verum aliquod malum. Hinc perfecto gaudio perfusus est amator DEI. Quod enim DEUS est, id amanti est mare inexhaustum omnium beneficiorum, temporalium, spiritualium, æternorum. *Exultabo & latabor in bonitate tua.* Ps. XXXI. 8.

XXIV. *Hic verò DEI amor si genuinus, omnem alium amorem superare debet. DEUS enim diligendus ex toto corde, tota anima, & omnibus viribus* Deut. VI. 5. quomodo nulli ullius hominis amor nobis præcipitur. Moses & Christus officium hoc ut primum & maximum proponunt, atque ita docent, ante & supra DEUM nihil diligere debere. I. c. & Matth. XXII. 37. 38. In quo validissimæ & plurimæ amandi rationes, ille super reliqua omnia amandus. Hæ verò sunt in DEO: Summus amor & summa obedientia conjunctissima sunt. Jam hanc DEO debeo. Ergò & istam. Injustum est servum diligere ut herum.

XXV. *Quamquam summus amor DEO debeatur, attamen ille incrementi capax est. Docet id experientia: Docet Scriptura; ἡ τελεία ἀγάπη perfectus amor metum expellit.* 1. Joh. IV. 18. Phil. I. 9. *Docet rei natura.* Nam

primò crescit notitia perfectionum divinarum. Crescit ergo etiam amor DEI. Quò enim DEUS plus amabilis cognoscitur, eò plus diligitur. Augetur *dein* & crescit amor DEI erga nos e;usque beneficentia. Hinc noster erga DEUM.

XXVI. *Clarius gradus quidam amoris erga DEUM notandi sunt.* Tales. 1. Quando quidem cor in DEUM ut summum bonum sincerè tendit, attamen tendentia paululùm infirma est. Cogitata & desideria alia menti obrepunt, quæ DEUM amabilem minus respiciunt. In aliis tendentia enixior, & alia cogitata ac desideria quàm divina aut saltem propter DEUM haud placent. Tali animæ accidit quod sponsæ, quæ unice de sponso cogitat, cum appetit, de eo loquitur. Alii discursus displacent.

XXVII. 2. *Amor cum metu conjunctus, aut ab eo liber.* Ille: quando quidem integrum propositum studiumque est DEUM amandi, atque etiam rebus secundis externa amoris divini testimonia dantur; at, gliscente periculo jacturæ bonorum, famæ, oritur metus, unde affectus, qui extus prodibat, intra præcordia colligitur. Hic omnem metum expellit. Ab amore DEI nulla repagula, nullum præmium, nullæ minæ, nulla vis exter-

externa, ne quidem mors, abstrahere valent. Quin potius, quod oleum igni, id flagranti amoris est persecutio. 1. Joh. IV. 8. Cant. VIII. 6. 7. Act. XXI. 13. Rom. VIII. 35 - f.

XXVIII. 2. *Quò magis amor efficax est in averfando, quod DEO displicet, agendo, quod placet, eò altioris gradus.* Ille, qui verè constituit hoc illudve agere, aut omittere, impellente amore DEI: Aut etiam, qui plura amoris divini impulsu agit, alia eaque graviora omittit, ejus amor imperfectus est. Sed qui servat sermonem JESU Christi, quem præscripsit, non tantum unam alteramve partem, in hoc amor DEI verè τετελειώται consummatus est 1. Joh. II. 5.

XXIX. 7. *Amatur DEUS x intuitu præmii:* Amatur quoque non habito ad præmium respectu, nonnisi quia Jehova ens perfectissimus, amore adeoque dignissimum est. Ille amor minor, hic major est.

XXX. *DEUS condescendens ad statum nostrum accensurus amorem erga se, atque hac ratione mundi extincturus, se summè amabilem in Sacris & Natura sistit.* Hinc qui DEUM ut beneficium amat, rectè amat. Aliàs enim DEUS se talem amandum non stitisset. Imò prohibuisset, quod verò nullibi factum. Idem probant probata

ama-

amatorum exempla : Uti Abrahami amici DEI. Jac. II. 23. conf. II. Chron. XX. 7. qui tamen præmium respexit Gen. XV. 1. 2. 3. Davidis Ps. XVIII. 2. 3.

xxxI. *Et quidem pro vario amantium statu, eos variis beneficiis ad amorem allicit DEUS.* Primò beneficiis naturalibus, quæ videntur & gustantur, docentque quàm amabilis DEUS sit. Tum beneficiis Spiritualibus, quæ diversorum graduum sunt. Ita per gradus beneficiorum ad gradus officii ducit DEUS. Ex summis est in cruce amorem DEI quærere, & eum propterea intentius amare.

xxxII. *Ille tamen DEI amor genuinus habendus non est, qui unice propter beneficia DEUM amat, nec amat beneficiis destitutus, privatus. DEUS semper diligendus est, etiam tum, si in nos animadvertit, aliàs homo non DEUM amat, sed se.*

xxxIII. *Amorem, qui gratiam DEI intuetur, superat amor purus, qui DEUM ut DEUM in se & propter se fervide amat. Nec amans propriè utilitatis rationem habet, sed unice cupit, ut DEI nomen glorificetur, destruatque quod ei adversatur. Sed hic amor heroicus est, & nonnisi in perfectioribus flagrat,*

flagrat, qualis amor proximi in Mose Exod. XXXII. 32. Paulo Rom. IX. 3.

xxxiv. *Nec putandum est talem amorem sine premio esse posse, quanquam exeratur sine intuitu premii.* Si DEUS minorem amoris gradum remuneratur, quare non majorem? Actus, qui unicè DEUM & ejus gloriam respicit, gravior est, quam qui duplicem respectum habet. Nec dubitat de gratia DEI, qui ipsum puro amore complectitur. Talis enim jam dudum DEUM ut cornu salutis suæ agnovit, dilexit, nec talem esse nunc negat, aut ignorat, licet amans eò non respiciat.

xxxv. *Habet hic amor præ antecedente firmitatem ac fundamentum.* Qui enim DEUM amans beneficia respicit, is facilius ab amore abstrahitur. Uti amor sponsi firmior constantiorque est, qui sponsam quatenus sponsam suam diligit, non quatenus dives aut pulchra est. Perdit enim sponsus de amore suo, si sponsa pulchritudinem aut divitias amittit. Sic qui DEUM amat ceu dantem sanitatem, pacem, gratum sui gustum in mente, quid faciet ægrotus, bello implicatus, mente afflictus? Qui verò non attendit ad beneficia, amabit DEUM in quocunque statu, prospero aut adverso.

Nihil

Nihil ipsum ab amore DEI abstrahere potest.

xxxvi. *Unde nostrum de amore spei, ut vocant, & puro, iudicium constat: scilicet hunc illum gradu superare constantioremque esse.*

xxxvii. *Unde etiam constat nostrum esse ad perfectissimum gradum contendere. Meretur id DEUS, qui etiam nos propter nos diligit. Hic dein amor constantior est. Nec habet κόλασιν 1. Joh. IV. 18.*

xxxviii. *Amor DEI, qui homini inest, non semper idem. Qui enim recte se habet, ad ulteriorem gradum assurgit. DEUM, quem amator primum dilexit ut sibi bonum, mox etiam diligit ut aliis benignum. Quem in statu prospero, cum etiam in adverso, ceu in quo non minus benignus est, ac in prospero. Quem ut benignum, cum ut perfectissimum. Fit dein, ut qui flagrans amor cœlesti igne incensus nunc sentitur, alio tempore quasi extinctus sit. Cujus rei causa vel ipse homo vel DEUS. Ille: quando se ab amore DEI ad amorem creaturæ convertit peccavitque Ps. LI. 10. Apoc. II. 4. Hic edocturus amatores suos amorem pretiosum & divinum donum esse. Desiderium quoque excitaturus, aucturus*
sub-

subtrahit amoris sensum. Amor enim, qui quæritur, amorem accendit. Cant. V.

xxxix. *Is, qui scire cupit, num DEUM diligit, attendat, an eum animum & affectum erga DEUM habeat, quem erga objecta sibi grata habet? An frequens de DEO cogitatio? An tendentia & propensio erga DEUM? An ipsi in omnibus placere studeat? An proximum integrè diligit?* 1. Joh. IV. 20. 21. Si hæc & similia penes se reperit, quanquam pro tempore solatium, gaudium, oblectamentum ex summo, quod amat, bono non teneat, de amore DEI nullatenus dubitet.

xl. *Amaturus DEUM prudenter facit, si obstacula amoris divini, præjudiciaque sollicitè notat, vitatque.* Accidit alioquin, ut dum opinatur se DEUM diligere, tandem deceptus experiatur, se eum non dilexisse: Aut quando conatur in amore DEI accrescere, impeditus accrescere nequeat. Talia obstacula & præjudicia sunt. I. De amore DEI cogitare, loqui, esse DEUM diligere. II. Quandam inclinationem erga DEUM penes se sentire, & eum mox pro recto amore Numinis habere. III. Possè DEUM diligi & simul mundum, divitias, dignitatem &c. IV. Amorem in corde consistere, adeoque signa externa non requiri. V.

Eroga-

Erogationem eleemosynarum sufficiens amoris divini testimonium perhibere.

XLII. *Amaturus dein amabilitatem DEI menti sua proponat* Si quis DEUM amabilem non cognoscit, aut rarius de eo cogitat, non mirum, illum DEUM non diligere. Nam amabilitas rei cognita demum amorem excitat.

XLIII. *Omnia quidem, quæ in DEO sunt, & ex DEO fluunt, maximè amabilia sunt, imò quæ in DEO, amabiliora, quàm quæ ex eo in nos redundant, attamen ratione ad præsentem statum nostrum habitâ beneficia, quæ DEUS nobis confert, primò amabilia nobis videntur, de quibus hinc primo dicemus.*

XLIII. *Beneficia hæc considerari possunt vel in nos ipsos collata, vel in alias creaturas.*

XLIV. *Beneficia, quæ in nos collata, vel spectant corpus vel animam, vel spiritum.*

XLV. *Quæ corpus spectant sunt, (a) ejus formatio & productio in lucem: Ante paucos annos nihil quidquam eramus. Mansissemusque nihil, nisi aliter gratiæ divinæ visum. DEUS dedit nobis corpus & quidem humanum, non bestię. Formavit illud mirè in utero materno, instruxitque sensibus ac membris, atque produxit in hanc lucem. (b) Conservatio & gubernatio. Corpus jam dudum in*

in nihilum recidisset, nisi DEUS illud potenter conservasset & rexisset. Variè enim indigum est, & periculis plurimis externis ac internis expositum. Itaque DEUS potentiâ suâ fragile hoc vas continet *suppeditatque* necessaria, scil. *cibum*, bonum, varium, divitem, ad gustandum quàm suavis Dominus sit: Et quidem alium nullâ operâ nostrâ intercedente, nisi ut illum in usum nostrum optimè paratum ductumque ad nos cum gratiarum actione capiamus; Alium verò intercurrente operâ nostrâ, ne, maximè post peccatum, otiosi his in terris existamus, exitiumque nostrum augeamus: Dein *potum*, necessarium cibi ad corporis sustentationem comitem, qui itidem varius est. Communis, aquam intelligo, tanta copia in plerisque locis scaturit, ut sine pretio & labore hauriri queat. Cibo verò & potui Clementissimum Numen ita benedicit, ut, quod per se corpori nostro potius onus esset ac dolorem adferret, divina benedictione vires conservet, confortet, augeatque: Etiam *amictum* ad aëris injurias arcendum: Denique *domicilium*. Paucis dicam: DEUS in commodum & necessitatem corporum nostrorum terram, mare, aërem, cœlum & quæ in iis, nobis donavit. Ipse enim ceu Spiritus iis non indiget.

XLVI. *Magna quidem hæc in corpus collata beneficia sunt : Majora tamen in animam.* Illa quodammodo nobis cum bestiis communia sunt. Non item hæc. Immerito Numinis amori debemus animam nostram rationalem , intelligentem , volentem , quâ in bestias dominamur , nobis prospicimus , mala avertimus , jura societatis condimus , tenemus , ac capaces sumus bonorum spiritualium. Quantum beneficium sit , illi nos docent , qui animæ usu non pollent.

XLVII. *His adhuc majora sunt beneficia spiritualia. Tum externa, tum interna.* Illa sunt verbum Evangelii, ejus præconium, Sacramentorum administratio, exempla piorum. Hæc, quanquam externa bona, præclara tamen bona sunt, ceu quæ aditum faciunt ad interna, sunt media ordinaria interno- rum consequendorum. Præstantia maxime exinde cognoscitur, si conferimus loca, homines, quibus bona hæc vel omnia, vel quædam defunt, cum iis, qui his abundant. Hæc, qualia Spiritus S. Lux & Lex interna, tentatio, crucifixio, mortificatio, sepultura veteris hominis, vivificatio novi, fides, charitas, sanctitas, gaudium, tranquillitas, constantia, uno verbo *divina Natura*, quæ omnium maxima & pretiosissima continet beneficia. 2. Petr. I. 4.

XLVIII. *Unusquisque amorem erga DEUM tantò magis excitaturus expendat, quæ sibi præ multis aliis peculiariora sunt aut donata in majori gradu.* Uti sunt quoad corporalia, fida Parentum cura, sanitas, pax, nullus defectus cibi, potûs &c. *Quoad naturalia:* acumen judicii, felicitas ingenii, memoriæ firmitas &c. *Quoad spiritualia:* Sapiens, prudens, pia, fida in Evangelio institutio, educatio. Operatio Spiritûs S. in tenera ætate &c. Huc etiam facit genus vitæ, quorum unum altero felicius, quale speciatim Ecclesiasticum est, si aliàs recte ducitur 1. Tim. III. 1-13.

XLIX. *Beneficia alia applicata, alia oblata sunt.* Huc pertinent bona spiritualia externè & internè nobis oblata, sed à nobis neglecta aut rejecta, quæ itaque tantò magis ad amorem DEI nos excitare debent, quia, si DEUS pro merito nobiscum egisset, indigni novis fuissetus.

I. *Beneficia præterita, præsentia, & futura consideranda sunt.* Illa, quæ ab initio vitæ usque ad præsentem horam nobis data. Unoquolibet momento plura, præstantia, necessaria bona in nos conferuntur. Quantum igitur beneficiorum cumulus per tot dies, septimanas, menses, annos accrevit? Ingentis stultitiæ nota est, solitarium aliquod

beneficium in recenti memoria tenere, non verò jure, concatenatum, quod ut unda undam trudit, semper novum post se trahit, id quod tamen cœcis hominibus haud rarò obtingit. *Ista*: amandus quidem DEUS, qui nobis præterito vitæ nostræ tempore benefecit. At miseri essemus, si non pergeret benefacere. Verùm DEUS fons est, etiamnum largè in nos effluens, *dans vitam, halitum & omnia*. *Hac*: Ad felicitatem nostram nondum sufficiunt præterita & præsentia beneficia. Requiruntur insuper futura in æternum duratura. Etiam hæc ritè amantibus DEUM destinata sunt. Imò hæc prioribus quoad corpus, animam & spiritum longè perfectiora futura sunt. Imperfectio enim & molestia, afflictio, quæ illis admixta, auferetur; bona erunt perfectè bona, quæ totum hominem summè recreabunt, obletabuntque. 1. Cor. II. 9. 1. Tim. IV. 8. Jac. I. 12.

II. *Beneficiorum, quæ quisque abs DEO accepit, pensitationi adjungat considerationem beneficiorum in parentes, liberos, consanguineos, ejusdem fidei socios, concives, quemlibet proximum transfusorum*. Quantus abyssus beneficiorum! Mea ob numerum, præstantiam, necessitatem, omnem captum longè superant.

rant. Quando verò cogito multas myriades hominum existere, longè plures existisse, atque omnes, nullo excepto, quicquid boni habuerunt, habuère ex DEO; certe animus admiratione, imò stupore plenus sit oportet. O summè amabile ens! *Quam pretiosa est bonitas tua, ô DEUS, filii Adam sub umbra alarum tuarum confugiunt. Inebriabuntur pinguedine domus tua, & potabis illos torrente voluptatum tuarum.* Ps. XXXVI. 8. 9.

LII. Nondum hic subsistendum: nonnisi rivulos hætenus vidimus. *Ipsam mare, ex quo rivus profluunt, quantum licet, adeundum ac contemplandum est.* Cum Jehova sit מְקוֹם הַיֵּימ *fontes vitarum.* Ps. XXXVI. 10. in quo incomprehensibili divina virtute omnia bona corporis, animæ, spiritûs originariò scaturiunt, quàm dives scaturigo sit, magis ex fluviis profluentibus, quàm ex profundissima abyssu divitiarum, quæ in DEO, cognoscenda. Maris vastitatem, profunditatem, scaturiginem nemo hominum assequitur, ita, & multo minus DEUM ceu fontem vitarum. Aliquid cognoscimus, si attendimus ad myriades angelorum, ad multas myriades hominum, qui nunc existunt, qui exstiterunt, & qui omnes etiam,

num quoad animam existunt. Si porrò ad altissimos cœlos, & in cœlis innumeras stellas, totque alia omnem numerum superantia φαίνόμενα. Si insuper ad vastissimum mare ejusque stupendæ magnitudinis incolas : Si præterea ad longissimam terram & quæ in ea sunt, bestias, arbores, lapides &c. Si denique ad imperscrutabilem profunditatem locorum inferorum, quæque in iis continentur. Si, dico, attendimus ad hæc omnia, quod nullum propria virtute existere inceperit, aut existere pergat, quod omnia existentiam, conservationem, gubernationem, singula bona ex hoc bonitatis fonte derivata habeant, quod etiam unicus homo tot ac tanta beneficia ex hoc mari acceperit, ad quæ enarranda prorsus inidoneus est, attoniti stabimus, exclamabimusque : ô quàm incomprehensibilis ipse fons bonitatis divinæ est, si rivorum unusquisque, quorum numerum nemo inire potest, nobis vastum mare dimensionis accuratæ expers videtur ! Nec tamen fons hic exarescit aut diminuitur : superabundat semper. Quanquàm indies nova conceptacula formentur, nova hæc non minus ac vetera bonitate divina implentur. Et licet divina hæc scaturigo identidem in corpora

ac

ac mentes influat, influentem non vides, vides autem influentis effectus. Ad amabilitatem hujus fontis etiam facit, quod sine pretio, sine *ὀνείδιμῳ*, quodcunque bonum creatura rectè petit, quodque ad ejus veram felicitatem pertinet, largiatur. Et quam amabilis illuminatis animabus erit DEUS, quæ non solum DEUM in se & effectivè bonum, sed simul æternum, independentem, immutabilem, sapientem, sanctum, justum, omnipotentem (quæ omnes perfectiones bonitatem DEI perfectiorem & ita amabiliorem nobis proponunt) cognoscent.

LIII. Lapis & ferrum aut si quid durus oportet sit, qui DEUM summè amabilem in se, in beneficiis considerat, nec eum amat. Amamus eos, qui nobis levius bonum donarunt. Quantò magis ergo DEUS amandus, à quo omnia bona: Sine quo æternum nihilum mansissemus, & iam existentes in æternum nihilum recideremus; Sine cujus amore vita nostra perpetuus cruciatus existeret.

LIV. *Amaturus speciatim summum illum Patris & Filii amorem, quo ille filium unigenitum, hic verò seipsum ex amore generis humani tradidit, perpendat. In hōc manifestata est charitas DEI in nobis, quod DEUS filium suum*

unigenitum in mundum miserit, ut per illum viveremus. 1. Joh. IV. 9. conf. 10. **DEUS** *charitatem suam erga nos commendat, quod Christus nobis adhuc peccatoribus existentibus pro nobis mortuus sit.* Rom. V. 8. conf. Joh. III. 16. Rom. VIII. 32. 1. Joh. III. 16. **Ma-**
jor amor cogitari nequit, quam si quis pro alio moritur Joh. XV. 13. Perpende igitur, quis ille, qui nos primò diligit, Pater & filius gloriæ. Perpende dein, quo tenerimo amore uterque diligit. Ille filium in mortem dat, hic amore impellente gloriam suam occultat, homo, & quidem pauper, abjectus, contemptus, convitiis plenus fit, in corpore & animâ dueros cruciatus perfert, mortemque maledictam subit. Perpende insuper, quinam nos, qui tanto opere diligimur. Peccatores, filii iræ, non amore, sed irâ digni. Perpende denique, quantum ex hoc amore in nos beneficium re-
 dunder. Omnigena felicitas & gaudium, Aut amabis perpendens. Aut non amans non perpendisti. Nec quidquam aliud vult adeo amabilis **DEUS**, quam ut ipsum redamemus,

LV. Et quando ad amorem excitandum multum facit objectum excellens, magnificum, summa DEI Majestas & excellentia consideranda est.

est. Omnes valdè propendimus ad amandum potentes, divites, sapientes, modò amor noster iis placeat excitetque mutuum aliquem affectum: Jam verò potentia, sapientia aut alia perfectio, quæ in hominibus, comparata cum divina infirmitas, stultitia, imperfectio est. Certi esse possumus, quod quicumque sumus ex infimis subcellis hominum, summo DEO placeamus amantes eum. Quando verò DEUM amamus, ille nos redamat. Habemur, atque etiam sumus familiariter cum DEO conjuncti, nam ubi mutuus amor, ibi familiaritas. Si verò in familiaritate DEI vivimus, tum præter maxima commoda, summus quoque honor nobis obtingit.


LVI. *Uti verò in DEUM amantes varia utilitas ac maximus honor redundat. Sic ex adverso illos, qui ipsum non diligunt, nullum non damnum atque ignominia manet. Si quis Dominum JESUM Christum non diligit, esto Anathema: Dominus venit. 1. Cor. XVI. 22. Qui DEUM non diligit, ille mundum, carnem, homines, voluptuosos, potentes diligit, sed quam perituum commodum ex his in amantem! Imò quam incommodum commodum! Moriuntur amici, vel etiam mutantur in hostes. Caro morbis,*

imò morte afficitur. Mundus perit cum concupiscentiis suis. Ubi tum bonum, quod amabatur? Qui DEUM non diligit, ille DEUM odio habet. Qui verò DEUM odio habet, ille pœnas dabit propter omnia beneficia corporis, animæ, Spiritûs, applicata & oblata. Beneficia hæc mutantur in ignem devorantem Exod. XX. 5. Nova beneficia, elapso, quod amoris divino destinatum erat, tempore, non conferentur. Extra cœlum erit *omnis qui amat & facit mendacium*. Apoc. XXII. 15. adeoque qui DEUM non amat.

LVII. *Amor DEI non solum æquus, salutaris, sed etiam necessarius cœu lege divina toties atque acriter sine exceptione statûs, sexûs, ætatis, temporis præceptus*. Deut. VI. 5 - 10. Matth. XXII. 36 - 41. Hinc constat, quod amor DEI præceptum primum, maximum, centrum aliorum præceptorum. Unde qui DEUM non amat, ille aliud nullum officium saltem ritè præstare potest, nam amor DEI est primum præceptum. Ab amore DEI, ut & proximi, dependent alia omnia, quæ in Mose, Prophetis imò & in Evangelio exstant. Qui verè DEUM amat, ille reliqua quoque officia erga DEUM præstabit, nam ab hoc dependent reliqua. Ille DEO
& qui-

& quidem cum facilitate, lubentia confidet, reverentiam testabitur, obediet, preces ad DEUM fundet, glorificabit DEUM in tota vita sua.

LVIII. Denique amor DEI optimum tutissimumque medium est summam perfectissimamque Theologiam addiscendi 1. Cor. II. 7 - 10. Nam sapientia in τοῖς τελείοις, quæ non huius seculi, neque principum huius seculi, qui abrogandi, Sapientia DEI in Myſterio occulta, quam nullus principum huius seculi novit, quæ non videtur, nec auditur, nec ascendit in cor hominis, præparata est à DEO in τοῖς ἀγαπῶσιν αὐτὸν, qui diligunt eum, quæque illis per Spiritum DEI revelatur. Nemo, nequidem apostolus, hanc sapientiam quempiam edocere potest, sed nonnisi Spiritus DEI. Qui ergo veram hanc Theologiam discere cupit, amet DEUM. Laicus, qui DEUM amat, maiorem in vera Theologia notitiam habet, quam nullus Clericus, qui absque amore DEI est. Consule quoque Lib. de Inspectione sui ipsius Cap. XIV. §. I - XXXVI.



CAPUT VI.

DE

Spe, Fide & Fiducia.

Σύνοψις.

EX notitia ac amore *Ejus* fundamentum, quod
DEI fuit, spes, fides solus DEUS. §. XIV.
ac fiducia in DEUM. XV.

§. I.

De quibus conjunctim
agemus. §. II.

Vitia opposita sunt.

1. Confidere sibi. §. III.

2. Confidere aliis. §. IV.

3. Confidere DEO &
Proximo. §. V.

4. Confidere DEO, ubi
non confidendum. §.
VI.

5. DEO diffidere, quod
variè fit. §. VII - XI.

Hinc elucet plures esse
falsa fiducia diffiden-
tiæque species ac gra-
dus. §. XI.

Vitia hac valde commu-
nia sunt. §. XII.

Sequitur fiducia, §. XIII.

Et quidem cum reconci-
liatus per IESUM
Christum. γ. XVI.

Cui omni tempore, maxi-
mè adverso & in omni-
bus confidendum est.
§. XVII.

Vera fiducia characteres,
§. XVIII.

Et diversi gradus produ-
cuntur. §. XIX.

Nostrum est jugiter ad
altiores contendere. §.
XX.

Media sunt.

(a) Exactior notitia Pro-
videntia divina. §.
XXI.

(b) Natura (c) Scriptura
(d) singularium exem-
plorum

plorum ac (c) sui ipsius.		Adduntur motiva,
§. XXII.		qua sunt.
(f) Recta precatio. §.	℞	Voluntas divina. §.
XXIII.		XXX.
(g) Cuncta prameditatè	⊃	Natura dein divina.
agere. §. XXIV.		§. XXXI.
Obstacula proponuntur.	λ	Status noster. §. XXXII.
§. XXV.		⌈ Commodū. §. XXXIII.
Qua tolluntur. §. XXVI.	⌋	Damnum. §. XXXIV.
XXVII. XXVIII.		Fiducia in DEUM ma-
XXIX.		ximè incumbit statui
		politico ac Ecclesiastico.

*****:*****:

§. I.

QUI DEUM novit, amat, ei quoque confidit speratque omnia, qua promissit, impletum iri. Et certissimum est, quod omnis, qui DEO non confidit, vivitque sine spe, etiam DEUM neque amet aut cognoscat. Ps. IX. 11. XVIII. 2. 3. Eph. II. 12.

II. *Conjunctim hoc capite agemus de spe, fide, fiducia.* Sunt enim officia in natura sua conjunctissima. Fiducia spem involvit. Unde LXX. *πιστεύειν* confidere etiam transferunt *ἐλπίζειν*, sperare. Et spes, quatenus ponitur in DEUM & promissa divina, fiducialis esse debet. Ps. XXXVII. 9. 1. Cor. XV. 19. 1. Tim. V. 5. Hebr. III. 6.

III. *More*

III. *More nostro primo de vitiis, qua spei & fiducia opposita sunt. Sunt autem hac. I. Confidere sibi, ingenio, viribus corporis, opibus suis. Quod vitium omnibus quidem innatum, exerit tamen se in illis notabilius, qui scientiâ, robore, divitiis præ aliis pollent, qui hinc turgidi DEO non acceptum ferunt, quod ab illo acceperunt. Unde est, quod literatos sapientiæ, robustos viribus, divites opibus confidere observés. Habes exempla in Philosophis Actor. XVII. 18. Goliath. 1. Sam. XVII. 4-11. 42. 43. Nebucadnezare. Dan. IV. 27. 28. Sed prudenter monet Salomo, Prudentia tua ne innitaris. Prov. III. 5. 7. Jer. IX. 27. 22. 23. Unde recto DEI judicio falsæ fiduciæ materia existit causa judicii.*

IV. II. *Confidere proximo, veluti potenti- bus, Parentibus, Patronis, Medicis, Professoribus, Pastoribus. &c. Hi omnes ipsi impotentes sunt & indigent eo, cui innitantur. Ne quidem sibi protectionem, sanitatem, sapientiam, sanctitatem, gaudium in DEO, dare possunt, multo minus aliis. Ps. CXLVI. 3. 4. CXVIII. 8. 9. Jer. XVII. 5. Vera beneficia, protectio, sanitas, sapientia, sanctitas, animus tranquillus, sunt bona in solius DEI manu.*

V. III. *Confidere DEO & proximo.* Nonnulli, qui peccatum habent, sibi & proximo confidere, attamen opinantur Deo & proximo unâ juste confidi, sed malè. Homo cum DEO in eodem ordine non ponendus est. Homo variè impotens firma basis, qualis in fiducia requiritur, esse nequit. Atque dum plerique dicunt se DEO & homini confidere, revera non tam DEO quam homini confidunt. Metu & pudore impellente ore tantum profitentur, quod corde non credunt. Et certè quomodo aliàs ad latus DEI hominem, qui vermis, pulvis tantum est, collocarent?

VI. IV. *Confidere DEO, ubi non confidendum,* quod in re non promissum aut quidem in re promissum sed sub usu mediorum & certâ conditione prius præstandâ obvenit. Quod enim DEUS se facturum non promisit, id abs DEO fiducialiter sperari nequit. Multominus, quando auxilium & gratiam in hoc illove casu negavit Deut. I. 42 - f. Et vana, imò stulta est spes, fides boni consequendi absque conditione, quod cum conditione promissum est. Et tamen longè maximus numerus est Christianorum non otiantium solum in vinea DEI, sed & opera divina, quantum in illis, destruentium, qui

qui tamen *operi operato* innitentes tenacissimè DEO confidunt, nec dubitant se salutem consecuturos. At stultissimi mortales à Principe tenebrarum excecati sunt, Vita æterna non aliis quam resipiscen- tibus, obedi- entibus, sanctis promissa. Unde non alii quam resipiscen- tes, obedientes, sancti DEO vitam æternam pollicitanti fidere possunt, Marc. I. 15, III. 36. Hebr. XII. 14.

VII. V. DEO diffidere. Diffidentia dantur plures species & gradus. Ex his sunt. R. Si quis, qui bonum, veluti spiritum sanctum, cognitionem DEI &c. quod pro tempore non habet, dubitat aut diffidit se illud consecuturum. Jac. I. 5 - 9. quum tamen velit DEUS, ut bona hæc omnibus offerantur, quo omnes per rectam viam tendentes confidant se illa à DEO consecuturos, I. c. Luc. XI. 13.

VIII. 2. DEO confidere quam diu media conservationis in promptu sunt. Quamdiu cælum serenum est, & omnia ex voto fluunt, sed diffidere absentibus mediis, cælo turbido & hostibus prævalentibus. Diffidentia hæc docet, quod antecedens fiducia non tam in DEUM posita fuerit, quam in divitias, homines, statum Republicæ aut Ecclesiæ tranquillum 2. Reg. VII. 1, 2. Ps. LXXVIII. 19-23.

IX. 3. Tempus & modum liberationis ex per-
ricul

riculo præfigere, illò elapsò aut non præstitò de salute desperare velle. Uri omnipotentia DEI nullo tempore aut modo includi potest, sic etiam fiducia in DEUM nullis limitibus circumscribenda est. Aliter se habet, quando ipse DEUS tempus & modum auxilii figit.

X. 7. *Ex desperatione murmurare adversus DEUM viasque, qua tenenda sunt: Contrarium agere cum improbatione, odio fiducia in DEUM ponenda: Imo desperatione impellente vitam sibi adimere; Exemplum prostant in Israël Deut. I. 27. 32. Num. XIV. 1-5. atque Apostolo Juda, Matth. XXVII. 4. 5.*

XI. *Ex dictis constat, plures esse diffidentia species & gradus. Illi verò ita comparati, ut plures sæpenumero conjuncti sint, unus alterum ex se gignat, inferior ad superiorem sensim ducat. Qui sibi aut proximo confidit, illo DEO diffidit. Qui sibi & DEO confidit, ille tempore periculoso de se atque DEO desperat, confiditque brachio humano, aut etiam omnem spem abjicit.*

XII. *Quamquam confidentia sui & diffidentia DEI valde enormia vitia sint, sunt tamen inter illos, de quibus bonam fiduciam tenes, facile reperiunda. Quoties Christus in discipulis suis diffidentiam carpendi ansam materiamque habuit? Typus quoque est infi-*

fidelis Israël, qui, licet stupenda opera DEI oculis suis vidit, nihilominus ferme totus propter diffidentiam in deserto prosternebatur, neque in terram quietis intromittebatur 1. Cor. X. 11. Ah quoties subsequente tempore in Israël Christiano ingruentibus tentationibus factitatum & infelix ille typus ad plurimorum exitium adimpletus est, adimpleturque! Quantam ergo causam habemus Salvatorem nostrum invocandi, *προσθετε υμιν πισιν*, Luc. XVII. 5. ne ingenti infidelium turbâ unâ abripiamur, nos subducentes à fide, quam promissimus, quamque sereno cœlo testatam fecimus. Hebr. X. 38. 39.

XIII. *Confidere DEO est in mente persuasum esse, DEUM resipiscentes eumque timentes in nulla necessitate finaliter deserturum, sed iis potius gratiâ & potentiâ recto tempore adfuturum ac eos liberaturum ex malo, quo premuntur atque largiturum bonum, quod promissit, quodque iis necessarium est.*

XIV. *Cui ergò confidendum, is DEUS est isque solus.* Scriptura damnat omnem in res creatas fiduciam Jer. XVII. 5. Principes iique *benigni* גִּדִּיבִים aliàs videntur iis qualitatibus, potentia scil. opibus, favore instructi, quibus homo inniti posset: Nihilominus

ominus etiam horum ratione valet, *ne confidatis principibus* בְּנֹדִיכִים Pf. CXLVI. 4. additis gravibus rationibus. Ex adverso DEUS passim proponitur, cui fides habenda, *Israel confide Jehova* Pf. CXV. 9.

xv. *Cum scriptura concordat rei natura.* Nam qualitates, quæ ad tutè confidendum requiruntur, DEO eique soli insunt. Nam is, cui certò confidendum, debet ipse immobilis esse: dein semper vivus. Tum potens ad omnem hostem, qui mihi adversatur, depellendum, vincendum. Insuper dives ad omnem defectum corporis & animæ supplendum. Præterea omnipræsens ac omniſcius. Ultimo verax atque constans in verbis suis. Hæc postulata frustra in ullo homine imò in omnibus hominibus unâ sumtis quærantur, & tamen nullum ex iis ad confidendum abesse valet. At DEUS est אֱלֹהִים *fundamentum*, basis, mons, petra immobilis Jcf. XXVI. 3. Deut. XXXII. 37. Pf. XVIII. 3. DEUS semper vivit. 1. Tim. VI. 17. DEUS clypeus est, qui à confidentibus maxima & præstantissima pericula, mala avertit, Pf. CXV. 9. DEUS fons vitarum, naturalis, spiritualis, æternæ. Quicquid anima sitit, ex DEO in fide haurire valet Pf. XXXVI. 10. 1. Tim. VI. 17.

Adest confidentibus in medio igne & aqua
Es. XLIII. 2. & novit ea, quibus sperantes
indigent Matth. VI. 32. Nec ulla pro-
missio divina excidit 1. Cor. I. 20.

xvi. *In statu peccati DEUS, in quem spes & fiducia ponenda est, speciatim considerandus ut in Christi sanguine mundum secum reconcilians.* Nam extra hunc homo hostis DEI est Rom. V. 10. & hinc DEO confidere haud valet. Israëlitz sub V. T. nullam spem remissionis peccatorum aliorumque beneficiorum sine hostia habebant. Christus verò obedientia & morte sua Patrem glorificabat, unde nobis spes, fiducia, *παρρησία* resurgit gratiam & auxilium in eo expetendi Hebr. IV. 15. 16. 1. Petr. I. 3. in nomine Messix *gentes sperabunt*, Matth. XII. 21. Hinc officium multoties in N. T. ad salutem consequendum necessarium proponitur; *credere in Christum* sive Christum recipere tanquam illum, quem Pater posuit *ἰλαστήριον*, quemque tamen Pater simul dedit Præceptorem & Regem.

xvii. *Spes, fides, fiducia nostra se exerere debet non solum, quando res nostra in felici statu sita sunt, sed & in adverso, imo in hoc maxime: sperandum quoque & confidendum ratione bonorum corporalium & spiritualium.*

Patet

Pater ex nexu. Dicta enim DEUM generatim arcem, refugium, cornu salutis &c. in omnibus necessitatibus proponunt. Spes & fiducia in statu tranquillo ac prospero suspecta est. Experientia quippe probat plures ex his omnem spem & fiduciam sævientibus infortuniis Matth. XIII. 20. 21. abjicere. Probata spes & fiducia illa demum est, quæ in periculis constans manet ac viva & efficax emergit, vincitque in DEO omnia obstacula. 1. Theff. I. 3. Rom. V. 2 - 6. 1. Joh. V. 4. Qualis laudata eorum fides, quorum catalogus exhibetur Hebr. XI. Sperandum & confidendum DEO in iis, quæ corporis victum & amictum concernunt. DEUS enim tale indigum corpus nobis dedit. Ille quoque de necessario nobis prospiciet. *Novit Pater vester Cælestis, quod his omnibus indigeatis.* Ergo etiam dabit, nam Pater isque dives est, Matth. VI. 32. Ægrotat corpus. Confidendum DEO. DEUS est verus, isque unicus medicus. Ille novit naturam morbi tui: Ille potens ac expertus ad morbum desperatissimum fugandum. Verbum ejus probata panacea est. Confide igitur huic Medico, qui ipsos mortuos vivificat, quantò facilius ægrotos sanitati restituit 1. Sam. II. 6. Multi, magni ac potentes hostes tibi insi-

diis struunt: Confide DEO, *Jehova est elypeus*, circa te, *gloria tua & qui caput tuum attollit*, ut dicere queas cum Davide, *non timebo à Myriadibus* Ps. III. 7. Accusat te Satanas, Conscientia: Confide DEO in Christo JESU, qui pro peccatis credentium mortuus excitatus est atque in Cælo intercedit Rom. VIII. 33. 34. Indiges sapientiâ, tranquillitate, lætitiâ aliisque bonis spiritibus: Confide DEO ejusque thronum gratiæ cum libertate adi atque accipies misericordiam & invenies gratiam ad opportunum auxilium Hebr. IV. 16. Jac. I. 5. 6.

XVIII. *Non tamen omnis spes, fides, fiducia, qua talis dicitur, talis est. Inquirendum igitur probè in genuinos characteres, quales sunt. I. Sibi aliisque creaturis diffidere. Vide quæ supra §. III. IV. diximus. II. DEO confidere corde* Prov. III. 5. Qui dicit se credere DEO, quique etiam spei argumenta producere valet, is non statim sperare, confidere habendus est. *Si credideris in τῇ καρδίᾳ σου in corde tuo, salvaberis*, Rom. X. 9. III. *Confidere DEO juxta voluntatem suam*: Cognoscenda adeoque voluntas DEI ab eo, qui rectè confidit. Aliàs firmiter confidere nequit. Cognosci verò voluntas divina potest ex scriptura & rei natura. Quod scriptu-

scriptura ſpecialiter vel ſaltem generaliter promittit, id rectè ſperatur, ſperandum tamen ea, qua promiſit, ratione. Sic reſpiſcens, credens rectè ſperat remiſſionem peccatorum & vitam æternam Matth. IX. 13. Tit. II. 12. 13. Joh. III. 16. Non tamen rectè ſperaret divitias, dignitatem, quam DEUS non promiſit. Ad hunc characterem quoque pertinet, ut confidens ordinariis mediis utatur. Qui ſperat ſuam ſuorumque ſuſtentationem, ille primò regnum DEI quærere atque in ſudore faciei laborare debet. Matth. VI. 33. Nam his Pater Cœleſtis ſuſtentationem honeſtam promiſit. IV. *Confidere in cauſa bona.* David toties in rebus, quæ ipſi cum proximo interceſſerant, DEO conſiſus erat. Habebat verò cauſam bonam. Proximum non læſerat. Pf. VII.

XIX. *Δαντὺρ ὀλιγόπιστοι & μεγαλόπιστοι exigua & magna fide præditi, varii adeoque ſpei & fiducia gradus.* Matth. VI. 30. VIII. 10. Et ſunt. 1. *Sperare ac confidere DEO rebus proſperè fluentibus, ſperantibus multis aliis, circa bona præſentia aut futura ſed parabilia, fixa, communia, in cauſis phyſicis, quæ notæ ſunt, latentia.* 2. *Sperare, confidere, ſed eum metu ac anxietate, periculis imminenti-*
H 4 *tibus.*

tibus. Matth. VIII. 26. **2.** *Confidere & non timere*, bono & persuaso animo esse de beneficiis divinis consequendis. Pl. XXIII. El. XII. 2. **7.** *Confidere DEO, etiam in maximis periculis*, ubi videtur omne spei & fiduciae fundamentum dirutum, ubi omnes aut saltem plerique diffidunt; quale exemplum in Josua & Calebo prostat. Ubi potentissimi hostes omni nisu & fervore bono consequendo obstant, Dan. III. 17. 18. Vide heroas in spe & fide, quos recenset Paulus Hebr. XI.

xx. Quando verò diversi gradus spei & fiduciae sunt, nostrum est, contendere, ut semper altius assurgamus: uti in omnibus officiis Christianorum, sic speciatim in hoc valet *plus ultra*. Eph. IV. 13. 14. Qui non proficit in spe & fide, ille facile deficit. Solet enim DEUS suorum spem ac fiduciam novis ac difficilioribus experimentis exercere. Constat ex exemplis Abrahami, Israëlitarum: Moses olim aquam in deserto dabat, petram percutiendo Exod. XVII, postea dare debebat, eam nonnisi alloquendo. At irascebatur DEUS Mosi petram percutienti **לֹא בְּאֵמֶן**, *non credenti*, (quamquam non sine fiducia fuerit) petram solum compellatam aquam daturam esse. Num. **XX. 8. 11. 12.**

XXI. *Ad sperandum & confidendum DEO plurimum facit exactior providentia divina notitia.* Qui enim DEO non confidit, quare non confidit? Non novit DEUM omnibus, omni loco & tempore prospicere. Si enim nosset DEUM omnipræsentem, omniscium, omnisufficientem, benignissimum singulis creaturis, illis maxime, quæ se totas creatori committunt, paternè prospicere, non posset non huic DEO confidere.

XXII. *Providentiam DEI cogniturus attendat ad naturam, scripturam, notabilia exempla eorum, quibus DEUS singulariter prospexit, imò ad se ipsum.* Ad naturam, in qua videt innumeras bestias, magnas & parvas; quæ ratione destitutæ nihil agere possunt ad sustentationem. Illæ tamen omnes reperiunt sufficientem victum & quidem talem, qualem unius cujusque naturæ postulat. Matth. VI. 26. 28. *Ad scripturam*, quæ uti est πιστὸς ἰσχυρὸς & ὅτι ἀληθὴς ὁ λόγος, sic quoque attentis lectoribus πίστις, ἐλπίς, καὶ ἀγάπη ingenerat, confirmat, auget, toties adhortando: *Confidite DEO omni tempore* Ps. LXII. 9. gravissimas rationes subjungendo. Matth. VI. 25 - f. *Ad notabilia exempla eorum, quibus DEUS singulariter prospexit.* Talia repertiunda in sacra ac Ecclesiastica

Historia, imò omnia tempora & loca ea monstrant. Præstat paulò diutius cogitata circa exemplum, quod quis præ oculis habet, figere, veluti Davidem, quis ille fuerit, quomodo ad honores ascenderit, quoties præsentissimis periculis involutus, sed & ex iis miro modo liberatus fuerit. *Ad seipsum.* DEUS, qui vult ut omnes illi confidant, neminem absque propriis atque internis argumentis gratiosæ gubernationis vivere sinit, modò quilibet attendat & mêmor sit viarum DEI. Scrutans notatu digna observabit in infantia & reliqua ætate: Vel circa corpus ex periculo, morbo præter spem ereptum: Vel circa animum: Vel circa Parentes, Patronos, Præceptores: Vel circa bona. Exactior autem providentiæ divinæ circa se cognitio certior est & hinc magis valet ad DEO confidendum. Causa quoque est, quod fides habeatur Historiæ sacræ, miraculosam Providentiam Numinis tradenti. Reperies non alios magis mirabiles Numinis vias exhibilare aut ad tempora V. T. & Apostolorum restringere, quam qui regimen divinum circa se & ea, quæ suo tempore obtingunt, observare nolunt, omnia casui, fortunæ, causis secundis adscribentes.

XXIII. *Facit quoque huc recta precatio*, qua quis conspecto accrescente periculo manum DEI auxiliatricem implorat Matth. VIII. 25. atque fidem suam infidelitati vicinam gratiæ divinæ commendat. Marc. IX. 24. ejusque augmentum petit, Luc. XVII. 5. Sapientiamque, ut sciat, qualem se in tentationibus gerere debeat. Jac. I, 2 - 6.

XXIV. *Confisurus denique nihil ex carnis motu aut inconsideratè agat* sed præmeditate juxta scripturam, rei naturam, ad gloriam DEI & proximi salutem. Aliter nequit confidere aut temerè confidit. Deest quippe ratio spei ac fiduciæ.

XXV. *Spei & fiducia in DEUM ponenda, continuanda, obstant sequentia falsa cogitata.* I. Cuncta dependere à sapientia, robore, industria, opibus humanis. Hinc esse, quod omnia ex voto sapientum, potentum, industriorum ac divitum fluant. II. Reperriri, qui, quanquam diu speraverint confiderintque, nullum tamen spei & fiduciæ commodum, sed potius damnum reportarint. III. Non credibile DEUM benignum suos longa molestaque spe exercere velle. Patrem filiis suis mox ac auxilio indigent, opitulari.

XXVI. *Quoad primum.* Quanquam in spe

spe & fiducia, usum sapientiæ, potentia, diligentia ac opum humanarum non simpliciter excludamus, imò certo modo ac certis in casibus requiramus, tamen id falsum ab his res nostras dependere; Quoties Philosophorum sapientia, Regum potentia, laboriosorum indefessa diligentia, divitum ingentes pecuniæ scopum non assequuntur, imò sibi nocent 1. Cor. I. 19. 20. Pl. XXXIII. 16. 17. Pl. CXXVII. 1. 2. Eccles. IX. 11. Sed simplices, impotentes, pauperes, qui DEO confiderunt, victores evaserunt. Constat ex bellis Israëlitarum ac præconio Apostolorum.

xxvii. *Quoad secundum.* Vel non rectè sperarunt, permanseruntque in spe, vel sper fructum certo reportarunt, nam *nemo, qui DEUM exspectat, pudebit* Pl. XXV. 2 Id quidem accidere potest, ut illud ipsum bonum, quod quis exspectabat, non consequatur. Consequitur tamen aliud statui suo ex optimo DEI judicio magis salutare.

xxviii. *Quoad tertium.* Experientia contrarium abundè probat. Annon Enochus, Noachus, Abrahamus, Moses, David, Zacharias & tot alii DEO charissimi? An horum spes & fiducia non protracta fuit. Hospes certè ille in sacris, qui id ignorat.

Lege

Lege quæso caput undecimum ad Hebræos.

xxix. Sed ais. *Quare DEUS eos, qui sibi dilectissimi sunt, molesti ac longâ spe exercet? Id non videtur cum summo DEI amore convenire. Vel quomodo ii, quos DEUS intensissimè diligit, traduntur hostium manibus, paupertati, exponuntur maximis periculis? vultque ut confidentes tandem liberentur? Id jam posset nobis sufficere, quod experientia doceat, DEUM suos variè affligere; Quia verò sapientissimus est, quicquid agit, etiam sapienter agit. Sed rationes non prorsus latent, quas generatim proponit Iacobus & Petrus. Hic cap. I. 7. tristitia afflicimini ut δοκιμίων, probatio fidei vestra multo pretiosior auro, quod perit, quodque tamen per ignem probatur, inveniat ad laudem & honorem & gloriam in revelatione JESU Christi. Ille cap. I. 4. ut explorati sint τελειοὶ καὶ ὁλόκληροι perfecti & integra fors, in nulla re deficientes. Fideles similes sunt auro scoriis mixto, quod verò vi ignis purificatur, quale aurum præstans est. Apoc. III. 18 Fideles miseriam & paupertatem suam spiritualem non agnoscunt, non explorati, nec etiam gloriam, omnipotentiam, gratiam & alias perfectiones divinas. Virtutes Christianorum sine*
tenta-

tentatione vix quidquam sunt. Quid est spes, fiducia, si omnia ex voto fluunt? Pessimus quisque sic confidit ac sperat. Difficultatibus obortis demum enitescit gliscitque fides, 1. Petr. I. 6 - 9. Jac. I. 12. glorificaturque JESUS Christus Rex fidelium 1. Petr. I. 7. Quando enim infideles homines bona terrestria pro brachio suo habent ac sæviente tempestate sanctissimam fidem celant, dissimulant, abnegant, fideles in mediis periculis constantes manent, adhærentque DEO & Redemptori suo, quamquam eum non videant.

xxx. Ad hoc officium DEO præstandum moveant nos. I. *Voluntas divina.* Magnus ac gratosus DEUS non solum permittit sed & mandat, ut omnes ipsi & quidem soli confidant. *Israel confide Jehova. Domus Aaron confidite Jehova: Qui Jehovam timetis, confidite Jehova.* Pl. CXV. 9 - 12. *Volve super Jehovam viam tuam & confide ipsi* Pl. XXXVII. 5. conf. Hebr. XIII. 5. 6.

xxxi. II. *Natura divina.* Habet hæc omnia perfectissimè, quæ subjecto, cui confidendum, inesse debent vide §. xv. *Confidite Jehova in perpetuum, nam in Domino Jehova est rupes aterna.* Jcl. XXVI. 4. *Omnem sollicitudinem projicite in DEUM; nam ille*
curat

curat pro vobis 1. Petr. V. 7. *Israel confide Jehova, nam clypeus & auxilium eorum*, Ps. CXV. 9.

xxxii. III. *Status noster*. Hic adeo indigus, ut sine spe ac fiducia subsistere nequeamus, defunt corporalia, spiritualia, æterna. Hostes interni, externi, innueneri, potentes nobis insidiantur. Quando verò spes & fiducia in aliquem ponenda, ponamus in illum, qui spes & fiducia nostra salutaris esse valet.

xxxiii. IV. *Commodum, quod ex hac spe & fiducia reportaturi*. DEUS mi, in te confidi, non confundar: Non exultabunt hostes mei de me: Etiam omnes, qui te sperant, non confundentur. Ps. XXV. 2. 3. *Jehova lux mea & salus mea: A quo timebo. Jehova munimentum vita mea, à quo pavebo*. Ps. XXVII. 1. conf. v. 2. 3. *Benedictus Vir, qui confidit in Jehovam & cujus Jehova est fiducia: Erit enim sicut arbor plantata juxta aquas & qua juxta fluvium emittit radices suas neque timebit, cum venerit aestus, sed erit folium ejus viride: Unde in anno siccitatis non erit sollicitus, neque cessabit à ferendo fructu* Jer. XVII. 7. 8.

xxxiv. V. *Damnum, quod fiducia humana & dissidentia in DEUM parit*. Quum homo baculo arundineo similis, ille, qui homini
con-

confidit, non potest non in periculo esse. Quando enim tempore necessitatis illi inniti vult, frangitur læditque innitentem, hinc Jer. XVII. 5. 6. *Maledictus Vir, qui in homine confidit & ponit carnem brachium suum: A Jehova autem recedit cor ejus: Er* erit sicut solitaria arbor in solitudine, neque videbit, cum veniet bonum, sed habitabit in aestuosis locis, in terra salsuginosa, qua non inhabitatur. Talis à DEO non solum nullum bonum expectare potest, sed ipsum, ceu quem infirmo homini post poluit, vindicem & hostem experietur.

xxxv. *Quanquam omni statui incumbat hoc officium DEO exhibere, maxime tamen Ecclesiastico & Politico.* Uterque enim ad gravissimos ac difficillimos labores vires humanas, si aliàs rectè ferendi, superantes adstrictus est. Uterque quoque status ob potentiam, aliorum subjectionem propensus ad confidendum brachio humano. Ne dicam quod aliàs etiam subditis exemplo sint ansamque præbeant, gloriam, quæ soli DEO sacra esse debet, rapiendi. Igitur, *Domus Aharon, confidite Jehova.* Ps. CXV. 10. *Rex non salvatur magna potentia: Fortis non eripitur magna virtute. Equus mendax est ad salutem.* Ps. XXXIII. 16, 17. Uti plura exempla pro-

probant. Ex adverso fiducia in DEUM, Regi ejusque populo arx munitissima est ac confundit potentissimos hostes, id quod varia piorum Regum bella docent, maximè notabilis Josaphati Historia, quæ legitur II. Paral. XX. Arma hujus verè miraculosi, in oculis mundi ridiculi exercitûs nonnisi erant fiducia. Idem DEUS etiam hodie vivit atque Josaphatis eundem se probabit, at Josaphatis. Confer quoque, quæ scripsi in Lib. de Inspectione sui ipsius. cap. XIV. §. XXXVI - LVI.

*****:*****:*****

CAPUT VII.

DE

Precatione.

Σύνοψις.

A D interna officia	Quod variè sit. Alia ubi
DEO debita referuntur preces. §. I.	ia respiciunt (a) intellectum: §. V.
Quibus opponuntur sequentia vitia. §. II.	(b) Volantatem & affectus. §. VI.
I. Non precari aut rarissime. §. III.	(c) Memoriam. §. VII.
II. Non rectè precari. §. IV.	(d) Os reliquumque corpus. §. VIII.
	(e) Materiam precû. §. IX.

I

(f) Sub-

- (f) *Subiectum.* §. X. *Est vel mentalis vel si- mul vocalis.* §. XXX.
- (g) *Objectum.* §. XI. XII. *Vel gratiarum actio vel deprecatio vel votum vel Intercessio.* §. XXXI.
- (h) *Finem.* §. XIII. *Vel meditativa, vel affe- ctiva vel contemplati- va.* §. XXXII.
- (i) *Tempus.* §. XIV. *Vel activa vel passiva.* §. XXXIII.
- (k) *Locum.* §. XV. *Vel dicitur animo quasi arido aut lato.* §. XXXIV.
- (l) *Libros precatorios.* §. XVI. *Virtutes precum quoque notantur.* §. XXXV.
- (m) *Alias circumstan- tias.* §. XVII. (a) *In intellectu.* §. XXXVI.
- (n) *Gradus.* §. XVIII. XXXVII. XXXVIII.
- Vitia hac communiter so- cia incedunt.* §. XIX. (b) *Voluntate & affe- ctibus.* §. XXXIX.
- Causa speciales sunt.* R. (c) *Memoria.* §. XL.
- Educatio & institu- tio.* §. XX. (d) *Ore reliquoque cor- pore.* §. XLI.
2. *Exempla.* §. XXI. (e) *Materia precum.* §. XLII.
3. *Leges injuste.* §. XXII. (f) *Subiecto.* §. XLIII.
4. *Imprudencia & fastus.* §. XXIII. (g) *Objecto.* §. XLIV.
5. *Cura.* §. XXIV. (h) *Fine.* §. XLV.
6. *Concatenata negotia.* §. XXV. (i) *Tempore.* §. XLVI.
7. *Liberiores sensus.* §. XXVI. (k) *Loco.*
8. *Impietas.* §. XXVII.
- Tales preces DEO dete- stabiles sunt.* §. XXVIII.
- Vitia in precibus sequitur vera precatio.* §. XXIX.

- | | |
|--|---|
| <p>(k) Loco. §. XLVIII.</p> <p>(l) Libellis precatoriis. §. XLIX.</p> <p>(m) Gradibus. §. L.</p> <p>Subjunguntur precum adminicula uti, . Solitudo & tranquillitas. §. LI.</p> <p>2. Libri precatorii. §. LII.</p> <p>3. Vox. §. LIII.</p> <p>7. Sobrietas & vigilantia. §. LIV.</p> | <p>7. Eleemosyna & jejunium. §. LV.</p> <p>7. Preces pro spiritu precum. §. LVI.</p> <p>7. Afflictiones & donum spiritus. §. LVII.</p> <p>Regula pro usu horum adminiculorum. §. LVIII.</p> <p>Removentur denique obstacula. §. LIX.</p> <p>Motiva denique varia subjunguntur. §. LX.</p> |
|--|---|

§. I.

AD officia interna, qua DEO debemus, ultimò referimus precationem. Internum officium est, ut tamen etiam externum esse queat. Nunquam tamen externum esse valet, nisi prius intus præstetur. At intus præstari potest, quanquam non foras prodeat.

II. More nostro vitia precum primò notanda sunt, idque cum in finem, ut intelligamus sanctissimum hoc officium culpâ nostrâ variè & fœdissimè commaculari, plures, qui opinantur se DEO cultum facere, ei abominationi esse. Id quod sollicitos nos

reddere debet, ut longiori vitiorum precatoriorum catalogo perlecto in nos ipsos descendamus & ea integrè fateamur relinquamusque, quæ nobis vitiosè adhærent.

III. *Vitia precatoria sunt.* I. *Non precari aut rarissimè.* Scelus est, quod prorsus Naturæ DEI & hominis adversatur. Quale existere vix credibile videtur. Tale tamen præter experientiam notat scriptura. Ps. XIV; 4. *Jehovam non invocant.* Quinam? *qui devorant Populum DEI*, ac si comederent panem. conf. Hos. VII. 7. 14. Ad quam Classẽ pertinent Athei, qui in corde suo dicunt, optant DEUM non esse, de grege Epicuri & alii profligatæ nequitix homines. vid. loc. cit.

IV. II. *Non rectè precari.* Horum ingens numerus est, quas in Classes dispescemus. Horum vitia in intellectu, voluntate, affectibus, memoria, ore, gestibus corporis, materia, subjecto, objecto, fine, tempore, loco, libris, precum circumstantiis atque gradibus notari queunt.

V. *Precantium vitia in intellectu.* R. *Preces fundere ad DEUM, illum tamen nec nosse nec præsentem, omniscium, omnipotentem habere.* Qualis mendico similis, qui stipem petit nemine præsentem. An accepturus? S. *Preari nec*

nec tamen nōsse, quod petieris. Quoties accidit, ut precator, maximè qui præeuntem sequi deberet, precibus finitis, quid petatum sit, ignoret. Huc illuc enim cogitata ejus vagantur. Sic sæpius id, quod petitur non intelligitur Matth. XX. 22. atque malum potius & noxium precanti est, quam bonum ac utile. *2. Precari id, quod precandum non esse ratio dicat.* Quod vitium non tam privatis ac mentalibus precibus inest quam publicis, quales subinde leges Ecclesiasticæ hoc nomine indignissimæ præscribunt, jubent, graviter inculcant. Sed quem putas fructum ex ejusmodi precibus in cœtum redundare? Premitur, angitur, vulneratur conscientia Ministri.

VI. In Voluntate & affectibus. R. Precari sine Voluntate & affectibus. Precans similis est nolenti. Unde in precibus tepor, somnolentia, frigor. Quanquam bonum idque magnum petat, nullum in eo sentitur desiderium nec fastidium aut odium, si deprecatur malum. *2. Velle & tamen nolle.* Sic qui petunt sanctificationem, nolunt tamen sanctificari, tum agendo tum patiundo, quod sanctificandorum est. *3. Odio, ira impellente divinam vindictam contra proximum inimicum implorare.*

VII. *In Memoria.* *Preces, quas quis memoria impressit, ex memoria recitare, sine iudicii usu.* Quod plerumque accidit iis, qui preces, quas cum lacte materno imbiberunt, statim horis deblaterant. Nesciunt petitum. Si illud intelligerent, sæpius nollent. Quandoque cum statu precantis minime convenit. Deprecatur bellum, contagium, similia mala ac præsentia, quæ tamen absunt.

VIII. *In ore reliquoque corpore.* N. Ore, aliisque corporis membris, manibus, genibus, oculis, pectore precationem eamque intensam præ se ferre, animum vero à precando alienum tenere Matth. xv. 8. 2. Os reliquaque membra modo parata sistere precibus fundendis, modo mendaciis, iuramentis, convitiis, injustitiæ Jac. III. 9. 10. Jes. I. 15. 3. Aliud oretenus precari, aliud corde. Imo in corde hoc ipsum negare, quod ore affirmatum. 7. Inter precandum vel nulla precantis signa edere vel quæ testantur de animo inverecundo. Oculos huc illuc circumferre, colloqui cum alio, sedere &c. solent plerumque in gestibus precatoriis rustici esse, qui aulici in ceremoniis erga homines auctoritate graves sunt. Graviter veterum quidam ad benè comtam, quæ ad precandum properabat, dicebat:

Quo pacto ingemiscere potes & lachrymas fundere atque intensissime, ut decet, orare, quæ ejusmodi ornatu comta procedis. Nam etsi lachrymas fuderis, risum cernentibus hujusmodi lachryma movebunt. Non iste supplicio est habitus.

IX. *In Materia.* Petere bona corporalia, noxia, (uti si avarus pecuniam, voluptuosus delicias expetit;) Aut saltem corporalia cum fervore petere, non item spiritualia. Pariter in deprecationibus fervidum esse, ad damnum aliquando leve, quod famam aut pecuniam concernit, avertendum. Et quanquam animum circumstant, imminuant, tangant, confringant ingentia mala, vix labia movere. Sic homo, qui se perverse amat toties iterata vota pro incolumitate sua fundit, sed DEI aut proximi vix rationem habet. Hinc aliquando maledicit, aut saltem segniter glorificationem nominis divini, prosperitatem proximi, maxime peregrini, inimici cupit. Frequentes προσευχὰς καὶ δεήσεις petere promittereque indefinenter grates constantemque laudem ac bono accepto, periculo fugato, malo depulso, gratiarum actionem oblivisci Luc. XVII. 17. 18. aut indefinentem in brevi transituram convertere.

x. *In subjecto.* Nam impii & in impietate permanentis precatio vitiosa est. Prov. XXVIII. 9. Pl. CIX. 7. nec benedictionem sed maledictionem sibi ipsi adprecatur. Matth. VI. 12.

xi. *In objecto.* Preces fundere ad creaturas, angelos aut homines, bona corporalia spiritualia ab illis unicè aut præcipuè aut saltem tanquam dominis petere, apud illas mala deprecari, intercedere pro proximo, creaturas laudare, evchere Numinis instar aut supra Numen. Quidam peccant implorantes Angelos, sanctos: Alii non minori sed sæpius majori scelere atque stultitia homines Angelis longè inferiores, impotentiores, profanos, vocibus & libellis supplicibus fiducialiter implorant.

xii. *Sed dicis! An non licet hominum auxilium implorare? Utique licebit, quandoquidem illi possident, quo alter indiget modo, quem supra expressi, non licet.* Patriarchas aliosque fideles ab angelis aut sanctis defunctis petiisse in sacris non legimus. Daniel à Nebucadnezare, Magistratu & suo & potenti & sibi gratiofo nihil petebat, sed petebat à DEO suo. Dan. VI. 10. Bona hæc, quæ alii petunt, implorati vel prorsus non habent, vel si habent, communicare nequeunt. Justo DEI judicio loco
boni

boni malum aliquando dant. Nec bona eorum sunt, à quibus petuntur, sed DEI. Aliter res se habet, si quis DEUM ceu fontem omnis boni non fictis verbis nominat sed toto corde agnoscit, hinc eum primò & præcipuè adit, invocatur petitque ut per creaturas tanquam canales sibi gratiam facere velit atque hac ratione in DEO creaturam bonam, sanctam, ad hoc vel illud dandum ordinatam, decenter adit, ab ea petit, pro beneficio, DEO præcipue, gratias solvit.

xiii. *In Fine.* Precari malo scopo. Talis est, ut quis sanctus habeatur. Matth. VI. 5. ut scelus patret: ut bonum, quod petit, malè impendat, in fastu, deliciis consumat. Jacob. IV. 3.

xiv. *In Tempore.* Nullum tempus precibus dicendis destinare, dare, aut quod ab aliis negotiis liberum maximeque vacuum, siue quo aliud agi non potest. Vitium quoque est certum atque in se commodum tempus precibus fundendis consecrare sed reliquo animum ab oratione mentali alienum totumque circa mundum occupatum circumferre.

xv. *In Loco.* Officium precationis certo loco affigere, quod tamen nullis limitibus

includendum. DEUS, qui invocandus, passim locorum audit vocem ex corde clamantis. Aut locum publicum occursum hominum expositum ad precandum seligere. Matth. VI. 5. Vel denique precari ibi, ubi alii tumultuantur, debacchantur. Precantis mens attenta esse nequit. Excipio necessitatem, cui nullæ leges dantur.

xvi. *In Libris Precatoriis.* Quidam enim absque spiritu precum scripti sunt, auctorem habent Spiritum mundi, nequeunt ergo animum ad ritè precandum excitare. Etiam, qui à piis & sanctis hominibus scripti sunt, nisi iudicio legantur, nullum usum præbent. Veluti si leguntur, non tamen intelliguntur aut si materia precum vel ex toto aut saltem ex parte ad legentis statum accommodata non est. Vel denique si & leguntur & intelliguntur, non tamen vota ex corde legentis profluunt. Legere & intelligere non est precari. Ultimò si serpæstra hæc non deponuntur.

xvii. *In aliis circumstantiis.* Huc refero alia precantium vitia, qualia sunt à tumultu, opere mundano, aliquando in se malo, prosperare ad precandum. Inter precandum extravagari atque precum finem optare. Fusis precibus derepente se ad creaturas con-

convertere nec cogitare de eo, quod peti-
tum. Publicam precum recitationem libe-
ris rationis usu, spiritus operatione tanto
magis destitutis committere, pudore rusti-
co impellente, ac si precatio Labos esset
homine Christiano indignus.

xviii. *In gradibus.* Vitia sunt tum eorum,
qui dum per gradus ascendere deberent, in
infimis tantum subsistunt, uti precari aliis
præeuntibus, ex libello, voce altiori, aut
fervorem, quem Spiritus Sanctus in corde
accendit, non sollicitè asservare, sinere ut
tepeſcat, tum eorum, qui audiunt status
precantium altos, excellentes dari, quales
non tam ipsi precantur quam ipse Spiritus
Sanctus operatione singulari in illis preca-
tur, & qui toti igne cœlesti incalescunt &
divina cernunt, sentiunt, si inquam hi ejus-
modi status immoderate quærunt, affectant,
vi quasi ascendunt, quum potius statum sibi
convenientem tenere deberent ac exspe-
ctare, quando DEO lubet majorem Spiri-
tûs precum mensuram largiri. Altiores
status precantium non tam videntur huma-
no studio conscendendi quam committen-
di liberrimæ Numinis elevationi, quos &
quando in eos evehere velit.

xix. *Duo plurave vitia communiter socia
sunt,*

sunt, vel etiam unum alterum ex se gignit. Veluti qui precans nescit materiam precum, ille etiam eam non cupit, psittaci instar tantum ex memoria decantat. Quare etiam gestus ad verecundiam compositi non erunt. Quod petit, sæpius statui suo accommodatum non est. Talis potius homines quam DEUM invocabit. Nec verum precandi scopum habere potest: Simiæ instar imitatur alios, &c.

xx. *Ex causis præter ignorantiam rerum divinarum, spiritualium, hinc oritur idam infidelitatem noto educationem & institutionem.* Parentes, Præceptores, & qui horum loco, opinantur se officio satisfacere, si liberos preces memoriæ imprimere & exinde depromere docent. Laudant eos, qui precatiunculas fidæ memoriæ commiserunt, quanquam eas non intelligant. Unde hi crescente ætate officio satisfactum putant, si preces deblaterarunt. Hinc non contendunt ex proprio cordis motu Patrem cœlestem adire, atque ipsi necessitatem proponere.

xxi. *Noto quoque exempla.* Solent plurimi Patres familiâs fixas preces, quas alii conscripserunt, aliquando ad specialem statum comparatas, festinanter prælegere, idque
sine

sine præparatione, aliquando inter tumultum. Liberi Parentes imitantur nec iis pleniores esse volunt. Mos magis pudendus inter pastores, qui dum spiritum precum non habent ab aliis compositas & publicè & privatim sine animo festinabundi recitant, ægrotos invalescentes solatium in sacco secum ferunt effunduntque promiscuè in dignos indignosque. Quales stant pro receptis precum formulis reprehenduntque qui in spiritu, & veritate, quod omnium precantium est, Patrem adorant.

XXII. Noto porro illas leges, quæ vel interdunt mutua Christianorum excitatione ac adificatione ad precandum aut etiam Ministris præcipiunt, ut preces publicas dictamini conscientia adversas recitent mentianturque DEO coram cætu.

XXIII. Noto insuper imprudentiam aut etiam fastum. Imprudentes illi aut superbi, qui altiore precantium statum affectant, quam qui ipsis convenit.

XXIV. Noto præterea curas & sollicitudines, quæ distrahunt animæ vires uniendo in præsentia DEI. Phil. IV. 6. hinc illæ orare non sinunt, aut non bene.

XXV. Noto denique concatenata Negotia. Hæc negant tempus precibus fundendis aut si
con:

concedunt, breve concedunt urgentque ut mox abrumphantur. Hinc Orator inter precandum finem cogitat, desiderat, quaerit, facit.

xxvi. *Noto tandem liberiores sensuum, oculorum maximè usum vel potius abusum.* Quando enim cogitata & desideria in divina tendere debent, fit ut objecta per sensus ad mentem delata cogitata & desideria aliò avertant, saltem impendant attentio-rem meditationem & amorem rerum divinarum.

xxvii. *Noto ultimò impietatem.* Impius, qui spiritum precum non habet, (uti non habet) non potest orare. Hinc preces ejus steriles evadunt. *Jes. I. 15.*

xxviii. *Uti preces, quae se recte habent, DEO gratissima, sic tales ei abominationi* Prov. XXVIII. 9. *Es. I. 15.* existunt. Et meritò. Quomodo foetus ignorantiae, infidelitatis, pravorum affectuum, hypocriseos, superbiae, metus humani DEO gratus esse posset? Omnium irrisioni exponeretur is, qui in libello supplici eam stultitiam committeret, quam vulgo Christiani in precibus suis committere solent.

xxix. *Tractatis, quae ad vitiosam precationem pertinent, dicendum nunc de recta precatione.* Est autem hac devota mentis elevatio
ad

ad DEUM cupiens glorificationem DEI, salutem propriam proximique. Precantes DEUM vocamus ad nos. Scripturam legentes aut audientes nos vocamur ad DEUM.

xxx. *Mentalis dicitur, si silentibus labiis peragitur, sed vocalis, si quod mens intus agit, cogitat, vult, voce exprimitur.*

xxxi. *Pro vario scopo, quem precans habet, variae preces surgunt. Si DEUM laudat, collata beneficia celebrat, הודה ὑμνεῖν : Si bonum expetit, προσευχή : si malum deprecatur, δέχοις : si pro alio intercedit, ἰντευξίς, dicitur. Coniunctim prostant 1. Tim. II, 1.*

xxxii. *Præcaturus vel meditatür res sacras, opera DEI naturalia, gratiosa, vitam Christi, vel expetit bonum, DEUM veluti ejusque communionem. Vel bono ipso fruitur hinc illud contemplatur, admiratur, ac propterea gaudet. Unde precatio solet & potest dividi in meditativam, affectivam, contemplativam. Sic David precum expertissimus jam הגה meditans. Ps. LXIII. 7. jam anhelans. Ps. XLII. 2. LXXIV. 3. jam contemplans & admirans sistitur Ps. LXII. 4.*

xxxiii. *Precaturus vel magis activè se habet vel magis passivè. Illo modo quando Christianus officio defuncturus se parat ad precandum precaturque juxta doctores sibi concessas,*

cellas. *Hoc.* Si vel inter precandum vel extra hunc statum spiritus precum Christianum stimulat, cogit, rapit ad precandum, DEUM laudandum.

XXXIV. *Orans aliquando in se sentit motum, eumque calidum, latificantem, aliquando omnis motus expers est, & quasi in ariditate, tenebris versatur.* Qui status in Davide semel ac iterum notatur. Pl. LXIII. 1 - 10.

XXXV. *In quibus supra precum vitia notavimus, in iisdem earum rectitudinem & perfectionem notaturi.* Et quidem primò.

XXXVI. *In intellectu.* Hujus est voluntatem movere. Si verò ad ritè precandum movere debet, precans oportet notitiam ejus habeat, quem in precibus adit. Et quidem quod DEUS Spiritus sit adeoque præsens modo invisibili: Quod omnipræsens, per consequens, quod precatio passim locorum ad DEUM fundi queat: Quod omniscius, quod sciat omnem necessitatem, quam vel corde solum ei proponis: Quod sanctus, hinc à sanctis non nisi adeundus: Quod misericors & bonus in filio suo Jesu Christo, atque sic pronus ad miserum juvandum & beneficia sua in ipsum conferendum: Quod verax, quod non solum promittat invocantibus auxilium, sed etiam ad-

adferat, quia verax: Quod denique omnipotens, qui gratiam, quam facere vult, nullo obstaculo obstante exhibere queat.

xxxvii. *Non tamen Orator necesse habet, ut quamlibet precationem fundens memoratas has divinas perfectiones de novo menti suæ sistat.* Non: Modò talem DEUM verè agnoscat atque præcans nullam ex perfectionibus Divinis neget. Diligens Orator quoties thronum gratiæ adit, perfectiones divinas, quas antea speciatim contemplatus est, comprehendit in generali idea DEI omnes illas perfectiones complectentis; Uti interioris admissionis Minister cum Rege suo versans non omnes, quos titulos habet, repetit, quoties eum adit aut etiam mente considerat sed præsupponit agitque cum eo ut à cujus dispositione omnia dependent: Sic in precibus DEUS aditur. Perfectio, quæ præ aliis explicite cognoscenda & firmiter credenda, est præsentia Numinis; quæ reliquas in se continet.

xxxviii. Quod quis à DEO precatur, illud tanquam conveniens voluntati DEI 1. Joh. V. 15. intellectu suo assequi atque inter præcandum semper in mente præsens habere debet.

xxxix. *In Voluntate & affectibus.* I. Qui
K DEUM

DEUM modo dicto menti suæ sistit, ejus cor plenum reverentiâ, humilitate, studio sanctitatis, fiducia. Pl. V. 8. Gen. XVIII. 27. 1. Timoth. II. 8. Jac. I. 6. 7. poscitur. II. Quodcunque petit, verè petit vultque possidere. Hinc in illo reale desiderium boni, veluti gratiæ sanctificantis, odium mali, uti peccati, à quo liberari cupit. III. Abesse debent affectus maligni, odium, invidia erga proximum, etiam inimicum 1. Timoth. II. 8. Matth. V. 23. 24. Adesse vero communis amor, misericordia. Matth. VI. 11 - 16.

XL. In memoria. Usus memoriæ in precibus hic est, ut suppeditet animo, non ori, saltem non immediatè, materiam precum, opera DEI, meditationes, quas quis jam antea meditatus erat. Animus ea, quæ memoria suggerit, de novo contemplatur, admiratur, laudat, vult, desiderat, deprecatur & eructat verba, quæ cum corde conveniunt.

XLI. In Ore reliquæque corpore. I. Corpus, quod precantem variè impedit, turbat, compescendum est, maximè sensus & inter hos visus atque auditus. Orans sit quasi cæcus, mutus & surdus. II. Corpus, quod primò vi domandum erat, succedente tempore menti precanti lubenter subiectum est
atque,

atque, quam intus venerationem & humilitatem erga DEUM exhibet, extus restatam facit stando, procumbendo, manus expandendo, similibusque gestibus cum DEO gratissimis, si ex interiori principio proveniunt. III. Imò mentem precantem quodammodo juvat; Corpus ad humilitatem compositum conservat ac tantum non auget mentis reverentiam. IV. Quæ mens precatur, effert os, non alia. Os fidum est.

XLII. *In materia.* Genuinus Orator primo & præcipuè petit bona spiritualia, peccatorum remissionem, Spiritum Christi, fidem &c. Tam quoque terrestria, quorum modum & determinationem sapienti distributori relinquit. Sed non solum pro se precatur verum pro omni proximo, etiam inimico. Matth. V. 44. Quod quoque Oratio dominica docet. Multus est in laudibus divinis 1. Thess. V. 18. Angelorum more. Apoc. IV. 8.

XLIII. *In subjecto.* Qui rectè precantur, resipiscentes, sapientes, boni, justi, amantes requiruntur. Patet ex nexu. Quorum enim intellectus, voluntas, memoria, corpus se habet, uti supra diximus, illi resipiscentes, sapientes, boni, justi, amantes sunt. Nec alii promittere sibi possunt pre-

cum exauditionem. *Multum valet Oratio iudicis iusti.* Jacob. V. 16. Sacerdotes suffituri loti erant atque jam ante suffitum victimam mactaverant: Ita docemur, quod veri adoratores spirituales & sancti sacerdotes esse quodque in sanguine Christi Patrem adire debeant. conf. Ps. XXVI. 6. 7.

XLIV. *In objecto.* Hoc propriè solus DEUS est, iis attributis, quæ objectum invocandum, poscit, honoratus. *Dominum DEUM tuum adorabis.* Matth. IV. 10. Unde sancti adoratores vota sua coram DEO nonnisi effuderunt, David speciatim. *Attende ad vocem vociferationis meae, Rex mi & DEUS mi, nam ad te orabo.* Ps. V. 3.

XLV. *In fine.* Finis precum est DEUM honorare tanquam fontem omnis boni, elypeum simul & solem. Agnoscere verò propriam inopiam, miseriam, impotentiam, quo DEUS dives opem ferat, miseriam in felicitatem convertat, largiaturque cuncta, quæ juxta ejus voluntatem petebantur. Finis quoque est proximo gratiam divinam adprecari.

XLVI. *In tempore.* Illud tempus precibus dandum est, quo maximè idonei: quo novum beneficium imploramus aut impetramus. Tale tempus est matutinum, vespertinum,

tinum, quando cibum vel aliam gratiam Numinis sumimus, sumimus.

XLVII. *At Christus ait.* πάντοτε *semper orandum esse.* Luc. XVIII. 1. *Paulus ἀδιαλείπτως indefinenter* 1. Theff. V. 18. *Ergo non peculiare aliquod tempus precibus destinandum est,* quum DEUS omne consecraverit &c. Utrumque diversa ratione dici potest. Aliquod tempus dandum, quo scil. ab ordinariis functionibus vacamus atque DEO necessitates nostras proponimus, quomodo etiam ipse Salvator precatus fuisse legitur. Omne verò, quatenus animus noster DEUM jugiter ante oculos habet, creberrimas ad DEUM fundit jaculatorias preces, gemitus, quodcunque agit, peragit, in nomine Domini agit. Qualis semper orare dicitur.

XLVIII. *In loca.* Omnis locus in se consideratus dicendis precibus aptus est. Non locus loco sanctior sub N. Testamento. 1. Timoth. II. 8. Joh. IV. 21 - 23. Mal. I. 11, est. Attamen rectè eligitur à turba hominum semotus, in cultu privatissimo conclavè, ut liberior conversatio cum DEO sit. Matth. VI. 5. 6.

XLIX. *In libellis precatoriis.* Tyrones libellis precum à piis conscriptarum rectè utuntur, modo, antequam eas, ut suas recitant,

perpendant contenta, num convenient cum statu suo: num eadem vota revera mente concipiant. Quæ non conveniunt, rectè omittuntur, mutantur. Idem judicium valet de Ecclesiasticis precibus.

L. *In gradibus.* In quibus hætenus precum rectitudinem ostendimus, in iisdem varii gradus notari possunt. Quo plenior & vividior DEI notitia, etiam precatio perfectior est. Quo mens nostra attentior ad singula, quæ petimus, fugatis vagantibus cogitatis, eo rectior. Et sic quoad reliqua. Tyro precatur præeuntibus aliis: Legit libellos precatorios, sed, qui provectior, ex mente propria effundit vota. Ille meditat, ut mens inflammetur. Hujus mens sacro quasi igne jugiter aut frequenter inflammata est mittitque flammam in cælum. Ille contendit, ut precari queat. Hic ob operationem Spiritus fortiolem ad precandum compellitur. Major quoque gradus DEUM in nomine JESU Christi rogare quam generatim precari. Joh. XVI. 23. 24. Sed id nondum est in nomine JESU petere, si quis simpliciter effert nomen JESU Christi. Hinc plurimi petunt nec accipiunt. Omne verò, quod in nomine Christi rectè petitur, etiam accipitur.

LI. *Adminicula precum.* Ad precandum mul-

multum facit solitudo, animi tranquillitas. Precaturus itaque relinquat locum, in quo homines conversantur, colloquuntur. Matth. VI. 6. seponat, quæ habet negotia, avertat ab iis sensus & animum & colligat illos, quantum pote, intra se. Imitetur veteres, qui ante preces tempus dabant recollectioni mentis & sensuum. Tum cogitet quid factururus: scil. constiuisse se in conspectum gloriosi DEI prodire atque illi necessitates suas proponere. Contendat igitur, ut firmiter persuasus sit adesse sibi DEUM, quæ persuasio quo fortior, tanto magis venerationem, fiduciam precanti ingenerabit. Proponat, quas novit, necessitates sive proprias sive proximi.

LII. *Qui nequit sensus & cogitata sua solo voluntatis imperio colligere, ille offerat oculis & menti objecta ad precandum disponentia.* Talia sunt libri prelatorii, Psalmi speciatim Davidis, Historia sacra, Evangelica. Ita animus, qui vagatur, reducit, quam non semper.

LIII. *Incipientibus etiam utilis est vocalis Oratio, qua ex corde profecta auditur atque ita aures aliosque sensus figit revocatque à vagatione, denuo in cor intrat & sic medium est continuandi ac augendi studium precum.*

LIV. *Sobrietas & vigilantia juvant precantes.* Nam uti crapulæ mentem aggravant, somnolentia vires ejus quasi sepelit; sic ex adverso solers & vigilans mens levis est & facile ad cœlestia evehitur. Unde tempus matutinum præ alio in usum precum commodum est. *Sobrii estote & vigilantes ad preces.* 1. Petr. IV. 7. Matth. XXVI. 41.

LV. *Intensurus preces jungat eas cum Eleemosynis & jejuniis.* Matth. XVII. 21. Act. X. 4.

LVI. *Precatio præ Spiritu precum.* Luc. XI. 1. 13.

LVII. *Hæc media magis in manu nostra sunt, sunt & alia, quæ in manu DEI.* (a) Afflictiones corporis & animi. Uti ignis incendiatur collisione lapidum. (b) Maximè Spiritus precum Zach. XII. 10. sine quo rite precari non possumus, Rom. VIII. 26.

LVIII. *Quod verò de Medicamentis Medici notant, præ diversa hominum constitutione, ætate, alia & alia requiri aut saltem hæc citiorem feliciorumque effectum relinquere in sanguineis, alia in phlegmaticis.* Ita quoque se habet cum adminiculis precum. Quare unusquisque attendat ad se ipsum & observet proprium statum. Quisque illis mediis utatur & ita precetur ut reperit se maximè igne cœlesti inflammari ac in DEUM tendere. Evenit quoque, ut media, quæ primo

primo tempore vim trahendi habuerunt, subsequenti vi illa careant. Id quod precanti signum esse potest velle DEUM, ut ad altiorem statum evehatur, atque ita mediis, quæ ad eum ducunt, utatur. Igitur meditetur, aspiret, contempletur, disponat se, rapiatur ad precandum, qui ineditando, aspirando, contemplando, disponendo se ad precandum vel vim Spiritus sentiendo præclarum hunc cultum rectè DEO exhibet. Nec enim omnes pariter à DEO regimur, neque etiam in eodem gradu versamur. Accidit sæpius, ut auditor longe majorem Spiritûs precum mensuram habeat, quam Pastor, imo hic ne quidem ullam mensuram habet. Quum verò superbus hic dona spiritualia æstimet ex externo munere, carpit, rejicit Spiritum, qui in auditore flat.

LIX. *Precibus ritè dicendis abstinent nonnulla præjudicia, quæ breviter exprimam. I. Orationem ex verbis selectis nitideque constructis æstimare.* Hinc nonnulli à precibus absterrentur, quod nequeant longas atque ad Rhetorum præcepta compositas preces promere. Illi verò, quibus verba commodè fluunt, precantium partes bene implevisse putant. Quum tamen fieri queat, ut in-

compta & varie interrupta Oratio DEO grata, ingrata verò sit, quæ longa ac compta est. Efficacissimæ DEOque gratissimæ aliquando preces breves erant, sicuti ex Evangeliiis constat. Preces ex animo, non ex verbis, DEUS æstimat. Gemitus, aspirationes breves sed incensæ in corde, benignissimè exaudiuntur à DEO. Rom. VIII. 26. II. *Formulis receptis, speciatim orationi Dominica, constanter adherere.* Nullibi Christus præcepit, ut Orationem Dominicam semper recitarem, multo minus promisit illam sine animo dictam exauditum iri. Sic dicta est βαπτολογία Ethnica, quam damnat Salvator Matth. VI. 7. Apostoli, ne quidem semel Orationem Domini fudisse leguntur: leguntur fudisse alias preces. Bis tantum extat Matth. VI. & Luc. XI. sed alijs & alijs verbis. III. *Precari esse officium Pastorum.* In hoc præjudicio cæci confirmantur, quando vident Pastores hoc officium sibi *privativè* arrogare atque graviter succensere in Laicos, qui eundem cultum præsentibus alijs exhibent.

LX. *Ad precandum suadent, trahunt, compellunt sequentia motiva ab attenta mente pensitata.* Primò DEUS hoc officium à nobis poscit. יקרא. *Invoca me.* Ps. L. 15. & quidem

dem semper ἀδιαλείπτως indefinenter orate.

1. Thess. V. 17. Luc. XVIII. 1. maximè si periculo implicamur rursusque emergimus.

Pf. L. 15. *Imò in omni re gratias agite. Hac enim est voluntas DEI in JESU Christo erga vos.*

1. Thess. V. 15. Deut. VIII. 10. Poscit autem officium hoc jure. Quando enim

DEUS fons omnis boni atque potens depul-
sor omnis mali est, justissimum ut à Crea-
tura tanquam talis agnoscatur adeaturque.

Gloria, quæ sibi priva, à nobis extollenda
est. Pf. L. 15. Nec poscit in suum sed no-

strum usum. Vult enim ut ipsum solum in-
vocemus, quandoquidem is solus in omni-
bus necessitatibus nos juvare valet ac vult.

Homines, etiam boni, similes sunt cisternæ
perforatæ. Sed DEUS est *fons vitarum.*

Quicquid homini utile ac necessarium sive
hanc sive futuram vitam sive corpus, sive

Spiritum sive se sive proximum concernat,
id omne DEUS habet largiturque rectè in-

vocantibus. Matth. VII. 7. 8. Jacob. I. 5. Luc.
XI. 13. Jacob. V. 16. Quando verò omnes

boni cupidi sumus, quare non desideria
expleturi mare hoc adimus? Quot ac quanta

bona ex eo hauserunt fideles precatore
Abrahamus, Moses, Samuel ac tot alij.

Noli dicere hunc precum fructum his
simi-

similibusque tantum datum. DEUS idem mare omnibus creaturis est. Quicumque ea aviditate ac fiducia accedunt hausturi, eadem bona reportant. Omnes hi homines erant, utique ὁμοιοπαθεῖς *similibus affectibus* laborabant Jac. V. 17. Accedit quod sine precibus nihil jure possideamus. At dices: Ingentes opes sæpius possident, qui nunquam precantur, aut saltem non, uti oportet. Sed aliquando inopiâ premuntur assidui Oratores. Possident quidem sed nonnisi terrestria bona non Spiritum Sanctum ejusque mansura bona. Possident dein sed non jure, verum furto, aut saltem summa ingratitudine. Vel unde habent? An ipsi auctores sunt, agrorum veluti, domuum, argenti &c. Certè non. A DEO omnia sunt, quæ sunt. Si verò omnia à DEO, oportet rectè acceperint à DEO laudentque benefactorem. Qui verò non precantur, illi non rectè acceperunt nec quam debent gratitudinem testantur. Quanquam DEO sapienter ordinante fiat, ut, qui assidui in precibus sunt, vix habeant, ubi cum Christo caput reponant, habent tamen illi DEUM, JESUM Christum, Spiritum Sanctum. Hæc vero bona pretiosiora sunt, quam omnes gazæ mundi. Habent quoque

que bona terrestria necessaria & quidem animo contento, qui demum divites facit. Precibus non solum inest utilitas sed dignitas. Ordo mendicantium summus est. Hujus Ordinis socii erant Reges, Pontifices, Prophetæ sapientissimi, fortissimi. Excellebant David, Moses, Samuel, Daniel alique maximâ gloriâ conspicui Viri. Magno honori ducitur comparere coram Rege atque illi libellum supplicem tradere. Quantò majori coram Rege Regum? Hic jugiter exspectat homines, ut, quæ habent vota, coram eo effundant exaudianturque. Quamquam & hoc verum sit, quod non alii nisi honorificè vestiti DEUM in precibus adire & illum laudare queant. Sacerdotes suffituri comunnes vestes deponere, sacras induere tenebantur. *Laus nonnisi decet rectos.* Ps. XXXIII. 1. Solent Reges facundissimos Oratores constituere, qui sibi Panegyricos dicunt. Nec DEUS omnes admittit. Nonnisi admittit resipiscentiæ, sanctitatis, Candoris, aliorumque Spiritualium Ornamentorum studiosos. Paucis honorem exprimam. Qui in terris DEUM laudant atque pro acceptis beneficiis grates solvunt, eodem cum Angelis munere defunguntur defungenturque.

CAPUT

CAPUT VIII.

DE

Professione & Conversa-
tione Christiana.

Σύνοψις.

Sequuntur officia ex-
terna DEO debita.

§. I. II.

Hec definiuntur. §. III.

Dividuntur. §. IV.

Adversantur iis sequen-
tia vitia.

1. Ignorantia officiorum.
§. V.

2. Contemptus officiorum
externorum sub pra-
textu officiorum in-
ternorum DEO ac-
ceptorum. §. VI.

3. Officiorum externorum
observatio illegitima. §.
VII.

4. Qualis speciatim eo-
rum, qui eam in Ore
tantum ponunt. §. VIII.

5. Aut in professione con-
troversiarum. §. IX.

6. Vel qui impediunt alios
externa Christianismi
officia prestare. §. X.

7. Item qui officia hac ni-
mis contrahunt. §. XI.

8. Professio veritatum
Evangelicarum coram
porcis & canibus. §.
XII.

9. Vis eorum, qui aliis
suas opiniones obtru-
dunt. §. XIII.

10. Abnegatio veritatum
Theoreticarum & Pra-
cticarum cogentibus su-
perioribus. §. XIV.

Horum vitiorum fontes
investigantur. §. XV.

Ostenditurque eorum tur-
pitudine. §. XVI.

Subsequuntur ipsa officia
externa. §. XVII.

Eorum-

Eorumque duo requisita
N. voluntas divina illa
mandans. §. XVIII.

2. Cor humanum de vo-
luntate DEI mandan-
tis certum. §. XIX.

Species. §. XX.

Speciatim illa, quæ cul-
tum DEI respiciunt.
§. XXI.

Quo pertinet fidei pro-
fessio, quæ poscit can-
dorem. §. XXII.

Prudentiam. §. XXIII.
Mansuetudinem §.
XXIV.

Constantiam profitentis.
§. XXV.

Tum notantur gradus. §.
XXVI.

Conventum jam consti-
tuunt duo trësve. §.
XXVII.

Non aestimandus ex nu-
mero §. XXVIII.

Sed ex glorificatione Nu-
minis, atque adifica-
tione. §. XXIX.

Conventus numerosior fa-

cile adificationi obstat.
§. XXX.

Fieri debet in Nomen
Christi: Qualis con-
ventus legibus Christi
adversari non debet.
§. XXXI.

Sed cum iis convenire.
§. XXXII.

Uti libertatem habet
membra admittendi &
excludendi, ita hac
libertatem habent cum
adeundi, aut relin-
quendi. §. XXXIII.

Inquirendum itaque in
Characteres cætiuum
Christianorum. §.
XXXIV.

Qui proferuntur. §. XXXV

Licet etiam cætibz Cha-
racteres illos non satis
exprimentibus inter-
esse. §. XXXVI.

Media officia hac præstan-
di §. XXXVII.

Quo pertinet cavere sibi
à variis præjudiciis. §.
XXXVIII.

Addun-

Adduntur motiva, ve-	Commodum ac damnum.
luti voluntas DEI. §.	§. XLI.
XXXIX. XLII.	Exempla. §. XLIII.
Salus nostra. §. XL.	

*****:*****:*****

§. I.

Diximus de officiis internis, qua DEO debe-
mus: dicendum superest de externis.

ii. Homo similis arbori, fonti. Qualis arbor intus, talis extus. Arbor bona fructus bonos profert. Fons saluber aquam salutarem effundit. Par ter homo, qui DEUM intus cognoscit, obedientiâ, reverentiâ, amore, fiduciâ, precibus prosequitur, cognitionem DEI obedientiam, reverentiam, amorem, fiduciam extus testatam faciet. Ex plenitudine cordis os loquitur, reliqua corporis membra agunt. Aut hypocrita est, qui aliud in corde clausum, aliud in lingua reliquisque externis actionibus apertum habet.

iii. Externa adeoque officia erga DEUM nihil aliud sunt quam manifestatio interiorum, qua verbis & factis, seorsim aut conjunctim fit.

iv. Externa hæc officia Methodo generaliori aut specialiori deduci possunt. Nos priorem tenebimus. Quâ cognitâ specialia officia facile cognoscuntur.

v. Atrans-

v. *A transgressione horum officiorum incipimus.* I. *Transgrediuntur, imò transgredi debent officia externa omnes illi, qui interna non intelligunt, nec præstant.* Quemadmodum arbor interno bono succo destituta externos salutare fructus edere nequit; sic nec homo externè pius esse valet, qui non internè pius verè est. Omnium ergo λεγομένων Christianorum officia externa, quamcunque speciem pro se ferunt, non sunt officia, quæ erga DEUM exhibentur. Est vanus cultus Matth. XV. 7-10. Vanissimi sunt illi Doctores & Pastores, qui Auditores primò & præcipuè ad officia externa (quæ aliquando ne quidem officia sunt) hortantur, urgent, compellunt: Quique bonos Christianos habent, diligunt, laudant externorum officiorum studiosos, æmulos. Is, qui ἰντῷ Φανερω in manifesto Judæus, non est Judæus; Sic non Christianus. Par enim ratio.

vi. II. *Ex adverso transgrediuntur & illi, qui sub prætextu, quod cultus DEI à mente humana, interno amore &c. dependeat, officia externa negligunt, vilipendunt, mundo se accommodant.* Ajunt; *Es kommt nicht auf das äußerliche an: Es kommt auf das Herz an.* Sed qualis homo intus, talis etiam extus esse debet. Fides & cultus
L cordis

cordis operibus demonstrandus est. Jacob. II. 18.

VII. III. *Qui quidem officia externa præstant sed non rectè.* Quod fit variè. A. Vtuti qui ex Professione & Conversatione Christiana quæstum faciunt, quod maximè scelus mercenariorum est: Etiam eorum, qui dum observant Magistratum aliosque in eminentia constitutos pietatem æstimare ac pietatis cultores fovere, de pietate passim sermonem spargunt, & pro pietate militant, ut eorum oculis placeant. B. Qui consuetudine tanquam flumine abrepti, officia pietatis externa, quæ recepta sunt, sine animo peragunt. C. Qui contra propriam conscientiam certa religionis dogmata profitentur, sacra adeunt, S. Cœnâ fruuntur vi externa coacti.

VIII. IV. *Qui officia pietatis in ore, non simul in opere, constituunt.* Adcoque disjungunt, quæ DEUS conjunxit. Putant officiis externis satis factum esse, si, quam tenent religionem, ore profitentur. Quasi verò DEUS ex corpore solum os sibi sacrum velit, non simul reliqua membra. Quo fundamento te obligatum putas ad professionem veritatis, eodem ad præstationem præceptorum Christi. At libenter
- distin-

distinguiamus, quia professio nobis est facilis, maxime in Regione, loco, ubi magistratus ejusdem professionis socii sunt, sed observatio præceptorum carni molestissima est.

IX. V. *Qui professionem Religionis Christianæ collocant in certis quibusdam dogmatibus, quæ ipsis cum alia secta controversa sunt vel subtilibus thesibus, aut saltem ex his Religionem suam maximè æstimant.* Reperies, qui Religionem suam professuri profiteantur dogmata controversa de S. Cœna, Electione, &c. An verò in his consistit Christianismus aut primò & præcipuè? Christianismus consistit in Resipiscentia & fide per Charitatem efficaci.

X. VI. *Qui professionem veritatum Evangelicarum ac conversationem sanctum officium externum universale DEO debitum esse dicunt, commendant, qui tamen ipsi committere nolunt, ut omnes officium hoc ex animi sui sententia liberè profiteantur, atque se invicem ad sanctam vitam hortentur. Imò potius graviter succensent in tales atque subinde à noxa illis inferenda vix abstinere.* Sed tales nesciunt, quid dicunt & turpiter sibi obloquuntur. Si officium est veritatem, quam quis corde tenet, profiteri, tum quoque

permittendum est, ut præceptum divinum præstetur.

XI. VII. *Qui professionem veritatum non solum ad paucas personas restringunt, sed etiam ad certa loca, templa veluti & auditoria.* Qui hinc interdiciunt societatibus, sacra legitime tractantibus. In conviviiis non est locus differendi de rebus sacris. Non in consortiis. Quare non? An professio veritatum sanctarum malum quid? Si non, quare ergo prohibes? DEUS vult ut passim locorum invocetur, laudetur. Tu verò prohibes. Permittis conventicula carni, luxuriæ & omnibus sceleribus consecrata sed conventus privatos domesticos in nomine Christi factos prohibes. Si jure habes, quod reprehendas in conventibus, modo Evangelico rectè tollis sed propter abusum, quem sæpius fingis, non licet usum, imo voluntatem DEI tollere.

XII. VIII. *Qui veritates Evangelicas, sanctas canibus & porcis proponunt.* Matth. VII. 6. hoc est hominibus bestiis simillimis, affectu odii raptis, aut ebriis. Ex tali enim professione non tantum nullus usus sed varium damnum.

XIII. IX. *Qui quas ipsi habent veritates non solum coram aliis profitentur, sed & Auditoribus*

toribus vi majori aut minori, prout quis ea valet, obtrudunt. Christiani, speciatim Pastoris, munus est profiteri, non verò cogere. Coactione nulla veritas placet. Animus magis alienatur. Aut saltem turpes hypocritæ constituuntur.

xiv. X. *Qui veritates Christianismi sive theoreticas sive practicas, sive ore solum sive vita simul abnegant, jubente, cogente Magistratu politico aut Ecclesiastico.* Matth. X. 33. Jam illud turpe, si quis falsam Religionem, quam tamen veram putat, abnegat, longe turpissimum si veram, de qua in conscientia convictus est, ob metum negat. Tales reperiuntur illis temporibus, quibus conscientiarum Tyranni sæviunt.

xv. *Vitia, qua recensuimus, varios fontes habent. Hic solum notamus tres: I. Defectum veri cultûs interni.* Ubi hic verè se habet, externus deficere nequit. Uti aqua fluxum vel vi quærit, & obstacula perrumpit, sic verus cordis cultus. II. *Prajudicia:* Qualia sunt: Officia externa absolvi professione oris, frequentatione cœtuum, observatione ceremoniarum: Professionem fidei Christianæ consistere in probatione plurimum cœca dogmatum, quæ Religio, in qua quis natus, tenet atque Zelo adversus

socios aliûs Religionis: Professionem esse certatum tantum personarum, alligatam quoque certis locis ac temporibus. III. *Maximè tyrannidem subtiliorem aut crassio rem statûs Ecclesiastici aut Ecclesiastici & Politici simul.* Hæc non permittit, ut DEUS ex cordis illuminatione, motu, inclinatione colatur. Loquendum est ex præscripta formula. Licet cum proximo jocari, ludere, saltare, debachari, pugnare, non verò juxta conscientiam suam de rebus divinis loqui, scripturam legere, precari. O miser Christianismi status! Dura est corporis servitus sed quam durior animæ?

XVI. *Maxima vitiiis his turpitudine inest.* DEUM, qui omni gloria dignissimus est, quem etiam bestię honorant, non honorare, aut ore solùm & genu, non animo, imo non licentiam habere honorandi, saltem juxta lumen & motum cordis, vel modo solùm mendaci, & qui conscientię repugnat: Ita Spiritus in homine extinguitur: Spiritui S. resistendum est. Perit omne studium cœlestia indagandi. Ignorantia rerum divinarum plantatur, rigatur. Quotus quisque enim est, qui se exercebit in cognitione, de qua sine gravi damno loqui non licet? Quis meditabitur de optima
DEUM

DEUM colendi ratione, cui cultus talis interdictus est. Annon hoc est Regnum Cœlorum negare? Hominum introducere? Fidei hominum dominari? se supra caput Christum ponere? Ecclesiam hypocritis aut saltem membris, quæ cultum DEI ignorant, polluere, onerare. Hinc miserimus cœtum Christianorum status est.

XVII. *Sequuntur officia erga DEUM externa.* Quæ homines juxta verbum DEI, lumen & motum cordis externis signis ad DEUM glorificandum, proximum ædificandum, legitimè exhibere tenentur.

XVIII. *Uti omnia officia, quæ DEO debemus, sic speciatim externa poscunt voluntatem divinam.* Servus, qui officium heri præstat, facit, quod herus vult, non quod ipse vult. Hanc suam voluntatem verò DEUS hominibus per leges externas, internas, naturales, supernaturales revelat. Rom. II. 14. 15, Jer. XXXI. 33.

XIX. *Præsupponunt officia externa cor illuminatum persuasumque de voluntate divina.* Nam quod non ex fide provenit, illud peccatum est, Rom. XIV. 23. Quanquam actio in se bona est, laudabilisque habetur, mala tamen, quando animus de ejus æquitate, justitia, ambigit, quemadmodum

excitato capite constat. Hinc Paulus conjungit fidem cordis & professionem oris. Rom. X. 9. 10. quia neque fides sine professione, neque professio sine fide est. Fides cordis est quasi radix & succus internus sed professio est fructus externus, qui demum bonam arborem declarat. Docet quoque res ipsa. Vel finge professionem aut aliam actionem, quæ cum corde non convenit aut quam cor non intelligit. An illa DEO placere posset?

XX. *Officia externa consistunt vel in cunctis actionibus vel in actionibus, quæ DEUM ejusque cultum specialiter concernunt. Illo modo: Omnes actiones nostræ externæ, quocunque nomine veniunt, domesticæ, artificiales, civiles &c. ad gloriam DEI comparatæ poscuntur. 1. Cor. X. 31. Col. III. 17. Matth. V. 16. sancti estote ἐν πάσῃ ἀναστροφῇ in omni conversatione 1. Petr. I. 15. & 11. 12.*

XXI. *Actiones, quæ specialiter cultum DEI concernunt, sunt profiteri fidem, quam quis animo tenet, cum proximo convenire ad mutuam adificationem, quod fit institutione, colloquio, precibus, cantu, tesserarum communione sacra usu.*

XXII. *Professio requirit Candorem animi. Qui profitentur, conveniunt, profitentur & con-*

& conveniunt animo simplici & candido, non proprium honorem quæsituri aut irritaturi proximum sed præcepto divino satisfacturi, DEUM glorificaturi, se & proximum ædificaturi.

xxiii. *Requirat prudentiam.* Prudens circumspicit omnia & ex iis colligit, an profitendum, & quid. Professio, quæ editur, utilis aut necessaria requiritur. Quæ nullum usum præbet, imo quæ potius noxia, rectè omittitur. Attendendum itaque ad circumstantias, Auditores, cor proprium. Exemplum sit Christus, qui aliquando siluit: aliquando recessit: aliquando professus est & tum quidem, quando Auditores, saltem ex parte, professionem suam attentè audiverunt.

xxiv. *Requirat Mansuetudinem.* Hæc finit nos præsentī animo esse. Efficax est apud Auditores, aliquando apud hostes. Saltem in causā, ne inconsideratè loquamur & inconsiderato sermone iram hostium augeamus. 1. Petr. III. 15.

xxv. *Requirat constantiam & fortitudinem animi.* De rebus divinis, piis, rectè quidem loquimur tempore & loco, quo tales sermones æstimantur, diliguntur aut saltem tolerantur. Sed & quando ejusmodi pro-

fessores ingrati, contemti sunt. Nulla pœna ad veritatem abnegandum vel etiam silentio involvendum, si ejus rationem reddere tenemur, debet nos permovere.

XXVI. *Professionis fidei dantur gradus:* Cui minor rerum divinarum notitia, ejus etiam professio minor. Qui notitia excellit, ille quoque excellentem professionem edere potest. Meticulosi sunt alii & quanquam non abnegent veritatem, tamen eam variè celant. Alii liberè profitentur, quod candidè credunt, sed non prudenter fidem cordis enarrant. Optimè se habet professio, quæ testimonium de perspectis divinis veritatibus animo candido, mansuero, libero, constanti, forti, prudenti perhibet atque illud, si gloria DEI ac necessitas poscit, omni modo, vel ipsa morte, obsignat.

XXVII. *Conventus sacer est, si duo aut plures cultûs & adificationis gratia conveniunt.*

XXVIII. *Conventus ergo non aestimandus est ex numero, aut externis, loco commodo, tempore certo &c. sed ex scopo & usu.* Duo tresve in nomine Christi congregati faciunt cœtum Christianum Matth. XVIII. 20. Sed mille, qui non ita congregati, cœtum Christianum non constituunt, quanquam externa optimè se habere videantur.

XXIX. *Is cœtus aliis præferendus, in quo DEUS magis glorificatur, & qui illi intersunt magis edificantur, sive nunc ex paucis sive ex multis constet.*

xxx. *Et rationes & experientia probat, numerosos conventus tantam ædificationem non adferre, quantam numero pauciores.*

xxxI. *In Nomen Christi congregari duo postulat. Horum primum est: Congregatio Christo ejusque legibus adversari non debet. Adversatur autem, quando quidam dominantur aliorum fidei, alii autem humanæ autoritati subjiciuntur: Quando Cœtus ex Ethnicis, publicanis, scortatoribus, avaris, ebriosis, convitiatoribus, scandalosis, peccatoribus (non hypocritis, qui DEO relinquendi) sed manifestè talibus constant nec Disciplinâ Ecclesiasticâ purgantur. Matth. XVIII. 20. I. Corinth. V. II.*

xxxII. *Alterum requirit, ut congregatio cum institutione Christi conveniat. Convenit autem, quando Christus non verbis sed verè & re ipsa Dominus habetur, atque unicè ejus gloria quæritur. Quando ergo verbum & Spiritus Christi cœtum regnant: Quando cultus, precario, cantus, in Spiritu & veritate fit, Joh. IV. 21 23. Quando,*
qui

qui præsunt, inculpatam vitam ducunt, atque Episcoporum requisita, quæ non solum ut decora & utilia sed tanquam necessaria proponuntur. 1. Tim. III. 2. tenent. Quando membra cum DEO & JESU Christo per fidem & sanctitatem, secum invicem per charitatem conjuncta sunt atque quæ habent dona ad mutuam ædificationem confetunt. Quando nemo alterum contemnit, odio habet, in miseria deserit, si ipsum ex ea liberare valet. Quando ergo illi signa unionis & communionis cum Christo & corpore ejus accipiunt, qui revera cum Christo & Ecclesia uniti sunt.

XXXIII. *Uti cœtui liberum est socium admittere, retinere, excludere, sic homini liberum nomen cœtui dare aut etiam adimere.* Populus Christi spontaneus est: Pl. CX. 3. Quicquid in Religione coactum est aut ob metum aut patrocinium hominum fit, id irreligiosum est. Et quem habet usum cœtus ex membro invito? nullum prorsus sed potius damnum, stultum adeoque est talem socium habere velle, qui esse non vult: unde & ipse & cœtus non nisi damnum accipit. Prudenter itaque cœtus eum, qui leges violavit & increpationes posthabuit, excludit & abire volentem admonitione

tione una aut altera facta dimittit. Prudenter quoque is à cœtu se separat, in quo DEO juxta voluntatem ejus & conscientiam suam servire nequit. Est enim frequentatio cœtûs officium externum, quod homo DEO debet. Officium verò esse nequit, quando non licet DEUM eo, quem instituit, modo colere.

xxxiv. *Itaque associaturus se cœtui Christiano attendit ad requisita ejus.* Qui cœtûs essentialia requisita non habet nec membro permittit, ut DEO & Redemptori suo ritè servire queat, ille rectè nomen suum ei negat. Associat se verò illi, qui signis Ecclesiæ Christianæ insignis est.

xxxv. *Felix is, qui membrum est talis cœtus, qui proximè ad typum suum & exemplar Apostolica Ecclesia accedit.* Qui adeoque omne & solum verbum DEI, omnia & sola præcepta divina, omnem & solum cultum Evangelicum tenet, inculcat, observat.

xxxvi. *Quando tamen cœtus essentialia Christianismi tenet atque in eo DEUS coli potest juxta conscientiam, etiam illi interesse licet, quanquam à pluribus navis mundus non sit, tum maximè si scandalum evitaturus id secum constituit agitque, ut hic cœtus ad formam Christi propius accedat.* Si is
adeo-

adeoque in illo cœtu doctrinam Christi liberè proficitur, nævos monstrat, reprehendit, se primo à sordibus purgat, tum quoque debito modo sollicitus est, ut etiam focii purgentur. Talis rectius manet in suo cœtu, quàm quod illum relinquat.

xxxvii. *Officia hac externa rite præstaturis studendum, ut excellentem cognitionem Christianismi nanciscantur.* Nemo profiteri potest, quod ignorat. Nemo rectè profiteri valet, nisi cui solida notitia est. Tempore persecutionum variè periclitantur ignorantes res divinas, sive profiteantur sive non. Professio sine solido fundamento facilè alio tempore in negationem abit. Solidior notitia non solum bonum cœtus membrum constituit, sed etiam cœtui prodest informatione, adhortatione, dehortatione. *Studendum dein ut illustres confessores, Martyres, JESUM Christum, Stephanum (cui usui inserviunt Martyrologiæ) attentè considerent atque, si necesse, eorum vestigia exprimere proponant.* Cœtum quasiturus, reformaturus legat, pensitet formam, quam DEUS de Cœtibus Christianis in verbo suo publicavit, quamque primi Christiani præ se tulerunt.

xxxviii. *Maximè studendum, ut à præjudiciis, qua in officiis externis exhibendis serpunt,*
libe-

liberetur. Qualia sunt (a) cultum DEI in corde consistere. Eum externis signis testandum non esse, ceu quod Phariseorum. (b) Professionem Christianismi in verbis, non simul in factis, consistere. (c) Sectæ suæ dogmata necessario vera esse, investigatione, probatione non indigere. Horum adeoque professionem esse professionem doctrinæ Christianæ. (d) Membri cœtus officium esse nonnisi templo interesse, simpliciter credere, quod Pastor ait. (e) Ejusdem officium esse pro suo cœtu adversus quosvis alios militare, eos odisse, conversationem cum illis non habere, errores graves iis imputare. Præjudicia sunt, uti communia, sic venenata.

xxxix. *Ultimò expendantur sequentia motiva.* I. Vult enim DEUS, ut populus suus veram fidem profiteatur, etiam eoram hostibus. Israël non solum in Canaan sed & in Babylonia fidem suam in verum DEUM testatam facere debebat Jer. X. 10. 11. 12. Idem Christianorum, non solum Doctorem sed & quorumvis aliorum officium est, quo maxime pertinet. 1. Petr. III. 15. 16. *Estote semper parati ad defensionem erga omnem, qui rationem exigit spei, quæ in vobis cum mansuetudine & metu, habentes conscientiam bonam.*
Exigit

Exigit quoque hoc ipsum commune fidelibus sacerdotium. 1. Petr. II. 9. tot alia Scripturæ loca, ac mos in primitiva Ecclesia.

XL. II. *Uti facit ad gloriam DEI, sic quoque propriam.* Qui potentis Regis subditi sunt, illi, quanquam in alieno regno versantur, non erubescunt se ejus subditos declarare, ejus gloriam quærere. Quantominus pudor faciem nostram occupare debet profitentes DEUM ejusque veritates. *Non pudet me Evangelii Christi: Est enim potentia DEI ad salutem omni credenti.* Rom. I. 16. Nam quis Christus? DEUS, Rex Regum, sedens ad dextram Patris. Quale Evangelium ejus? Cœleste, resectum sapientiâ, prudentiâ, sanctitate, amore, castitate. Omnis, qui ei credit, ex regno tenebrarum in Regnum lucis transfertur. Ex filio Diaboli filius DEI fit. An ergo quicquam ei inest, cujus nos pudere debet? Profitentes verò ejusmodi Evangelium glorificamus DEUM, sive gloriam, quæ in DEO, manifestam facimus. Profitentur homines mundani, quam æstimant vanitatem, impietatem: Pharisæi externum, hypocriticum cultum. Annon Christiani, qui DEUM verè cognoscunt, notitiam hanc profitebuntur?

XLI. III. *Professio quoque utilis sed abnegatio noxia est. Nam quicumque me confessus fuerit, coram hominibus, ait Salvator, etiam ego eum confitebor coram Patre meo in cælis, at quicumque me abnegaverit coram hominibus, abnegabo & ego eum coram Patre meo cælesti. Matth. X. 32. 33. Quem mei & sermonum meorum pudet, ejus quoque filium hominis pudebit, quando venturus in gloria sua & Patris & sanctorum Angelorum. Marc. VIII. 38. Utilis est professio his in terris: Solet Deus Spiritus S. dona illi augere, qui iis rectè utitur, nec ea sepelit, præprimis illis, qui citati coram synagogis &c. veritatem intrepidè fatentur, quales assistentiam divinam magis experiuntur, quam ulla alia ratione Joh. IX. Utilis quoque aliis, qui eam audiunt, aliquando hostibus: Veritas enim divina lux est, quæ illuminat corda eorum, quæ non excæcata à Principe tenebrarum. 2. Cor. IV. 2 - 5. Fit quoque, ut impietatis gravissimi errores dispellantur, 1. Petr. III. 16. Utilis tandem in altera vita, nam qui fidem Christi, quam corde credit, confitetur, is salvabitur. Rom. X. 9. 10.*

XLII. IV. *DEUS, qui vult ut eum ore profiteamur, vult quoque ut simul factò. Conversationem vestram inter gentes pulchram ducite, ut,*
M qui

qui obloquuntur vobis, tanquam maleficis ex bonis operibus videant & laudent DEUM in die viſitationis. 1. Petr. II. 12. Si hæc ad priorem non accedit, argumento eſt, quod prior veri nominis profeſſio non ſit. Conjuncta demum DEO glorioſa & nobis ſalutaris eſt.

XLIII. V. Imitandi ſunt fideles omni tempore. Chriſtus caput fidelium nihil exigit à nobis, in quo non præceſſerit. Ille ſub Pontio Pilato bonum teſtimonium perhibuit. Ille quoque doctrinæ, quam profeſſus erat, ſimillimam vitam duxit. Ille teſtimonium paſſionibus & morte confirmavit. Hunc nubes ſanctorum anteceſit ac ſecuta eſt. Hebr. XI. XII. Quare ſequamur Principem & conſummatorem fidei JESUM ac nubem teſtium.



CAPUT IX.

DE

Cognitione Proximi.

Σύνολος.

<p>N<i>Exus officiorum erga DEUM & proximum ſummus eſt.</i></p>	<p><i>Officia erga proximum variant. §. II.</i></p> <p><i>Nam & rationes variant. §. III.</i></p>
<p>§. I.</p>	<p>Variant</p>

Variant quoque gradus officiorum. §. IV.
Recensentur officia erga proximum. §. V.
Quorum primum cognitio proximi est. §. VI.
Proximus est omnis homo. §. VII.
Consideratur vel ut homo generatim vel ut Christianus speciatim. §. VIII.
Illo modò, ut compos corporis & anima. §. IX.
Adeoq; ut qui indiget mediis ad vitam sustentandam. §. X.
Porrò ut frater & consanguineus noster. §. XI.
Insuper ut opus, oves, progenies & liberi DEI. §. XII.
Denique ut variè imperfectus. §. XIII.
Hòc, ut Christianus, quem cœlestis Pater summè dilexit cuique maxima bona offert, quique membrum Ec-

clesia Christi est & cum DEO per fidem conjunctus. §. XIV. XV.
Satis fit objectioni. §. XVI.
Hinc nunc constat, quam vitia cognitioni proximi contraria sint. §. XVII.
Quadam eorum in defectu. §. XVIII.
Alia in excessu peccant. §. XIX.
Fontes horum vitiorum deteguntur. §. XX.
Enormitasq; eorum monstratur. §. XXI.
Sequitur ipsum officium seu cognitio proximi. §. XXII.
Cujus vi ita tractandus est, uti cognoscitur vel in genere ut homo vel in specie ut Christianus. §. XXIII. XXIV.
Quo plura attributa proximo insunt, eo plura officia ei debent. §. XXV.

<i>Indicantur tria media proximum cognoscendi. §. XXVI.</i>	<i>1. Natura proximi in sa- cris notata. §. XXIX.</i>
<i>Et sex motiva. R. Equi- tas. §. XXVII.</i>	<i>7. Fundamentum omnium officiorum debitorum erga illum. §. XXX.</i>
<i>2. Natura vera cognitio- nis proximi. §. XXVIII</i>	<i>7. Gloria DEI. §. XXXI.</i>
	<i>7. Similitudines. §. XXXII.</i>
*****:***:*****	

§. I.

Cum officiis erga DEUM conjunctissima sunt erga proximum. Nemo illa exhibere valet, quin simul hæc. Nec hæc, si non illa. Hinc Christus amoris proximi non solum proximum post amorem DEI locum dat sed & simile præceptum vocat Matth. XXII. 39. Paulus: *Qui proximum diligit, is legem implevit.* In amore proximi lex divina ἀνακεφαλαιῶται recapitulatur Rom. XIII. 8. 9. Uti ergo in summa numeri minores sic in amore proximi officia erga DEUM & se ipsum continentur. Johannes ait: *Si quis dicit se DEUM diligere, odio verò habes proximum, ille mendax est. Nam qui non diligit fratrem suum, quem vidit, quomodo diligere potest DEUM, quem non vidit.* 1. Joh. IV. 20. Unde stultitia eorum cognoscitur, qui quanquam proximum contemnant, vexent, nihil-

nihilominus opinantur se DEUM diligere. Id falsissimum est.

II. *Officia erga proximum varia sunt.* Distingui possunt in communia & specialia. Illa quæ omni proximo : Hæc quæ proximo in certo statu aut relatione erga proximum debemus : Qualia sunt mutua officia Magistratum & subditorum, Parentum & liberorum, Pastorum & Auditorum, Herorum & servorum, de quibus heic non dicturi sumus.

III. *Officia variant, quia eorum rationes variant.* Sunt enim vel perfectiones, quæ in proximo, uti spiritualitas mentis, sapientia &c. vel beneficia, quæ ex iis in nos redundant, uti educatio liberorum vel inopia, quam pro viribus supplere tenemur, fundamenta officiorum nostrorum.

IV. *Prout nunc rationes officiorum gradu differunt*, uti major perfectio, majus beneficium, major inopia, sic gradu differunt officia. Majorem reverentiam Magistratui debeo, quam privato &c.

V. *Officia communia sunt* : Cognitionis, justitia, veritas in colloquio, pacis studium, honos, charitas, liberalitas.

VI. *Primum, quod proximo debeo, cognitio ejus est.* Sive cognoscere debeo, quis sit

proximus. Si novi; quis ille sit, exinde sponte fluunt alia officia, veluti *justitia*, qua ipsi suum relinquo, tribuo: *Veritas in colloquio*, non aliud in sermone effertur quam quod verum: *Studium pacis*, quo proximus in tranquillo statu relinquitur vel extra illum constitutus dempto omni, quod inimicitiae causa est, ei restituitur: *Honos*, quo æstimo bonum, præclarum, quod in proximo deprehendo. *Charitas*, qua proximo sincero cordis affectu favemus, hinc movemur ad benefaciendum: si beneficiis nostris indiget, juvatur, recreatur, unde surgit *liberalitas*, vel etiam corripimus malè & sibi noxiè agentem, unde oritur *corruptio fraterna*.

VII. *Proximus*, cui officia debemus, est *omnis homo*. Omni homini debemus justitiam, veritatem, honorem &c. Præcepta secundæ tabulæ officia præscribunt erga omnem hominem. Neminem enim licet occidere &c. Hebræis hinc dicitur וְאֵלֶיךָ יְיָ אֱלֹהֵינוּ וְאֵלֶיךָ יְיָ אֱלֹהֵינוּ qui nobiscum in hoc orbe, tanquam communi pascuo, alitur. Paulo dicitur ἕνεκα *alius* Rom. XIII. 8. quicumque ille sine discrimine ætatis, sexûs, conditionis, Religionis, amicitiae, inimicitiae. Christiani clarissimè de latissima hac vocabuli *Proximus* acceptione.

ceptione in sacris informantur. Luc. X. 29 - 38. Judæo samaritanus proximus est, qui aliam Religionem sectatur. Uti hodie, sic olim, inter diversas Religiones odium, inimicitia erat. Sed Christus vult, ut proximus habeatur diligaturque, qui aliam Religionem profitetur. Matth. V. 44. *Diligite hostes vestros, benedicite illis, qui vobis maledicunt, benefacite illis, qui vos odio habent, & intercedite pro illis, qui vos ladunt & persequuntur.* Dilectio eaque realis majus officium est quam justitia. Quando vero majus officium proximo, etiam hosti, debeo, quantò magis minus.

VIII. *Proximus consideratur vel generatim ut homo, vel speciatim ut Christianus.* Quod ideo notandum, quia pro varia consideratione variant officia. v. supra §. IV. Cui plus inest, ei plus debeo. Hinc Christiano magis debeo quam quem simpliciter ut hominem considero. Quod homini inest, meque ad officia obligat, id Christiano inest, sed non vicissim. Unde plus debeo Christiano. Et quando inter Christianos discrimen est, hinc rursus sequitur, quod Christiano, qui magis de Christo participat, magis debeam, quam qui minus.

IX. *Proximus, qui consideratur, ut homo, considerandus est ut compos corporis & anima:*

Corporis artificiosissimi, facti ad animam serviendum, atque ut esset templum Spiritus S. Animæ vero spiritualis naturæ, instructæ facultate percipiendi, judicandi, ratiocinandi, volendi, qua à bestiis distinguimur. His partibus omnis homo constat. Hæ vero partes essentialès nobilissimæ sunt, cum quibus aliæ, quæ tamen sæpenumero magni æstimari & illis præferri solent, nullatenus comparari queunt, uti color, statura vel, quod longe minus, elegans vestis, pecunia. Quando verò omnes homines quoad nobilissimas partes conveniunt, disconveniunt quoad minores, accidentarias, tantum discrimen inter homines non constituendum est : Omnibus illa officia præstanda sunt, quæ fluunt ex essentialibus illis partibus.

X. *Quoniam vero corpus ita à Creatore formatum, ut indigeat cibo, potu, vestitu, domicilio, hinc porro constat hominem considerandum esse, cui usus mediorum horum ad vitam necessariorum permittendus, dandus sit.* Unde Creator Adamo & omnibus ejus posteris, non uni solùm aut alteri, orbem hunc terrestrem possidendum & fruendum dedit.

XI. *Considerandus insuper homo ut frater & consanguineus noster.* Fratres sunt, qui eodem

dem Parentes habent : Consanguinei sunt, qui ex eodem sanguine ortum trahunt. At omnes homines eosdem Parentes, quamquam non proximos, Adamum scil. & Evam habent. *DEUS* fecit ἐξ ἑνὸς αἱματος πᾶν ἔθνος ἀνθρώπων ex uno sanguine omne genus humanum Actor. XVII. 26. adeoque consanguinei sunt Christiani, Judæi, Turcæ, Barbari, pauperes, divites &c. Jura igitur, quæ ex consanguinitate fluunt, omnibus præstanda sunt.

XII. *Considerandus præterea homo, ut opus, oves, progenies & filii DEI.* Scitote, quod ipse *Jehova DEUS* nos fecerit & non nos ipsos : *Populus ejus & oves pascui ejus.* Pl. C. 3. *DEI progenies* sumus Actor. XVII. 28. Quibus verbis Paulus etiam gentiles includit. Hæc χάρις multum existimationis, honoris, charitatis homini conciliabit. Solet filius divitis, Principis, æstimari, diligere &c. Sed *DEUS* ditissimus, potentissimus Rex Regum est ; Hujus cœlestis Parentis liberi omnes homines sunt.

XIII. *Considerandus porrò ut mortalis, variè imperfectus quoad scientiam, potentiam, bonitatem, dependentiam.* Quæ imperfectiones ideo notandæ sunt, ne talia officia imperfecto homini exhibeantur, aut ab eo bene-

ficia expectentur, quæ cadunt nonnisi in perfectissimum ens.

XIV. *Atque ita omnes homines considerari possunt, debent. Præter hanc generalem considerationem est alia specialior, qua homo ut Christianus habetur.*

XV. *Homo, qui consideratur ut Christianus, considerandus tanquam is (1.) quem cælestis Pater tantopere dilexit, ut pro illo filium suum traderet, in illum Spiritum suum mittere constituerit. (2.) cui magna & preciosa promissa, sapientia, sanctitas, gaudium, breviter dicam divina natura & æterna vita sub conditione resipiscentiæ & fidei Evangelio habenda offeruntur. (3.) Qui se separat ab omnibus, qui Evangelium Christi in dubium vocant, rejiciunt, adjungit vero se illis, qui fidem suam in Christum profitentur, cum quibus unum externum corpus facit. (4.) Qui verè resipiscens & credens in Spiritu cum Christo, Patre & Spiritu S. unitus est: Qui membrum corporis mystici adeoque cum fidelibus, Prophetis & Apostolis, triumphantibus in Cælo, militantibus in terra conjunctissimus. In qua unione uti summus honos, sic summa quoque felicitas consistit.*

XVI. *Dicis: dicta non quadrant in omnes Christianos. E. etiam officia, quæ ex allatis fluunt,*

fluunt, non omnibus Christianis præstari queunt. Præsta ea, quæ fluunt ex relationibus, quæ unicuique competunt. Priores verò omnibus Christianis communes sunt. Cave quoque, ne sine solida ratione quempiam verum Christianum esse neges, qui talis est. Peccat quidem, qui Christianum nomine talem, re verò Ethnicum, Christianum habet, æstimat, maximè ubi pravi hujus judicii causa existit proprium commodum, adulatio, sed non minus, si non magis, qui verum Christianum talem esse negat atque, quæ ideo debentur officia, omittit.

XVII. *Ex quo diximus, quid proximus, quid Christianus sit, facilius constat, quanam vitia circa proximi cognitionem committantur.* Horum quadam in defectu: alia in excessu notanda sunt.

XVIII. *In defectu:* Qui honorificas qualitates, quas divina largitione homines, speciatim Christiani, habent, in proximo non agnoscunt. Qui adeoque homines non considerant ut progeniem, opus DEI, fratres suos &c. Qui dein qualitates turpes aut saltem minoris pretii longe præferunt qualitatibus honorificis, ac magnæ æstimationis: Veluti quando tyrannis, fastus, voluptuosum vitæ genus, splendida vestis aut divi,

divitiarum, forma, status excelsior in homine suspicitur, æstimatur, longe præfertur lenitati, humilitati, parcimoniarum, fiduciarum in DEUM, naturarum humanarum. Sic filius divitis, nobilis, principis multum præfertur filio pauperis, ignobilis, subditi, quum tamen maximum existimationis & honoris fundamentum commune sit, scilicet ortus ex DEO. Qui non solum honorificas qualitates in proximo non agnoscunt, sed insuper infames ei tribuunt. Hinc bestias, canes, Racha, stultos, dæmones vocitant. Qui hinc officia qualitatibus innatis debita negligunt. Quem non habent hominem corpore & anima præditum, talem eum non tractant, sed bestiarum instar: Non sinunt eum participare de frugibus terrarum, cibo, potu, vestitu, domicilio. Non diligunt, honorant, ut fratrem, consanguineum, aliud longe excellentius principium sibi, aliud vilissimum proximo adjudicant &c.

xix. *In excessu*: Qui hominibus majores perfectiones tribuunt, quam iis insunt, quæque soli DEO competunt: Quique hinc tales se præbent erga illos ac si revera his perfectionibus instructi essent. Uti confidere potenti Magistratui, Doctorem habere pro infallibili fidei ac vitæ Magistro,

stro, fortunam suam suspendere à Patrono.

xx. *Vitia hac ortum trahunt ex ignorantia.*

Ignorantur perfectiones, maximè spirituales, quæ in veris Christianis. Ignorantur quoque imperfectiones in potentibus, eruditis &c. *Ex stultitia*: stultum est laudare, probare, æstimare, quod sibi damnum adfert, neglectui habere, vilipendere quod utile. Id verò agunt, qui divites, voluptuosos, otiosos, lufiores, Tyrannos honorant, felices prædicant, non item pauperes, frugales, operarios, lenes &c. Jac. II. 6. Joh. VIII. 6.

7. *Ex judicio mundi.* Sic enim mundani judicare solent. Mundus ad personas, statum, pompam, divitias, formam attendit, non vero rem in natura sua ac usu inspicit. Qui in mundo vivunt, similiter judicant, nisi moneantur de cœcitate judicii mundani. *Ex perverso sui amore.* Homo, qui se perversè amat, quicquid habet præ alio vel levissimum, æstimat, extollit se super alium, cui illud deest: Vult, optat, contendit, ut aliis præferatur, quanquam proximus verè nobiles qualitates habeat, quibus alter caret. Præco disertus potius haberi vult Pastor quam inculpatus, quum tamen facundia cum inculpata vita neutiquam

quam comparari queat. Facundia communis est Theologo & caufidico.

xxi. *Ex dictis jam cognosci potest, enorme vitium esse proximum non cognoscere. Tria tantum addimus enormitatem hanc confirmaturi.* Ex his primum est, quod causa sit transgressionis officiorum, quæ proximo debemus. Vel an proximus, speciatim pauper, ignobilis ita tractaretur, si cognosceretur filius DEI, opus divinum, DEO æstimatum, jure corrector & particeps bonorum terrestrium: Si speciatim Christianus cognosceretur Rex & sacerdos cœlestis, amicus JESU Christi &c. *Alterum*, quod artificium sutoris, sartoris, textoris, infectoris, tonsoris præferatur operi sapientissimi DEI. Solet enim homo æstimari propter vestes, calceos, opera manuum humanarum. *Tersium*, quod *fides glorie Domini nostri JESU Christi* habeatur in προσωποληψίαις personarum acceptionibus Jacob. II. 1. Dives gemmis, auro, argento, vestibus, melior Christianus habetur divite fide, sanctitate, justitia, aliisque omne pretium terrestre exsuperantibus bonis. Jam Jacobus ævo suo de personarum acceptione conquerendi materiam habebat. Si hodie viveret, si Tempia Christianorum, maximè urbana

urbana & aulica, ingrederetur, prorsus attonitus staret. Προσωποληψία in firmissimas leges abiit, haberenturque fermè turbatores Christianismi, qui Jacobi admonitionem rectè urgerent.

XXII. *Sequitur cognitio proximi, juxta quam in naturam & qualitates ejus investigo atque talia officia erga eum præsto, qualia natura & qualitates ejus poscunt.*

XXIII. *Proximus cognoscitur juxta ea, quæ supra §. VIII - XVII. adduximus.* Si quæ hominis, homini, quæ Christiani, Christiano tribuuntur.

XXIV. *Qualis verò homo cognoscitur, talis etiam tractandus est.* Corpus ejus, quod mirum creatoris artificium, honorandum, ætus, potus, vestitus, domicilium, si his infortunio quodam destituitur, dandum, etenim corporis natura vel oculis inspecta, docet creatorem velle, ut proximus his non privetur. Fratrem, qui ejusdem carnis, sanguinis, eorundem ossium frater diligeret, in periculo juvabit. Quoniam verò præter corpus animam spiritualement habet, homo longè præferendus rebus merè corporalibus, æstimatissimis & charissimis, quæ alioquin habentur. Imago hæc DEI summo opere veneranda est. Si porrò ipse DEUS homi-

hominem tantopere dilexit, ut pro illo filium suum unigenitum dederit, ipsum ad communionem vocet, se totum illi fruendum tradat, ex omnibus fidelibus unum corpus formatum velit, annon Exemplū DEI proximus Christianus amandus, pro illo molestia salutaris subeunda, bona necessaria illi communicanda & verā unio testanda est?

xxv. Unde porro sequitur, quod qui proximum rite cognoscit, majora officia præstaturus erga eum, in quo majores eorum rationes, minores, in quo minores, nulla, in quo nulla ratio est, aut saltem proximum officiis dignum non honorabit ob accidentia quadam honore indigna. Adeoque homini naturæ divinæ participi, Regnum Christi amplianti longe majora officia exhibebit, quam illi, qui quidem homo, consanguineus suus aut etiam in Regno naturæ alii prælatus est 1. Tim. V. 17. Gal. VI. 10. Neminem propter vestem, ædes, multo minus fastum, pompam, luxum honorat.

xxvi. Media cognitionis proximi sunt: I. Attendere ad proximum, ejus naturam, doctes, actiones. Attendens reperiet plurima in proximo esse, quæ captum suum superant, quæ ortum divinum habent, quæ gloriam
DEI

DEI illustrant. Hac autem ratione & cognoscet proximum & quæ illi debet, exsolvet. II. *Se ipsum nosse, seque conferre cum proximo.* Homo facilius se ipsum nosse potest, quàm proximum: solet quoque se diligere, honorare, æstimare propter facultates, doctes, quas habet. Jam quando confert se cum proximo, reperiet, illi non minus animam & corpus aliaque esse quàm sibi. Illum itaque non minus diligendum, æstimandum esse simul colligere debet. Imo magis, si magis participat de DEO. III. *Inquirere in causas officiorum, quibus homines mundani moventur.* Causæ illæ sunt stultæ, ridiculæ, mendaces, ineptæ, proprio commodo innitentes. *Stulta sunt:* Divitem, avarum æstimare, honorare, cujus tamen divitiæ, avaritia tibi, saltem publico, damnum adferunt. *Ridicula:* Eadem persona jam nitida jam vili vestitu induta honoratur & non honoratur. Imò non homo sed vestis honoratur. Hinc evenire solet, ut bene comptus demissâ reverentiâ excipiat, sed Christianus tenuioris amictûs vix aspectu dignus habeatur. *Mendaces:* Hic summa & humillima officia promittit. Eadem repromittit alter. Neuter cogitat de minimo officiolo exhibendo. *Inepta:* Annon

N

in-

ineptum est cum magni æstimare, qui vestem habet molliori lanâ, purpurâ aut alio pretioso colore infecta, forsan vestem illam furatus est. *Proprio commodo innituntur.* Publicanorum & peccatorum more cibant & potant, à quibus cibati sunt & potati. Retalulant salutantes.

xxvii. *Motiva sunt: Æquissimum est, ut unumquodque secundum naturam suam cognoscamus, tractemus, non supra, non infra.* Vel an non unusquisque nostrum id vult, postulat ab alio. Quis non ægre fert, si bestia dicitur, aut cum sitiienti porus denegatur!

xxviii. II. *Uti omnis vera cognitio practica, ita quoque proximi.* 1. Joh. II. 4. Qui ait se proximum cognoscere, tanquam fratrem, consanguineum, filium DEI, membrum suum, illum verò negligit, contemnit, deserit, ille mendax est.

xxix. III. *Ipsa scriptura argumentis à natura proximi Christiani desumptis à vitiis his dehortatur, ad virtutes adhortatur.* Qui sanguinem humanum effundit, ejus sanguis per hominem effundetur, nam DEUS hominem ad imaginem condidit. Gen. IX. 6. *An non unus Pater nobis omnibus! an non unus DEUS, qui creavit nos! Quare ergo perfide agimus unus adversus fratrem suum!* Malach. II. 10. Tu verò quare judi-


judicas fratrem tuum! Vel etiam quid fratrem tuum consemnis? Rom. XIV. 10. An frater fratris judex esse debet? hoc ipso argumento Moses Israelitas ad debita remittendum movet. Deut. XV. & Jes. LVIII. 7. מִבְּשָׂרְךָ à carne tua te non subduc paupere, qui caro tua. Eph. IV. 1. 2. 3. 4. 6. Ambulate convenienter vocationi, qua vocati estis, cum omni humilitatis studio & mansuetudine, cum longanimitate tolerantes se invicem in charitate, studete unitatem Spiritus in vinculo pacis tenere. Quare? Quia unum corpus, unus DEUS & Pater omnium est. 1. Cor. XII. 25. 26. Postquam Apostolus pluribus ostenderat Christianos esse membra ejusdem corporis mystici, addit Membra sollicita sunt alia pro aliis; Itaque sive patitur unum membrum, compatiuntur omnia membra, sive honore afficitur unum membrum, congaudent omnia membra.

xxx. IV. *Cognitio proximi ratio est omnium officiorum, qua illi debeo. Si enim non vero proximum meum, simul novero, me illi justitiam, veritatem, pacem, charitatem, liberalitatem debere.*

xxxI. V. *Cedit in honorem aut ignominiam Creatoris, Redemptoris. Qui enim opus Creatoris admiratur, æstimat, diligit, ille ipsum Creatorem laudat & exrollit. Quæ*

Christianis beneficia præstantur, præstantur ipsi Christo. Matth. XXV. 40. Sed & vice versa; Qui Creaturam, speciatim pauperem, claudicantem, deformem &c. ignominiâ afficit, afficit ignominiâ ipsum Creatorem, qui pauperem æquè ac divitem &c. facit. Saul, qui persequabatur Christianos, persequabatur Christum. Act. IX. 5. conf. Matth. XXV. 45.

xxxii. VI. *Similitudines*; Qui legatum Principis, filium Parentis, servum heri malè tractat, ipse Princeps, Parens, Herus malè tractatus habetur. DEUS verò Princeps, Pater, Dominus, Creatura Christianus, legatus, filius, servus est.



CAPUT X.

DE

JUSTITIA.

Σύνοψις.

<p>Nexus hujus capituli cum antecedente.</p> <p>§. I. Justitia sumitur latè & strictè. §. II.</p>	<p>Hic strictè. §. III. Opponitur injustitia §. IV. Ad hanc cognoscendam sciendum, quid proxi- mi sit. §. V.</p>
--	--

Quant

Quamquam accurate lo-
quendo omnia persona-
lia & realia DEI sunt.
§. VI.

Ideo justus bonorum posses-
sor oportet sua à DEO
acceperit. §. VII.

Injustus autem est, qui sua
à DEO non habet. §.
VIII.

Sed ipsa propria auctori-
tate sua fecit. §. IX.

Tales recensentur §. X.

Injustitia variè commit-
titur.

I. Sub pretextu juris
tum generatim §. XI.
tum speciatim.

II. à partibus litigantibus
§. XII.

III. Advocatis. §. XIII.

IV. Judicibus. §. XIV.

V. Personis Ecclesiasticis.
§. XV.

VI. Mercatoribus. §. XVI.

VII. Fœneratoribus. §. XVII.

VIII. Divitibus, potentibus,
heris. §. XVIII.

IX. Clam & dolo.

cujus octo modi recen-
sentur. §. XIX.

III. Apertâ vi. §. XX.

Unde constat injustitia
plures & species & gra-
dus dari. §. XXI.

Unde porro constat inju-
stum coram DEO ali-
quando illum esse, qui
in judiciis humanis ju-
stus habetur. §. XXII.

Aperiunter injustitia fon-
tes. §. XXIII.

Et fœditas ejus demon-
stratur. §. XXIV.

Injustos sequuntur
justi.

Quales sunt, qui unicui-
que suum relinquunt.
§. XXV.

Qui dein suum tribuunt.
§. XXVI.

Qui omne, quod habent,
à DEO habent. §.
XXVII.

Dat verò DEUS variè.
§. XXVIII.

Qui opes suas à legitimis
possessoribus legitimè

accipiunt vel (α) dono.

§. XXIX.

Vel (β) aequalitatem servando in datis & acceptis. §. XXX.

Cujus species dantur in mercatura & usura. §. XXXI.

Queritur etiam: Annon omnis usura legitima sit. §. XXXII.

Justi insuper sunt, qui ratione ad circumstantias habita ex aequo cum proximo agunt. §. XXXIII.

Justi praeterea sunt, qui rectè distribuunt distribienda. §. XXXIV.

Justi denique, qui injustitiam corrigunt. §. XXXV.

Justi ultimo, qui jura hu-

mana ad legem divinam examinant. §. XXXVI.

Species justitia recensita injusto conjuncta sunt. §. XXXVII.

Et quoniam justitia gradus dantur, nostrum est ad superiores ascendere. §. XXXVIII.

Adduntur media justitiam exercendi. §. XXXIX.

Ut & motiva, quae sunt voluntas DEI. §. XL.

Scopus mortis Christi. §. XLI.

Postulatum Christianismi. §. XLII.

Postulatum Reipublicae civilis. §. XLIII.

Fructus justitiae & injustitiae. §. XLIV.

Societas. §. XLV.



§. I.

EX cognitione proximi fluunt plura officia, quae proximo debentur, speciatim justitia.

II. Justitia, prout hîc in sensu strictiori sumitur, est minimum officium, quod proximo pra-

praestandum est. Charitas, liberalitas plus quid, quàm justitia est. Civis justitiam debet, nedum Christianus. Quanquam latiori vocis acceptione justitia omnia officia adeoque etiam charitatem, liberalitatem comprehendat. Justum enim & legibus cautum est, ut proximus diligatur, pauper juvetur. Matth. V. 20.

III. *Hic notat illud officium, quo alteri suum relinquendum & tribuendum est.*

IV. *Ergo vi oppositionis injustitia vitium est, quo proximo suum non relinquitur, tribuitur, sed surripitur, retinetur.*

V. *Qua proximi, sunt ipse, vita, anima corpus, dignitas ejus. Sunt persona, uti liberi, servi: Sunt bona mobilia, immobilia variis pretii.*

VI. *Proprie & accuratè loquendo omnia personalia & realia DEI sunt. Ipse enim omnia condidit, conservat & regit. Unde Ps. XXIV. 1. 2. Terra Jehova est & plenitudo ejus: Orbis terrestris & qui eum inhabitant. Ps. L. 10. Omnes ferae sylvestres meae sunt: (Etiam) jumenta in mille montibus Hagg. II. 8. Argumentum meum & aurum meum, inquit Jehova Zebaoth.*

VII. *Hinc sequitur, quod quacunq; homo justè possidet, habeat à DEO: Quacunq; verò à*

DEO non accepit, ea hominis sub justo titulo non sunt. Omnia enim DEI sunt.

VIII. *Injustus ergo est, qui pro suo habet, quod à DEO non accepit.*

IX. *Injustus est, qui bonum, quod DEUS proximo dedit, suum facit.* Talis contrectat nomen Domini Prov. XXX. 9. Agit, quod DEO competit. Imò agit contra DEUM.

X. Sic injusti sunt fures personarum, animarum, vitæ, sanitatis, famæ, dignitatum, opum, rerum quarumvis, quæ proximi sunt, sive infames sint, sive honesti & dignitate clari habeantur.

XI. *Injustitia variè committitur. I. Sub prætectu juris.* Generatim ab omni, qui utitur lege, consuetudine, privilegio injusto. Quanquam enim hæc juris nomen præ se ferant, ac in judicio humano probentur, in se justa non sunt. Nemo hominum in se injustum, lege, privilegio vel consuetudine sic volente, justum reddere potest.

XII. *Speciatim sub prætectu juris injustè agunt* (1.) *partes litigantes*, quæ litigant de bono, quod ad se non pertinere sciunt: quæ egenum debitorem per manum judicis premunt, necessariis privant: quæ litem protrahunt, tum maximè si bona, de quibus controvertunt, possident: quæ testes, judi-

judices corrumpunt: quæ juxta sententiam sibi favorabilem, injustè tamen à judicibus latam, bonum adjudicatum tenent. Nequit enim injusta sententia jus parti dare. Valet quidem in foro soli, non verò poli.

XIII. (2.) *Advocati hisque similes.* Si malæ causæ sive ex toto sive ex parte patrocinantur, ut bonam vincant: Si litem procrastinant: si mercedem ultra id, quod justum, postulant. Hi enim injustissimè agunt. Convertunt enim, quantum penes illos, fas in nefas, leges DEI in leges Diaboli, justam causam injustam, injustam justam facere contendunt, clientes ad mentendum, fallendum, inimicitiam testandum odio habendum excitant, hos ut & partes adversas opibus suis spoliant. Quanta injustitia, quantum hinc judicium DEI contra patronos malæ causæ dici nequit!

XIV. (3.) *Judices* Luc. XVIII. 6. Jes. I. 23. qui judicium secundum veritatem non ferunt, personas accipiunt, condemnandos absolvunt, absolvendos condemnant, sive ratio sit præcipitatio sententiæ, causâ nondum satis cognitâ, sive, quod longè injustius, proprium commodum, propria gloria. Nec valet hîc discrimen inter supremum, Regem veluti aut inferiorem, præ-

redactis fixam usuram rigidè poscunt, extorquent: Qui modum usuræ exigendæ non tenent.

XVIII. (7.) *Divites, potentes, heri*, qui pauperes, impotentes, servos, ancillas sub vario prætectu fraudant mercede debita, expellunt ædibus, hortis, prædiis aliisque bonis, quæ illi desiderant. Si debita à pauperibus contracta intra breve tempus reddita poscunt aut jus sibi sumunt in bona oppignorata.

XIX. II. *Clam & dolo.* 2. Thess. II. 10. (a) Qui bonum, quod proximus amisit, invenerunt occultantque, ne proprietarius illud sciat reperatque. Bonum inventum studio propalandum est. Ut genuinus possessor illud reposcere queat. (b) Præsertim injusti sunt, qui bona naufragio perditæ sua faciunt calamitatemque augment. Hæc enim bona alterius & quidem miseri sunt. Auferuntur invito legitimo Domino. Nec juvat dicere: Bona hæc aliàs perirent: Aut sumerentur ab alio. 2. Incertum, an non in manus possessoris perveniant: Si alijs injustè agit, non licet eum injustè agendo prævenire. Qui novit possessorem, nec restituit, jam injustè agit. Justitia non solum proximo suum relinquit sed & dat
(c) Qui

(c) Qui bonum concreditum, depositum retinent prætexentes furtum ab alio factum, aut negantes depositionem, aut qui commutant cum alio viliori. (d) Qui proximo non quidem pecuniam aut bonum pretiosum sed vilius vestiarium aut cibarium furripiunt, quique possessoris amici videri volunt. Pretium, materia facit differentiam furti, non verò tollit naturam furti. Amici non est agere, quod furis est. (e) Huc pertinent literarii fures, qui libros, Manuscripta nolente aut inscio possessore auferunt. Etenim liber non minus pretium in se continet, quàm pecunia, atque possessor eum ut suum possidere vult, uti pecuniam in cista. Qualis illa eruditio, aut eruditorum status, qui actionem furtivam sibi honestam & licitam habere vult: Tales sunt honesti fures. (f) Mercatores, qui merces madidas faciunt, pretiosis viles immiscent, mutant, duplex pondus habent & qui alii innumeri fallendi modi sunt. (g) Servi, mercenarii, artifices, qui heros decipiunt, laboriosi præsentibus, otiosi absentibus heris. (h) Qui quidem patratum furtum agnoscunt, sed ablatum non restitunt.

xx. III. *Apertâ vi*, qualem inferunt latrones

trones, prædatores, exercitus militares. Magistratus, qui contra leges juris subditorum bona in suam potestatem redigunt.

xxi. *Ex dictis varia injustitia species liquent:* Harum alia aliam gradu superat. Gradus cognoscuntur. (a) *Ex objecto, quod auferitur.* Quò hoc pretiosius, eò majorem injustitiam constituit. Homo pretiosior re. Vita pretiosior famâ. (b) *Ex possessore.* Quò possessor majori auctoritate pollet, tantò gravius furtum habetur. Qui sacrilegium committit, gravius peccat, quàm, qui bonum commune rapit. (c) *Crescit quoque furtum ex damno, quod infertur.* Veluti si tennes opes pauperi auferuntur. Hæ enim ipsi ad vitam sustentandam necessariae sunt. (d) *Ex persona furis.* Hic vel pauper vel dives, saltem mediocrium facultatum: Vel persona publica vel privata: Vel illustris vel obscura: Vel Ecclesiastica vel politica: Vel de injustitia magis convicta vel minus. Dives, persona publica, Ecclesiastica, de injustitia præ alia convicta majus crimen committit injustè agendo. (e) *Ex actibus repetitis.* Rom. I. 29. (f) *Ex animo & scopo rem alienam contrectantis.* Quando animo furandi annexum est odium,

odium, invidia adversus possessorem, tale furtum gravior est simplici.

XXII. *Hac de variis injustitia speciebus & gradibus docent non solum injustum illum esse, qui in foro humano talis habetur, sed & qui in eo justus dicitur. Fas humanum esse nefas divinum: Summam injustitiam.* Fures non solum esse, qui noctu in ædes irrumpunt rapiuntque, sed & personas publicas, dignitate claras, quæ bona proximi per nefas quocunque sub prætextu juris atque etiam cum approbatione Dicasteriorum sua reddunt. Jes. I. 23. Matth. XXIII. 14. Luc. XX. 47. Imò horum furtum tantò gravius in Dicasterio cœlesti, quantò magis impunitum dimittitur & speciem juris penes mundum injustitiæ tenet. Hinc in sacris longè frequentiores comminationes adversus honoratos fures, quàm infames proferuntur. Amos. IV. 1-4. VIII. 4. 5. 6. III. 10. 11.

XXIII. *Injustitia ortum trahit ex avaritia & cupiditate habendi.* Quare tur furatur? Nisi bonum proximi cuperet, non furaretur. Quare scelerator molestam usuram poscit? Avaritia eum impellit. 1. Tim. VI. 10. *Ex præjudiciis de jure & consuetudinibus.* Opinantur justum esse, quod justum dicitur. Mores, statuta, decisa humana, Politica, Eccle-

Ecclesiastica, non examinata ad jus divinum simpliciter justa habenda esse. Hinc homines optimum sibi jus in bona tribuunt, si consuetudine, lege ac sententia judicis illa possident. Hac ratione etiam furtum justum daretur, si illud consuetudine in gente receptum esset, uti alicubi receptum fuisse dicitur.

XXIV. *Quàm sædum vitium inter Christianos injustitia sit, exinde constat, quia injustus nequidem membrum rectæ constitutæ Reipublicæ nedum Ecclesiæ est. Christianus de suo proximo communicare debet, aut suum proximo per nefas rapienti relinquere 1. Cor. VI. 7. quantò magis tenetur proximo, quod ejus est, relinquere, tribuere. Injustitia pacem publicam turbat, inimicitiam facit, alit, viam parat ad maximas lites, pugnas. Injustus contrectat nomen Domini Prov. XXX. 9. Opes enim DEI sunt, atque is solus jus disponendi habet, cujus esse debeant. Disposuit quoque ut ab hoc possiderentur, non ab alio. At fur ipse disponit de opibus, eas sibi tribuit contra ordinationem divinam. Furi nomen etiam in injusto mundo infame est. Furum infamiam, saltem re ipsa & coram DEO incurrunt sibi quotquot injusti sunt, licet aliàs optimè audi-*

audirent. Tandem alia fama non manebit, quàm quâ apud DEUM pollemus. Injustitia nemini minus convenit, quàm personis illustribus, literatis, Pastoribus, Magistratibus, quæ DEI personam referunt; fures puniunt, furti fœditatem optimè nosse volunt, debent. Turpissimè agit, qui prædicat, statuit, probat furandum non esse, ipse verò furatur. Rom. II. 21.

xxv. *De injustis hætenus: de justis in posterum. Justi sunt, qui unicuique suum relinquunt tum factum tum animo.* Minimus justitiæ gradus est proximo suum, quod ab eo asservatum est, intactum relinquere: Major ille, quando ne quidem animo desideratur. Hunc insuper superat is, quo bonum aliis potestati commissum in sua bonitate relinquitur, ac qui inde ortus est fructus proprietario nescienti tribuitur. Sic Oeconomus, tutor, justus est.

xxvi. *Justi dein, qui proximo suum tribuunt.* Uti depositum mutuo datum sine deterioratione, saltem culpabili: Rem quoque amissam, naufragio disjectam. Quæ justitia tum tantò rectiùs colitur, quando depositum proprietario rerum suarum oblito restituitur, aut si hic studio quæritur asservatur.

vaturque bonum tamdiu, quamdiu legitimus Dominus agnoscitur.

xxvii. *Justi etiam, qui omne, quod habent à DEO habent.* DEUS enim, ut supra diximus, est verus Dominus omnium bonorum. Justi ergo, quæ habent, à DEO habent.

xxviii. Dat verò DEUS variè. 1. Benedicit utero, foetusque format, in lucem producit. 2. Benedicit semini terræ ac messem donat divitem Deut. XXVIII. 3. Donat terram & quæ in ea. Qui primus occupat bonum terrestre, cui non est proprietarius, illud occupantis est. Gen. I. 29. 7. Donat vires, quarum usubona terrestria accipimus.

xxix. *Justi porro, qui opes suas à legitimis possessoribus legitimè accipiunt.* Quod fit bifariam. Vel dono, quo referri potest hæreditas, testamentum: Vel pro pretio æquivalente.

xxx. *Hinc justī sunt, qui æqualitatem servant in datis & acceptis.* Quantum accipiunt, tantum dant. Id quod etiam variè fit: Modius frumenti, centum floreni, modio frumenti, centum florenis redduntur. Vel pretium tantum redditur, veluti pro frumento pecunia. Aut hic laborat in usum alterius, qui pro labore victum, amictum, mercedem accipit. In his justitiæ specie-

bus requiritur consensus utriusque partis atque candor : Commutaturus, tale bonum, quale promisit, alteri dat, non vilius. Si tamen candidè defectum boni alteri aperuit, hic verò nihilominus se illud accipere velle affirmat, justè agit.

XXXI. *Speciatim justi sunt mercatores & feneratores.* Illi, qui probas merces rectâ & notâ mensura pro æquo pretio venales exponunt venduntque : qui, quanquam ob emtorum imperitiam aliasque causas majus lucrum habere possent, non accipiunt. Hi, qui pro elocatâ pecunia aliove bono partem lucri poscunt. Hujus verò lucri quantitas determinari nequit. Variat pro ratione accipientis & fructûs. Qui accipit, est vel pauper vel dives : Fructus major aut minor : Certior aut incertior aut periculosior. Qui pecuniam elocat pauperi ad res necessarias, frustra elocat : Qui elocat eidem ad negotiationem, partem lucri videtur accipere posse. Quanquam rectius faciat, si elocator dives pro minori pecuniæ summa nulum lucrum exigit. Qui verò diviti elocat, rectè partem lucri poscit. Nulla ratio, quare quis divitem ditiozem reddat, non accepta lucri parte, quæ tamen diviti ex elocantis opibus accrevit.

XXXII. *Sed annon omnis usura lege Mosaicâ*
 Lev. XXV. 36. 37. Deut. XV. 1. XXIII. 19.
Christianâ Luc. VI. 35. *proscripta est?* R. 1.
 Leges Mosaicæ Exod. XXII. 14. Lev. XXV.
 36. 37. Deut. XV. 2. 3. agunt de usura acci-
 pienda à paupere. 2. Ratio politicæ Mo-
 saicæ talis erat, ut usuræ nullus locus inter
 Judæos esse debuerit. Habebant enim
 omnes tribus & familiæ agros & vineas suas.
 3. Hinc dives Judæus non habebat jus pe-
 cuniam à fratre suo mutuò poscendi. Aut
 hic non tenebatur pecuniam suam elocare.
 4. At verò inter Christianos alia politicæ ra-
 tio. Plurimi nullos agros, vineas, prata
 habent: Habent verò pecuniam. Hi igitur
 ex pecunia fructum quærunt ad suam susten-
 tationem, ut alii ex agris. Quanquam fa-
 tendum, illum politicæ statum rectiorem
 videri, in quo unusquisque partem terræ
 ad propriam sustentationem possidet colri-
 que. 5. Locus Luc. VI. 35. non videtur
 legem conversationi Politicæ, civili præ-
 scribere. Salvator à Discipulis suis plus
 exigit, quàm præstant homines mali. Hi
 verò mutuum dant iis, à quibus *terre* sibi pro-
 mittere queunt *ŷ.* 34. Christiani ergo mu-
 tuum etiam inimicis dare debent, quan-
 quam *terre* expectare nequeant, sine spe usûs
 in illos redundaturi. Hinc verò non sequi-

tur, mutuum non dandum esse iis, qui rursum alio tempore mutuum daturi. Aut pecuniam non elocandam esse diviti ea conditione, ut pars lucri detur. Id solum sequitur, etiam inimicis, sine spe usûs, mutuum dandum esse. Illud quidem licitum est, sed Christianum non probat. Hoc verò Christianum est.

xxxiii. *Justi insuper sunt, qui ratione ad circumstantias habitâ ex aequo cum proximo agunt.* Circumstantiæ enim variant rem. Quare justus prudentem circumstantiarum rationem habet. Æquitas est stricti juris prudens propter circumstantias moderatio. Casus est: N. centum florenos pro annua usura N. diviti fœnori dedit. Finito anno accipit determinatum fœnus ab N. divite. At hic altero anno naufragium patitur &c. non habet, quod solvat. Æquitas juris vult, ut erga infelicem misericordem se exhibeat, solutionem sortis & usuræ non juxta strictum jus urgeat, extorqueat.

xxxiv. *Justi præterea sunt, qui rectè distribuunt, quæ distribuenda habent.* Veluti dignitatem, officium. Qui adeoque in naturam muneris investigant, & quas illud qualitates requirit: Qui tum munus in illum conferunt, qui præ aliis qualitatibus ad munus rectè

rectè defungendum pollent adeoque non ad usum, honorem aut damnum respiciunt.

xxxv. *Justi denique, qui injustitiam corrigunt.* Corrigunt privati propriam injustitiam: Id quod est omnium verè resipiscendum, qui se quodam injustitiæ scelere macularunt. Exemplum prostat in Zachæo. Corrigunt personæ publicæ alienam. Furem veluti cogunt ad ablatum restituendum: Absolvendum absolvunt: condemnandum condemnant.

xxxvi. *Justi ultimò sunt, qui jura, privilegia, consuetudines humanas ad jus divinum examinant, justum non habent, quod cum jure divino non stat, multò minus, si ei contrariatur, hinc jure humano non utuntur, quanquam illo ad proprium honorem & commodum coram hominibus uti possent.* Sic partes litigantes bonum injustè sibi adjudicatum in proprium usum non convertunt. Nec pastores spoutulas extorquent, quas ex statutis humanis extorquere possent &c.

xxxvii. *Uti est συνδικαίος ἀδικίας* Actor. VIII. 23. *sic quoque δικαιοσύνης.* Justus nondum habendus est, qui unam alteramve justitiæ speciem colit, sed omnes memoratas, saltem quando eas excolendi occasio est. Sic de Joannis parentibus Lucas ait,

quod *δικαιοὶ ἰστί* ambulent in omnibus praeceptis καὶ δικαιομασί & justificationibus inculpati. Luc. I. 6.

XXXVIII. Quia plures justitia gradus sunt, exercentis se in justitia officium est contendere, ut jugiter altiores conscendat. Non contentus sit justitiâ coram hominibus sed assurgat ad eam coram DEO: Magis æquo, quam stricto juri studeat. Excolat eam justitiam, quæ proprio commodo adversatur. *Justus justificetur adhuc.* Apoc. X XII. II.

XXXIX. Cultor justitia sequentia media adhibeat. Primò notum sibi reddat jus divinum. Quoniam enim plura in mundo & Ecclesia justa habentur, quæ non sunt, justitia ex rectiore principio discenda est. Hoc verò est lex justa Rom. VII. 12. Secundò studeat charitati: Nemo, qui proximum diligit, injustè eum tractabit. Tertiò abneget seipsum, proprium commodum. Proprium commodum, honos maxima sæpius injustitiæ causa est. Tandem ne minimum quidem contra justitiam agat, nam qui in minimo injustus, ille etiam in magno injustus erit. Luc. XVI. 10.

XL. Pensitet sequentia justitiam exercendi motiva. I. Voluntatem DEI omnibus quidem hominibus, speciatim tamen Pastoribus,

floribus, Magistratibus, mercatoribus hanc virtutem mandantem Mich. VI. 8. *Nuntiavit tibi o homo, quicumque es, quid bonum & quid Jehova abs te requirat: quid? מַשְׁפָּט יְהוָה facere jus. Gratia DEI salutaris illuxit omnibus hominibus. Quid efficit in illis? castigat, ut justè vivant Tit. II. 12. Speciatim Pastores, Tu, o homo DEI, persequere justitiam* 1. Timoth. VI. 11. 2. Timoth. II. 22. hinc requisitum Tit. I. 8. oportet, ut *Episcopus justus sit. Magistratus Lev. XIX. 15. Non facietis injustitiam in judicio: non accipies faciem pauperis, nec veneraberis faciem magni: In justitia judicabis proximum tuum. Pl. LXXXII. 2. Quousque injustè judicabitis & facies improborum accipietis? conf. Ps. 3. 4 mercatores Lev. XIX. 35. non facietis injustitiam in mensura, pondere & dimensione, ad justitiam agendum monentur.*

XLII. II. *Scopum mortis Christi, justificationis per sanguinem Christi. JESUS Christus peccata nostra in corpore suo super lignum tulit, ut peccatis mortui Justitia viveremus. 1. Petr. II. 24. Quia per Christum justificatio, hortatur Paulus, ut membra nostra membra Justitia DEO sistamus Rom. VI. 13.*

XLII. III. *Postulatum Christianismi. Rece-*

dat ab injustitia omnis, qui Christi nomen nominat. 2. Tim. II. 19.

XLIII. IV. *Imò postulatum Reipublicæ civilis.* Injusti membra politiæ esse nequeunt, non tolerantur. Quando verò Christianorum societas sanctissima, multò magis membra ejus justitiæ studere tenentur.

XLIV. V. *Fructum injustitiæ & justitiæ.* Ille accusatio conscientia, inimicitia cum proximo, mors. *Qui seminat injustitiam, metet vanitatem* Prov. XXII. 8. *Si justus recedit à justitia sua, & facit injustitiam, moritur ob eam: ob injustitiam suam, quam paravit, morietur.* conf. Luc. XIII. 27. *Hic bona conscientia, pax cum proximo, protectio divina.* 1. Petr. III. 12. *vita æterna.* *Si improbus ab improbitate sua recedit atque facit judicium & justitiam, is animum suum vivum servabit* Ezech. XVIII. 27. *Felicitas alterius vitæ vocatur corona justitiæ, quam justus Judex daturus est.* 2. Tim. IV. 8.

XLV. VI. *Socios injustitiæ & justitiæ.* Illi sunt scelerati, ad orcum damnati 1. Cor. VI. 9. *Bileam, qui dilexit mercedem injustitiæ.* 2. Petr. II. 15. *Judex ille injustus* Luc. XVIII. 1. *Hi:* Ipse Salvator justus. 1. Joh. II. 2. *Josephus, Zacharias, Elisabeth, piæ defuncti justî consummati.* Hebr. XII. 23.

CAPUT

CAPUT XI.

De

Sermone ritè cum Proximo ducendo.

Σύνοψις.

N exus hujus officii cum antecedentibus. §. I.	λ. Mentiri; Id quod fit variè. §. IX.
DEUS homines sociales condidit. §. II.	(a) Blandiendo. §. X.
Hunc in finem dedit facultatem cogitata erga se invicem per certa signa communicandi. §. III.	(b) Simulando & dissimulando. §. XI.
Hac signa convenire debent cum animo. §. IV.	(c) Æquivocationibus. §. XII.
Et re ipsa. §. V.	(d) Et reservationibus mentalibus utendo. §. XIII.
Edendaque in usum proximi. §. VI.	(e) Jocando, figmenta que excogitando. §. XIV.
Vitia , quæ huic officio contrariantur, sunt 2. tacere quando loquendum esset. §. VII.	(f) Officii testandi gratia falsum testando. §. XV.
2. Mendacium dicere. §. VIII.	Quò speciatim false systematica litera testimonia que pertinent. §. XVI.
	(g) Mentiendo ad proximum ladendum. §. XVII.

O 5

(b) F5.

(h) <i>Fidem datam fallendo.</i> §. XVIII.	<i>Sexta prudenter.</i> §. XXXII.
(i) <i>Falsò jurando.</i> §. XIX.	<i>Septima fortiter & constanter.</i> §. XXXIII.
(k) <i>Spiritui S. mentiendo.</i> §. XX.	<i>Octava fidem datam liberare.</i> §. XXXIV.
7. <i>Mysteria ac dehortationes non ritè proferre.</i> §. XXI.	<i>Ultima tacere.</i> §. XXXV.
<i>Diabolus mendaciorum mendaciumque hominum Pater est.</i> §. XXII.	<i>Ha virtutes jam conjuncte sunt ; jam non.</i> §. XXXVI.
<i>Alii speciales fontes vitiorum deteguntur.</i> §. XXIII.	<i>Omnibus incumbunt.</i> §. XXXVII.
<i>Monstraturq; eorum summa turpitudine.</i> §. XXIV.	<i>Variant gradu.</i> §. XXXVIII.
<i>Vitiis his succedunt sermonis virtutes , quarum prima loqui verè.</i> §. XXV. XXVI.	<i>Homini tamen naturâ non insunt.</i> §. XXXIX.
<i>Altera candidè.</i> §. XXVII.	<i>Sed gratiâ DEI propter meritum JESU Christi</i> §. XL.
<i>Tertia plenè & planè.</i> §. XXVIII.	<i>Indicantur media , quorum legitimo usu Christianus ad virtutes sermonis memoratas pervenit.</i> §. XLI.
<i>Quarta utiliter.</i> §. XXIX.	<i>Subjiciunturque motiva, qualia.</i>
<i>Quo speciatim referuntur correptiones fraternæ.</i> §. XXX.	1. <i>Mandatum divinum.</i> §. XLII.
<i>Quinta benevolè.</i> §. XXXI	

- | | |
|--------------------------------|---------------------------------|
| 2. <i>Natura subditorum</i> | num. §. XLIV. |
| <i>Christi. §. XLIII.</i> | 4. <i>Et fructus vernus. §.</i> |
| 3. <i>Lingua excellens do-</i> | <i>XLV.</i> |

§. I.

EX *Cognitione & Justitia fluit veritas, in colloquio cum proximo loquenda.* Qui enim proximum cognoscit, justè cum illo agit, ille à mendacio abstinebit, nec celabit id, quod nosse proximi interest.

II. **DEUS** homines sociales condidit. Eph. IV. 25. hunc in finem largitus est facultatem cogitata & desideria mentis exprimendi, communicandi, ut societas inter illos existere & conservari queat.

III. *Cogitata & desideria mentis variè exprimuntur, communicantur, capite, oculis, manibus, pedibus, maximè scripto & sermone.* Prov. VI. 13. 2. Thess. II. 2.

IV. *Signa externa cum cogitatis & voluntate mentis convenire debent.* Qualis homo extus, talis quoque intus requiritur.

V. *Signa hac insuper cum re ipsa convenire debent.*

VI. *Signa hac porro in usum proximi edenda sunt.* **DEUS** enim hanc facultatem, maximè in usum proximi, dedit. Nullis ejusmodi

modi signis indigemus agentes cum DEO, ceu qui cor inspicit.

VII. *His nunc præmissis agemus de vitiis, quæ contra hoc erga proximum officium patrantur, sunt autem.* I. *Tacere*, sive nullum externum signum ad proximum informandum edere, quanquam id requirat ratio proximi. Requirit autem ratio proximi, si silentium causa est damni sive corporalis sive spiritualis. Vitium tantò majus in eo, qui tantquam lingua, tuba in populo constitutus est. Veluti quando Pastores errantes de veritate non informant, peccantes, maxime in eminentia constitutos, non redarguunt, quique similes mutis canibus, Ezech. III. 18.

VIII. II. *Mendacium dicere*, sive rem narrare aliter ac se habet. Talis, qui narrat, narrat quidem, ut opinatur, uti ab aliis accepit, atque ita sermo convenit cum corde suo; sed non cum re. Quo vitio nihil communius. Propendent enim homines ad quasvis narratiunculas, ficta nova aliis tradendum. In conceptibus Theologicis quot mendaces sunt? Pauciores enim doctrinam veritatis tenent. Tot alij de rebus divinis juxta Phantasiam, præcepta memoriæ tradita, affectus disserunt. Imo nemo naturâ de rebus spiritualibus verè loquitur: *Omnis homo mendax est.* Rom. III. 4. IX.

ix. III. *Mentiri* sive aliud in corde clausum, aliud in lingua aliove instrumento cogitata exprimendi apertum tenere. Pro varia specie, scopo, causa, gradu varia induntur nomina.

x. Talia sunt. R. *blandiri*. Sive ad gratiam alterius consequendam lenocinia conquirere, ejus facta supra modum extollere, malefacta vel silentio præterire vel excusare vel laudare: Blanditiæ auscultantibus pernociæ sunt, unde Salomo, credibiliter experimento edoctus (frequentissimè enim adulatores in aulis versari solent) ait assentatorem rete expandere gressibus proximi. Prov. XXIX. 5. Tales sunt Oratores, Pseudo-Politici, Pseudo-Prophetæ, nam quando veri salis naturam habent, falsi mellifluis verbis utuntur per *blandiloquentiam & assentationem corda non malorum decipiunt*. Rom. XVI. 18. *libertatem promittunt, qui ipsi corruptionis servi sunt*. 2. Petr. II. 19. 18. *Populus mi, qui te beatum pradicant, seducunt te* Jes. III. 12. conf. Ezech. XIII. 18.

xi. 2. *Simulare & dissimulare cum intentione fallendi*. Veluti amicitiam præ se ferre, quum tamen animus hostilis sit. Exemplum prostat in Juda. Luc. XXII. 48. Joabo II. Sam. XX. Hominum est in scele-

sceleribus exercitatorum. Deteriores sunt iis, qui animum adversum regere nequeunt. Hi bestiis, illi simul diabolis similes sunt. Excipe fictiones exploratorias, correctorias similesque, in quibus nullus fallendi sed potius ædificandi animus adest.

xii. 2. *Æquivocationibus uti* sive verbis ambiguis, quæ duos pluresve significatus habent. Seliguntur autem ejusmodi verba, ut is, qui audit, sinistrè accipiat decipiatque. Uti verò dolus vitium est, sic æquivocatio, quæ sermo fraudulentus. Tantò majus vitium, quò æquivocatio doctior. Æquivocationes dein scopum sermonis, quem creator intendit, tollunt.

xiii. 7. *Reservationibus mentalibus uti*, sive partem verborum proferre, aliam in pectore clausam tenere. Scopus verò est, proximum fallere, sibi verò commodum procreare. Sed hac ratione nemo cum altero loqui, contrahere, conversari tutò posset. Turpissimum verò, quando illi, quibus præ aliis candori studendum, dolosè loquuntur: Quis illis fidem habebit?

xiv. 7. *Jocos, ludos, figmenta excogitare aut anilia recitare.* At sunt stultiloquia quæ Christianos dedecent Eph. V. 4. Christianorum est jugiter in conspectu DEI versari,
cuncta

cuncta ad gloriam Dñi referre, salutem suam cum timore operari; Sed cum his joci minimè conveniunt. Ais, dici talia ad tempus transigendum, animum recreandum. R. Miser es, qui nescis tempus aliter quàm stultè loquendo transigere. *Videte ut accurati ambuletis, non ut stulti sed ut sapientes; Redimite tempus* Eph. V. 15. 16. Nec his animus recreatur. Saltem non alius quàm carnalis, qui in perpetuam tristitiam tandem abit.

xv. 7. *Mentiri officii testandi gratià.* Sed malum non faciendum est, ut bonum exinde surgat. Intentio bonum opus nondum constituit: Oportet ut ipsa actio legi divinæ respondeat. Et quare non sperandum, id commodum in proximum redundurum magis testimonio vero quàm falso? DEUS verax veritatis studioso potius manum auxiliatricem porrigit, quàm menti-enti. Quò proximus majori implicitus periculo existit, tantò magis gratiæ divinæ commenderetur, atque actu, quantum licet, liberetur.

xvi. *Ad hanc speciem referri possunt litera systatica, testimonia, quæ subiectum à qualitatibus commendant, quæ tamen ei non insunt.* Non solum præceptum nonum violat is, qui contra proximum, sed & qui pro pro-
ximo

ximo falsum testatur, *non dices in tuum proximum testimonium falsum.* Paulus simpliciter transfert & *ψευδομαρτυρήσεις non falsò testaberis.* Rom. XIII. 9. Quanquam accuratè loquendo ejusmodi mendaces laudes quàm maximè contra proximum sint, & sæpius majorem noxam inferant quàm convitia, tum præprimis, quando juvenes inflati, malè morati, maximis encomiis onerantur, ut cœtui Christiano præfiantur. Summum enim hinc damnum & laudibus onusto & cœtui accedit. Quia verò ejusmodi literæ frequentes circumvolitant, nisi eorum *ἀξιόπιστος* autor notus sit, nemo illis tutò, fidem dare volet; Hinc nunc aliud damnum oritur.

XVII. *¶ Mentiri ad proximum ladendum, quod fit insusurrando in aures aliorum, maximè potentum, ea quæ proximum suspectum reddunt.* Qualia mendacia tantò perniciosiora sunt, quantò minus refutari queunt: publicè calumniando, malum nimirum excogitando aut excogitatum disseminando, ut proximo infamia inuratur, in munere inutilis aut minus utilis reddatur. Calumniis optimi quique maximè expositi sunt. Solet enim *διάβολος* calumniatorum parens his præcipuas insidias struere, atque suo nomine

mine denigrare. Probant exempla Christi, Apostolorum, piorum per omnia secula, qui ab hæreticis hæreticorum nomine notati sunt, Luc. VI. 22. *Testando adversus alterum coram judicio.* Matth. XXVI. 60. Sive prorsus effingendo testimonium sive ex parte addendo, aut omittendo, vel alium sensum verbis dando.

XVIII. N. *Fidem datam fallere.* Huc pertinent maximè communes officiorum pollicitationes, quibus homines sibi invicem servilia, submissa officia promittunt, nulla verò præstant, potius unus in alterum dominium usurpat. Dein fabrorum, debitorum, qui rogati, moniti opus commissum, pecuniam debitam pollicentur, sed nequidem de promissis præstandis seriò cogitant. Ne hic dicam de promissis, quæ DEO precantes, voventes, S. Cœnâ fruantes &c. facimus nec adimplemus.

XIX. V. *Falsò jurare.* Sacramentum DEO teste dicitur, ut controversiæ finis sit & unicuique suum tribuatur. Qui falsò jurat, ille omniscentiam aliasque divinas perfectiones negat & simul proximum lædit.

XX. .ⁿ. *Mentiri Spiritui S. Actor.* V. 3. sive coram cœtu affirmare se v. gr. opes suas sacras fecisse, quod tamen non factum

aut saltem non ita, uti cœtui significatum.

xxi. IV. *Proponere sancta Myſteria canibus, porcis.* Matth. VII. 6. V. *Aut corripere proximum peccantem, impellentibus pravis affectibus, siue is correptionem promeritus sit siue non.* A quo quidem vitio sibi omnes Christiani cavere debent, maximè Pastores. Quare correpturi probè ad animum attendant, an turbidus sit, an quietus: An eum impellat gloria Dei, salus proximi: An verò invidia, damnum sibi illatum. Tum rectius correptionem intermittit aut saltem affectibus concitatus differt, donec animus rursus ad se rediit. In causa propria increpator non sit, sed Dei, uti Moſes Exod. XXXII. Num. XII. *Etiam illa correptio vitiosa, quæ modum non tenet, quæ æquo acerbior & publicè fit, faciunda privatim aut quæ æquo lenior, qualis Eli 1. Sam. II. 22. 23. Tandem quando corripit ipſe correptione dignus; si objurgator eodem vitio laborat, nec hætenus relipuit.*

xxii. Communis omnium mendaciorum parens Diabolus est. *Mendax enim est & Pater mendacii* Joh. VIII. 44. Hic genuit plurimos filios, speciatim *Pseudoprophetas*, & ψευδοπροφῆταις, qui mentiuntur se doctrinam abs Deo accepisse, quæ tamen ab hominibus

minibus efficta est. Qui hinc falsos conceptus de cognitione & cultu DEI in Theologiam intruserunt. 2. Petr. II. 1. Joh II. 21-24. 1. Tim. IV. 1. Etiam *Pseudopoliticos* : nam uti illi Theologiam falsis dogmatibus, ita hi politiam ementitis axiomatibus polluunt. Qualia sunt : *Simula, dissimula, quoties occasio poscit : Principi omnia licere : Illos esse benè politos, qui omnibus placere possunt.* Insuper *Pseudo-Oratores*, qui præcepta artis mentiendi tradunt, orationes componunt veri expertes, Panegyricos recitant totos adulatorios, sceleratos ut sanctos subinde laudant, commendant alios à virtutibus, quorum opposita vitia plurimis nota sunt.

XXIII. *Supra memorata sermonis vitia speciatim oriuntur ex metu. Tacent enim metu mali. Ex spe commodi. Assentatores unicè suum commodum quærunt. Carnali natura.* Nisi enim caro dominaretur, nemo prætexeret recreationem, quæ ex jocis & ludis oritur. *Credulitate.* Credunt, quæ audiunt nova & spargunt per orbem. *Dolo & malitia*, quæ se exerit in mendacio, ut vocant, pernicioso. Unde mendacium & dolus conjungitur Ps. CI. 7.

XXIV. *His addo, quod vulgo homines turpitudinem mendaciorum ignorent, evitaturi*

aliàs, si fœdam eorum naturam perspectam haberent. Sunt tamen fœdissima ex judicio DEI, hominum, naturâ, ortu, fructu. Labia mendacia abominatio sunt Jehova Prov. XII. 22. Mendaces in vita civili nullam fidem inveniunt, Nam & inepti ad testandum habentur. Sermo ex ordinatione creatoris mentis interpret esse debet; At mendacium à mente dissentit. Mendacium dein à Spiritu impuro mendaci, qui in homine, oritur, vos estis ex Patre Diabolo. Joh. VIII. 44. Sermo mendax varia infortunia, lites, pugnas, bella concitat & mendacem extra Cœlum proscribit. Non intrabit in Hierosolymam cœlestem quidquam pollutum & faciens abominationem καὶ ψεύδος, mendacium. Apoc. XXI. 27. Extra canes & omnis, qui amat & facit mendacium. Cap. XXII. 15.

xxv. Succedunt virtutes sermonis cum proximo habendi, sunt autem. I. Loqui vera. λαλεῖτε ἀλήθειαν, loquimini veritatem. Eph. IV. 25. Locuturus igitur rerum dicendarum evidentem notitiam habere debet, qui enim aliis sive in rebus facti sive rebus juris simpliciter fidem habet, incertus an verum an falsum loquatur.

xxvi. Speciatim judicia, qua de proximi vita & qualitatibus sive ore tantum sive scripto feren-

ferenda sunt; ad regulam veritatis examinata
pescuntur. Cujus non est de persona judi-
care, ille rectius judicium omittit relinquit-
que DEO. In casu verò necessitatis ac
officii judicium ab affectibus remotum,
affectu amoris æquè ac odii, fert; vel non
tam judicat, quàm narrat, quæ de subjecto
novit, bona, mala; Quanquam hæc in
memoriam revocanda non sint, si jam se-
pulta ac in Christianam vitam commutata
sunt.

xxvii. II. *Loqui candidè.* Os simile sit
fonti, qui aquam, quæ intra se scaturit,
simpliciter effundit, absque mixtione;
Sermo noster ex corde purus profluat.
Adeoque affirmamus, negamus, limitamus,
in dubium vocamus ore, scripto, quæ in
corde affirmamus, negamus, limitamus, in
dubium vocamus. Quanquam sermo can-
didus hominibus mundanis minimè probe-
tur, atque stolidi simplicitas audiat, tamen
Christo probatur. *Ecce verè Israëlita, in qua
nullus dolus est.* Joh. I. 48.

xxviii. III. *Loqui plenè & planè.* Id omne
eloquendum, quod alter scire debet. Id
quoque verbis apertis eloquendum, quo-
rum sensus proximo necessarius est: Tum
maximè, quando contractum inimus aut

verba nôsse proximi interest. Rectè igitur proximus rogatur, num verba nostra intellexerit, si is alioquin ex verbis non intellectis in damnum incideret.

XXIX. IV. *Loqui utiliter. Egrediatur ex ore vestro sermo ad adificationem necessitatis, ut gratiam det audientibus.* Eph. IV. 29. Id quod fit, quando sermo noster proximum in veritate informat, ab errore liberat, ad virtutes impellit, à vitiis abstrahit, miserum consolatur. Talis sermo est *ad adificationem necessitatis* atque audientibus ingens gratia accedit.

XXX. *Huc speciatim pertinent correptiones fraterna*, Christianis mandatæ. Matth. XVIII. 15. utilissimæ, si rectè instituuntur. Quod enim carni alias putrescenti sal, id peccanti fratri fraterna correptio. Rectè verò instituitur, si correpturus nonnisi gloriam DEI & ædificationem proximi quærit: si correpturus alium primò à se ipso incipit, ac sibi rigidior monitor quàm aliis existit: Si proximum primò privatim, tum publicè redarguit nec monendo defatigatur, quousque spes cum lucrandi superest: Si denique salî gratiam jungit. *Sit sermo vester semper in gratia sale conditus.* Col. IV. 6. Gratia sermonis allicit, atque increpatum
certum

certum reddit de recto increpantis animo, sed sal mordet & mordendo sanat: Si ultimò monitis parentem diligit, æstimat, Dico ob lucrum animæ grates agit, cum neutiquam vilipendit, aut antecedentem vitam exprobrat.

xxxI. V. *Loqui benevole.* Col. IV. 6. *non ἐν λόγῳ κολακείας sermone assentatorio sed ex imo corde.* Adeoque prout quis animo ad benè agendum propendet, sic quoque benevolentiam testatam facit, atque hoc erga omnes, speciatim pauperes, miseros, inferioris sortis homines. Si quis enim sermone benevolo erga quosdam, illos maxime, à quibus bonum expectandum habet, utitur, ille non tam gratiam dare vult, quam accipere. Sermo aliàs candidè gratus multam vim proximum in suas partes trahendi habet, qualis hinc Ministros maxime decet. I. Thess. II. 8. 9.

xxxII. VI. *Loqui prudenter*, maxime πρὸς τοὺς ἕξω Col. IV. 5. candor sermonis verus cum prudentia conjunctus esse debet. Prudens itaque audientes & circumstantias observat atque hinc colligit, quid & quomodo loquendum. Cum incipientibus de fundamentis fidei, cum perfectioribus de altioribus dogmatibus,

cum unoquoque pro statu suo agit. Prudentia maximè requiritur præsentibus veritatis hostibus Matth. X. 16. Non sunt temere irritandi, nec etiam cum damno veritatis mitigandi. Quæstiones captiosæ declinandæ, generali responsione solvendæ, ex concessio principio confutandæ atque ita fallacia hostium confundenda est, Matth. XXI. 24. XXII. 16. 21. 31. 46. sicut Christus exemplo suo præivit. Quæ prudentia, singulare Spiritûs S. opus, efficax in illis, qui publicum veritatis Christianæ testimonium coram hostibus deponunt. Luc. XXI. 14. 15.

xxxiii. VII. *Loqui fortiter & constanter*, quando gloria DEI & ædificatio proximi poscit. Veritas etiam, quæ in difficilem controversiam vocatur, ore libero & constanti asserenda est. Talis confessio animum meticulosis addit, confortatque in fide Eph. VI. 19. 20. Scriptura vocat μαρτύριον, *testimonium* κατ' ἐξοχήν tale Matth. X. 18. Actor. IV. 33.

xxxiv. VIII. *Fidem datam liberare*. Promissurus sive DEO sive homini probe expendit naturam promissi & vires suas. Nec prius promittat, quam noverit promissum æquum esse, atque etiam ejus implementum in manibus suis stare. Promisso vero facto

fides

fides data liberanda est, quaecunque & cuicunque illud datum sit. Adeoque non solum levius sed & molestius, non solum amico & potenti sed & inimico ac impotenti dictum. Excipe tamen promissum peccaminosum, gloriae DEI & saluti proximi adversum. Tale promittebatur injustè, præstaretur injustius.

xxxv. IX. *Tacere*, quando circumstantiæ docent sermonem & inutilem & noxium fore. Tit. III. 10. 11. Quales circumstantiæ, si auditores æstu affectuum abrepti sunt, aut jam sententiam deciderunt, antequam loquentem audiunt. Hac ratione sermo nihil proderit. Hostes ex eo non nisi argumenta contra te colligent. His ex causis semel at iterum siluit Salvator. Siluit quoque David Ps. XXXIX. 2. & silentium imponit Christus. Matth. VII. 6. *ideò prudens silebit, nam tempus malum est.* Amos V. 13.

xxxvi. *Virtutes sermonis, quas hætenus notavimus, ita comparatae sunt, ut quaedam sermoni inesse debeant, alia non.* Omnis sermo verus, candidus, utilis, prudens requiritur, non tamen omnis fallus, correptorius, &c.

xxxvii. *Officium quoque commune est, non*
P 5 *solum*

solum Pastorum, sed & Auditorum (quanquam illi modo specialiori loquendi officium gerant.) DEUS omnes linguâ instruxit: Vult ergo ut omnes loquantur, non enim linguam tantum dedit ad edendum, uti bestiis. Si verò vult, ut homines loquantur, vult quoque, ut vera, sancta, utilia adeoque the-
mata Christiana eloquantur. Si hoc vult DEUS, vult quoque ut convenient ad loquendum: Vel an tantum vult, ut, si forte sibi occurrant, vera, sancta, utilia proponant? Vel quæ illa stolidi ratio est? Et quæ quæso ratio interdicens colloquiis in rebus sanctis, veris, Christianis? Quare os liberum relinquitur ad nugas, tricas, jocos, irrisiones, sermones spurcos spargendum, non vero ad vera, sancta, pia? Paulus præcipit: *Deponite mendacium & loquimini ἀλήθειαν, veritatem, verum Christianismum.* Eph. IV. 21. ἕκαστος μετὰ τῆ πλησίον αὐτοῦ, non solum Pastor cum auditoribus sed *unusquisque* sine discrimine conditionis, ætatis, (modò mendacium deposuerit) *cum proximo suo* omni homine, qui veritate delectatur, *nam membra invicem sumus.* Quicunque igitur membra corporis Christi sunt, illi facultatem, imò præceptum habent conveniendi & colloquendi de rebus veris, Christianis,
ad-

admirabili luce, qua à DEO dotati Eph. IV. 25. 1. Petr. II. 9. Tunc, quando athei colloquantur, *etiam colloquantur timentes DEUM unusquisque cum proximo suo.* Malach. III. 16. 14.

xxxviii. *Habet quoque hoc sermonis officium suos gradus.* Quod in gratia fit, id præadumbrat natura. Pueruli primò balbutiunt: Postea distinctiores sonos formant, sed orationem ritè construere nequeunt, donec expertiores facti. Metus sæpius inexercitatorum os obthurat. Recens nati in Christo sæpius in dicendo impingunt. Mentem explicare nequeunt aut cernentes confessionis liberioris pericula percelluntur atque tacent, quando pro veritate loqui deberent. At facundi & prudentes Oratores illi sunt, qui exquisitissimos atque circumstantiis accommodatos sermones de veritate in Christo JESU magna cum claritate atque efficacia fundunt, etiam tum, quando ejusmodi salutare sermones non sine periculo dicuntur.

xxxix. *Has verò dicendi virtutes nemo hominum naturâ habet.* Naturâ omnes mendaces sumus. Quoniam enim naturâ res spirituales, Christianas, sanctas ignoramus, odio habemus, de iis loqui nequimus. Lingux nostræ præputiatur imò ligatur sunt;
ac

236 *Cap. xi. De Serm. ritè cum Prox. ducendo.*

at volubiles ad garriendum, dolosè agendum cum proximo, eumque lædendum. Jac. I. 19. Róm. III. 13. 14.

XL. *Habet verò dono DEI, operatione Spiritus S. propter meritum JESU Christi. Si vos tradent, nolite solliciti esse, quomodo aut quid locuturi sitis. Nam eà horà dabitur vobis, quid locuturi sitis, non enim vos estis, qui loquimini sed Spiritus Patris vestri est, qui in vobis loquitur.* Matth. X. 19. 20. conf. Luc. XXI. 14. 15. *Spiritus veritatis ducet vos in omnem veritatem.* Joh. XVI. 13. Paulus notat hominem regnitum creatum esse secundum DEUM in *justitia & sanctitate veritatis.* Hinc officium mendacii deponendi & veritatis eloquendæ deducit, atque ita inuuit beneficium & officium regenitorum esse, linguâ rectè uti. In quo igitur Spiritus Sanctus est, ille docbitur an loquendum & quid loquendum, uti docuit Christum & Apostolos.

XLI. *Media verò, quibus uti debemus, sunt: Spiritum veritatis, quem Christus promisit, expetere, exspectare, præsentì obedire, non verò illi obstrepere. Dein verbum DEI diligenter & attentè legere. Quia enim verbum veritatis, candoris, efficaciar est; quia officium hoc toties commen-*
dat & exempla eorum, qui linguâ rectè usi
sunt,

sunt, monstrat, ad probatum sermonis usum multum facit. Tum observanda Jacobi regula: *Esto omnis homo celer ad audiendum, tardus ad loquendum.* Jacob. I. 19. Antequam loquimur, rectè, prudenter pensitamus, num & quid loquendum sit, probè observamus affectus nostros, quibus linguâ obedire non debet. Compescenda est lingua, quàm Gehenna incendere vult. Jac. III. 2. 6. Observanda insuper Pauli regula: *Veritati studeamus in charitate* Eph. IV. 15. quæ quidem semper valet, maximè quando nobis cum hoste veritatis res est. Scrupissimè enim fit, ut charitatis nullam rationem habeamus, atque adversarii opinionem in deteriore partem flectamus, quam ipse accipit. At hac ratione & charitatis & veritatis obliviscimur animumque adversarii magis hostilem veritati propriâ culpâ facimus. Ultimò pectora nostra munenda sunt adversus quasvis machinationes Diaboli ejusque instrumentorum. Quamprimum enim homo linguam suam veritati sacram facit, Diabolus adversus illam bellum geret. *Veritas*, ut vulgò rectissimè dicitur, *odium parit*, Amos V. 10. Proxima quoque via est ad ludibrium, infamiam, notam hærescos, quam testibus

bus veritatis mendaces homines inurunt. Itaque cum Apostolis animus firmandus est, ut si ὡς πλάνοι, *tanquam seductores*, opinione, convitio hominum malorum, seducentium alios habemur tamen ἀλίθεις, *veraces* re ipsa, ex iudicio DEI & illorum, qui veritatem præconceptis opinionibus, authoritati humanæ præferunt. 2. Cor. VI. 8. inveniamur.


XLII. Ad hunc linguæ usum commoveant nos præceptum DEI sub utroque Testamento Zach. VIII. 16. *Loquimini veritatem, unusquisque cum proximo suo.* Eph. IV. 25. *Deponite mendacium & loquimini veritatem, unusquisque cum proximo suo.*

XLIII. *Natura subditorum Christi.* Hi sunt ex veritate Joh. XVIII. 37. deposuerunt mendacem, quam à patre mendaciorum habent, naturam & in regeneratione ex veritate, nati sunt. Sunt igitur corde, ore aliisque signis externis sine fuce.

XLIV. *Lingua excellens donum.* Duo sunt, quæ nos à bestiis distinguunt. Ratio & Oratio sive sermo. Hinc lingua gloria hominis habetur. Itaque excellens hoc donum, quod gratia DEI habemus, vult, ut illâ nonnisi ad gloriam DEI utamur. Jacob. III. 9-13.

XLV. *Fructus verus.* Mendaces confunduntur,

duntur; fidem amittunt penes hominem, cœlo excludentur, sed veritas neminem erubescere finit & quanquam ab initio graves hostes habeat, eos tandem vincet. Talis lingua digna habebitur, quæ laudes divinas in cœlo decantabit.



CAPUT XII.

DE

PACE.

Σύνοψις.

Vitia, quæ paci cum proximo colenda adversantur, sunt

1. Animus pronus ad contendendum. §. I.
2. Tum contentio ipsa. §. II.
3. Dein processus judiciales. §. III.
4. Insuper verbera & pugna. §. IV.
5. Denique tuba contentionum. §. V.

Vitia hæc in omni vita, civili, literaria & Ec-

clesiastica reperiuntur. §. VI.

Unde constat varias eorum species & gradus esse. §. VII.

Aperiuntur eorum fontes. §. VIII.

Datur tamen bellum Evangelicum legitimum §. IX.

Cujus characteres producuntur. §. X.

Distinguiturque ab illegitimo. §. XI.

Vitiorum supra memoratorum

torum

- torum damnum ostenditur. §. XII.
- Tum definitur ipsa, quæ hoc loco tractatur, virtus, pax scil. §. XIII.
- Requirat animum pacis studiosum. §. XIV.
- Ex quo verba & facta pacalia proveniunt. §. XV.
- Pax colenda est cum omnibus, etiam inimicis. §. XVI. XVII.
- Summus gradus est pacem facere. §. XVIII.
- Virtus hac naturâ nobis non inest. §. XIX.
- Donatur à DEO. §. XX.
- Nostrium tamen est mediis uti: §.
- Qualia sunt &. Scriptura. §. XXI.
2. Animum suum observare. §. XXII.
3. Prevenire incitamentis, occasionibus contentionum, easque fugere. §. XXIII.
4. Libertatem aliis relinquare. §. XXIV.
5. Bellum gerere adversus se ipsum. §. XXV.
6. Studere sapientia cælesti. §. XXVI.
- Motiva sunt.
- I. Ipse DEUS pacis. §. XXVII.
- II. JESUS Christus pax nostra. §. XXVIII.
- III. Natura N. Testamenti. §. XXIX.
- IV. Pax optima rerum. §. XXX.
- V. Voluntas DEI. §. XXXI.

§. I.

HUic erga proximum testando officio adversatur I. Animus invidus, iracundus, proclivis ad contendendum, sive occasione datâ, sive etiam quasitâ.

II. 2. *Lis, contentio, clamor, vociferatio.* Contentiosus ex impetu cordis pugnacis cum altero litigat, si quid honori aut commodo suo detrahitur, aut etiam solum suspicatur. Si lana caprina est, aut etiam quid vilius hac, mox bellator æstuat, faciem torvam erga proximum exerit, clamat, vociferatur, minatur, imprecatur, omnis, quæ erat aut videbatur, amicitia tollitur commutaturque in inimicitiam. Hinc de altero sine stomacho non cogitat, sine acerbitate non loquitur, cum sine oculo malo non videt, ædes & conversationem cum eo evitat &c.

III. 3. *Processus judiciales.* Quando lis orta ad judicem deferretur, per advocatos, qui sæpius jurati pacis civilis hostes sunt, conservatur, augetur & nonnunquam usque ad pugnantium mortem mansura imò immortalis redditur.

IV. 4. *Verbera, pugna, bella.* Tandem pugnaces à verbis ad verbera, à minis ad pugnas deveniunt, atque jam minorem, jam majorem noxam corpori, bonis inferunt.

V. 5. *Tuba contentionum, bellorum.* Quales qui insusurrando, suadendo, urgendo auctores sunt, ut inimicitia geratur, servetur, crescat.

Q

VI. *Vitia*

VI. *Vitia hac existunt, serpunt, grassantur in vita civili, literaria, Ecclesiastica. In illâ: quando cives ob bona, famam & similia secum altercantur, pugnant. In istâ: quando Grammatici, Philologi, Philosophi, Historici aliique pugnaces literati ob questiones Grammaticas, Philologicas, Philosophicas, Historicas similesque secum pugnant & immortales lites serunt ducuntque. In hac: quando ob speculationes Theologicas circa themata sæpius sublimia, inutilia, abstrusa, modum tantum vel terminos rei concernentia, ceremonias, libertatem non solum logomachix sparguntur, sed & mansura dissidia constituuntur, confirmantur, dissentientes odio habentur, à juribus non solum Ecclesiæ, sed & civitatis, quæ alioquin Judæis conceduntur, excluduntur.*

VII. *Dicta docent & varias contentionum species & gradus. Inimicitia, quæ in corde exorditur, in faciem prodit, per os erumpit, in verbera aliaque facinora desinit. Gradus insuper cognoscuntur ex causis: Nam quò minor pacis ruptæ causa, eò turpior est pugna. Ex effectibus: Quò hi magis noxii & latius perdunt, tantò inimicitia fœdior. Ex duratione: Transitoria inimicitia paci adversatur, multò magis mansura.*

VIII. Me-

VIII. *Memoratorum vitiorum communis fons est caro.* Nam carnis opera sunt inimicitia, lites, Zeli, excandescencia, contentiones, dissidia, hareses Gal. V. 20. Unde bella & pugna inter vos? Annon inde? A voluptatibus vestris, quæ in membris vestris militant? Jac. IV. 1. Observa lites, quæ in mundo sunt, processus judiciales, qui in Dicasteriis instituuntur, ducuntur, & reperies oriri ex cupiditate habendi. *Bella speciatim Ecclesiastica ortum trahunt ex questionibus stultis, indisciplinatis, Genealogicis, fabulis.* Hinc Paulus: *stultas & indisciplinatas questiones repelle, sciens, quod pugnas gignant.* 2. Tim II. 23. *Qui non accedit ad sanos sermones Domini nostri JESU Christi & doctrinam secundum pietatem, ille inflatus est & nihil scit, sed egrotat circa questiones & logomachias, ex quibus oriuntur invidia, contentio, blasphemia, suspensiones mala.* 1. Tim. VI. 3 4. conf. Cap. I. 4. Tit. III. 9. *Ortum quoque trahunt ex ceremoniis & ritibus Ecclesiasticis.* Quando scil. homines sub specie sapientiæ, sanctitatis ac auctoritatis Ecclesiasticæ aliis *δόγματα* obtrudunt, hi verò oneri injustè imponendo humeros supponere nolunt: Quando porro ejusmodi *δόγματα placita* humana parietem intergerinum struunt, unionem tollunt,

Q 2

discor-

discordiam alunt, sectas stabiliunt. Id quod Christo ejusque Regno variè adversatur.

JESUS Christus pax nostra est, faciens ex duabus (Gentibus, Judaica & Ethnica) unam & parietem intergerinum solvit: Inimicitiam in carne sua, legem praeceptorum in dogmatibus abrogavit. Quoniam ceremoniarum & ritus Ecclesiastici per Moysen instituti Judæos à Gentibus distinxerant fecerantque inimicitiam, Christus illos sustulit. Quam injustè novi conduntur atque ex uno populo non duo sed longe plures constituuntur. Eph. II. 14. 15. Coloss. II. 20 - fin. •

ix. Datur tamen bellum Evangelicum legitimum, sacrum, quod, qui ducunt, minimè reprehendendi, sed laudandi sunt. Horum antesignanus Christus est. Matth. X. 34. 35. Nolite putare, quod venerim ad pacem super terram projiciendum: Non veni ad pacem projiciendum sed gladium. Veni enim ad dissidere faciendum hominem contra patrem suum, & filiam contra matrem suam, & sponsam contra socrum suam. Et hostes hominis domestici sui erunt.

x. Quando verò verba hac facile ad malam contentionem defendendum, probandum detorquentur, consultum videtur, ut Evangelici belli genuini characteres producantur, quales

les sunt (a) JESUM Christum ejusque doctrinam publice ore & vita coram Principibus & Regibus profiteri : nec eorum minis, pœnis à professione contineri. *Vide nexum loc. cit.* (b) Malle parentum, consanguineorum odium, invidiam incurrere, ferre, mala pati, quàm à dilectione Christi & observatione præceptorum ejus recedere. (c) pugnare sine armis carnalibus 2. Cor. X. 3. 4. Christus nullo gladio, humanâ potentia instructus bellum hoc gerebat. (d) Pugnare armis spiritualibus : veluti precando, credendo, sperando, veritatem loquendo, sanctè vivendo, cor convincendo. Eph. VI. (e) Animum erga hostes in pugna benevolum, commiseratione plenum habere. Sacri hi milites sic propriam salutem defendunt, ut simul hostes suos ex imminente periculo liberent, aut saltem liberare studeant.

xī. *Cum hac lucra nihil commune habent ii, qui pro propriis opinionibus, logomachiis, questionibus legalibus pugnant : qui Principibus, Magistratibus placentes doctrinam Christi mutilant, invertunt : qui omnia propter terrestre commodum & dignitatem agunt : qui armaturam DEI non habent : Qui vi externa, favore Magistratuum,*

Q;

auxi-

auxilio carnificum opiniones suas defendunt: qui animum irreconciliabilem erga dissentientes tenent.

xii. *Litibus & pugnis varia insunt, quæ animum à litigando alienum reddere debent.* Litigans non solum proximo vitam adversam & molestam reddit, sed & sibi ipsi. Diu noctuque irrequietus vivit: viscera effervescent, sanguis accenditur, facies belluina est, etiam illis, qui de lite non participant, morosum se præbet litigator. Et quo cum successu? Nullo Jacob. IV. 2. Saltem sæpius: Aut tandem res post difficilem pugnam transigenda, quæ rectius ab initio benignè transacta fuisset. Duobus litigantibus tertius gaudet. Nulla tamen pugna deterior tali Ecclesiasticâ. Ecclesias DEI dedecet, quæ lites non amant. 1. Cor. XI. 16. Charitatem, quæ essentialis nota Christianismi est, lædit, unioni obstat, parietes intergerinos struit, quos tamen Christus sublato vult. Et quoniam Zeli pro gloria & veritate divina nomen sumit, humanis pectoribus altissimè infigitur atque aliquando latè grassatur. Disputando magis amittitur veritas, quam invenitur, uti exempla per plura secula testantur.

xiii. *Missis his vitiis transimus ad oppositam virtu-*

virtutem, pacem scil. qua quis sibi caret ab omni offendiculo proximo ponendo, agit verò ea, quæ amicitiam conservant, atque omnia, quæ potest, in benigniorem partem interpretatur.

xiv. *Officium hoc plenius cognituri observamus ipsum animum pacis studiosum esse debere. Alioquin pax cum proximo haberi aut ali nequit. Fucata tantum est amicitia, quæ in litem erumpit levi de causa.*

xv. *Ex animo pacis studioso fluunt verba & facta pacalia. Quicquid ejusmodi loquitur aut agit, amicitiam, pacem spirat. Non igitur loquitur, quod proximum jure offendit. Nec agit, quod illi adversum aut noxium est.*

xvi. *Pacem colit non solum cum proximo paci dedito, sed & illo, qui litis materiam suppeditat. Pacis gratiâ verba & facta duriora silentio quasi præterit, rumoribus non credit, aut in benigniorem partem interpretatur, quæ in deterio rem explicari possent, levius in bonis terrestribus damnum non curat. I. Corinth. VI. 7. Amicitiam culpâ alterius ruptam redintegrare propendet, studet, persequitur.*

xvii. *Quod officium omnibus præstandum est, non solum consanguineis, ejusdem fidei sociis, amicis, sed & inimicis,*

amicis, illis, qui aliam fidem¹ profitentur, cum omnibus hominibus, hostibus speciatim, ut nexus vult, *pacem habete* Rom. XII. 18. 19.

XVIII. *Gradus hujus officii propè summus erit* *ἱρηνοποιεῖν pacem facere.* Quando scil. aliis inter se litigantibus, contendentibus, anathematizantibus *ἱρηνοποιεῖς* omni ratione id agit, ut lis componatur, vera in DEO pax instituat, colatur. Quod officium Christianis commune est; attamen singulariter competit genuinis Judicibus, Advocatis, Pastoribus. Hæc enim munera pacis colendæ aut redintegrandæ gratiâ instituta sunt. Tales se filios DEI probant Matth. V. 9. Suntque DEO & Christo similes. At Satanæ, turbatori rerum civilium & Ecclesiasticarum serviunt *πολεμοποιοὶ tubæ contentionum.*

XIX. At homines naturâ *viam pacis non norunt* Rom. III. 17. Carnales quippe sunt, hinc carnis fructus proferunt. Gal. V. 20. Suum veluti commodum & honorem unicè quærunt, auctum cupiunt, atque student, ut etiam cum damno alterius augeatur. Hinc contentiones oriuntur plurimæ.

XX. *Pax ergo virtus est, quæ à DEO datur.* Unde dicitur *DEUS pacis* 1. Thess. V. 23. qui corda hominum gaudio & pace implet. Rom.

Rom. XV. 13. JESUS Christus princeps pacis
Jes. IX. 5. ceu per quem pax in terra data
omnibus, qui ipsum in fide apprehendunt.
Luc. II. 14. Rom. V. 1. hinc ait: *Relinquo
vobis pacem: pacem meam do vobis, non eam
do, uti mundus dat.* Joh. XIV. 27. Spiritus
Sanctus verò quasi arbor pacis, nam pax,
longanimitas, mansuetudo fructus Spiritus
sunt. Gal. V. 22.

xxi. *Pcis cultor sequentibus mediis utatur.*

1. Prudenter legat Scripturam S. speciatim
Evangelium, quod passim pacem commen-
dat, inculcat, urget Matth. V. 33 - fin. mon-
strat exempla pacificorum, JESU Christi,
Apostolorum, Christianorum. Ex adverso
idem monstrat animum hostilem, conten-
tiosum Pharisæis, scribis fuisse.

xxii. 2. *Animum suum probè observe.*
Quamprimum in illa sinistram affectum,
invidiam, odium oriturum observat, tam-
primum resistat. Principiis facilè resistitur:
Difficulter, si affectus ad tempus animo in-
fixus mansit, aut jam prodiit.

xxiii. 3. *Præveniat incitamentis, occasioni-
bus contentionum, aut fugiat eas:* Tales sunt:
joci, lusus, comestationes, rumores, cupi-
ditates. Cedat potius de jure suo, atque ita
mitiget proximum ad litigandum procli-
vem.

vem. *Stultas quaestiones & Genealogias & lites & pugnas legales περιτρίβο* velut circumquaque obside ne te vincant aut alios. Tit. III. 9.

XXIV. 4. *Libertatem aliis relinquat, quam ipse pro se cupit, maxime in causa religionis.* Quis non vult juxta animum suum DEUM cognoscere & colere? Ergo eandem libertatem aliis relinque. Quis te constituit Dominum fidei in alius conscientiam?

XXV. 5. *Bellum gerat adversus seipsum, carnem, mundum, satanam, malos Spiritus.* Inest homini facultas irascibilis, quam hinc exerecere debet. Sed videat, ut eam rectè exerat. Peccant plerique, quod eam exerant erga DEUM ejusque creaturas, quam exerecere deberent erga peccatum ejusque instrumenta. Hinc DEUS statim post peccatum semen Evæ vocavit ad *inimicitiam*, hostilitatem usque ad totale exitium cum Satana gerendum. Gen. III. 15. vult, ut omnes Christiani sternui milites sint certantes cum principatibus, potestatibus imperatoribus mundi Eph. VI. 12. Et certè, qui hoc arduum bellum ingrediuntur, ultrò ad pacem cum proximo colendum propendebunt. Etenim in illo satis luctæ reperiunt & peroptant fidos *υπερπαύρας* commilitones, quo-

quorum exemplo, auxilio in bello hoc sacro superiores fieri valent.

xxvi. 6. *Studeat sapientia cœlesti.* Hæc enim est *εἰρηνική* *pacifica*. Jac. III. 17. quum contra terrestris & humana Zelans, acerba, hinc dissidiorum causa sit.

xxvii. *Incitamento sit ipse DEUS.* Quamquam enim homo peccando iram DEI provocaverit, castra Satanæ intraverit pugnetque adversus DEUM; DEUS adeoque summum jus habeat hominem tanquam hostem suum habendi, tractandi, excludendi à communione suâ, ille tamen jam ab æterno consilium pacis iniit, ingenti sanguinis filii sui pretio pacem fecit, eamque per Evangelistas prædicari jussit, ut cum creatura sua rursus reconciliaretur. Annon divinum hoc exemplum nos incitare debet, ut cum proximo pacem colamus. Certè nemo pacem cum DEO sibi promittere valet, ipse bel-lator cum proximo. DEUS pacem init cum parte lædente, se longissimè inferiori. Quantò magis homo cum homine, quorum uterque pace divina indiget.

xxviii. *Dein Christus.* Hic princeps pacis alios subditos, quam pacis filios habere non vult. *Ille pax nostra est & ex duabus (gen-tibus) unam fecit, atque parietem intergerinum solvit.*

solvit. Eph. II. 14. pacem faciens per sanguinem crucis suæ. Coloss. I. 20. Genuini itaque Christiani Christo pacifico similes sunt: Imò non solùm pacem tenent cum amicis, sed & hostes reconciliare student.

xxix. *Tum Natura N. Testamenti.* Sub veteri *ἐχθρα* erat, Deo ita per legem ceremonialem ordinante. At sub Novo Lex hæc, quanquam divina, auferenda erat, ut una tantum Gens in Christo esset: Coniunguntur cœlestia & terrestria in Christo. Omne Dominium in rebus Religionis sublatum est, manente illo solo, quod Christi est.

xxx. *Insuper Pax optima rerum.* Verbum valet de pace domestica, civili, quantò magis sacra. Quàm exoptatus status illorum, qui nullas adversitates, turbas timendas habent. Qui quieti vivunt: Qui, quos vident, ut amicos suos intuentur, experiuntur, atque tales erga illos se exhibent. Quàm amabile est, si fratres unà in pace confident, de Deo pacis loquuntur, pace spirituali implentur.

xxxi. *Tandem voluntas DEI. Si possibile, quantum penes vos, pacem habete cum omnibus hominibus. Rom. XII. 18. Pacem cum omnibus persequimini. Hebr. XII. 14. persequere,* hortabatur Paulus Timotheum, atque sub

eo Ministros quosvis, pacem. 2. Tim. II. 22.
 Igitur persequamur, qua ad pacem & mutuam
 adificationem faciunt. Rom. XIV. 19. liber-
 tatem proximo relinquendo, quàm ipsi
 DEUS dat.

CAPUT XIII.

De

Amore Proximi.

Σύνοψις.

V itia opposita sunt.	Hic vitiis opponitur amor
1. Proximum non amare. §. I.	proximi. §. XI.
2. Amoris signa tantum pra se ferre. §. II.	Profluens ex corde. §. XII.
3. Amare non nisi eos, qui nos amant. §. III.	Eoque benevelo. §. XIII.
4. Amare cecè. §. IV.	Et puro. §. XIV.
5. Odio interno proximum prosequi. §. V.	Intra quod verus amor non subsistit. §. XV.
6. Odium actu exerere. §. VI. VII.	XVI.
Vitiorum horum gradus. §. VIII.	Testimonia amoris exter- na comparata sunt ad statum amati. §. XVII.
Fontes. §. IX.	XVIII.
Turpitudine notatur. §. X.	Vel generatim. §. XIX.
	Vel speciatim infelicitis aut felicitis considerati. §.
	XX-XXIII.

Et

Et ad statum amantis. §. XXIII. Cautela subjiciuntur. §. XXXIII.

Omnis proximus amandus ut creatura DEI. §. XXIV. Amoris proximi genuini characteres. §. XXXIV. Adduntur quoque media.

Aliter tamen infelix. §. XXV. §. XXXV.

Aliter felix. §. XXVI. Et quatuor motiva, quorum primum præceptum

Aliter civis. §. XXVII. de proximo amando præ aliis inculcatum.

Aliter socius ejusdem fidei & professionis. §. XXVIII. §. XXXVI.

Aliter Patroni. §. XXIX. Alterum, quia proximi amor compendium

Aliter Clientes. §. XXX. omnium officiorum illi debitorum est. §.

Hinc duo confectaria formantur. I. Omnes homines, etiam hostes, XXXVII.

Turcas, Judeos, Ethnicos amandos esse. §. Tertium, quia & amato

XXXI. & amanti gratus utilisque est. §. XXXVIII.

II. Amorem tamen pro vario amantis statu variare. §. XXXII. Quartum, quia præit

DEUS & JESUS Christus. §. XXXIX.

§. I.

Amori proximi repugnant sequentia vitia.

1. Animum quidem ab odio actuali erga proximum liberum habere, sed etiam ab amore.

Nam

Nam quanquam talis non odio habeat, ille tamen quoque non amat, quod verò ejus officium. Unde non amans pro odio habente à Johanne habetur. 1. Joh. III. 14. 15. Et is, qui propensionem cordis erga proximum non fovet, levi de causa odium erga illum exeret. At dices: Innumeri sunt homines iique maximam partem ignoti: Qua nunc ratione animus erga hos actuali amore propendere valet? &c. Non quidem speciatim amari potest, qui speciatim non notus est, sed tamen generatim sive propendet generali amore erga omnes homines eosque DEO integrè commendat. Hujus tamen generali propensionis genuinus Character est, si eum, quem hactenus non novit, nunc verò novit, speciatim amat, exhibetque erga eum debita amoris documenta.

II. 2. *Externa amoris signa tantum præ se ferre.* Id quod fit gestibus, sermone, calommo. Jacob. II. 15-18. 1. Joh. III. 18. Amor hic hypocriticus est & sæpius plus nocet quam actuale odium.

III. 3. *Amare non nisi amantes.* Qui publicanorum amor, Christo notante, est Matth. V. 46. Non quod amantes amandi non sint, sed non soli, Eodem pertinet amor Con-
sanguini.

sanguineorum, Patronorum, Civium, Sociorum ejusdem Religionis, si solus est.

IV. 4. *Amare Cæcè.* Quandò nulla amoris ratio est aut potius odii: quandò quidem putamus nos alterum effusè diligere, quem vero ingenti odio habemus aut quem hoc nostro amore in ingens damnum inducimus. Sic cæcus amor inter collusores, Comestatores est. Parentes quoque cæco hoc amore laborant, qui liberis suis indulgent, connivent, permittunt, ut ex carnis motu vivant, otientur, se recreent.

V. 5. *Odio interno proximum persequi.* Si talis de proximo cogitat, aut cum videt vel de eo audit, tum in eo surgit affectus malevolus, invidet fortunæ, lætatur ob infortunium ejus. Quanquam affectus hic ob metum vel alias causas foràs non prodeat.

VI. 6. *Odium exerere.* Si malevolentia cordis erumpit in maledicentiam ac malas noxiasque actiones, quibus proximi bona, fama, sanitas, vita læditur aut prorsus aufertur.

VII. Huc nunc referri possunt plurima illa vitia superioribus capitibus notata, ac notanda sequenti, nam omnes injustitiæ, maledicentiæ, inimicitæ & immiseriordiæ species adversus amorem proximi militant, imo

imo ex defectu amoris & malè substituto odio profluunt. Confer quoque, quæ alibi generatim de vitioso amore scripsi, de *Inspectione sui ipsius*. Cap. XIV. 11-17.

VIII. *Cuncta hac amorì proximi repugnans quidem, sed diverso in gradu*. Primus gradus non amare: Alter actuali odio cordis laborare: Hunc superat odium ore evomere: Quo superior is, qui manibus aliisque instrumentis noxam proximo infert. Quamquam casus reperiantur, in quibus actuale externum odium minus interno, atque blanda verba, officiosi gestus, actualia beneficia plus odii & magis noxii contineant quam aspera verba, dedecentes gestus ac malefacta.

IX. *Attendentes ad vitiorum, quæ memoravimus, causas, plures reperiemus. Speciatim hic notamus perversum sui ipsius amorem*. Quia enim homo seipsum perversè amat, fit ut honos, fama, divitiæ, quas proximus possidet, odium, invidiam excitent. Quicquid enim alter possidet, ipse possidere cupit. *Ignorantiam proximi*. Ignorat proximum creaturam DEI esse, fratrem, consanguineum suum: Habet eum crasso aëre natum, se longè inferiorem, indigniorem. Hinc amoris testimonia erga eum nulla exhibet.

R

Pra-

Prajudicia & inolitos mores. Laudatur aliquando Zelus adversus proximum, ut si hic Civis alius civitatis, membrum alius Religionis, qui tamen nihil aliud quam fervidum carnis odium est. Præeunt qui deberent esse, quique habentur optimi amoris magistri ac exempla. Quid mirum, si horum filii Parentes imitantur ac nonnisi eos amant, à quibus amantur, quique eandem societatem constituunt.

x. *Quàm enormia hac vitia sint, constat primò inde, quod hominem inidoneum reddant ad DEUM amandum.* Mendax quippe is, qui se DEUM amare affirmat, nec proximum amat. 1. Joh. IV. 20. Tum animam quasi decus & facilitatem quibusvis officiis erga proximum præstandis adimunt. Quicquid das, agis, pateris propter proximum, nec eum amas, Christianum factum haud quam est. Porro gratiam DEI intercipiunt & omnem cultum nostrum inutilem reddunt Matth. V. 23-26. VI. 15. Præterea deficiente benevolo, præsentem maligno cordis affectu, facilis præcipitatio ad summa facinora, pugnas, bella, homicidia. Denique tales viam Caini calcant. Cain enim Abel odio habuerat trucidaveratque fratrem.

xI. *Oppositum officium est proximi amor* *fructu bene*

benevolus ac purus cordis affectus, quo in proximum propendeo, ac facio, quæ ipsi grata ac utilia sunt.

xii. *Primò fluir amor ex corde.* Id quod unusquisque, qui verè amat, in se sentit. Hinc etiam Paulus amorem *ex corde* derivat. 1. Timoth. I. 5.

xiii. *Dein affectus cordis benevolus est.* Plures sunt cordis passionēs. Hæc in amore est, propensio, benevolentia, gaudium ex felici, tristitia ex infelici proximi statu.

xiv. *Porro affectus purus est.* 1. Tim. I. 5. Sic distinguitur ab amore impuro, lascivo, cui sæpius fortior propensio erga alterum inest, quàm genuino. Sed oritur ab objecto impuro, uti in scortatione, voluptuoso aut simili. Quum propensio, benevolentia, de qua hîc, excitetur à Spiritu Sancto Rom. V. 5. erga objectum divinum personale aut reale.

xv. *Affectus tamen cordis intra cor non subsistit.* Amor rectè igni comparatur, qui splendorem emittit, calefacit, & clausus vi erumpit. Pariter se cum amore habet. Τὸ γνήσιον τῆς ἀγάπης, *sinceritas amoris exploratur ἐνδείξει demonstratione* 2. Cor. VIII. 8-24. Vel quis crederet amare eum, qui nulla amoris signa testata facit?

*XVI. Ego amor cordis internus externe
gratiae. Calor veluti transit corpus. Gratia,
amabilitas cernitur in facie: Verba audiuntur
grata, efficacia. Gestus ad amicitiam
compositi sunt, facta exhibentur amanti
pocunda, utilia, Luc. VII. 38-47.*

*XVII. Testimonia amoris externa, comparata
sunt ad amantem, & amantis statum.*

*XVIII. Amatum, sive proximus, qui ama-
tur, considerari potest vel in genere vel in specie.*

*XIX. In genere consideratur ut creatura DEI,
membrum artificium Numinis, caro nostra, frater
noster.*

*XX. In specie vero ut infelix, versans in mi-
sera illa: quoad animam aut quoad corpus
vel quoad corpus ac animam simul.*

*XXI. Vel ut felix, possidens bona terrestria
aut spiritualia, cognitionem, sapientiam,
Spiritus Sanctum.*

*XXII. Rursum consideratur vel generali vin-
culo nobis punctus, vel speciali sive naturali
sive simul supernaturali: qui beneficia dedit
aut qui accipit.*

*XXIII. Amare unumquemque pro statu &
conditione suis amat.*

*XXIV. Omnem igitur hominem amat tan-
quam creaturam DEI. Quem docta DEI
manus tam artificiosè formavit, atque in*

eo perfectionum suarum claros characteres expressit. Amamus principum liberos. Annon liberi DEI amandi sunt? Et quidem ii, qui ejusdem nobiscum carnis, sanguinis & ossium, quibus idem parens in terra & cœlo obtigit. Hic amor, si genuinus, à nobis poscit, ut proximo ex corde bene velimus, atque ei occasione data bene faciamus.

xxv. *Amat proximum infelicem.* Infelicitas ejus compassionem excitat. Optat animitus, ut ex ea liberetur. Manum quoque porrigit, ut infelicitati ejus finem faciat. Infelicem animâ amat, intercedens pro illo apud DEUM, ut peccata remittat, ipsi in Christo propitius sit, donet Spiritum Sanctum convertentem, sanctificantem, illuminantem, consolantem eor ejus. Ipse quoque juvat eum salutari institutione, correptione, adhortatione, solatio, consilio. Infelicem corpore opibus amat, ægrotum invisendo, ferendo, necessaria pro eo officia subeundo, esurientem cibando, sitientem potando, nudum vestiendo, apud divites & liberales pro eo intercedendo &c. de quibus S. O. subsequenti capite.

xxvi. *Amat proximum felicem.* Hujus felicitas causa lætitiæ ipsi est, optat ut peren-

Et ad statum amantis. §. XXIII.

Omnis proximus amandus ut creatura DEI. §. XXIV.

Aliter tamen infelix. §. XXV.

Aliter felix. §. XXVI.

Aliter civis. §. XXVII.

Aliter socius ejusdem fidei & professionis. §. XXVIII.

Aliter Patroni. §. XXIX.

Aliter Clientes. §. XXX.

Hinc duo confectaria formantur. I. Omnes homines, etiam hostes, Turcas, Judaeos, Ethnicos amandos esse. §. XXXI.

II. Amorem tamen pro vario amantis statu variare. §. XXXII.

Cautela subjiciuntur. §. XXXIII.

Amoris proximi genuini characteres. §. XXXIV.

Adduntur quoque media. §. XXXV.

Et quatuor motiva, quorum primum preceptum de proximo amando pra aliis inculcatum. §. XXXVI.

Alterum, quia proximi amor compendium omnium officiorum illi debitorum est. §. XXXVII.

Tertium, quia & amato & amanti gratus utilisque est. §. XXXVIII.

Quartum, quia praestitit DEUS & JESUS Christus. §. XXXIX.



§. I.

A Mori proximi repugnant sequentia vitia.
 1. Animum quidem ab odio actuali erga proximum liberum habere, sed etiam ab amore.
 Nam

Nam quanquam talis non odio habeat, ille tamen quoque non amat, quod verò ejus officium. Unde non amans pro odio habente à Johanne habetur. 1. Joh. III. 14. 15. Et is, qui propensionem cordis erga proximum non fovet, levi de causa odium erga illum exeret. At dices: Innumeri sunt homines iique maximam partem ignoti: Qua nunc ratione animus erga hos actuali amore propendere valet? R. Non quidem speciatim amari potest, qui speciatim non notus est, sed tamen generatim sive propendet generali amore erga omnes homines eosque DEO integrè commendat. Hujus tamen generali propensionis genuinus Character est, si eum, quem hactenus non novit, nunc verò novit, speciatim amat, exhibetque erga eum debita amoris documenta.

II. 2. *Externa amoris signa tantum præ se ferre.* Id quod fit gestibus, sermone, calommo. Jacob. II. 15-18. 1. Joh. III. 18. Amor hic hypocriticus est & sæpius plus nocet quam actuale odium.

III. 3. *Amare non nisi amantes.* Qui publicanorum amor, Christo norante, est Matth. V. 46. Non quod amantes amandi non sint, sed non soli, Eodem pertinet amor Con-
sanguini-

sanguineorum, Patronorum, Civium, Sociorum ejusdem Religionis, si solus est.

IV. 4. *Amare Cæcè.* Quando nulla amoris ratio est aut potius odii: quando quidem putamus nos alterum effusè diligere, quem vero ingenti odio habemus aut quem hoc nostro amore in ingens damnum inducimus. Sic cæcus amor inter collusores, Comestatores est. Parentes quoque cæco hoc amore laborant, qui liberis suis indulgent, connivent, permittunt, ut ex carnis motu vivant, otientur, se recreent.

V. 5. *Odio interno proximum prosequi.* Si talis de proximo cogitat, aut eum videt vel de eo audit, tum in eo surgit affectus malevolus, invidet fortunæ, lætatur ob infortunium ejus. Quanquam affectus hic ob metum vel alias causas foràs non prodeat.

VI. 6. *Odium exerere.* Si malevolentia cordis erumpit in malediceñtiam ac malas noxiasque actiones, quibus proximi bona, fama, sanitas, vita læditur aut prorsus aufertur.

VII. Huc nunc referri possunt plurima illa vitia superioribus capitibus notata, ac notanda sequenti, nam omnes injustitiæ, maledicentiæ, inîmicitæ & immisericordiæ species adversus amorem proximi militant,
imo

imo ex defectu amoris & malè substituto odio profluunt. Confer quoque, quæ alibi generatim de vitioso amore scripsi, de *Inspectione sui ipsius*. Cap. XIV. 11-17.

VIII. *Cuncta hac amorì proximi repugnans quidem, sed diverso in gradu.* Primus gradus non amare: Alter actuali odio cordis laborare: Hunc superat odium ore evomere: Quo superior is, qui manibus aliisque instrumentis noxam proximo infert. Quamquam casus reperiantur, in quibus actuale externum odium minus interno, atque blanda verba, officiosi gestus, actualia beneficia plus odii & magis noxii contineant quam aspera verba, dedecentes gestus ac malefacta.

IX. *Attendentes ad vitiorum, quæ memoravimus, causas, plures reperiemus. Speciatim hic notamus perversum sui ipsius amorem.* Quia enim homo seipsum perversè amat, fit ut honos, fama, divitiæ, quas proximus possidet, odium, invidiam excitent. Quicquid enim alter possidet, ipse possidere cupit. *Ignorantiam proximi.* Ignorat proximum creaturam DEI esse, fratrem, consanguineum suum: Habet eum crasso aëre natum, se longè inferiorem, indigniorem. Hinc amoris testimonia erga eum nulla exhibet.

Prajudicia & inolitos mores. Laudatur aliquando Zelus adversus proximum, ut si hic Civis alius civitatis, membrum alius Religionis, qui tamen nihil aliud quam fervidum carnis odium est. Præeunt qui deberent esse, quique habentur optimi amoris magistri ac exempla. Quid mirum, si horum filii Parentes imitantur ac nonnisi eos amant, à quibus amantur, quique eandem societatem constituunt.

x. *Quàm enormia hac vitia sint, constat primò inde,* quod hominem inidoneum reddant ad DEUM amandum. Mendax quippe is, qui se DEUM amare affirmat, nec proximum amat. 1. Joh. IV. 20. Tum animam quasi, decus & facilitatem quibusvis officiis erga proximum præstandis adimunt. Quicquid das, agis, pateris propter proximum, nec eum amas, Christianum factum haud quamquam est. Porro gratiam DEI intercipiunt & omnem cultum nostrum inutilem reddunt Matth. V. 23-26. VI. 15. Præterea deficiente benevolo, præsentem maligno cordis affectu, facilis præcipitatio ad summa facinora, pugnas, bella, homicidia. Denique tales viam Caini calcant: Cain enim Abelm odio habuerat trucidaveratque fratrem.

xi. *Oppositum officium est proximi amor seu bene-*

benevolus ac purus cordis affectus, quo in proximum propendeo, ac facio, quæ ipsi grata ac utilia sunt.

XII. *Primò fluit amor ex corde.* Id quod unusquisque, qui verè amat, in se sentit. Hinc etiam Paulus amorem *ex corde* derivat. 1. Timoth. I. 5.

XIII. *Dein affectus cordis benevolus est.* Plures sunt cordis passionēs. Hæc in amore est propensio, benevolentia, gaudium ex felici, tristitia ex infelici proximi statu.

XIV. *Porro affectus purus est.* 1. Tim. I. 5. Sic distinguitur ab amore impuro, lascivo, cui sæpius fortior propensio erga alterum inest, quàm genuino. Sed oritur ab objecto impuro, uti in scortatione, voluptuoso aut simili. Quum propensio, benevolentia, de qua hîc, excitetur à Spiritu Sancto Rom. V. 5. erga objectum divinum personale aut reale.

XV. *Affectus tamen cordis intra cor non subsistit.* Amor rectè igni comparatur, qui splendorem emittit, calefacit, & clausus vi erumpit. Pariter se cum amore habet. Τὸ γνήσιον τῆς ἀγάπης, *sinceritas amoris exploratur ἐνδείξει demonstratione* 1. Cor. VIII. 8-24. Vel quis crederet amare eum, qui nulla amoris signa testata facit?

XVI. Ergo amor cordis internus externe prodit. Calor veluti transit corpus. Gratiâ, amabilitas cernitur in facie: Verba audiuntur grata, officiosa. Gestus ad amicitiam compositi sunt, facta exhibentur amanti jucunda, utilia, Luc. VII. 38-47.

XVII. Testimonia amoris externa, comparata sunt ad amati, & amantis statum.

XVIII. Amatam, sive proximus, qui amatur, considerari potest vel in genere vel in specie.

XIX. In genere consideratur ut creatura DEI, mirum artificium Numinis, caro nostra, frater noster.

XX. In specie verò ut infelix, versans in misero statu quoad animam aut quoad corpus vel quoad corpus ac animam simul.

XXI. Vel ut felix, possidens bona terrestria aut spiritualia, cognitionem, sapientiam, Spiritum Sanctum.

XXII. Rursum consideratur vel generali vinculo nobis junctus, vel speciali sive naturali sive simul supernaturali: qui beneficia dedit aut qui accipit.

XXIII. Amator unumquemque pro statu & viribus suis amat.

XXIV. Omnem igitur hominem amat tanquam creaturam DEI. Quem docta DEI manus tam artificiosè formavit, atque in

eo perfectionum suarum claros characteres expressit. Amamus principum liberos. Annon liberi DEI amandi sunt? Et quidem ii, qui ejusdem nobiscum carnis, sanguinis & ossium, quibus idem parens in terra & cœlo obtigit. Hic amor, si genuinus, à nobis poscit, ut proximo ex corde bene velimus, atque ei occasione data bene faciamus.

xxv. *Amat proximum infelicem.* Infelicitas ejus compassionem excitat. Optat animitus, ut ex ea liberetur. Manum quoque porrigit, ut infelicitati ejus finem faciat. Infelicem animâ amat, intercedens pro illo apud DEUM, ut peccata remittat, ipsi in Christo propitius sit, donet Spiritum Sanctum convertentem, sanctificantem, illuminantem, consolantem cor ejus. Ipse quoque juvat eum salutare institutione, correptione, adhortatione, solatio, consilio. Infelicem corpore opibus amat, ægrotum invisendo, ferendo, necessaria pro eo officia subeundo, esurientem cibando, sitientem potando, nudum vestiendo, apud divites & liberales pro eo intercedendo &c. de quibus S. O. subsequenti capite.

xxvi. *Amat proximum felicem.* Hujus felicitas causa lætitiæ ipsi est, optat ut peren-

nis sit perficiaturque. Felicem corpore, opibus amat, expetendo pro illo ut simul potiatur felicitate spiritali: desiderat atque etiam studet, ut proximus cognoscat, bona à D^{no} sibi data eaque referenda esse ad gloriam DEI. Instituit, monet proximum, ut cognoscat bona hæc summa nondum esse. Felicem animâ amat, ceu participem factum naturæ divinæ. Collatur ob tantum bonum per peccatum amissum, gratia DEI rursus inventum. Hortatur seriò & fraternè, ut ingentem hunc thesaurum probè custodiat, fugiens inquinamenta carnis & Spiritûs.

xxvii. *Amat civem*, socium ejusdem civitatis. Vivit igitur cum illo juxta leges societatis, officia, quæ petit, exhibet erga illum promptè, beneficiis quoque ipsum sibi devincit, maximè tenuiorem. Vult, con-
endit, ut civitas in pace sit.

xxviii. *Amat socium ejusdem fidei & professionis*. Cum hoc membrum est ejusdem corporis mystici, *σύσσωμος*: Concivis politiæ Cœlestis. Eundem cum eo habet patrem spiritualem, fratrem primogenitum; Spiritum Ducem & Comitem per viam veritatis, eandem cordis fidem, eandem hæreditatis spem. Hinc nunc intimior,
fami-

amiliarior , fervidior amor erga hunc demonstratur. Id quod intelligendum est non de socio externæ Professionis sed fidei, quæ in corde conjuncta cum professione oris. Experientia probat amorem sociorum fidei tenacissimum esse, nec vel vi vel dolo extingui posse. Qui verò communiter inter socios ejusdem externæ Religionis, ille valdè languidus ac frigidus est.

xxix. *Amat patronos, parentes veluti Magistratus, ac Pastores.* Redamandi sunt, qui nos amant: Beneficia, quæ ex amore profluunt in beneficiaris meritò amorem accendunt. Et quò majora beneficia, tantò major amor. Patrono spirituali plus debeo quam corporali.

xxx. *Amat eos, quibus beneficia dat, liberos, subditos, auditores.* Beneficia non dat qui non ex amore dat. Sunt dein hi speciali curæ commissi & certa ratione pars amantis. Nemo verò carnem suam odio habet, sed fovet & nutrit eam.

xxxi. *Ex dictis duo speciatim fluunt: Primum, quod omnis homo diligendus sit: adeoque etiam hostis, Turca, Judæus, Ethnicus: Nam omnis homo creatura DEI & consanguineus noster. Hostis, Turca, Judæus, Ethnicus miser est, adeoque diligendus.* Pro illo ex

corde commiserante apud DEUM intercedendum est, ut ex miseria sua cripiatur. Id quod quoque scriptura utriusque Testamenti præcipit. Lev. XIX. 18. *Diliges* וְאָהַבְתָּ, *proximum tuum* qui tecum in terris pascitur; Quam Legem Christus repetit similemque appellat legi de Deo amando Matth. XXII. 39. *Si osor tuus esurit, ciba eum pane, si sitit, pota eum* Prov. XXV. 21. Quam legem Paulus quoque Christianis inculcat Rom. XII. 20. conf. Exod. XXIII. 4. Ipse Christus clarissimè Matth. V. 44. *Diligite hostes vestros, benedicite illis, qui vos execrantur, benefacite iis, qui vos odio prosequuntur, & intercedite pro illis, qui vos infestant & persequuntur.* Et legis peritum rogantem, quis proximus diligendus sit, informat, quod Samaritanus, Judæis exosus, sectarius, amore nostro dignus sit Luc. X. 25-38.

XXXII. *Alterum, quod amor, quem proximo debeo, pro ejus statu variet.* Non eundem amorem debeo hosti & amico, socio fidei & infideli &c. variat pro vario statu proximi: Id vult scriptura, quæ distinguit inter φιλανθρωπία & ἀγάπη, *fraternum & communem amorem.* 2. Petr. I. 7. omnibus benefaciendum, maximè sociis fidei Gal. VI. 10. Idem vult ratio: Nam in quo major amoris

ris ratio, ille etiam magis amandus est. Jam verò ratio amoris valdè variat. Hic amandus est, quia homo. Alter quia insuper civis. Tertius quia præterea parens. Hic amandus, quia mecum habet eundem Creatorem, conservatorem, gubernatorem: Alter, quia præterea mecum habet eundem Redemptorem, sanctificantem &c. Hic amandus, quia mecum pascitur, alter quia DEO sic ordinante me pascit. Omnibus debeo amorem benevolentiae, non omnibus amicitiae. Omnibus miseris amorem misericordiae debeo: Quando verò non omnibus simul benefacere queo, benefacio ei qui beneficiis meis maximè indiget.

XXXIII. *Diversum amorem testaturus sollicitè sibi cavere debet, ne sub prætectu majoris erga hunc amoris exhibendi alterum odio habeat. Dein ne minorem amoris rationem pro majori reputet. Quò amatum magis ad DEUM accedit, tantò major amandi ratio ei inest. Quò amatum in periculosiori statu versatur, tantò magis amorem misericordiae & auxilii nostri poscit.*

XXXIV. *Probatissimus lapis lydius amoris proximi, ad quem noster explorandus, est amor DEI, quo DEUS creaturas suas, JESU Christi, quæ fideles, proprius, quo quis se ipsum complectitur,*

Matth. V. 44. 45. Eph. V. 2. Matth. XXII. 39. Requiritur ergo sincerus, fervidus, purus, constans & absque intuitu proprii commodi, efficax, universalis, nemine excluso. Talis enim est amor DEI, JESU Christi & proprius. Imò non solum lapis lydius amoris nostri sed simul exemplum, quod exprimere jubemur, est loc. cit.

xxxv. *Amaturus proximum contendat fontes odii, quos supra deteximus, obthurare. Contendat dein proximum recte cognoscere. Proximo, maxime regenito, ea insunt, quae cognita amorem accendant.* Sunt enim in se pulcherrima atque simul nobis utilia. *Contendat vera sapientiae operam navare.* Hæc enim plena amore, misericordiâ & aliis bonis fructibus Jac. III. 17. *Conversetur cum genuinis amatoribus.* Possident enim intra se ignem spirituales, eumque ore & factis exerunt, atque ita conversantes calefaciunt, inflammant. *Observant se invicem ad provocationem amoris & bonorum operum.* Hebr. X. 24.

xxxvi. *Perpendat quoque sequentia motiva: DEUS non solum amorem proximi nobis inculcavit, uti alia multa, sed super alia. I. Cor. XIV. 1. persequimini amorem ceu viam illam excellentissimam I. Cor. XII. 31. dum verò persecutionem mandat, Apostolus docet &*
præ-

præcepti præstantiam & difficultatem. Valdè etiam proni ad iram, odium. Indefessum hinc studium amoris requiritur, Maximum de DEO amando præceptum est. Huic verò simile alterum de proximo amando. Matth. XXII. 39.

XXXVII. *Dein qui proximum verè amat, ille alia quoque officia proximo debita præstabit. Justitiam, veritatem, pacem cum eo colet. Amor quippe proximi est anima & summa omnium officiorum. Rom. XIII. 9. Ab amore proximi dependet Lex & Propheta. Qui proximum amat, DEUM amat. DEUM enim amat in proximo.*

XXXVIII. *Amor proximi non solum amato gratus & utilis sed etiam amanti. Si is, quem amamus, nos læsit, amantes ei culpam condonamus. 1. Petr. IV. 8. pro illo intercedimus apud DEUM, animum reconciliatum ei promittimus. Si auxilio nostro indiget, ei auxiliamur. Si lætatur, collætamur. Qui amantis affectus amato non possunt non dulces & utiles esse, sed sunt simul amanti. Deus ipsi affectui amoris dulcedinem, suavitatem indidit, quod amantes in se experiuntur. Amatum redamat atque ita vicissim præstat, quod amator prius præstitit. Ne nunc dicam de amantium cœlesti fructu.*

XXXIX. *Præ*

xxxix. *Praet DEUS, speciatim JESUS Christus.* Agentes attendimus ad Exempla eaque conspicua, nobilia. Amantibus praecunt exempla divina. Quantus amor DEI erga creaturas? Amore impellente eas condidit, conservat, gubernat. *Solem suum oriri facit super bonos & malos & pluviam demittit super justos & injustos.* Quantus amor erga peccatores, pro quibus proprium filium legi & morti subjecit? Quantus amor JESU Christi? Gloriam, quam apud Patrem ab aeterno habuit, ad tempus occultavit, caro factus est, in carne contemnebatur, illudebatur, cruciabatur, trucidabatur: atque haec omnia sustinuit non propter amicos sed hostes suos, amore misericordiae cum impellente. Haec verò exempla ad imitandum nobis proposita sunt Eph. V. 2. Matth. V. 46. Annon eos amemus, quos DEUS amat? Tantò magis, quod sint consanguinei nostri. Omnes putant consanguineorum officium esse se mutuò amare. Sunt quoque variè nobis utiles. Sunt membra ejusdem societatis, naturalis vel etiam sacrae. Membrum membro indiget. Fit quidem saepius, ut existimemus nos aliis non indigere: At alio tempore experientia nos docet, utilissimos illos nobis esse, quos
puta-

Fontes. uti sunt:

Ignorantia, infidelitas,
avaritia, luxus, rari-
tas vere liberalium,
præjudicia, incuria &
oscitantia statuum, Ec-
clesiastici & Politici.
§. XV.

Enormitas. §. XVI.

Tum definitur misERICOR-
dia & liberalitas erga
pauperes. §. XVII.

Quæ animum probè dispo-
situm poscit. §. XVIII.

Cujus indoles describitur.
§. XIX.

Talis animus pauperem
juvabit. §. XX.

Tum pro statu & necessi-
tate indigentis. §.
XXI.

Tum pro statu, in quo
ipse misericors est. §.
XXII.

Juvandus autem est omnis
pauper. §. XXIII.

Cum discrimine tamen.
§. XXIV.

Et quidem propter Deum
§. XXV.

Officii hujus varii gra-
dus. §. XXVI.

Media sunt & privata,
§. XXVII.

& publica. §. XXVIII.

Motiva verò se-
quentia:

I. Mandatum DEI toties
iteratum §. XXIX.

II. Beneplacitum, quod ex
Eleemosynis DEUS ca-
pit. §. XXX.

III. Unio & societas divi-
tes inter & pauperes.
§. XXXI.

IV. Damnum varium in
im-misericordes. §.
XXXII.

V. Emolumentum publi-
cum & privatum ex
Eleemosynis. §. XXXIII.

VI. Judicium ultimum.
§. XXXIV.

VII. Similitudo cum Deo.
§. XXXV.

VIII. Consensus gentium.
§. XXXVI.

§. I.

A Mori proximi jungimus liberalitatem erga pauperes; ceu quæ ab amore proximi non aliter differt, quàm species à genere.

II. Speciatim verò tractamus, quia frigidò & superbo hoc sæculo magna pauperum rectè amandorum oblivio grassatur: Quia si quod officium sæpius & torriter inculcat DEUS, inculcat curam pauperum: Quia denique præcipuè Eleemosynæ datæ aut non datæ in judicio ultimo habebitur ratio.

III. Tripliciter peccatur adversus amorem & curam pauperum. Primò peccant illi, qui pauperibus Eleemosynas erogant. Sed non rectè.

IV. Quod fit (a) quando Eleemosyna datur absque animo, fide, propensione, amore: Si adeoque pauper non consideratur ut creatura DEI auxilio nostro digna: Si erogatio stipis non habetur à Deo præcepta: Si nullus benevolus affectus in animo dantis erga pauperem est.

v. (b) Si stipis datur cum animo malo. Dant verò ita illi, qui propriam gloriam querunt: qui animo coactò, adverso, obolum pauperi projiciunt.

vi. (c) Si Eleemosyna datur verbis asperis, objurgantibus, contemnentibus sollicitantem.

vii. (d) Si datur parcè non ex defectu opum sed ex avaritia,

VIII.

VIII. (e) *Si Eleemosyna datur ex bonis vilibus, rejectaneis, cibo veluti & potu, qui aliàs perit aut in porcorum alveum effunditur.* Eleemosyna oblatio est, quæ Christo in paupere datur. An verò rejectanea oblatio Christo danda est? Malach. I. 8.

IX. (f) *Si illegitimum discrimen inter pauperes, eorumque curam habetur.* Tale est, quando certis pauperibus veluti consanguineis, civibus, sociis ejusdem Religiosæ Professionis datur, non verò peregrinis, alias religiones profitentibus, similibusque. Eleemosyna hac ratione privilegium civile, provinciale, consanguinitatis est.

X. (g) *Si pecunia inter pauperes proprietario vivente distribuenda per testamentum legatur.* Quando Testamentarius, dum in vivis, bona sua non disperdit, Testamentum tale pro Eleemosyna Christiana haberi nequit. Si enim animam misericordem habuisset, Eleemosynam non distulisset post mortem. Vana plura ejusmodi dispositionibus sæpius inesse solent.

XI. *Peccant secundo, qui in usum & solatium pauperum nihil erogant.* Uti sunt avari, qui opes omni modo corradunt, asservant, unicè in proprium usum convertunt: qui proximum pauperem secum vinculo quodam conjunctum esse negant, hinc urgent

unum-

unumquemque sui rationem habere, non alterius.

XII. *Peccant tertio illi, qui non solum immisericordes sunt erga pauperes, sed insuper fures eorum.* Tales sunt (a) qui variè impediunt misericordes, ne viscera sua aperiant & aperta effundant. Invidè enim fingunt malum adversus indigos, quod beneficentiâ indigni sint. Absterrent propensos ad dandum vel omnino eorum manibus opum administrationem extorquent, prætexentes, quod bona dilapident, liberos infelices reddant. Tales dein (b) qui bona pauperum sibi concredita in proprium usum convertunt, distribuunt illis, qui partem Eleemosynæ reddunt, aut laborem mercede dignum subeunt, qui bona Ecclesiastica mutant, mutilant, rapiunt.

XIII. *Allata vitia spectant curam pauperum corporalem: sunt alia non minus recepta & peiora, qua curam pauperum spiritualem concernunt.* Hinc vulgò mendici non solum corpore sed & animâ, imo hac maximè miseri sunt. Discursitantes, vociferantes tantum accipiunt, quantum stomacho latranti sedando sat, sed nemo pro anima eorum curat. Nec curant aut curare possunt ipsi. In ignorantia, impietate, rapacitate educantur,

274 *Cap. xiv. De Misericordia. & lib. erga pauper.*

cantur, vivunt, moriuntur. Sumtus, labores, molestiz non impenduntur, ut ex longe infelicissimo hoc statu eripiantur.

xiv. *Immisericordiam gradu differre ex dictis jam constat.* Vitium est parcè dare: majus nihil: maximum alios in dando impedire: Longè maximum bona pauperibus sacra surripere. Vitium est sine illuminato, fido, misericorde corde stipem erogare; Gravius, animo & verbis exprobrantibus; Gravissimum nihil dare & tamen mendicantes disternis proscindere, fugare. Vitium est paucis dare: Majus nemini.

xv. *Infructuosa hac tenebrarum opera proveniunt ex ignorantia.* Quis pauper sit ignoratur. Si enim haberetur Creatura, filius DEI, frater imò Christus, certè ita non contemneretur, desereretur. Cura pauperum spiritualis prorsus ignoratur. *Ex infidelitate*, nam præceptis, promissis & interminationibus non habetur fides. Pecunia nervus vitæ & felicitatis agnoscitur. *Ex avaritia.* Immensa est auri cupido. Semper plus ultra: Ex adverso tristitia, dolor, morsus animi oritur, si particula mammonæ rescanda, distribuenda est. *Ex luxu cibario, vestiario, supellecticario.* Ingentes sumtus pro vario, copioso, delicato, molli cibo potu, superbo vestitu, domicilio impenduntur.

tur. Luxus omnia devorat. Nihil superest, quod in usum indigorum distribuatur. *Ex raritate verè liberalium*; qui se invicem provocant ad opera charitatis, perrari sunt. Immisericordium, propriam utilitatem quaerentium maximus numerus est. *Ex praesudicio*. Suspecta quibusdam est largior opum inter pauperes distributio. Sapit novam sectam. Ethnica vel peior traducitur actio: Nam Ethnici liberis thesauros colligunt, hi non item: Dicuntur ergo Ethnicis peiores. Ex adverso avaritia, studium ditescendi, laudabilis parsimonia, character boni Patris familiās habetur. Eodem tendunt communia Pseudopolitica axiomata. Ein jeder müsse vor sich und die Seinige sorgen: Ein jedes Land/ Stadt/ Dorff müsse seine Bettler erhalten. quæ quidem dicta commodè explicari possunt, sed uti hic accipimus, sinistrum habent sensum, excluduntque Christianis mandatam omnium pauperum curam. Gal. VI. 10. *Ex incuria & oscitantia statuum superiorum, Politici & Ecclesiastici*. Quamquam enim privati statum pauperum reformare vellent, non valent. Publica & communis opera poscitur tanto malo minuendo ut tollendo sufficiens. Quando verò Magistratus totus in eo est, ut quaesturae in bono statu sint, eorum bona indices augeantur,

census ac tot alia onera, non solum à divitibus subditis sed & pauperibus forti manu extorqueantur, Xenodochiorum verò, Prochotrophiorum, Orphanotrophiorum, Nosocomiorum, Ærariorum Ecclesiasticorum nulla aut superficialia ratio habetur. Quando non solum nullæ novæ in pauperum usum ædes, æraria, præfecturæ struuntur, instituuntur, sed à piis olim ordinatæ, neglectæ jacent aut sine pietate administrantur, pauperum res in infelici statu esse, mirum non est. Hac enim ratione pauperes augentur non minuuntur, non curantur. Quando Consistoria, Presbyteria, præfecturæ Eleemosynariæ absque fide, misericordia, re pauperum tractant. Si tantum fidei præalendis indigis habent, quantum pecunia in Cista Eleemosynaria norunt: Si aucto pauperum numero non majores sumtu faciunt, quam quos annui reditus profecerunt: Si præfectos quærunt, constituunt commendatos ab Arithmetica, arte pingendi, rigore exigendi, non verò à Spiritu S. & sapientia Actor. VI. 3. Si præfectis optima salaria, lauta convivia; superbas ædes ipsis verò pauperibus tenues sorbitiones, casas sanitati noxias, verbo dicam, omnia verè paupertina destinant, dant. Si novæ

& oliv

& olim Christianis inauditam Eleemosynariam Methodum, qua frigida Christianorum pectora per Provincialem aut Nationalem lusum ad misericordiam (ô misericors misericordia!) accendere student, profitentur.

XVI. *Immisericordia, crudelitas sunt vitia turpissima. Immisericordibus enim & crudelibus humana natura deest.* Est verò fera, leonina. Quid turpius, quam esurienti, nudo, lacero non solum nihil dare, sed miseriam onustum convitiis onustiores reddere? Miserum auxilii quærendi gratiam confugientem magis miserum facere? *Immisericordes & avari quoque stulti sunt.* Similes sunt rusticis, qui metu frumenti amittendi illud terræ committere nolunt, asservantes in torreis, ubi illud mures devorant, in insecta commutatur, atque post aliquod tempus in spe fructus consumitur. *Sunt quoque imudentes,* qui DEO & Christo sacrificant, quod ipsi fastidiunt. *Sacrilegi,* qui in proprium usum convertunt, quod DEO datum est. *Antichristiani,* qui, quod Christus præcipit, gratum habet, quod Spiritus Christi in primis Christianis produxit, quodque ipsi alioquin magni facientes videri volunt, impediunt, convitiantur, quod faciunt,

qui largam opum inter pauperes dispersionem suspectam habent, reddunt, dispergentibus graves existunt. *Novi misericordia Patroni*, qui per lulum viscera obdurata aperire contendunt.

XVII. *Hac de immisericordia & illiberalitate erga pauperes: Sequentia de misericordia & liberalitate, qua Christiani hominis officium est, cujus vi bona sua inter pauperes animo misericordie propter DEUM differt.*

XVIII. *Officium hoc prastiturus maxime de genuina cordis dispositione sollicitus esse debet.* Nam, quod ex dictis jam constare potest, beneficium Eleemosynam non facit, sed animus. *Si in cibum dederò omnia bona mea, nec charitatem, quæ cordis affectus est, habeo, nihil commodi habeo.* 1. Cor. XIII. 3. Quin potius fieri potest, atque etiam subinde fit, ut, qui multum dat, non vero genuinum Eleemosynam dandi animum habet, ille tamen Eleemosynam non dat: dat verò, qui nihil dat, si modò verum dandi animum habet.

XIX. *Animus rectè dispositus sic se habet.* Primò pauperem reputat pro creatura DEI, pro consanguineo, fratre: Tum agnoscit velle Creatorem, ut creaturæ suæ in his terris sustententur, edant, bibant, vestiantur.

tur, habitent: velle quoque, ut inter con-
sanguineos, fratres, amor, mutuum auxilium
sit, dives pauperi succurrat. *Insuper* fidem
habet verbo divino, intus & extus pau-
perum curam præcipienti. Hinc missis
ac superatis obstaculis, quæ caro & mun-
dus obmovent, beneficentiam erga in-
digos exerit. Et quidem animo misericordi,
condolente ob penuriam rerum necessaria-
rum, quâ proximus laborat, unde beneficium
pauperibus datum rectè olim ἑλεημοσύνη
Eleemosyna à commiseratione dicebatur.

xx. *Animo rectè disposito pauper juvabitur.*
Uti sole existente splendor oritur, sic ex
animo rectè disposito beneficium pro pau-
pere fluit. Quo major cognitio, fides,
commiseratio, tanto major Eleemosyna.
Si quis animum ad dandum benè dispositum
prætexit, nec dat, ubi dare valet, ille men-
dax est.

xxi. *Juvabitur autem pauper pro statu suo
indiga.* Pauper animâ juvatur, institutione,
correctione, hortatione, consilio, solatio.
Pauper corpore juvatur beneficiis corpora-
libus, esuriens cibo, sitiens potu, nudus
vestitu, ægrotus visitatione, peregrinus
domicilio, captivus redemptione, mortuus
sepulturâ. Quas liberalitatis species sequenti

carmine veteres incluserunt : *Visito , poto , cibo , redimo , tego , colligo , condo.* Rectè enim & prudenter datur illud bonum, quod alteri deest, non quod ipse habet aut quod ipsi noxium. Peccatori irrisipiscenti, qui animâ pauper est, rectè datur correctio, non verò solatium aut spes vitæ æternæ. Esurienti non prodest potus sed cibus.

xxii. *Ut & pro statu misericordis.* Quod quis non habet, non potest dare; Hinc à tali beneficium externum non poscitur, 2. Cor. VIII. 12. Internum, precatorium, intercessorium jam sufficit. Nec tenetur ita de suo dare, ut ipse indigeat, alter abundet, sed ut copia sua alterius penuriæ succurrat 2. Cor. VIII. 13. Cui itaque præ aliis DEUS bona terrestria concedidit, ille præ aliis benefacere debet. Est enim Oeconomus DEI. 1. Petr. IV. 9. 10.

xxiii. *Juvandus est omnis pauper.* Quia enim pauper est sive caret bono necessario, illud ipsi dandum ab eo, qui possidet. *Omni abs te petenti da* Luc. V. 30. Ergo dandum est osori. Matth. V. 44. hosti, Rom. XII. 20. Maledico Matth. V. 44. aliam Religionem profitenti, auxilio nostro egenti. Luc. X. 25 - 38.

xxiv. *Quaquam cum discrimine: Operemur bonum*

bonum erga omnes, μάλιστα maximè erga domesticos in fide. Gal. VI. 10. Fundamentum discriminis duplex est, miseria & cognatio. Qui majori miseria premitur, ille præferendus ei, qui minori laborat. Tum quo cognatio arctior, eo major obligatio ad succurrendum misero. Cognationes autem sunt plurimæ: arctior non est quam fidei, quatenus cordis actus est, non quatenus pro externa Religionis professione sumitur.

xxv. *Pauper juvandus est propter DEUM.* Fortiter petunt mendici mendicantes, *um Gottes willen* / modò vim verborum intelligerent, qui ea proferunt, quique ea audiunt. Qui verò pauperem juvat propter DEUM, ille agnoscit officium suum esse. Ille obedientiam exhibet DEO mandanti. Ille gloriam DEI quærit.

xxvi. *Liberalitatis erga pauperes diversi gradus notari possunt:* Natabiliores sunt: dare Eleemosynam animo ad dandum convicto: dare dein animo misericordii, lubenti, hilari: dare porrò largiter: dare semper, quando occasio dandi se offert, maximè tempore pauperi commodo: Dare stipem omnibus petentibus, etiam hostibus: Prævenire Eleemosynâ petitem pauperis: dare in occulto: Ultimò dare cum testimo-

nio honoris erga pauperem tum verbis tum beneficio, tum aliis circumstantiis.

xxvii. *Media, quorum usu cura pauperum haberi, promoveri potest, sunt privata & publica.*

Privata: 1. Talem se proximo præbere, qualem quis sibi proximum optat, si in eodem esset statu, quo ille. 2. Oculum, aures non avertere à paupertate, miseria, fame, nuditate proximi. Paupertas enim & penuria oculis visa & audita solet videntis & audientis viscera aperire. 3. Vitas Christianorum à liberalitate erga pauperes commendatas legere, oculis obire, cum talibus conversari. Flamma enim solet lignum, etiam viridius, accendere. 4. Parcè vivere, abstinere à pretioso vivendi genere. Hoc enim ingentes sumtus, qui ad opem ferendum indigis impendi potuissent, inutiliter & peccaminosè consumit.

xxviii. *Publica: Magistratus est mendicabula, homines fortes, turpi otio deditos ad graviores labores damnare: Cives verò attenuatos, opibus exhaustos fovere, juvare, ut habeant, unde vivant. Magistratus tenuibus subditis esse debent, quod Medici ægrotis. Consistoriorum, presbyteriorum, præfecturarum Eleemosynarum est curatam pauperum notitiam tenere: Diaconos Spiritu S. & sapien-*

sapientiâ plenos pauperibus præficere : Aliis liberali stipe præire : Indigos fido Curatori committere , nec suspendere pauperum sustentationem ab ærariis , æratorumque annuis fructibus : Commendare eos cum auctoritate divitibus hujus seculi. 1. Tim. VI. 17. Jungere curam pauperum spiritua-lem & corporalem : Maximè sibi cavere à minima surreptione bonorum sacrorum aut commutatione in proprium usum. *Sta-tui domestico* incumbit, conspirare cum Ma-gistratibus & præfecturis Ecclesiasticis, libe-rali beneficiorum erogatione curas supe-riorum facilitare , promovere. Insignem operam præstare queunt artifices, textores, magnarii, si merces, quas conficiendas ha-bent , pauperibus committunt & quidem unicuique pro ætate , robore, idoneitate.

XXIX. *Gravissima sunt huic officio motiva.* Nam. 1. Deus multoties sub utroque Testa-mento pauperum curam mandat. Veluti per Mo-sen, *Ego præcipio dicens , aperiendo aperies manum tuam, erga fratrem tuum afflictum tuum & indigum tuum, qui in terra tua est.* Deut. XV. 2. Esaiam, *Divide esurienti cibum tuum, pauperes, qui cum adversitatibus luctan-tur duc in domum: Si vides nudum, vesti illum & à carne tua te non subduc.* LVIII. 7. JESUM. *Omni abs te petenti da.* Luc. VI. 30. Paulum,

Paulum. *Necessitatibus sanctorum communicate: Hospitalitatem sectamini.* Rom. XII. 13. *Divitibus in hoc seculo praecepe, ut non sapiant alta, neque sperent super divitiis incertis, sed super DEO vivente, qui praebebit nobis opulenter omnia ad fruitionem: Ut (potius) benefaciant, ditescant in bonis operibus, faciles ad erogandum, libenter communicantes.* 1. Tim. VI. 17. 18.

Petrum. *Ita hospitales estote inter vos sine murmurationibus. Quilibet, sicut accepit, donum erga vos invicem illud administrantes, ut boni administratores multi varia gratia DEI.* 1. Petr.

IV. 9. 10. **Johannem.** *Qui habuerit opes mundi & videt fratrem suum opus habentem (iis) sed claudit viscera sua ab eo, quomodo dilectio DEI manet in illo? Filioli mei, ne diligamus verbo aut lingua sed opere & veritate.*

Jacobum: *Si frater aut soror nudi fuerint & destituti quotidiano victu: dixerit verò quis illis ex vobis: Abite in pace, calefcite & saturamini, non dederitis autem iis necessaria corporis, quamnam utilitas?* cap. II. 15. 16.

xxx. II. *In Elemosynis DEUS oblectamentum suum quarit.* Hebr. XIII. 16. *Beneficentia & communicationis ne obliviscimini. Talibus enim sacrificiis DEUS delectatur. Quàm æquum verò, ut oblectamentum DEO excitemus, qui tot oblectamenta in nos confert.*

xxxI. III. *Poscit unio, quæ inter nos & pauperes intercedit.* Omnes enim homines sunt consanguinei, fratres, concives. Omnibus idem Creator: iidem progenitores: Idem domicilium: Idem pascuum. Plures sunt ætiori vinculo nobis conjuncti: Vinculo Religionis, fidei Spiritus S. Quid nunc æquius, justius, magis necessarium, quam ut consanguineus, frater, concivis, consanguineo, fratri, civi opem ferat? Quid dicet communis nobis omnibus creator, si creatura excluditur à fruitione boni, quod commune dedit? Quæ communio Religionis, si elurienti nequidem panis porrigitur?

xxxII. IV. *Damnum varium: Nam avari & immisericordes damnum causantur societati civili, sacra, sibi.* Illi: Nullum ab his Respublica usum habet. Quæ agunt, agunt propter proprium lucrum cum præsentis damno conciviū, cives pauperes faciunt, non sublevant. Tum maximè, quando personam publicam in societate præse ferunt. Zeph. III. 3. *Isti:* Negant, tollunt, quæ esse deberet inter Christianos, unionem & communionem, enervant, adeoque regulas societatis: Alios facile in partes suas trahunt & loco charitatis, quæ sua communicat, avaritiam, cupiditatem rerum mundanarum in cœtu Christiano plantant. *Sibi.*
Immi-

Immisericordes & avari vitam turbidam non possunt non ducere *Turbat domum suam, qui lucro inhiat.* Prov. XV. 27. Concitant adversus se iram Dei, qui pauperum DEUS, custos & vindex est. Exod. XXII. 27. Hinc nullam mansuram benedictionem, nequidem in bonis terrestribus, sibi promittere possunt. Nam & hæc benedictio ex cælo venit.

xxxiii. V. *Emolumentum publicum & privatum. Publicum.* Misericordes & liberales bona sua lubenter aliis communicant, iis speciatim, qui miseriam premuntur. Adeoque miseri, qui in societate vivunt, horum beneficiam recreantur. Quæ iis committuntur officia publica, administrantur sine intuitu proprii lucri. *Privatum:* Beneficentia conjunctissimum comitem habet tranquillitatem, suavitatem cordis. Conciliat sibi favorem eorum, quibus benefacit. Maximè conciliat sibi gratiam Numinis, cujus voluntati satisfacere studet. Cumulatim emolumentum expressit Esaias commendaturus beneficentiam. Cap. LVIII. 8 - fin.

xxxiv. VI. *Judicium ultimum.* Quanquam homo de omnibus actionibus suis judicandus erit, maximè tamen de misericordia & immisericordia, quod docet Salvator morti pro-

propinquus Matth. XXV. 34 - f. Ubi non alia vitæ æternæ adeundæ ratio citatur, quam misericordia actualis : Nec alia ratio mortis æternæ subeundæ, quam immisericordia. Quare ? Procul dubio ut nos gravissimè ad opera misericordiæ stimulet retraheretque ab operibus immisericordiæ. Tum quoque, quia in operibus misericordiæ concentrantur omnes aliæ virtutes Christianæ; sed vitia in immisericordia.

xxxv. VII. *Similitudo cum DEO.* Beneficus, liberalis, misericors naturæ divinæ particeps, filius Dei est Matth. V. 45. Sed immisericors, illiberalis communem cum bestiis, leonibus, ursis, canibus &c. imò cum Diabolo naturam habet.

xxxvi. VIII. *Consensus Gentium.* Tanta huic officio vis & claritas est, ut nulla Gens, ne quidem barbara, exstiterit, quæ liberalitatem in pauperes non æstimaverit, commendaverit tanquam opus Diis gratum. Si plura hoc de argumento nosse cupis, adi tractatum nostrum Germanicum
Christliche Barmherzigkeit.

703) o (20

CAPUT XV.

DE

Cognitione sui ipsius.

Σύνοψις.

- O**fficia erga DEUM (d) Turpe otium. §. XIII.
 & proximis conjunctissima sunt cum (e) Impatentiam. §. XIV.
 officiis erga se ipsum. Memorata vitia turpia
 §. I. II. sunt. §. XV.
- Ex his primum cognitio Proveniuntque à prava
 sui ipsius. §. III. IV. educatione & institu-
 Negligunt hoc officium. tione, mole negotiorum,
 I. Qui nullam Physicam. Philosophia Scholasti-
 §. V. VI. ca, curiosa & metu
 II. Pneumaticam. §. VII. propria turpitudinis
 III. Moralem aut saltem cognoscenda. §. XVI.
 nimis superficialiam Tum definitur vera sui
 sui notitiam tenent. cognitio. §. XVII.
 §. VIII. Cujus requisita sunt:
- Tales feruntur sine impe- (K.) Homo nosse debet se
 dimento in scelera. §. nihil esse. §. XVIII.
 IX. (2.) Se ortum suum &
 Veluti (a) proprium Do- conservationem DEO
 minium. §. X. debere. §. XIX.
- (b) Superbiam. §. XI. (λ) Nosse debet partes, ex
 (c) Cupiditatem carnis. quibus constat, corpus
 §. XII. & animam. §. XX.
- (7.) Cor-

(7.) Corruptionem suam. §. XXI.	Media sunt.
(7.) Rectum usum corporis & anima. §. XXII.	I. Ad se probè attendere,
Unde sequitur cognitionem sui fundamentum esse officiorum, quæ quis sibi debet. §. XXIII.	II. Vera Philosophia & Scriptura studere. III.
Cen abnegationis sui. §. XXIV.	cum Philosophia & Theologia Christianis conversari. §. XXXI.
Humilitatis. §. XXV.	Adduntur motiva, quo- rum primum desum- tum ab æquitate. §.
Temperantia. §. XXVI.	XXXII.
Vigilantia. §. XXVII.	Alterum ab usu ad cog- nitionem rerum corpo- rearum, spiritualium.
Patientia. §. XXVIII.	§. XXXIII.
Hujus officii gradus no- tantur. §. XXIX.	Et moralium. §. XXXIV.
Quo majores, eo magis du- cunt ad officia Chri- stiana. §. XXX.	Tertium quia facilem red- dit explorationem adeo necessariam. §. XXXIV.



§. I.

Diximus hætenus de officiis erga DEUM & proximum: Dicendum nunc de officiis erga se ipsum.

II. Officia erga DEUM & proximum conjunctissima sunt cum officiis erga se ipsum. Nemo officia erga se præstabit, qui negligit officia erga DEUM & proximum. Nec
T. quis.

quispiam officia erga DEUM & proximum observabit transgrediens ea, quæ sibi debet. At ex adverso omnis qui officia erga DEUM & proximum explet, explet quoque, quæ sibi debet.

III. *Dicuntur officia erga se ipsum*, quia specialiori ratione hominem ipsum spectant. Uti cognitio sui, temperantia &c. quum contra alia officia pro objecto habeant DEUM vel proximum.

IV. *Ex his primum constituimus cognitionem sui ipsius.* Quemadmodum supra tractantes officia erga DEUM & proximum primum locum dedimus cognitioni DEI & proximi. Sic hîc tractantes officia erga se ipsum incipimus à Cognitione sui ipsius. Hunc ordinem poscunt eadem rationes, quâs supra memoravimus.

V. *Quoniam Inspectioni sui ipsius totum libellum dedimus, hic breviores erimus, generalem tantum tractationem tradituri ac viam paraturi ad reliqua officia.*

VI. *Negligunt, violant cognitionem sui ipsius.*
I. *Qui nullam aut saltem nimis superficialiam physicam sui notitiam tenent.* Homines certè bestiis non absimiles, qui artificiosissimum & omni admiratione dignissimum corpus habent, id verò ignorant; Hinc non admiran-
rantur.

rantur. Non propterea quærunr, laudant, honorant sapientissimum Creatorem. Quot verò sunt, qui rogati de corpore nihil respondere queunt, vel etiam admitantur talem quæstionem ceu incongruam?

vii. II. *Qui nullam aut saltem nimis superficialiariam pneumaticam sui notitiam habent.* Si qui adhuc attendunt ad corpus suum, ceu quod oculis obire, manibus palpare solent, debent, atque ideo summum artificium creatoris laudant, longè pauciores ad animam attendunt. Anima enim oculis cerni aut aliò extreno sensu percipi nequit. Jam verò vulgò nihil est in intellectu, quod non prius fuerit in sensu; Unde profundâ animarum ignorantia laborant. An animam habeant. Quid anima sit. Quæ ejus operationes. Quomodo afficiatur à corpore aliisque rebus externis. Quomodo corpus aliasque res externas regat. Hæc, dico, & similia ignorant.

viii. III. *Qui moralem sui notitiam non habent saltem non sufficientem & vivam.* Qui ignorant corruptionem suam tum originalem tum variè acquisitam: Virtia intellectus, voluntatis, affectuum, imaginationis, memoriæ, corporis, sensuum, membrorum eorumque irritamenta, causas. Qui verò

hæc ignorant, vitiis cooperti vivunt. Peccantes nesciunt se peccare. Ab incitamentis sibi cavere nequeunt. Qui dein ignorant usum corporis & animæ. Quem in finem Creator facultates percipiendi, judicandi, volendi, imaginandi, memoriâ tenendi, videndi, audiendi, odorandi, gustandi, palpandi, loquendi, laborandi, eundi &c. dederit, conservetque. Quando verò rectum usum corporis & animæ ignorant, quomodo corpore & animâ recte utiqueunt? Aut si se ipsos moraliter norunt, notitia hæc mortua est.

IX. *Homo verò, qui se ipsum non novit, pro-pendit, fertur sine impedimento in scelera quavis.* Speciatim illa, quæ officiis sibi debitis opposita sunt. Talia sunt :

x. *A. Propria voluntas & Dominium.* Quoniam non novit se creaturam DEI esse, atque adeo creatore suo in omnibus dependere, sibi ipsi Dominus est, vult, quod sibi placet, imperat quoque ut, quæ vult, fiant.

xi. *B. Superbia.* Non novit se cinerem & pulverem esse. Quæ habet, sibi tribuit, & tribuit ultra, quàm possidet : Hinc surgit fastus.

xii. *C. Cupiditas carnis, oculorum.* Voluptuosa, pretiosa sibi placent : Non novit hæc & similia sibi pernitiola esse.

xiii. D. *Turpe otium.* Homo factus est ad laborem, quod vel constitutio corporis humani docet. Quando verò homo se non novit, turpi otio vacat.

xiv. E. *Impatientia.* Si infortunium, morbus, injuria aut tale quid obvenit, homo impatiens est. Nescit se creaturam Creatori & Governatori rerum omnium subjectam esse debere.

xv. *Turpe verò est homini se ipsum ignorare.* Certè stultum videtur ea, quæ extra se, inquirere, magna curiositate, magnis quoque sumtibus investigare urbes, naves, pompas &c. & tamen se ipsum, quæ intra se, ignorare, animum à sui inspectione alienum tenere. Et id tantò magis, quia sui ignorantia exitialis est. Si quis omnia alia, etiam leges divinas nosset, ignoraret verò se ipsum, ille infelix est, atque stolidè eruditus; Si enim se non novit, nec novit corruptionem suam, per consequens ab illa non resipiscere valet. Irresipiscens verò cum Deo conjungi nequit: Quum contrà homo, qui seipsum rectè novit, quanquam pleraque alia nesciat, ille sapienter doctus est. Insuper bestię similis homo sui ipsius ignarus, Uti enim bestia corpus habet artificiosum, oculos, aures &c. sed ignorat. Sic homo.

Imo homo bestiâ deterior. Ultimò turpe est se ipsum ignorare, nam talis sordes, quibus conspurcatus est, non novit, hinc non abluit : conspurcatus adeoque in publicum prodit & fastidio est atque abominationi iis, qui maculas spirituales perspiciunt, DEO, angelis, sanctis,

xvi. *Vitia, de quibus hætenus, specialem ortum trahunt ab educatione & institutione.* Quotusquisque est, qui in juventute in cognitione sui informatur? ut corpus suum consideret, animæ operationes observet : Ut hinc vitia corporis & animæ notet, evitet. Quidam absque omni cultura facultatum mentis pulloꝝum instar crescunt. Alii instituuntur quidem, sed in iis studiorum partibus, quæ de sui cognitione nihil participant. *Mole negotiorum & curiositate rerum alienarum, peregrinarum.* Qui inferioris sortis sunt, illi ea vitæ ætate, qua iudicii aliquis usus esse incipit, arti manuali traduntur atque omni subsequente ætate ad eam quasi damnati sunt. Alii obtruuntur negotiis publicis nec tempus reliquum habent, quod sibi tribuant. Rursum alii toti in eo sunt, ut sciant, quæ alibi gerantur : Novis ingenti cupiditate inhiant suntque insatiabiles. *Philosophia scholastica, curiosa.* Partes Philosophiæ,

sophiæ, uti physica & pneumatica pro ob-
jecto quidem habent notitiam corporis &
animi humani, sed scopum minimè attingunt, quando loco rei verba obscura, loco
thematum clarorum, utilium obscura, cu-
riosa, loco experimentorum inexplicabiles
rerum modos, loco exactioris applicationis
ad mores & laudem divinam vanam gloriam
tractant. *Metu propria turpitudinis perspicien-
da & deferenda.* Quod de cygnis referunt,
hominibus accidit. Nolunt cygni atros
pedes intueri. Nolunt homines moralem
sui notitiam habere, quia se vitiis totos co-
opertos reperiunt. At stolidè. A sordibus
neque mundus est neque efficere potest, ut
alii eas non intueantur qui ipse eas inspi-
cere non vult.

xvii. *Notitia sui est primum & precipuum
officium, quod homo sibi debet, ut cognita na-
turâ suâ fugiat, evitet id omne, quod perfe-
ctioni & felicitati ejus repugnat, agat verò
quod illum perfectum & felicem reddit.*

xviii. *Hæc notitia requirit (a) ut homo
cognoscat se nihil esse. Neque suâ potentia
esse incépisse neque etiam esse pergere. Se
tamprimum esse desinere, quamprimum
Creator influxum virium suarum denegat.*

xix. (b) *Ut dein cognoscat se ortum suum*

& conservationem DEO, debere : DEI adeoq; creaturam esse, per consequens ad nutum DEI ejusque gloriam vivere debere.

xx. (c) *Ut porro cognoscat partes, ex quibus constat, corpus & animam :* Illud artificiosissimè factum ut animæ domicilium sit, Hanc spiritualis naturæ, ut DEUM cognoscat, amet, in corpus imperet, quò etiam illud ea officia agat, ad quæ à Creatore formatum est.

xxi. (d) *Ut insuper corruptionem suam observet.* Quomodo inverso ordine corpus regnet, anima serviat. Quicquid enim appetitus carnis & sensuum, gula, oculi &c. volunt, id quæritur, accipitur, rapitur, quantum anima damnum patiatur, aggravetur, interlinatur,

xxii. (e) *Ut denique rectum usum corporis & animæ, facultatumque intelligat, atque constituat, contendatque, ut unumquodque eas operationes agat, ad quas à creatore factum est.*

xxiii. *Ex dictis jam patet, quod cognitio sui fundamentum & introductio sit, ad officia Christiana, speciatim illa, qua sibi ipsi debet.* Fluunt enim hinc

xxiv. A. *Abnegatio sui & propria voluntatis.* Nam qui se ipsum cognoscit, cognoscit se

se creaturam, servum esse: Creatorem verò Dominum, adeoque officium esse Domino obedire, non sibi.

xxv. B. *Humilitas*. Cognoscit enim se nihil esse: Omnia Deo accepta referri debere adeoque humilitati studebit.

xxvi. C. *Temperantia*. Qui seipsum cognoscit, reperiet cupiditatem voluntatem carnis esse, cupiditatem esse insatiabilem, plura mala & sibi, & animæ, & proximo causari; Hinc colliget appetitus temperandos esse.

xxvii. D. *Vigilantia & assiduitas*. Cognoscens seipsum observat vires mentis & corporis, membra quoque corporis ad laborandum data, facta esse. Unde vigilare & laborare officium suum esse novit.

xxviii. E. *Patientia*. Homo sui gnarus novit plurima peccata à se patrata esse. Fateretur adeoque se gravissimas poenas promeritum esse. Patiens igitur est in castigationibus ferendis, tantò magis, quoniam non solum eas justas invenit, sed simul corpori & animæ salutare.

xxix. *Habet notitia sui gradus*. Quidam generaliore, hinc obscuriore, specialiore alii, hinc clariore sui notitiam habent. Quidam magis corporis sui, quàm

animæ cognitionem tenent: Alii & corporis & animæ, ceu cujus cognitio difficilior est. Optima est illa sui notitia, quæ physicam & pneumaticam, quam de se habet, cognitionem statim ad gloriam Dei & mores suos reformandos, expoliendos refert. Hinc

xxx. *Quò notitia sui excellentior, eò magis ducit ad officia Christiana præstandum.* Quò enim homo mage scit se nihil esse, se corruptissimum nihil boni cogitare, velle posse, tantò humilior erit: Tantò magis quoque seipsum abnegabit, obediet verò DEO suo. Quare Philosophus fastuosus certissimum de se documentum præbet, quod se non inspexerit.

xxx. *Se cogniturus primò ad se attendat.* Facillima videtur opera (quam tamen oppido pauci subeunt) seipsum, cogitata, judicia, volitiones, affectus, imagines, discursus, facta, esum, potum &c. observare. Hæc si quis curatè observat, assequetur sui notitiam. Uti enim arboris naturam disco attendens ad succum, florem, folia, fructus, sic quoque me ipsum disco observans meos internos & externos corporis & animæ motus, fructus. Maximè si observo causam impellentem & scopum actionum mearum.

Tum

Tum perspectam sibi reddat naturam humanam ex Philosophia Christiana & Scripturâ. Philosophia Christiana proprias observationes juvabit, promovebit. Illa enim colligit, bene disponit, illustrat, probat naturam, facultates, actiones hominis, docetque elucen-tes hinc perfectiones divinas. Scriptura verò tradit, quales actiones humanæ esse debeant & quænam malæ, voluntati divinæ repugnantes sint. Hujus medii subsidio facilius se novit, dicta confert cum sua natura, actiones malas, quas ex judicio carnis, vel bonas vel indifferentes habuisset, à bonis discernit. *Conversetur cum Philosophis & Theologis Christianis.* Horum discursus, monita, actiones juxta materiam se cognoscendi dabunt.

xxxii. *Cognitione sui ipsius nihil æquius est.* Vel annon æquissimum, ut homo, qui facultatem cognoscendi à DEO accepit, eam exerat circa se? Quodnam objectum propinquius? Nullum quoque tam curatè inspicere potest homo, quàm se. Alia, quæ sensibus externis tantum percipit, sibi innotescere nequeunt, ut quæ intra se aguntur. Hinc

xxxiii. *Cognitio sui ipsius optimum medium est ad res corporeas & spirituales, has maxime, cognoscere*

cognoscendum. Est enim homo artificiosissimum opus DEI, *Μικροκόσμος*, constat ex corpore & animâ, particeps adeoque est duarum Naturarum, quas Creator condidit. Hinc homo, qui se novit, novit summum Numinis artificium: Novit quoque proximi naturam, quæ sibi cum eo communis est. Novit insuper mundum, ceu cuius aliquod compendium ipse est. Novit Spiritus, Angelos, quibus quoad mentem similis existit. Si homo, qui se novit, reginitus est, novit quoque DEUM, nam reginitus naturæ divinæ particeps. Et hæc novit modo reali, solido, interno, qui longissimè superat modum cognoscendi verba-lem, superficialium, externum: Pluribus verbis, definitionibus, periphrasibus non poteris sensus explicare, quorum facultates, operationes, ministeria intelliget is, qui ad se attendit. Maximè id valet ratione animæ huiusque naturæ & actionum. Spiritualia enim communiter verbis à rebus corporeis desumptis exprimuntur, hinc crassum conceptum penes audientes gignunt, nisi hi propria experientia sciant, quod corporale est removere & subintelligere rem Spiritualem, quam alter subintellectam vult.

XXXIV. Denique Cognitio sui ipsius tum morum naturam in se, tum in specie, quos ipse exprimit, docet. Quid odium, invidia, ebrietas, amor, patientia &c. sint, nemo rectius, clarius cognoscet, quam qui ad se attendet. Qua occasione in se oriantur: Quomodo crescant & conserventur. Quos effectus relinquant. Hinc quoque statum suum moralem, vitiosum aut Christianum perspicere potest. Adeoque si in illo hæret, argumentum habet, ut quantocyus ex illo emergere contendat. Si in hoc degit 1. materiam lætitiæ tener, simul cognoscit quos mores indies felicius exprimere debeat.

XXXV. Ultimò ex precipuis officiis est examen & exploratio sui. 1. Cor. XI. 28. Hoc verò officium præitari nequit, nisi ab illo, qui se cognoscit. Præstatur autem facilè ab homine sui gnaro.

Alia motiva adduxi Cap. I. de Inspectione sui ipsius, quæ ibi reperies.



CAPUT XVI.

DE

Abnegatione Sui ipsius.

Σύνοψις

EX cognitione sui ipsius
sequitur abnegatio
sui ipsius. §. I.

Opponitur propria volun-
tas & Dominium. §. II.

In quo consistat. §. III.
IV.

Vitium hoc committitur
ratione DEI. §. V. VI.

Et ratione hominum. §.
VII.

In rebus communibus &
sacris. §. VIII.

Gradus notantur. §. IX.

Ostenduntur fontes. §. X.
XI.

Vitii magnitudo argu-
mentis probatur. §.
XII-XVII.

Subsequitur ipsa sui ipsius
abnegatio. §. XVII.

Eam poscit homo naturā
à DEO aversus. §.
XVIII. XIX.

Quare se totum abnegare
debet. §. XX.

Credere verò & obedire
debet DEO immediate
& mediate. §. XXI.

Abnegatio requiritur uni-
versalis. §. XXII.

Omniumque sine exceptio-
ne Christianorum est.
§. XXIII.

Difficultas solvitur. §.
XXIV.

Media abnegationis sunt
vel in proprium usum.
§. XXV. XXVI.

Vel in usum alienum. §.
XXVII.

Argumenta commoventia
verò sunt. I. Prima
Christianismi regula.
§. XXVIII.

II. Eximius usus. §. XXIX.

III. Christi Exemplum. §.
XXX.

1. Cogni-

§. I.

Cognitionem sui ipsius ex se gignere abnegationem sui ipsius, propria voluntatis & Domini, superiori capite indicavimus. Quare nunc hac de abnegatione sui ipsius atque, quod ei opponitur, vitio astuci sumus.

II. *Vitium, quod ei opponitur, est propria voluntas & Dominium.* Non eo sensu, quando quis actionem suscipit, peragit, motus consideratione legis & circumstantiarum, quæ usum adferunt. Neque is vitiosâ propriâ voluntate laborat, qui in rebus gravissimis non simpliciter fidem aliis vel auctoritate eminentibus habet, sed ipse examine coram DEO & verbo ejus instituto judicat, eligit, rejicit.

III. *Vitiosa est illa propria Voluntas, qua quis neglectâ vel etiam violatâ lege ratione superioris vult, eligit, rejicit, agit, quod sibi videtur.*

IV. *Hæc duo ergo faciunt, declarant propriam voluntatem, de qua hic agimus.* I. Justum Dominum ejusque voluntatem sapientem, justam, æquam, utilem nullo loco habere, transgredi, contemnere. II. Actiones suas ex proprio motu determinare, agere, peragere.

V. *Vitium hoc committitur ratione DEI & ratione hominum.*

VI. *Ratione DEI*: Hic enim est absolutus Dominus noster, qui omnibus præcipiendi jus habet. Cujus quoque mandata commendata sunt ab internis argumentis, quæ se ad conscientiam demonstrant. Homo verò, qui voluntatem DEI sive in naturâ revelatam sive in scripturâ patefactam pro norma actionum non habet, vult verò quod sibi videtur, vitiosâ hac voluntate affectus est.

VII. *Ratione hominum sive imperantium sive subjectorum. Ratione illorum*: Quando subditi, cives veluti, liberi, servi facere volunt, quod ipsi constituerunt, quanquam imperantes limites sibi præscriptos aut concessos non transgrediantur, leges adeoque præscribunt conformes cum voluntate DEI, jure suo & civium salute. *Ratione horum* quando Magistratus, qui servi DEI sunt, propria auctoritate in creaturas DEI dominantur, hinc leges condunt injustas, bonos, pios condemnant, vexant, malos impios absolvunt, aut saltem tolerant.

VIII. *Propria voluntas committitur tum in rebus communibus, tum in sacris quæ fidem & cultum concernunt. In illis*: ubi res politicæ, domesticæ, artificiales non nisi geruntur ex propria voluntate, quorum Symbolum

lum est: *Sic volo, sic jubeo, sit pro ratione voluntas*, ut si quis edit, bibit, se vestit, ut vult. *In his*: Si DEUS & res divinæ creduntur, quales esse homines volunt. Veluti DEUS fingitur misericors erga peccatores irrepiscentes, modò baptizati sint, aut huic vel illi Religioni nomen suum dent. DEUS talis revera non est. At homines volunt, ut talis sit. Sic quando modus volendi eligitur proprius, qui hinc notanter dicitur *ἑλεθορηκία*, *Religio propria voluntatis*. Coloss. II. 23.

ix. *Vitiosa hujus voluntatis varii dantur gradus*. Quò clarior, sapientior, magis æqua & justa voluntas superioris est, eò peccaminosior propria voluntas inferioris. Qui omnia agit ex propria voluntate, ille magis peccat, quàm qui quædam. Sic qui in rebus sacris DEUM fingit, colit ex propria voluntate vitiosiori laborat voluntate, quàm qui idem agit in rebus communibus. Pariter qui suam voluntatem opponit voluntati divinæ, quàm qui humanæ. Vix vitiosior quorundam voluntas est, quàm eorum, qui non solum ipsi ex propria voluntate res divinas fingunt, DEUM colunt, sed & vi cogunt, ut alii, qui in conscientia convicti sunt, se

U

omnia

omnem propriam & humanam voluntatem in causa Religionis abnegare, atque unice velle debere, uti DEUS & Rex JESUS Christus vult, contra voluntatem supremi Numinis id ipsum velint, quod illi *ἡλωθησκέυοντες* volunt.

x. *Vitium hoc à nativitate nobis inest.* Carnis quippe, quam à naturalibus parentibus habemus fructus est. Unde in infantibus recens natis clarissimè se exerit. Volunt, ut omnia ex propria voluntate fluant, parentes, fratres ancillæ &c. agant, quod ipsi volunt. Sin, lachrymantur, resistunt. Aliquando propria voluntas iis adeo placet, ut non impleta eos in morbum, epilepsiam conjiciat. Deficiente sapiente ac severâ educatione crescit venenata hæc arbor & malè fecunda est. Quando scil. parentes cæco amore erga liberos omnia ex nutu eorum agunt, cibum, potum, vestitum liberis dant, qualem & quantum volunt. Hâc ratione crescit, confirmatur propria voluntas, ut subsequente ætate tantò minus ad jussu superiorum, nequidem summi Numinis, inclinari ac flecti queat.

x. *Propria voluntatis causa quoque est per-
versus sui ipsius amor.* Si enim propius atten-
dimus, quare hoc vel illud homo velit,
repe-

reperimus, esse perversum sui ipsius amorem. *Insuper ignorantia.* Voluntas DEI ignoratur. Voluntas propria aut saltem humana in causa Religionis pro divina habetur.

xii. *Quantum vitium propria voluntas sit, constat, I. quia fons est omnium peccatorum.* Vel quid est peccatum, quam propria peccatoris voluntas, quâ non vult facere, quod DEUS, lex vult, sed quod ipse vult. Homicidium est voluntas occidendi proximum actualis:

xiii. II. *Propria voluntas DEUM, Religionem, verbum DEI, preces; omnia sacra tollit.* Deus est independens, à quo alia quævis dependent. At propria voluntas à nemine dependere vult. Religio est cognitio & cultus DEI, qualem cultoribus suis præscripsit. At propria voluntas DEUM finigit, qualem vult, & reveretur ipsum, uti vult. Voluntas DEI est voluntas divina hominibus patefacta, ut regula sit voluntatis nostræ: At propria voluntas de aliâ tanquam regula nihil scire vult. Qui precatur, precatur, ut voluntas DEI fiat. At ille, cui propria voluntas, vult ut sua perficiatur.

xiv. III. *Propria voluntas omnem ordinem in civitate, familia subvertit.* Magistratus

vult, ut mores gerantur iustis, sapientibus legibus salutem civium spectantibus. At propria voluntas aliud sive contrarium vult. Parentes volunt, ut hic ille labor in bonum familiæ subeatur: At liberi propriæ voluntatis contrarium volunt. Turpissimum vitium oportet sit, quod optimè ordinata invertit.

xv. IV. *Propria Voluntas in causa est, ut præstantissima ac sanctissima in se munera talia non sint.* Officium Pastoris præstantissimum munus est. Qui verò illud proprio motu suscipit, peragit, non DEI voluntatem, cultum præscribit, mandat, sed suam aut humanam, ille nihil minùs quàm Pastor est.

xvi. V. *Propria voluntas non solum aliis adversa, sed & sibi ipsi irrequiei causa existit.* Invenit enim semper, qui ipsi resistunt, qui cum eo litigant, pugnant. Conscientia accusat, Spiritus S. cujus suggestionibus contradicit, ipsum convincit de peccato. Exors quoque vitæ æternæ, nam ille solus in regnum DEI intrat, qui voluntatem DEI facit. Matth. VII. 21.

xvii. *Sequitur abnegatio sui ipsius, quæ homo Christianus se ipso abnegato vult, quod DEUS vult & eo modo, quo DEUS.*

xviii. *Homo, qui se ipsum abnegare debet,*
con-

consideratur per peccatum aversus à DEO: què sui ipsius Dominus & DEUS est: qui omnia agit, mittit propter se: cujus hinc actiones interne & externa se nonnisi respiciunt.

xix. Christianus, qui se ad DEUM convertit, hinc se ipsum abnegare debet. Adeoque abnegat Dominium in se, jus sibi ipsi in se nullum tribuit, transfert verò omne in DEUM, JESUM Christum, quem DEUS Dominum fecit, pro Domino habet, qui ipsi jure præcipere valet.

xx. Abnegat propria cogitata de se, eruditione, dignitate, divitiis &c. constituit firmiter tales in se orituras cogitationes reprimere, opprimere. Ex adverso cogitare de DEO & rebus divinis. Abnegat propriam voluntatem. Non vult ex proprio motu, motu carnis suæ, sed quod vult, vult juxta voluntatem DEI, superioris. Abnegat proprios affectus, iram, invidiam, odium, metum, tristitiam, amorem, spem, lætitiā in rebus propriis. Irascitur, odio habet, invidet regno Satanæ: Metuit peccatum: Tristis est ob peccatum. Amat DEUM & proximum, spem habet de rebus promissis: lætatur de bonis spiritualibus. Abnegat proprias imagines, propriam memoriam. Obliterat quantum pote, imagines mundanas:

Carnales... Pingit imagines rerum & personarum sanctarum. Ex memoria delet suavia carni: Imprimunt verò objecta divina, JESUM Christum, legem, Evangelium. *Abnegat proprios sermones & facta.* Non loquitur de se, rebus caris, jocosis: Nec agit, quæ prius agebat. Loquitur verò quæ ad gloriam DEI, ædificationem proximi: Agit actiones sibi præceptas, amorem, justitiam &c. *Abnegat statum & professionem suam.* Idque dupliciter. Si status & professio in se mala, eam prorsus deserit. Si status & professio in se bona, eam tamen hactenus nonnisi propter se, lucrum, honorem administravit, in posterum administrat propter DEUM & ex nutu DEI.

xxi. *Qui verò seipsum abnegat, ille alium habere debet, cui credat, obediat.* Hic verò est DEUS, JESUS Christus, quem ex Patris cœlestis imperio audire debemus. Etiam certâ ratione homo scilicet si hic alteri ex ordinatione divina præfectus est, uti Magistratus subditis: Pater familiæ. Si dein nihil contra DEUM mandat: Aut si homo, quicumque ille, suadet, monet, docet, quod verum, sanctum, justum, æquum.

xxii. *Abnegatio requiritur universalis sive Christianus omne proprium, non solum unum*

unum aut alterum abnegare debet. Hinc Lex Christiani est: *abneget se ipsum*, se adeoque totum in cunctis cogitatis, cupiditatibus, sermonibus, factis, quæ ex sua carne ortum habent & repugnant voluntati divinæ. *In causis communibus* vitam hanc concernentibus, cibo, potu, vestitu, domicilio, eruditione, arte, statu, quatenus hæc desiderantur, possidentur contra voluntatem DEI. *In causis sacris*, cognitione, cultu, precibus, eleemosynis, jeuniis. DEUM cognoscere, colere, precibus adire non licet, uti nos volumus, sed uti ipse DEUS.

xxiii. *Abnegatio quoque omnibus Christianis incumbit sine exceptione statûs, conditionis, sexûs. Si quis post me venire vult, ille seipsum abneget* Matth. XVI. 24. adeoque omnis ad abnegationem tenetur, qui Christi discipulus esse vult. Imò quò quis majorem hominis Christiani statum conscendit, tantò magis seipsum abnegare debet. Ratio clara. Talis plenior voluntatis divinæ notitiam habet: Talis quoque seipsum, corruptionem suam & aversionem à DEO clariùs inspicit, hinc seipsum rectiùs abnegare potest, debet. Provecior Christianus increpationem ab omni, dignitate & eruditione longè inferiori, admittit. Ille quoque aliis

sive in civilibus sive Ecclesiasticis præfectus nihil præscribet, mandabit ex suo proprio commodo aut honore suo. Hinc non alii munera publica rectius administrant, quàm qui se ipsos abnegant.

xxiv. *At ais : quomodo meam rectè discerno à voluntate DEI ? Ne meum habeam , quod divinum , aut divinum , quod meum est , atque ita abnegem divinum , velim verò meum.* R. Si seriò studes te ipsum abnegare, cognosces tuum & discernes à divino: quanquam ab initio non sine difficultate vel etiam errore. Tene itaque hanc methodum: Tua sunt vel clarè talia tibi nota vel incognita. Quod illa attinet, mox abnega, evita, fuga. Quod hæc, roga DEUM, ut te in sui notitiam indies magis deducat, atque eo fine, ut cuncta, quæ tua sunt, repellas, tollas. Tum sollicitus attende ad cogitata, desideria, sermones & facta tua & observa, an DEUM & res divinas respiciant: an legi divinæ conformia: an gloriam DEI & salutem proximi spectent: vel an mundana, vana, carnalia sint: an repugnent legibus divinis: an tendant ad se, proprium suum commodum & gloriam.

xxv. *Media abnegationis sui ipsius sunt duplicis generis. Quædam in usum proprium: Alia in usum proximi.*

xxvi. *Illā*: 1. Studere pleniori & accuratiori cognitioni vitiorum & virtutum: vitia enim sunt nostra, sed virtutes Dei. 2. Studere consecutioni, conservationi Spiritūs S. Hic enim ceu Spiritus Dei semper contra carnem nostram appetit, castigat nos ob impietatem & concupiscentias mundanas: Monet verò & militat pro voluntate divina. 3. Voluntatem Dei in factis revelatam sibi notam facere. Hæc enim clarè distinguit nostram à divina. In iis maximè locis, in quibus voluntas Dei à falsis glossis vindicatur, uti Matth. V. 6. 4. Minima, quæ quis ad *suum* pertinere novit, abnegare, rejicere. Qui in minimis fidus est, ille ad majora abneganda aptior est. Quum contrà, qui opinatur parùm referre an levia & minora, uti habet, abneget nec ne, longè ineptior ad majora & graviora evadet. Assuefacere se ad attendendum in cunctis actionibus, jussibus, qui inferioribus præscribendi sunt, ad voluntatem, leges, rationes, non verò ad commodum, honorem.

xxvii. *Hæc*: I. Frangere voluntatem liberorum in infantia. Primâ ætate non tam rationibus educandi sunt, quàm facto ipso. Nondum enim rationes turpis & honesti assequuntur. Igitur cibus, potus, vestitus

U 5

dan.

sive in civilibus sive Ecclesiasticis præfectus nihil præscribet, mandabit ex suo proprio commodo aut honore suo. Hinc non alii munera publica rectius administrant, quam qui se ipsos abnegant.

xxiv. *At ais: quomodo meam rectè discerno à voluntate DEI? Ne meum habeam, quod divinum, aut divinum, quod meum est, atque ita abnegem divinum, velim verò meum.* R. Si seriò studes te ipsum abnegare, cognosces tuum & discernes à divino: quanquam ab initio non sine difficultate vel etiam errore. Tene itaque hanc methodum: Tua sunt vel clarè talia tibi nota vel incognita. Quod illa attinet, mox abnega, evita, fuga. Quod hæc, roga DEUM, ut te in sui notitiam indies magis deducat, atque eo fine, ut cuncta, quæ tua sunt, repellas, tollas. Tum sollicitus attende ad cogitata, desideria, sermones & facta tua & observa, an DEUM & res divinas respiciant: an legi divinæ conformia: an gloriam DEI & salutem proximi spectent: vel an mundana, vana, carnalia sint: an repugnent legibus divinis: an tendant ad se, proprium suum commodum & gloriam.

xxv. *Media abnegationis sui ipsius sunt duplicis generis. Quædam in usum proprium: Alia in usum proximi.*

xxvi. *Illud*: 1. Studere pleniori & accuratiori cognitioni vitiatorum & virtutum: vitia enim sunt nostra, sed virtutes DEI. 2. Studere consecutioni, conservationi Spiritus S. Hic enim ceu Spiritus DEI semper contra carnem nostram appetit, castigat nos ob impietatem & concupiscentias mundanas: Monet verò & militat pro voluntate divina. 3. Voluntatem DEI in sacris revelatam sibi notam facere. Hæc enim clarè distinguit nostram à divina. In iis maximè locis, in quibus voluntas DEI à falsis glossis vindicatur, uti Matth. V. 6. 4. Minima, quæ quis ad *suum* pertinere novit, abnegare, rejicere. Qui in minimis fidus est, ille ad majora abneganda aptior est. Quum contrà, qui opinatur parùm referre an levia & minora, uti habet, abneget nec ne, longè ineptior ad majora & graviora evadet. Assuefacere se ad attendendum in cunctis actionibus, jussibus, qui inferioribus præscribendi sunt, ad voluntatem, leges, rationes, non verò ad commodum, honorem.

xxvii. *Hæc*: I. Frangere voluntatem liberorum in infantia. Primâ ætate non tam rationibus educandi sunt, quàm factò ipso. Nondum enim rationes turpis & honesti assequuntur. Igitur cibus, potus, vestitus

U 5 dan.

dandus est, qui ipsis necessarius & utilis. Labor, qui subeundus, præscribendus est &c. Quamquam & parentibus incumbat, ne liberos educant sine ratione, prudentia, nullâ legum divinarum ratione habita: II. Successu temporis liberos adultiores per argumenta & sapientes leges in rebus communibus & sacris informare. Subsequens enim ætas admittit demonstrationes, rationes, leges earumque vim, liberi verò ita informati assuescunt argumentis, legibus: DEUM cognoscendum, colendum esse intelligunt, uti ipse DEUS vult, ut cognoscatur, colatur, non verò ut ipsi aut alii homines volunt, qui ἐβελόθησκειαν commendant, urgent.

XXVIII. *Ad mediis his debite utendum atque ipsi officio satis faciendum moveat nos prima Christianorum lex: Si quis vult post me venire, ille ἀπαρνησάτω ἑαυτὸν abneget se ipsum.* Matth. XVI. 24. Christus hoc officium primò præscribit, ut doceat esse illud ex primis & necessariis, sine quo Christianus nemo fieri potest. Qui enim se ipsum non abnegat, ille sibi ipsi Dominus est; Ille agit, quod vult: ille semper commodum & gloriam suam querit: ille adeoque DEUM & JESUM Christum pro Domino suo non agno-

agnoscit: ille non resistet cupiditatibus mundanis, ille crucem, ignominiam, dolorem non subibit. Nam hæc contra se sunt. Itaque Christianus futurus seipsum abnegare debet. Salvator boni doctoris partes implevit removens statim ab initio maximum, quod Christianismo opponitur, obstaculum.

XXIX. *Moveat nos denique eximius usus.*
Homo enim, qui seipsum abnegat, doctorem, ducem in omnem veritatem, sanctitatem, tranquillitatem, felicitatem assequitur. Homo sibi ipsi cæcus Dux existit: nam quoniam tenebricosus, in tenebris non nisi ambulat & nescit, quo vadit. Qui verò se abnegat, Christum ducem sequitur, ille ex eo audit cœlestem doctrinam, lucem cernit monstrantem rectam vitam. Homo sibi ipsi frenum cupiditatum solvit, sed qui se abnegat, illi gratia salutaris apparet castigans, ut abneget impietatem, & concupiscentias mundanas, vivat autem temperanter, justè & piè in præsentī seculo. Homo sibi auctor irrequiei est: Qui verò se abnegat, tranquillam vitam ducit, nam abit is ad Christum, qui animabus quietem dat. Homo sibi quoque omnis infelicitatis causa est: Qui verò se abnegat, atque Christum
Domi-

Dominum habet, colit, ille à Principe salutis salutem accipiet.

xxx. *Moveat nos Christi exemplum.* Phil. II. 5. JESUS Christus, quanquam filius DEI, Dominus ex cœlo, quique malum nullum fecit, se ipsum tamen abnegavit. Patri obediens in mundum venit, in mundo obedientiam didicit, passus est, noluit, ut sua voluntas fieret, sed Patris. Quantò magis nostrum est nos abnegare, qui filii iræ cum filio DEI, servi terrestres cum Domino cœli nullatenus comparari possumus: Qui vocati, ut Christo similes existamus: Qui toties precamur: *fiat voluntas tua sicuti in cœlo, ita etiam in terra.*



CAPUT XVII.

DE

HUMILITATE.

Σύνοψις.

EX abnegatione sui ipsius, de qua superiori capite, fuit humilitas. §. I.

Cui opponitur superbia. §. II.

Superbus est.

1. Qui ortum, conservationem, gubernationem, maxime corruptionem suam ignorat. §. III.

2. Qui

1. *Qui sibi arrogas, quæ non habes.* §. IV.
2. *Qui se effert ob ea, quæ aliunde accepit.* §. V.
3. *Cui sua tantum placent.* §. VI.
4. *Qui sibi confidit.* §. VII.
5. *Qui mente, corpore & rebus externis superbit.* §. VIII.
6. *Qui erga DEUM.* §. IX.
7. *Et proximum superbus est.* §. X.
8. *Qui humilitatem fingit.* §. XI.
9. *Hinc constat, dari & varias species & varios gradus superbia.* §. XII.
10. *Prudens sibi cavet etiam ab infimis.* §. XIII.
11. *Deseguntur origines hujus vitii.* §. XIV.
12. *Obiectio solvitur.* §. XV.
13. *Et Enormitas monstratur.* §. XVI - XIX.
14. *Vitii tractatione absoluta, dicendum de humilitate.* §. XIX.
15. *Cujus sedes cer.* §. XX.
16. *A quo sublimia absunt.* §. XXI.
17. *Et cui humillima insunt.* §. XXII.
18. *Talis fatetur, se præclarum aliquid præstare hand posse.* §. XXIII.
19. *Hinc diffidit sibi, confidit verò DEO.* §. XXIV.
20. *Si munus aliquod ei imponitur.* §. XXV.
21. *Non superbit ob munus præclarè gestum.* §. XXVI.
22. *Non etiam diffitetur peccata sua, quando eorum confessio requiritur.* §. XXVII.
23. *Talis quoque humilis est in omni statu, prospero ac adverso.* §. XXVIII.
24. *Etiam in colloquiis.* §. XXIX.
25. *Nec non in viâ, amictu & domicilio.* §. XXX.
26. *Humilis insuper est coram DEO.* §. XXXI.

Es coram hominibus. §.

XXXII.

Unde gradus humilitatis
constant. §. XXXIII.

Signa exploraturi. §.
XXXIV.

Naturâ humilitas nulli
homini est. §. XXXV.

Media ad eam consequen-
dam notantur quatuor.
§. XXXVI.

Motiva verò septem ex
his primum voluntas

DEI. §. XXXVII.

Alterum, quod humilitas
fundamentum omnium

aliarum virtutum sit.

§. XXXVIII.

Tertium ejus summus or-
natus. §. XXXIX.

Quartum, quia conciliat
gratiam divinam ac
humanam. §. XL.

Quintum, furctus ejus,
qui Constantia ac quies.
§. XLI.

Sextum, quoniam humi-
litas certissima ad cœ-
lum via est. §. XLII.

Septimum, eo quod humi-
litas Christianus affe-
ctus. §. XLIII.

§. I.

Abnegatio sui ipsius, de qua superiori ca-
pite, ex se gignit humilitatem, superbus
non erit, qui se ipsum abnegat.

II. Humilitati opponitur superbia, quâ homo
immemor vilitatis suae, plus sibi tribuit, quàm
tribuere debet. Id quod variè fit.

III. Superbus est, qui nescit ortum, conser-
vationem & gubernationem, maxime corruptio-
nem suam, qua tot vera humilitatis argumen-
ta prabet. Nescit se ante paucos annos in
rerum

rerum natura non fuisse : se ex foedido semine in utero materno prognatum inter stercus & urinam per novem menses latuisse : Nescit se singulis momentis in nihilum prolapsurum, nisi potenti Numinis manu servaretur : Nescit se in manu DEI esse uti pila in manu lusoris, atque huc illuc volvi, volente & volvente liberrimo DEO. Nescit naturam suam Carnalem, peccatricem, domicilium impurorum Spirituum hinc filium Gehennæ. Nam quia homo hæc ignorat, prima fundamenta fastûs in ipso ponuntur.

iv. *Superbus est, qui sibi arrogat, quæ non habet.* Apoc. III. 17. Solet enim superbus cæcus esse, qui imaginatur se possidere, quod nullatenus possidet aut si exiguum quid possidet, ingens illud esse fingit. Deformis superbit ob formosam faciem, rudis ab eruditionem. Aut qui fundamenta jacuit vel instrumenta, linguas veluti, tractare didicit, opinatur se veram sapientiam exactè nosse.

v. *Superbus est, qui se effert ob ea, quæ aliunde accepit sive sint bona fortuna sive corporis sive anima.* Deut. VIII. 13. 14. 17. Dan. IV. 27. Hic valet illud Pauli, *quid habes, quod non accepisti : Si verò accepisti, quare gloriaris ac si non accepisses,* 1. Cor. IV. 7. Mendicus, qui

qui arrogans est ob largiorem stipem collectam, intolerabili fastu laborat. Huic similes sunt elati ob peregrina bona. Et quid sunt bona fortunæ? Neminem sapientem, sanctum, felicem reddere queunt. Bona sunt, quibus pessimi quique abundant. Bona fluxa, peritura. Etiam bona corporis communia nobiscum bestiis: Imo bestię homines fortitudine, magnitudine, agilitate, decore &c. communiter superant. Animæ bona quidem ea, de quibus hætenus superant, sed tantò periculosiora, quò majora & cum fastu conjuncta existunt. Diabolus bona spiritualia præ alia creatura accepit. Quia verò se extulit, ex cælo in infernum detrudebatur.

VI. *Superbus, cui sua tantum placent; Hinc avādiſ dictus.* Effusè amat, æstimat sua cogitata, judicia, ratiocinia, decreta, consilia, dicta, facta: sua sunt optima, acutissima, solidissima, prudentissima, sapientissima, selectissima, utilissima: Aliorum cum suis comparari nequeunt. Simia solet catulos suos magni facere.

VII. *Superbus sapientia, fortitudini sua confidit, nec quidquam sibi metuit.* Apoc. XVIII. 7. Quia enim cæcus nescit imbecillitatem suam, plus sibi tribuit, quàm possidet & alterum

alterum præ se contemnit, hinc fit, ut sibi confidat.

VIII. *Superbus mente, corpore, rebus exter-
nis.* Fastus in mente incipit, ceu in qua homo
ὕψιλοφρονεῖ *alta sapit*, cogitat, imaginatur, in-
gentia sibi promittit. Hinc fastus fermenti
instat, ad corpus transit, atque illud intumescere facit. Baccæ tument, oculi & supercilia alta, collum erectum, incessus gravis, totum denique corpus elatæ mentis index est. Maximè tamen os ὑπέρβουλα *presumida*, verba ampullata, jactabunda eloquitur; Impatiens est, si alii proximum laudant, aut intercipiunt, quem de se inchoavit magnificum discursum. Fastus in corpore non subsistit, transit quoque ad vestitum, ædes, supellestilia, stationes. Hinc vestes sibi confici jubet pretiosas, pompales. Ædes quoque & supellestilia nitida, varia, nova semper & recens inventæ formæ conformia sibi parat. Si verò opes horum emtionem denegant, formam tamen singularem, quò se ab aliis distinguit, aliquando non sine publico risu eligit. Stationem eminentem prænsat, mox altiore cogitat, quærit, ambit, nec quiescit, donec fastigium conscendit.

IX. *Superbus erga DEUM.* Talis, qui gloriatur

X

riatur

riatur coram DEO de operibus suis : Qui confidit meritis suis atque propter ea mercedem à DEO poscit : Qui vias DEI culpatur, reformat, stultè arbitratur, res juxta modulum ingenii sui rectiùs geri : Murmurat, quando res propriæ non ex voto fluunt, aut si alios sibi prælatos videt.

x. *Superbus erga proximum tum inferiorem, quem nullo loco habet, contemnit, quæ iste dicit, consulit, agit, levitia habet, maxime in causa Religionis, Laicos ducit pro populo maledicto, qui legem non novit. Unde illi sapientia, quam in scholis superioribus non didicit? tum parem, cui se multum præfert: Quæ in eum contulit dona DEUS, minuit, traducit, famam ejus arrodit, inutilem, quantum penes se, reddit, ut ipse solus audiatur, laudetur. Tum superiorem: Quam ipsi debet reverentiam, eam non exhibet, saltem non ex animo: Invidet locum, quem sibi deberi potius arbitratur: Invenit semper, quæ in ejus actionibus reprehendat. Monitori asperum se præbet, nec vult culpari, licet factum culpabile patnaverit.*

xi. *Notanda quoque est ficta humilitas, quæ revera nihil aliud quam superbia gradus major. Qualis eorum, qui eligentes certum vitæ genus, tenuem amictum, victum, ab aliis*

se sine solida ratione vel præcepto divino discernunt, atque in his sanctitatem singularem constituunt, Coloss. II. 18. 23.

XII. *Ex dictis jam constat non solum varias fastus species sed & varios gradus dari.* Jam is superbè agit, qui se magno loco habet sed magis superbus is, qui proximum, etiam infimæ sortis hominem, contemnit. Et hunc superat, qui pares aut superiores despicit. Superbia est, culpæ actiones humanas; At longè major actiones DEI. Fastus mentis jam vitium est: Si verò illud ad corpus transit, gravius est. Fastus ob bonæ fortunæ & corporis vitiosus, sed vitiosior ob bonæ spiritualia: Hæc enim præ aliis homini ad humiliationem dantur, sed in materiam fastus commutata DEO ejusque summæ gloriæ tantò magis adversantur. Id quod exemplis malorum Angelorum hominumque, qui præ aliis res sacras tractant, noruntque, constare potest.

XIII. *Quia gradus hi combinati sunt, oportet caveat sibi homo ab infimis, si summos detestatur.* Certè qui sua extollit, aliena deprimet: Qui rusticum, civem despicit, facile despiciet, saltem succedente ætate, suæ, classis hominem: Qui locum dat superbis cogitationibus, ille mox externæ superbix

signa edet. Vitia quanquam non simul & semel omnem perfectionem consequantur, tandem tamen ad perfectionem suam assurgunt, nisi obstaculum ponas, tollas, eradices.

XIV. *Vitium hoc sequenti circiter modogignitur ac crescit.* Homo naturâ cæcus est, nescitque rerum ortum ac pretium. Hinc quæ habet, quanquam aliunde acceperit, ut sua agnoscit, æstimat. DEUM ceu Spiritum ejusque bona spiritualia prorsus ignorat. Accedit ad hanc cœcitatem & ignorantiam Apoc III. 17. imprudens educatio & informatio; si rubent baccæ, facies clara, coram laudatur infans; si novam, nitidam vestem gestat, rursus laudatur & præfertur aliis. Labor, diligentia, obedientia aliaque commendantur promissa dignitate & excellentia præ aliis. Divitum, potentum liberi præferuntur liberis pauperum, civium, rusticorum. Hæc & similia eum effectum in carnali nostrâ natura relinquunt, quem fermentum in massa. Liberi enim ratione nondum ita pollent, ut vanos & mendaces ejusmodi sermones dignoscere queant: Potius carnali eorum ad tumorem proclivi naturæ placent, seque efferunt super alios. Si adulescunt, superba hæc cogitata per axiomata & præ-

& praxin mundanam confirmantur. *Quicquid inter homines eminet, excellit, singulare est aut tantum eminere, excellere, singulare esse putatur, id solet mundus aestimare; Hinc qui talia possident, aut arbitrantur se possidere, ideo superbiunt. Huc pertinent formosa facies, procera statura, robusti lacerti. Hinc formosi deformes, claudicantes, proceri pusillos, fortes imbecilles contemtim habere solent: divitia: Quid communius, quàm ut divites pauperes, indigos abjectè tractent; amico colloquio aut aspectu indignos judicent? Genus: Ignobiles, ut dicuntur, nobilibus crasso aëre nati, formati ex alio luto videntur. Status: status statu honoratior esse vult: Hinc inter illos æmulatio. Status Politicus Ecclesiasticum, hic illum antecedere contendit. Dignitates: Qui in majori dignitate constitutus se effert super alium in inferiori putatque dignitati suæ adversari, si hunc amicè & honorificè exciperet. Eruditio: solet enim scientia, quæ absque amore, mentes inflare. 1. Cor. VIII, 1. Hinc literatus illiteratum *אֲדָמָה*, *populum terræ*, qui ad terram colendum damnatus, qui aliam utilitatem societati non exhibet, quàmquam bestia, reputare.*

xv. *At dices: An non divitia, genus, status, dignitates Eruditio à DEO sunt?* R. Sunt

certaina ratione. Sed non sunt, ut superbias, aut proximus contemnatur. 2. Quis te divitem, potentis filium, senatorem, eruditum fecit? An DEUS? si DEUS, agnosce donum & utere eo ad gloriam ejus in omni subjectione. 3. Quæcunque DEUS instituit, instituit tum ad communem usum tum ad explorandum. At superbus divitias, potentiam, eruditionem in proprium usum cum damno publico impendit.

xvi. *Adeo ineptit, delirat, imo furit cæcus fastus, ut quod materia pudoris & opprobrii est, ipsi materia superbia sit, aut quod heic loci indecorum, alibi decorum habeatur.* Reperies homines, qui gloriantur de scelere patrato, qui pusillanimos convitiantur, metum peccati prætexentes, quales inter juvenes & militiæ deditos plures numero existunt.

xvii. *Et vice versa, quod verè bonum salutare DEO gratum quodque hominem extollit, id superbus turpe & inhonestum habet.* Quò pertinet peccatorum confessio, discursus de rebus divinis, vera humilitas: Exemplum in Michale.

xviii. *Detestaturus fastum probè observet, quàm abominabilis sit. Quippe omnis altus corde Jehova abominatio est.* Prov. XVI. 5. VI. 16. Et meritò: nam superbus DEO sub-

subjici non vult, jus divinum in se negat, militat adversus DEUM, unde DEUS *virtutem resistit superbis* Jac. IV. 6. *Est dein crimen diabolicum.* Diabolus enim affectat honorem divinum Matth. IV. 9. *Est porro hostis virtutum.* Nam virtus consistit in obedientia erga Legislatorem ejusque leges. At superbus superiorem non admittit, aut non nisi ægrè. - Lubentia verò singulare virtutis decus est. Verum quidem quod superbi reperiantur, qui opus ipsis commissum strenuè agunt sed & verum, quod non tam agant amore obedientiæ, quàm propriæ gloriæ, prælationis. *Est insuper Patronus vitiorum.* Timor DEI est commune freenum à vitiis retrahens. At superbus absque metu Numinis est. Superbus pronus ad iram, pugnam, injustitiam. *Est porro vitium stolidum atque irrisione dignum.* Id, propter quod superbus se effert vel habet vel non habet. Si non habet, quare se effert? Si habet vel commune cum aliis creaturis, bestiis, hominibus iisque malis, vel singulare. Si prius, rursus nulla superbiendi materia est. Si singulare, vel malum vel bonum. Si malum, quare superbiendum. Si bonum tum à DEO. Si verò à DEO, tum in humilitate possidendum est. Est enim

alius bonum. *Respuit praterea remedia divina & humana, mitiora ac duriora.* Si DEUS superbum immeritis beneficiis ad obediendum allicit, beneficia satis merita merita ducit, in ipsum ob sapientiam, fortitudinem collata: Si verò homo fastuosum increpat, increpationem pro injuria habet, minatur processum de injuria instituendum, exprobrat quæcunque de eo suspicatus erat, facinora. *Denique attrahit damna.* Cum fastuosis nulla coli potest amicitia. Ille aliis: alii ipsi repugnant: *Fraçturam antecedit elatio; Ruinam altitudo mentis* Prov. XVI. 18. (quanquam) *manus manui junc̃ta ad auxiliandum superbo non* (tamen) *impunitus dimittetur* y. 5. Exemplum notatu dignissimum prostat in potenti Rege Nebucadnezare.

xix. *Humilitas, quæ superbix opposita, est ea hominis Christiani virtus, qua de vilitate sua in corde convictus humiliter de se sentit notasque humilitatis in vita sua edit.*

xx. *Humilitas in corde humano oritur.* Hinc Græcis rectè dicitur ταπεινοφροσύνη, qua quis ταπεινά humilia, non verò ὑψηλά φρονεῖ, *altæ cogitat* mente sua volvit Rom. XII. 16. & Matth. XI, 19. *humilitas de corde prædicatur.*

xxi. *Humilis adeoque sublimia non cogitat nec appetit, multominus perfectiones sibi arrogat, quas non habet. Aut si incidant ejusmodi cogitata, resistit illis petitque abs DEO ut liberetur ab elatis cogitationibus, Ps. XIX. 14.*

xxii. *Humilis humilia cogitat, quaque ad sui humiliationem faciunt. Cogitat adeoque se nihil esse atque quantum penes se in nihilum prolapsurum, quamprimum potens DEUS fulcientem suam manum subtrahet: cogitat porro se ad bonum spirituale ineptum, aptumque verò esse ad peccata, se impietatem imbibere aquæ instar, nisi DEUS odium peccati ingeneret. Pensitat, numerat defectus suos atque se maledictione dignissimum coram DEO habet.*

xxiii. *Hinc humilis agnoscit quidem se DEO ac proximo servire debere, (quod servitium etiam libenter suscipit) sed attendens ad inidoneitatem suam, se præclarum quid præstare posse negat. Non ergo cum aliis de regimine, primo loco contendit; Mavult aliis subjici, ab aliis regi atque leviora, quæ in socierate munera sunt, administrare.*

xxiv. *Unde quæ suscipit, agit, diffidens propria sapientia, potentia, sapientiam & potentiam Numinis invocat. Etiam in opere occupatus jugem influxum & præsentiam DEI*

implorat. Opere finito laudat auxilium DEI, quod rectè factum DEO, defectus verò sibi attribuit.

xxv. *Quanquam gravius munus vel regimen in alios non ambiat, quin potius quoad se declinet, attamen oblatum, obtrusum ab aliis, cum timore suscipit, fideliter obit, in neminem dominatur, potius omnibus servit. Tamen ex corde humilis sit & in humilitate muneri præsit, neutiquam tamen de regula divina sub prætextu humilitatis recedit & hominum voluntati cedit. Hoc esset humilem se præbere erga homines, efferre verò se supra DEUM.*

xxvi. *Ob dotes excellentiores earumque in muneris administratione notabiliorem fructum humilis se non effert. Luc. XVII. 10. Laudat gratiam divinam, se illà ex animo indignum habet, cuncta refert ad gloriam Numinis, non verò propriam Ps. CXV. 1. Quanquam etiam non concedat, ut operatio Spiritûs S. vituperetur, hinc munus ad salutem proximi verè gestum damnum patiatur. Unde Christus ex corde humilis operationes Spiritûs S. contra Phariseos & scribas defendit. Paulus quoque prolixus in donis suis & missione divina probanda; Imo apertè ait: abundantius laboravi, quàm
alii*

alii 1. Cor. XV. 10. conf. 2. Cor. XI. XII. sed addit, *non verò ego sed gratia DEI, qua mecum.* Si Paulus voluisset humilitatem suam testatam facere, silendo ad obtrectiones adversariorum, facilè regnum Christi damnum passum fuisset. Quanquam lubens largior plures dari, qui ejusmodi exemplis abutuntur, qui prætexunt, gloriam divinam Apologiam poscere, cujus tamèn nulla aut exigua, magna verò propriæ ab ipsis habetur ratio. At suo tempore justus judex discernet inter hos & illos.

xxvii. *Humilis peccata sua tum in genere tum etiam in specie, quando gloria DEI & edificatio proximi ad proprium pudorem fatetur, aut ab aliis revelata non diffitetur.* Paulus pristinum suum statum semel ac iterum in Epistolis suis enarrat, ac summè peccaminosum proponit.

xxviii. *Humilis vel versatur in prospero vel adverso statu.* In illo extollit immerita beneficia: In hoc humiliat se sub potenti manu DEI. Agnoscit se hoc non solum sed & gravius judicium promeritum esse. Itaque paupertatem, convitia, dolores patienter fert. Sic David in statu prospero: *Quis sum ego Domine Jehova, & quæ est familia mea, quod deducis me eousque.* 2. Sam. VII. 18.

Sed

Sed in adverso, in quo maledicus Simeï Regi maledixerat, perpatiens fuit, si Jehova edixit (Simeï) maledic Davidi, ecquis dicat, quare sic facis? 2. Sam. XVI. 10.

XXIX. *Humilis in colloquio, quod cum aliis ducit, de se & rebus suis non sine gravi ratione loquitur: Nam propria laus sordet. Nec quidem probat, ut alii facta sua celebrent. Loquitur tamen de rebus suis, si insigniter faciant ad laudem Numinis ac discursus utilis audienti existit, qualis eorum, qui narrant, quas vias in conversione calcaverint: quæ obstacula experti fuerint: qua ratione illa amota: quomodo misericors DEUS instantes preces exaudiverit, uti Augustinus confessiones suas magno cum Ecclesiæ comodo reliquit. At talis discursus, libellus à propria laude remotissimus, totus verò factus ad laudem Numinis erit. Quem in finem requiritur sollicita observatio sui, suorumque motuum internorum, ne narratio propria n. laudem quærat, sibi aliquid appropriet. Certè perfectus mihi videtur, qui, quæ DEUS insignia per illum præstitit, ita narrat, ut unice gloriam DEI respiciat. Ps. CXV. 1.*

XXX. *Humilis corde evitat fastum externum in victu, vestitu, domicilio. Modus quidem specia-*

specialior, qui in memoratis tenendus, nemini in sacris præscriptus, hinc etiam à nobis non præscribendus est. Nec enim vera humilitas in tenui cibo, sordidâ veste & submissa casa rectè quæritur. Aliàs metuendum, ne talis incidat in superbam humilitatem. Humilitatis studiosus in his nullam gloriam collocat, quærit: Habet potius, uti revera sunt, pro documentis imperfectæ humanæ vitæ, quæ ex parte à peccato ortum sumit, ex parte cum bestiis communis est: Præsens vitæ nostræ ratio usum harum rerum necessarium facit; quare necessitati, ac etiam veræ utilitati tum ad hanc tum etiam ad spiritualem vitam satisfaciendum est. Fugit verò, quæ vitam naturalem, spiritualem lædunt, impediunt, sicuti talis luxus plurimum lædit ac impedit.

xxx1. *Humilis erga DEUM.* Majestatem & perfectiones divinas cum admiratione, submissâ mente intuetur, extollit & sibi opponit. DEUM quippe considerat Jehovah independentem, Spiritum, infinitum, æternum, omniscium, immutabilem, fontem vitæ, sapientissimum, sanctissimum, justissimum, veracem, optimum, omnipotentem, beatum, gloriosum, Creatorem, Conservatorem, Gubernatorem, se verò toto
animo

animo considerat & agnoscit tanquam umbram, in omnibus dependentem, carnalem, vanum, qui heri demum natus & crastinâ denascetur, rudem & rerum divinarum ignarum, in omnes horas mutabilem, filium mortis, turpem peccatorem, injustum, mendacem, malum, impotentem, infelicem, tenebricosum, cinerem & pulverem, qui propria virtute ne per momentum quidem subsistere valet atque qui in manu DEI ut lutum in manu figuli est. Qui ergo nullam gloriam pro se quaerit, omnem ad DEUM transfert. Qui contentus, quomodocunque à DEO regatur, quanquam in paupertatem, contumeliam incidat.

xxxii. *Humilis erga proximum. Humilitate vos invicem existimate superiores se ipsis.* Phil. II. 3. conf. Rom. XII. 10. Agnoscendum & honorandum in proximo divinum artificium, maximè, si ille verus Christianus, divina natura, cujus particeps est. *Proximus vel inferior vel par vel superior est. Inferiori humilitatem debeo, quia in statu humili altitudo est.* Jac. I. 9. Atque is Christo humili propior est. Debeo quoque *pari*, cujus adeoque dotes naturales, spirituales, suspiciundæ sunt. Quæ consilia dat, quas functiones obit, ex æstimandæ sunt.

sunt. Quando ab aliis honoratur, honori non invidendum est: Ille potius tuendus atque augendus est. Debeo denique superiori. Hic enim mihi præpositus est. Ipse DEUS me inferiorem constituit, adeoque meum est superiorem, quem mihi DEUS præfecit, honorare.

xxxiii. *Ex dictis constat & humilitatem gradus suos habere.* Quò profundior, eò nobilior. Profundior est, quò humilis ortum, conservationem, gubernationem, maxime corruptionem suam magis perspicit. Quò quoque gloriam & majestatem DEI summam clariùs novit. Qui in statu felici ac prospero constitutus se intuentibus aliis erga inferioris sortis homines humilem exhibet, ille longè superat humilem in statu afflicto se coram superioribus nemine aut paucis præsentibus deprimentem.

xxxiv. *Exploraturus, num verè humilis sit, tum ad radicem ejusque succum, tum ad fructus foliaque attendat.* Qui cor suum curatè investigat, reperitque illud altum non esse, sed depressum Pl. CXXXI. 1. Matth. XI. 29. adeoque ταπεινὸς πορεύειν aut pugnare adversus initia fastûs, quæ in se deprehendit: Qui quoque evitat proprias laudes, ac omnem in externis ostentationem: Qui aliis præferri

nce

nec cogitat nec contendit, sed statione sua contentus vivit, gaudetque si benè meriti sibi præferuntur, Qui cum inferioribus libenter conversatur eosque ex animo honorat : Qui denique increpationes æquo animo fert, nec irascitur, si ab aliis contemtus debitoque honore privatus est. Hæc similiaque signa explorantem de humilitate certum reddere queunt.

xxxv. *Si quæ virtus naturâ homini deest, humilitas deest.* Nec quidquam minus ex peccatrice carne nostra expelli potest, quàm fastus. Exemplum prostat in Apostolis, qui jam omnia reliquerunt, Christumque secuti sunt, qui tamen inter se invicem de præcellentia contenderunt. Paulus jam per aliquot annos Apostolatu magno cum fructu defungebatur; Attamen consultum videbatur DEO, Angelo Satanzæ aliquam in ipsum potestatem relinquere, *ne se efferas* 2. Cor. XII. 8. 9. Habet verò hæc observatio insignem suum usum; Docet enim nos, quantâ cura hostem hunc in carne nostra observare debeamus. Tum solatur nos militantes adversus fastum, quod etiam magni Apostoli contra illum militare debuerint, denique impellit, ut recto mediorum usu, ac motivorum pensitatione moveri nos sinamus ad studium humilitatis.

xxxvi. Media autem sunt. I. *Se ipsum nosse, maxime peccata sua, multa, varia, ac gravia.* Qui enim se ipsum novit, plurima reperiet se humilem gerendi argumenta. Homo non à se est, nec per se existere pergit: ad bonum ineptus, aptus verò ad malum est: peccata patravit innumera: II. *Nosse DEUM, ejus majestatem & excellentes perfectiones.* I. Petr. V. 6. Homo, qui Majestatem Numinis novit, atque eum nihilo suo confert, cognoscet quid altum, quid humile: quomodo adeoque, qui vix pulvisculus, si cum DEO conferatur, in profunda humilitate vivere debeat. III. *Legere vitam Christi, humiliumque Christianorum.* Christus, quanquam rapinam ducere non debuerit, ut æqualem se haberet DEO, tamen ut servus in his terris vixit. Dominus servis, Magister discipulis servivit. Apostoli in profunda humilitate conversati sunt: pedibus in contrarium iverunt illis, qui honorem DEO debitum in se transtulerunt Actor. XIV. 14. 15. Gloriam miraculorum, quam alii ipsis attribuere videbantur, retulerunt ad Jesum Christum Actor. III. 12. IV. *Carere sibi à pedestri seductione.* Seducitur is, aut se ipsum seducit, qui arbitratur humilem esse, qui verba humillima exaggerat sive in precibus sive in discursu. **Fraus**
Y quo-

quoque insignis diaboli est, qua persuadere vult, humilitatem poscere occultationem bonorum operum, quum tamen Christus jubeat: *splendeat lux vestra coram hominibus, ut videant vestra bona opera & laudent patrem vestrum in Cælis.* Matth. V. 16. conf. 1. Petr. II. 12. Phil. II. 15. Verum quidem est, quod nullum bonum opus gloriæ aucupandæ causâ suscipiendum sit: Verum quoque, quod quæ DEUM & hominem solum spectant, rectè in occulto agantur, sed lux, quæ in publicum usum data, haud obscuranda est.

xxxvii. *Motiva verò: Voluntas DEI:* Mich. VI. 8. *O homo, annuntiatum tibi, quid bonum, quidve DEUS à te requirat, scilicet, humiliter incedere cum DEO tuo.* Eph. IV. 1. 2. *Ambulate convenienter vocationi, qua vocati estis, cum omni humilitate.* Rom. XII. 16. *Nolite alta sapere, sed cum humilibus vos submitтите.*

xxxviii. *Humilitas dein tutum fundamentum aliarum quoque virtutum.* Sine humilitate aliæ virtutes basin non habent. Notitia rerum divinarum sine humilitate diabolicum crimen est.

xxxix. *Humilitas porro pulchritudo hominis Christiani.* 1. Petr. V. 5. *Omnes autem invicem subiecti humilitate, ὑποτασσάμενοι, intus orna-*

ornamini. Hinc fœminis Christianis idem Petrus loco ornatûs mundani commendat spirituales, spiritum mansuetum & tranquillum. 1. Petr. III. 4.

XL. *Conciliat insuper gratiam divinam & humanam.* Illam; nam DEUS dat humilibus gratiam. 1. Petr. V. 5. Jac. IV. 6. gratiôsè eos aspicit Luc. I. 48. Jes. LXVI. 2. consolatur humiles 2. Cor. VII. 6. in humilibus tanquam in Templo habitat. Eccl. LXVI. 3. *Hanc:* quia enim humiles nemini adversantur, omnibus subjectos se præbent, hinc fit, ut aliorum gratiam sibi comparent.

XL1. *Præterea humilis sibi constans ac in se quietus est.* Etenim humilis alta non cogitat, quærit. Ille contentus fatis, etiam durioribus. Si contumeliâ &c. afficitur, humilis immobilis est, non irascitur, cogitat se duriora peccatis suis promeritum esse. Uti in natura alta facilè ruunt, sed humilia in eodem loco subsistunt, sic quoque in Spiritu.

XLII. *Denique humilitas certissima ad cœlestem altitudinem via est.* Nam qui se humiliat, illum exaltabit DEUS. Luc. XVIII. 14.

XLIII. *Ultimò humilitas Christianus affectus est.* Hic affectus sit in vobis, qui etiam in JESU Christo. Phil. II. 5. *discite à me, nam*

*mansuetus sum & corde humilis, & requiem
pro animabus vestris reperietis. Matth. XI 29.*



CAPUT XVIII.

DE

Temperantia cupi- ditatum.

Σύνοψις.

C Orpori humano cupi- ditates insunt. §. I.	terna & externa. §. IX.
Ha considerantur ut na- turales & morales. §. II.	Rarior & frequens. §. X.
Naturales quenam. §. III.	Ortus. §. XI.
Morales vel bona vel mala. §. IV.	Turpitude. §. XII.
Cupiditates moraliter ma- la feruntur, in objecta contra legem. §. V.	Gradus. §. XIII.
Objecta hac sunt vel sal- tem apparent carni grata. §. VI.	Speciatim (a) de intem- perantia in esu, quid sit. §. XIV. XV.
Suntque innumera. §. VII.	Quam momentanea & no- xia. §. XVI.
Explicatur malitia cupi- ditatum in quo ea con- sistat. §. VIII.	(b) In potu. §. XVII.
Intemperantia specia; In-	Intemperantia hujus va- rium damnum. §. XVII.
	(c) In impuritate carnali. §. XIX.
	Ejus origo. §. XX.
	Rivi. §. XXI.
	Species. §. XXII.

In

- | | |
|---|---|
| In ipso conjugio. §. XXIII. | carnalem. §. XXXII. |
| Causa speciales. §. XXIV. | 2. Persequi ea, quæ ab |
| Maxima enormitas & damna. §. XXV. | intemperantia abstra- |
| Intemperantia succedit temperantia cupiditatum. §. XXVI. | hunt ac temperantiam |
| Modus in genere ostenditur. §. XXVII. | promouent. §. XXXIII. |
| Temperator est ipse Spiritus S. §. XXVIII. | Speciatim (a) quoad esum |
| Qui castigat, mortificat, informat ac dirigit cupiditates ad rectum finem. §. XXIX. | & potum. §. XXXIV. |
| Media studiosorum temperantia sunt & fugere, quæ temperantia obstant, ac intemperantiam irritant. §. XXX. | (b) Quoad castitatem. §. XXXV. |
| Speciatim (a) quoad esum & potum. §. XXXI. | Gradus temperantia. §. XXXVI. |
| (b) Quoad impuritatem | Tandem motiva, quæ sunt |
| | 1. Voluntas DEI. §. XXXVII. |
| | 2. Natura anima, corporis, familia proximi maxime pauperis. §. XXXVIII. |
| | 3. Hodierna tempora. §. XXXIX. |
| | 4. Officium speciale Pastorum. §. XL. |
| | §. Exempla. §. XLI. |



§. I.

Corpori humano cupiditates inesse experientia unumquemque docet.

II. Cupiditates considerari possunt vel ut naturales vel ut morales.

III. *Illo modo* : Creator corpus indigum condidit ; hinc corpori dedit facultatem cupiendi ea , quæ ad sui sustentationem requiruntur. Fames nihil aliud est quam ingens cupiditas cibi : Sitis cupiditas potûs. Unde liquet cupiditates naturales physice bonas esse , ortum trahere ab ipso Naturæ auctore , egregiè facere ad sustentationem vitæ ejusque jucunditatem. Nam homo , qui cibum non appetit vel mortuus est vel ægrotat.

IV. *Hoc* : sunt vel moraliter mala aut bona.

V. *Cupiditates moraliter mala sunt , quæ objecta carni grata contra legem appetunt , aversantur ingrata.*

VI. *Objecta cupiditatum , de quibus hic , sunt blanda & carni grata. Nunquam cupiditas nostra fertur in ingrata , ceu ingrata , saltem tum , quando fertur , quanquam subsequente tempore sæpius ingratissima fiant.*

VII. *Objecta hac innumera sunt. Possunt tamen commodè in invisibilia & visibilia dividi. Et hac rursus pro numero sensuum. Quædam blandiuntur carni nostræ ob gustum : Alia ob tactum : Alia ob visum : Rursus alia ob auditum : Denique alia ob olfactum. Ad quæ adhuc accedit quies sive somnus.*

VIII. *Objecta hac contra legem appetuntur.*

1. Si in se prohibita sunt. 2. Si nimium appetuntur. 3. Si appetuntur pretiosiora, delicatiora cum damno rei familiaris. Aut non recto tempore vel loco aut cum alia culpabili circumstantia.

ix. *Intemperantia est vel interna vel simul externa.* Illa, quando intra hominem appetitus rerum carni gratatum oritur, fovetur, oblectamento est optaturque, aut quæritur occasio illis externè fruendi. Hæc, quando cupiditas in corde orta per actum externum consummatur. Jac. I. 14. 15.

x. *Intemperantia rarior vel frequens ac consuetudinaria.* Intemperantia maximè in quibusdam intemperantiæ speciebus facilè in consuetudinem ac sic alteram naturam abit. Fert enim secum carnalem gratiam: Hinc carnem irritat, allicit. Sensus, membra indies magis disponuntur aut etiam inflammantur ad idem bonum jucundum, blandum expetendum, consequendum.

xi. *Intemperantia in genere ortum trahit ex carne cæca & sapiente rectore suo destituta.* Nam caro indiga cibum, potum &c. appetit atque etiam appetere debet: Quando verò sapiente rectore destituta appetit, assumit sine selectu, modo aut ratione ad circumstantias habitâ. Quia enim cæca est,

nihil videt, nihil discernit, modum ponere nescit. *Ad intemperantiam speciatim multum tribuit constitutio corporis.* Unde liberi pariter educati diversis cupiditatibus magis aut minus temperatis feruntur. Quod quidem, quatenus tantum naturale est, moraliter malum non habemus. At post peccatum nunc fit, ut talis inclinatio, propensio, impetus facillimè in peccatum abeat. *Dein educatio:* Quando in infantia, pueritia cupiditatibus frænum laxatur, cupiditates inescantur, ampliantur, quid mirum, si subsequente tempore juvenes, viri ita educati intemperantes sunt? saccus, quo diffusior, tantò magis capit, si adimplendus est. *Insuper conversatio, convivium, compotationes, circummissiones poculorum.* Qui cum porcis conversatur, & ipse fit Epicuri de grege porcus. Convivia & compotationes abblandiuntur omnibus sensibus carnis nostræ, & hinc se fortissime insinuant. *Circummissiones poculorum* aliquando plurium, grandium (quæ vocant *Gesundheits-Trunk* / rectius dices *Kranheits-Trunk*.) quæ ab unoquoque convivantium (si aliter nobile convivii membrum esse vult) exhaustiendi sunt, quibus cor prioribus poculis jam gravatum tandem sepelitur. *Dies solennes tum Politici tum sacri,*
illi,

illi, quibus Magistratus eliguntur, confirmantur, obedientia promittitur, grates dicuntur pro collato ingenti beneficio, natales celebrantur &c. Qui harum solennitatum scopus prætenditur, requirit utique sobriam mentem. Sed adeo vulgare est, hos similesque dies in intemperantia transigere ut plurimi opinentur solennitati haud satisfactum esse, nisi intemperantiæ satisfecerint. Habent quidem quod prætexant antiquum morem, sed Ethnicum Gen. XL. 20. à Prophetis increpatum. Hos. VII. 5. quo fervidus servus DEI Johannes detruncebatur Matth. XIV. 6. II. *Hi*, uti sunt dies Dominici, festa, dies baptismales, nuptiales, emortuales, dies, quibus pastores cœtibus præficiuntur, Synodi aguntur, Doctores creantur. Intemperantissima hæc tempora esse, nemo, si vel vellet, negare potest. Qui per totam septimanam sobrii erant aut esse debebant, illi *diem Domini* (ac si eorum Dominus Bacchus & Ceres esset) in intemperantia consumunt. Sed an hoc est quiescere in DEO & quietem cœlestem præfigurare? An hoc est festum celebrare cum panibus infermentatis sinceritatis ac veritatis. Parentes, fidejussores coram DEO & cœtu promittunt, se mundo, Satanæ ac

carnis cupiditatibus renunciaturos atque etiam unitâ operâ liberos in sanctissima fide educaturos. Sed quid fit? Immersione infantis baptismali peractâ illi ipsi, qui sanctissimam vitam promittebant, immergunt se in voluptates. Conjugium res est his in terris maximè ardua: Typus habetur conjugii spiritualis Christum inter & Ecclesiam. Sed quàm stolidum ac peccaminosum est rem gravem intemperanti animo inchoare? castissimum amorem per intemperantem præfigurare? Presbyteros, quos primitivæ Ecclesiæ præfecerunt, præfecerant cum precibus & jejniis Actor. XIV. 23. Hodie sæpius cum lautis epulis.

XII. *Quam turpe crimen intemperantia sit, exinde constat: quia hominem in bestiam mutat.* Hinc intemperans in sacris sub bestiis iisque voracibus, sordidis, intemperantibus venit 2. Petr. II. 22. Dantur enim alia animalia casta atque temperatè cupida. *Quia dein noxia corpori, animæ, spiritui, opibus.* Intemperantia communis causa morborum, imò mortis: *Ense cadunt plurimi: Perimit sed crapula plures.* Debilitat quoque animæ vires, memoriâ, iudiciû. Expellit Spiritum S. qui Spiritus continentia. Opes minuit, dilapidat. Intemperantiâ nihil pre-

pretiosius. Brevi tempore devorat tantum, quantum pluribus per omnem vitam satis fuisset. *Quia porro proximum infelicem reddit.* Si intemperans paterfamiliâs, familiæ non præest, bona ejus luxuriosè deglutit, liberos in paupertatem redigit. Intemperans quoque opes, quas ipsi DEUS dedit ad juvandum pauperes nefariò in proprium peccaminosum usum convertit. *Quia insuper natura voluptatum vana est & sine vera quiete.* Ab initio quidem multa & magna voluptates promittunt, sed exitus probat spem vanam esse. *Quia denique intemperantia maximum vero Christianismo obstaculum ponit.* Prima enim hominis Christiani lex est, se ipsum abnegare, crucem ferre. At intemperans hanc legem suscipere nequit. Et quid si propter Christianismum persecutiones ferendæ? certè animus mollis ad eas subeundum inidoneus est.

XIII. *Grave crimen jam is committit qui ipse intemperantia deditus est: gravius longè, qui aliis intemperantiam commendat, eos allicit vel etiam cogit ad luxuriam.* Tales vulgò sunt hospites, caupones, cœnopolæ, ganeo-nes, conviviorum præfecti: aut etiam convivæ, qui alios per nomina magna & chara ad intemperantiam trahunt. Hî damni,
quod

quod hinc in proximum cadit, auctores existunt. Et quanquam tales plurimum impuniti in foro soli dimittantur, in foro poli gravissimè punientur. Fures pœnas dant, qui alterum parte opum privant. At hi non solum opes, sed & Spiritum, animam, corpus ejus lædunt, vel etiam omninò tollunt.

XIV. *Hac generatim de intemperantia. Plura dici possent de speciebus intemperantia in amictu, domicilio, recreationibus, somno &c. Quando verò de quibusdam occasione superbia diximus, de aliis occasione laboris dicturi sumus. Nunc tantum quadam de intemperantia in esu, potu & conjugio.*

XV. *Intemperantia in esu, quando quis cupiditate impellente edit, quod non edendum esset, aut plus, quam comedere deberet. Illud: si cibus proximi, aut si meus quidem est, proximum verò offendit Rom. XIV. 21. vel si corpori noxius est atque assumptus dolorem, morbum adfert. Hoc: si quis nimio cibo intestina farcit. In Scriptura dicitur κρασιπάλῃ crapula Luc. XXI. 34. κῶμος comessatio. Rom. XIII. 13.*

XVI. *Voluptas est momentanea. Quam diu cibus in ore & palato hæret, gratiam quandam carni dat: Sed in stomachum delatus*
cam

eam amittit. *Voracitas grave quoque & somnolens corpus reddit.* Unde qui ex nimia luxuria saginam corporis contraxerunt, sibi diu noctuque onus sunt. Anima plumbeo hoc corpori imperitare nequit, ut huc illuc se moveat ad functiones obeundum. Quis non molestam pœnam duceret, si à Magistratu condemnaretur ad truncum 30. aut 40. librarum toto tempore secum ferendum. At edaces se ipsos damnant ad gravius aliquando onus. ô molesta voluptas! *Voraces solent inciviles atque asperorum morum esse. Voracitas quoque animam aggravat* Luc. XXI. 34. qua inidonea est ad cœlestia cogitandum, pensitandum, amandum.

xvii. *Voracitatis comes bibacitas est; sive intemperans cupiditas hauriendi potum illicitum aut licitum quidem sed ultra modum.*

xviii. *Habet hoc vitium præ priori, quod hominem fervidum agilemque reddat ad varia mala patranda.* Intemperantia in esu corpus magis aggravat redditque pigrum. Plenus potu inebriante expellit Spiritum sapientiæ, prudentiæ, timoris, modestiæ, amoris Eph. V. 18. 19. Hinc nunc ebrius inidoneus ad sapienter, prudenter, cum timore Numinis, modestè, amicè cogitandum, loquendum, agendum. Quare quæ loquitur ædifica-
tione

rione destituta sunt, jocatur, ridet, clamat, secreta revelat. Et quia Spiritu timoris ebrius caret, à nullo scelere retrahitur, potius in scelera ruit, si modo occasio ea parandi ad manus est. Litigat facilè ac pugnat cum proximo Prov. XXIII. 29. Obscænos gestus ac voluptuosos amores præ se fert, testatur c. c. v. 33. Ut insanus in gyrum circumcurrit; Titubat in utrumque pedem: Allidit caput ad parietem: Sensibus privatus est: Non videt, non audit, non odoratur, non gustat nec palpat: Idolo similis est. Evomit canis, quæ ingurgitavit. Circumstantibus ludibrio est, qui, speciem hominis vident, quæ cerebrum non habet. Et quid si ejusmodi homo, dicam bestia, in ebrietate moritur, uti casus dantur? Qualis mortuus, talis resurget.

xix. His duabus intemperantiæ speciebus addo tertiam impuritatem carnalem. In Scriptura vocatur ἀκαθαρσία Gal. V. 19. ἀκαθάρτης πορνείας *impuritas scortationis* Apoc. XVII. 4. ἀσέλγεια *lascivia* Gal. V. 19. πορνεία *scortatio*, μοιχεία *adulterium* loc. cit.

xx. *Impuritas hac ἔσθθεν ἐκ τῆς καρδιάς intus ex corde venit.* Marc. VII. 21, 23. Si enim cor hominis purum est, objecta impuritatis externa nihil in illud valent. In corde im-

puro

puro oriuntur διαλογισμοὶ κακοὶ cogitationes, ratiocinationes mala impuræ Marc. VII. 21. πάθη ἀτιμίας passiones turpes. Rom. 1. 26 passiones concupiscentia, 1. I Hess. IV. 5. quæ ad concupiscendum irritant, provocant.

XXI. Cor impurum impura emittit per os loquendo turpia, putida, scortatoria Eph. V. 3. 4. per gestus impurum animum detegendo. Per actiones obscænas, denique per vestitum, imagines, picturas. Qui amant ejusmodi picturas obscænas in pariete vel vase aliquo, illi easdem in phantasia amant.

XXII. Famosiores species sunt scortatio, adulterium, incestus: Illa, quando cœlebs cum cœlibe: Istud, quando cœlebs cum conjugata aut conjugatus cum conjugata: Hic, quando consanguineus cum consanguinea tem habet.

XXIII. Impuritas carnalis etiam locum habet in conjugio aliàs legitimo. Nec enim conjugibus licet frœnum cupiditatibus carnalibus mittere, prout illæ impetum faciunt. Aliàs ejusmodi conjugium ob impuritatem suam sancto Numini displicet & varia damna in familia concitat. At quam frequens opinio conjugium omnem amorem purum reddere?

XXIV. Missis generalibus vitii hujus causis, quas

352 Cap. xviii. De Temperantia cupiditatum.

quasdam speciales promemus, quales sunt: Familiaris & levis conversatio hominum, maxime juniorum, utriusque sexus. Aliquando etiam solus aspectus. Genes. XXXIV. v. 2. 2.Sam. XI. 2. Uti stipula igni vicina facile comburitur, sic amor impurus facillime concipitur familiari utriusque sexus conversatione. Conversatio & tunc periculosa est, si ædificatio mutua quæritur: Magis, si lusus, joci, comotationes in tali societate aguntur. Quod igni excitando follis, id impuro amorì memorata sunt. *Libri spurci* sive à spurcis Gentilibus sive à Christianis nomine talibus conscripti sint. Ineptissime prætendi solet studium linguarum earumque ornamenta, quæ in ejusmodi libris ornatiores habentur, addiscendi. Ornatus, qui inest, tanto magis inficit, allicit, excæcat legentium animos, maxime quia plurimum ejusmodi libelli à juventute alioquin ad libidines prona leguntur. Si quis verè linguas excolere constituit, an non aliò coque tutiori medio uti poterit? Et cui usui ejusmodi selectæ voces phrasæque, quæ sine pudore coram honestis auribus proferri nequeunt, quæque scortis propriæ sunt? *Impunitas maxime Ecclesiastica.* Scortatores nobiliores impuniti plerumque evadunt: **Viliores**

liores vilem pœnam subire coguntur. *Pra-judicia.* Illam demum impuritatem peccaminosam esse, quam consistoria puniunt. In conjugio impuritatis crimen nullum committi posse &c.

xxv. *Quàm turpis sit omnis impuritas, maxime externa, scortatio & adulterium, constat variis ex argumentis.* Primò quia tanquam crimen Ethnicum in Scriptura notatur, 1. Thess. IV. 4. 5. quod inter Christianos nequidem nominandum, uti sanctos decet Eph. V. 3. Hæc quoque ratio, quare Apostoli toties vitium impuritatis increpaverint, ceu fugiendum proposuerint atque aliis sceleribus præposuerint. Marc. VII. 21. Gal. V. 19. Primi enim Christiani magnam partem ex gentilismo ortum trahebant, in quo carnalem impuritatem crimen quoddam esse ignorabant aut ignorare volebant. Unde Patres in concilio Hierosolymitano inter res necessarias fugam scortationis statuerant. Actor. XV. 28. 29. *Secundo* quia cupiditas carnis & amor DEI in uno subjecto consistere nequeunt. 1. Joh. II. 15. 16. *Tertiò* quia hominem polluit Marc. VII. 21. 23. Hinc cum à communione Dei arcet. Nam *quartò* impurus impuras cogitationes & libidines intus fovet, eas secum fert, quocunque it &
Z quod-

quodcumque agit. Si cum proximo conversatur, agit, inter loquendum de objecto impuro cogitat. Imò & tum, si precatur, scripturam legit, audit, mens non libera est ab impuris objectis internaque scortatione. Unde colligi potest, quam advertus impuri cultus DEO sanctissimo sit. *Quintò* homini adimit cor eumque in brutum convertit. Hos. IV. 11. Cor, quod destinatum ut in eo habitet Spiritus S., evadit domicilium impurorum Spirituum. *Sextò* in scortatione & adultetio corpus, quod Domine sacrum, consecratur *propeleque scortationi*: Membrum Jesu Christi fit membrum scorti: Adhærens scorto fit unum corpus cum eo 1. Cor. VI. 13. 15. 16. *Septimò* plura alia vitia secum trahit impuritas, maximè externa & consummata. Impurus scortator, adulter abstrahitur à DEO & cultu ejus, huic vacare nec potest, nec vult. Aliquando etiam exter- num religionis cultum mutat; id quod ex Salomonis exemplo constat. Injustus est erga proximum, quem sceleri implicat. Quando enim alia scelera ab uno patrari possunt, scortatio & adulterium nequit. Adulter fidem uxori datam scdè violat, æterna odia serit, scetum alii malitiosè supponit, atque injustissimè vult, ut liberi in impu-

impuritate concepti ab alio educuntur: Scortatio & adulterium facile pariunt homicidium tum partus tum aliorum rivalium aut æmulorum. Liberi à scortis nati negliguntur, sine educatione & admonitione Domini succrescunt, Parentes subinde ignorant, hinc nulla officia iis exhibere queunt. Nihil communius quam infidelitas, fraus, mendacium, falsum juramentum in scortatione. Et quum videri queat tenax inter impuros amor, facillimè tamen in fastidium, sævitiam abit, sicuti Amnon exemplo suo docet 2. Sam. XIII. 15. *Tandem ex se gignit varia damna.* Scortatoris cor irrequietum est tum quia impuro amore scorto alligatum (cui tamen pro libidine semper satisfacere nequit) tum quia jugi metu cruciatur, crimen publicatum iri. Paupertas quoque cornes imo proles vitæ scortatoris est. Nam *sine Cerere & Baccho friget Venus.* & Prov. VI. 26. *Propter mulierem meretricem (devenitur) usque ad frustum panis.* Ne dicam de aliis pœnis, quas subinde DEUS multo numero ac forti manu in ejusmodi peccatores animadvertit, sicuti videmus in Davide. *Ultimò* excludit à cœlo. Qui hæc (impuritatem, scortationem, adulterium) patrant, Regnum DEI non hæreditabunt Gal. V. 19. 21.

xxvi. *Intemperantia succedit temperantia cupiditatum.* Quia enim cupiditates naturales sunt atque faciunt ad conservationem corporis, illæ in se malæ non sunt. Hinc ipse Christus esuriebat, sitiebat Matth. IV. 2. Joh. XIX. 18. Itaque solum requiritur, ut cupiditates temperentur.

xxvii. *Temperantur autem in genere cupiditates, si illicita & vetita objecta cupiditatibus prorsus denegantur: Si licita appetuntur sed debito modo.* Debitus modus hic est: Bona illa, quæ appetuntur, quæque appetentis sunt, eâ mensura assumenda, quæ neque corporis sanitatem, neque mentis Spiritusque operationes neque familiæ statum aut curam pro pauperibus lædunt vel aliis offendiculum præbent.

xxviii. *Temperator, rector & domitor cupiditatum est ipse Spiritus S. in homine.* Est enim Spiritus opus concupiscere adversus carnem Gal. V. 17. corporis actiones mortificare Rom. VIII. 13. Atque id clarum. Caro enim propendet in blanda & grata objecta. Lex extra hominem nihil facit ad temperantiam, imò caro tantò magis occasionem sumit appetendi ea, quæ lex damnat, aut averfandi, quæ lex jubet Rom. VII. 5. 8. 9. 11. Unde intemperantissimi aliquando sunt, qui
tema-

temperantiæ leges multo numero nôrunt. Temperantia, quæ ortum trahit à metu hominum, impotentia, aut simili causa veri nominis temperantia non est.

xxix. *Hic verò Spiritus in homine castigat, mortificat, informat, dirigit cupiditatem ad rectum finem.* Castigat, quando hominem propendentem ad voluptates jugiter increpat, monet, ut temperanter vivat: aut ad-
cusat illum, qui malæ cupiditati satisfecit tanquam libidinosum, amatorem mundi, indignum puro DEI amore. Tit. II. 11. 12. *Mortificat* porro, nam *qui Christi sunt, crucifixerunt carnem cum passionibus & concupiscentiis* Gal. V. 25. & hoc quidem agunt per Spiritum Rom. VIII. 13. Spiritus enim pro-
ingenti & divina vi, quâ pollet, semper in-
surgit adversus carnem ejusque motus. Jam præcipit, ut oculi claudantur, si amabilia
iis proponuntur &c. Concupiscenti carnî denegat res volitas. Quoniam verò carnis
vigor & vita in ejusmodi bonis existit, lan-
guescit, agrotat, moritur, si homo fidus est
Spiritus S. imperio. Etiam *docet* quænam
fugienda, quænam agenda, de quibus mox
infra. *Dirigit ad rectum finem*, qui est
DEUM glorificare, corpus conservare,
mentem quoque excitare.

xxx. *Temperantia studiosis fugienda sunt cuncta, quæ temperantia obstant, ad intemperantiam movent, ducunt, trahunt, de quibus supra. Rectissime itaque unusquisque sedulus sui observator agit, si ea probe notat, quæ ipsum à temperantia abstrahunt. Talia sunt convivium sive ordinaria sive extraordinaria, quæ sine DEO inchoantur & finiuntur: quando inter convivendum sermones leves, scurriles, incitatorii ad intemperantiam ducuntur. Tales mensæ vel prorsus deferendæ sunt, vel, ubi fieri nequit, non communicandum cum convivarum peccatis Solennitates Politica & sacra. Etiam hæ vel prorsus intermittendæ sunt vel prudenter & temperanter referendæ ad usum, ad quem institutæ. Corpus & mens, ubi periculum, claudenda sunt, ne cupiditas in nobis oriatur, foveatur, in actum deducatur. Corporis fores sunt sensus, qui objecta grata recipiunt, animæ proponunt, hinc cupiditatem excitant. Mens clauditur, quando firmiter constituit nullas admittere ratiunculas intemperantiam commendantes. Tales sunt (a) comessando, componendo acquiri, conservari & augeri amicitias. Sed talis amicitia amicitia nomen non meretur. Est enim inimicitia adversus DEUM.*

Est

Est etiam inimica amicitia, qua unus alterum privat opibus, sanitate corporis & mentis. Hinc tandem in apertam inimicitiam communiter abit. (b) *Spiritus hominis excitari, recreari.* Excitatur quidem Spiritus carnis, sed non DEI Eph. V. 18. Et quæ est illa recreatio, si risus, clamores, saltus audiuntur, aguntur? certe gaudium hoc insipientium est Eccles. II. 2. (c) *Solicitudines abigi, quæ aliàs hominem cruciant.* Quanquam intemperantiâ sollicitudines ad tempus abigantur, illæ tamen denuò revertuntur, & tumquidem molestiores. Sollicitudo illa vel animam vel corpus concernit. Sollicitudo animæ per intemperantiam ritè adimi nequit, vel an vinum liberalius haustum mentem de gratia DEI certam facere potest? Si corpus & bona concernit, etiam hæc sollicitudo tolli nequit. Vel finge hominem alteri debere 1000. Florenos, atque eum de solutione sollicitum esse: Quid putas, an intemperans factus creditori satisfecit? (d) *Homines temperantiæ deditos male in mundo audire.* Bene verò, qui societatem exhilarare queunt. Mala fama apud homines malos documentum est bonæ apud bonos. Mala fama apud mundanos nos Christo pares atque felices reddit. 1. Petr. IV. 14. Ex adverso qui

qui vult in mundo celebrare esse, is famosus apud DEUM & JESUM Christum, sanctos angelos & populum DEI. (c) *Intemperantia voluptatem inesse*. Sed qualis? Bestialis. Quamdiu? Per momentum. Intemperantia lata venite, tristis abire solet. *Fugienda speciatim illa intemperantia, quæ propria sunt certis hominum statibus, generi vitæ, sexui, ætati*. Hinc Paulus ad Timotheum juvenem scribit: Fuge τὰς νεωτερίων ἐπιθυμίας cupiditates juveniles. 2. Tim. II. 22. *Ultimo verus temperantia studiosus non solum abstinet ab illicitis sed etiam aliquando à licitis objectis*. Hæc enim ratione temperantia in tuto erit.

XXXI. *Fugienda quoad esum & potum sunt*. 1. *Copia*. 2. *Selectus ciborum & vinorum delicatorum*. Quemadmodum sicibus, potus ordinarius, vulgaris nauseæ est, uti olim Manna Israëlitis. 3. *Famelica voratio*, quæ magna ciborum frustra vix dentibus subjecta celeriter absorbentur. Est enim indecora & noxia. 4. *Esitare* sive certa edendi tempora non observare, sed quando cupiditas impellit, illi satisfacere.

XXXII. *Fugienda quoad impuritatem carnalem sunt*. 1. *Intemperantia in esu & potu*. Corpus enim saginatum propendet ad impuritatem. At sine Cerere & Baccho friget Venus. 2. *Obscæna cogitata & phantasia*.
Quam-

Quamprimum talia in nobis surgere volunt aut actu surgunt, mox reprimenda. Aliàs ignis internus, isque exiguus facilè in flammabit, rumpitque. 3. *Sub nullo pretextu de amoribus carnalibus sermones ferendi aut audiendi sunt*, multo minus, ut quis ex iis voluptatem capiat. 4. *Cælibes evitent loca publica* frequentia hominum incluta, maximè in quibus joci, comœdiæ &c. aguntur. Una toras prodiens visura filias terræ castitatem suam amisit, quam non amisisset manens intra tentorium Patris. Hinc veteribus virgines *עלמין* *inclusa* dicebantur, nam domi latebant. 5. *Vidua obliviscantur amorum, quos conjugata habuerant.* 6. *Conjuges evitent inverecondiam conversationem.* Cohabitent non capiendæ voluptatis gratiâ, sed habita ad finem conjugii ratione.

xxxiii. *Hac fugienda: Observanda verò sunt cuncta, quæ abstrahunt ab intemperantia, commendant, juvant, promovent temperantiam cupiditatum.* Sunt autem hæc. I. *Intensa ad integræ precatio ad DEUM temperantiæ præceptorem*, ut qui tale præceptum dedit, det simul Spiritum & vires ad illud explendum. Nec dubitandum, quin Spiritus S. rectè petentibus auxilio futurus, qui à Spiritu intemperantiæ impugnantur. Sic David

Psalm. CXIX. 36. 37. II. *Meditatio perfectio-
num divinarum, maximè spiritualitatis, omni-
presentia, omniscientia, sanctitatis, justitia.*
Homo, qui progenies DEI, ad virtutes
divinas aspirare debet. At verò intempe-
rantia bestiarum est. DEUS est Spiritus.
Et nostrum est secundum Spiritum ambula-
re, atque Spiritu adversus carnem concu-
piscere. DEUS est omniscius ac omnipræ-
sens. Quando verò intemperans fugit à
conspectu viri gravis, quanto magis eum
pudet intemperantiæ vacare coram DEO?
DEUS quoque sanctus ac purus. Intempe-
rans & corpore & mente impurus, adeoque
in communione DEI esse nequit. Justus
DEUS maximè in intemperantes animadver-
tit, sicuti nos duo præ aliis exemplaria judi-
cia, diluvium & interitus Sodomæ, docent.
III. *Nōsse finem cupiditatum, quem Natura in-
stituit, atque ad illum contendere.* Finis est
edere & bibere, ut vita naturalis conserve-
tur, atque homo aptus sit ad functiones suas
ritè obeundum: ut interea Spiritus commo-
dum habeat domicilium DEUM colendi. At
verò intemperantia vitam naturalem lædit,
tollit: Homo quoque inidoneus redditur
ad domesticas & publicas functiones. In
corpore intemperantiæ dedito Spiritus bo-
nus

nus habitare & operari nequit. IV. *Severius vita genus* contentum paucis, vilibus rebus, adversum mollitiei, superbix. V. *Constans labor*, quo homo semper exercetur. VI. *Perfectior intemperantia investigatio*. Intemperantia æstimari & laudari solet ab iis, qui eam imperfectè norunt. Solent enim eam ab una tantum parte considerare, & ea, quæ momentaneam voluptatem adfert, non verò ab altera, quæ mansurum dolorem parit. VII. *Observanda sunt initia intemperantia atque mox opprimenda*. Ignis exiguus facilè extinguitur. Non item, qui in flammam abiit. Consultum est, exordientem intemperantiam prædeundo in conspectum hominum auctoritate ac sanctitate gravium abigere. VIII. *Cupiditas, quæ in nobis, referenda est ad objecta contraria, spiritualia, divina, amabilia*. Refertur verò nequit, nisi hæc cognoscantur. IX. *Exempla eorum, qui à temperantia commendati sunt*. Hi sunt duplicis generis. Quidam prius intemperantiæ dediti, postea temperantes evaserunt, uti Salomo in Ecclesiaste. Alii temperantiæ se dabant à primæ ætate, uti Salvator. Solemus expertis credere. Credamus illis, qui de præclaris temperantiæ fructibus narrant, qui quoque per omnia intemperantiæ genera peturrerunt, sed

sed non nisi vanitatem, Spiritus vexationem
aliaque dolorosa & noxia viderunt ac ex-
perti sunt.

xxxiv. *Quoad esum & potum speciatim ob-
servanda sunt.* 1. *Dieta constitutioni corporis
accommodata.* Homines ad unam aliquam
legem circa esum & potum adstringi ne-
queunt, & quidem ob varias causas. Gene-
rales bonæ Dietæ leges sunt: abstinere ab
omni victunoxio: Non ad plenam satietate-
tem edere aut bibere. 2. *Animum contentum
habere quovis cibo, quem provida DEI manu
consequimur.* Etiam ille, qui valior, bene-
ficiam Numinis est, idque immeritum.
3. *Edere & bibere ad gloriam DEI.* 1. Cor. X.
31. Edimus verò & bibimus ad gloriam DEI,
si edentes & bibentes agnoscimus imper-
fectam & indigam naturam nostram: Si
omnipotentiam & gratiam DEI admiramur
& extollimus.: si panem contemplamur
tanquam per se inidoneum ad vitam nostram
conservandam, si itaque verbum DEI po-
tens cum pane conjunctum imploramus: Si
convivia nostra inchoamus & finimus preci-
bus: Si inter edendum mentes nostras me-
ditationibus & discursibus spiritualibus pasci-
mus: Si cibum potumque tanquam pictu-
ram cibi spiritualis menti proponimus: Si

con-

convivantes optant, quærunt, ut eodem Spiritu agantur, uti pascuntur eodem cibo.
4. *Pensitare secum, quot alii consanguinei, creatura DEI fame vel siti premantur.* Talis cogitatio intentior valdè retrahet ab intemperantia.

xxxv. *Quoad castitatem observanda sunt.*

1. *Excellentia castitatis, qua nihil purius. Purissima autem sollicità curâ ab imputo præservanda sunt. Musca optimum unguentum perdit. Quare castitas sollicitè custodienda est intus & extus: Fores pelliulo muniendæ adversus fures castitatis. In mente divina, spiritualia volvenda: Ore calta, ædificatoria, necessaria præferenda sunt.*
2. *Cælibes lateant aut converse tur cum castis, auctoritate, sanctitate conspicuis, sui sexûs hominibus. Sponsum eligant DEUM, JESUM Christum, in quem amores suos effundant. Exempla sibi proponant Mariam, Paulum, tot alias castas, angelicas mentes.*
3. *Qui sibi donum continentia deesse experiuntur, legitimum contrahant conjugium.* Nam etiam ad scortationem evitandam ordinatum est conjugium 1. Cor. VII. 2.
4. *Vidua sperent in DEUM ac precibus diu noctuque vacent.*
5. *Timoth. V. 5. Qui uxores habent, sint*

ac si non haberent 1. Cor. VII. 29. *sive animum iis alligatum non teneant.*

xxxvi. *Habet studium temperantia suos gradus. Quales sunt: 1. Integrum propositum omnem intemperantiam fugiendi, temperantiam verò persequendi. 2. Lucta adversus intemperantiam* live sponte intra hominem ortam, live objectis externis, persuasionibus excitatam. *conatus verò ad temperanter vivendum. 3. Incrementum in studio temperantia.* Nam quum ab initio temperantiæ studiosus magis fugiat objecta illicita, prohibita & quidem cum quadam animi ægitudine, subsequente tempore animo lubente etiam abhorret non solum ab illicitis, sed & à quibusdam licitis, ut tantò minus illicita cupiat. Contentus est cibo, potu, amictu tenui, vili, parco. 4. *Fervidum ac frequens desiderium rerum spiritualium,* cum quibus res terrestres comparatæ nullo pretio habentur, hinc non desiderantur, imò fastidiuntur, si cupiditatem bonorum spiritualium impediunt, lædunt. Talis animæ gratissimus cibus est, facere voluntatem DEI, cibari pane, qui mundo vitam dat. Gratissimum ei est, potari aquâ cœlesti, vino Spiritûs S. vestiri vestibus salutaris & pallio justitiæ, puro amore complecti sponsum JESUM Christum.

xxxvii. Ut huic virtuti vacemus, moveant nos. I. Voluntas DEI. Hoc est voluntas DEI, sanctificatio vestra (atque) abstinence à scortatione, (ut) sciat unusquisque vestrum proprium vas possidere in sanctificatione & honore, non in passione concupiscentia, quemadmodum gentes, quæ DEUM non nōrunt 1. Thess. IV. 3-6. Apparuit gratia DEI salutaris omnibus hominibus, castigans nos, ut abnegemus mundanas concupiscentias & σωφρόνως temperanter vivamus. Tit. II. 11. 12. Non hominum concupiscentiis, sed voluntati DEI reliquum in carne tempus vivendum est. Sufficit enim nobis, præteritum vitæ tempus voluntatem Gentium perfecisse, dum vivimus in concupiscentiis, vinolentiis, comestationibus, compotationibus. 1. Petr. IV. 2. 3.

xxxviii. II. Natura & ratio anima, corporis, familia, proximi, maxime pauperis. Uti anima intemperantiâ negligitur, aggravatur, carnalis fit, sic temperantiæ studio coli, elevari Spiritu S. perfici potest Eph. V. 18. Corpus est templum Spiritus S. Membrum JESU Christi. Vas ad gloriam DEI: Corpus itaque ita habendum est, ut Spiritus S. in eo habitare, cum Christo conjungi, & DEUM glorificare queat. Corpus verò comestationi, scortationi sacrum sanctis illis usibus consecrari & dari nequit. Vel an Spiritus S.

in illo corpore habitare ac operari potest, quod vino plenum, cibo fartum, scorto conjunctum? Temperans familiæ suæ prospicere valet, nam sobria fruitur mente. Ille quoque paucis contentus. Hinc habet, quod eroget pauperi aut aliàs proximum consilio & facto juvare queat. Divinum hunc characterem virtutibus impressit omnis sanctitatis Auctor, ut ad omnia utiles sint, atque ideo sapientes & prudentes virtutibus se dent.

xxxix. III. *Hodierna tempora.* Nullo non tempore temperantiæ studendum, illo tamen maximè, quo invalescentibus peccatis judicia DEI indies propius instant, ne intemperantiâ graves dies Domini subito superveniat. Luc. XXI. 34. Tantò magis, quoniam tempus judicii simile futurum illi, quo primi mundi ac Sodomæ incolæ cœlesti plagâ peribant. Luc. XVII. 26. 27.

xl. IV. *Omnes quidem Christianis incumbit intemperantiam fugere, temperantiam verò colere* Rom. XIII. 12. fin. Tit. II. 11. 12. *Sed maximè pastoribus.* Hinc Paulus eorum requisita tradens ait, oportet Episcopus sit *sobrius, temperans, vino non deditus, sanctus, castus.* 1. Timoth. III. 2. 3. Tit. I. 7. 8.

xli. V. *Nasirai, qui se tempore Nasiræatus à vino*

à vino continebant: Sacerdotes, quibus quoque vini usus tempore functionis publica prohibitus erat. Hi typi docent spirituales Nasiræos & Sacerdotes vitam sobriam ducere debere. Juvabit etiam Danielis ac sociorum ejus victum semel ac iterum legere unâ cum maximis profectibus in cognitione DEI. Dan. I. 12. 16. 17. 20.



CAPUT XIX.

DE

Asfiduitate.

Σύνοψις.

A sfiduitati Hominis	Otiis species. §. VII.
Christiani opponuntur	Causa. §. VIII.
duo, otium & labos	Turpitudine ac damnum. §. IX
peccaminosus. §. I.	II. Labos peccaminosus.
I. Otium contra ordina-	§. X.
tionem divinam est.	Huc pertinent comædi.
§. II.	§. XI.
Ociosus somnolentus. §. III.	Auari operarii. §. XII.
Rerum suarum plerum-	Molesta ἰδελοθρεσκίας
que ignarus. §. IV.	cultores. §. XIII.
Et ubi operatur, ἀκαίρως	Cupiditatum carnalium
operatur. §. V.	explendarum Ministri.
Gradus pigritia. §. VI.	§. XIV.

A a

Hic

His opponitur labes Christianus. §. XV.

Qui vel communis. §. XVI. XVII.

Cujus Characteres. §. XVIII.

Requisita. §. XIX.

Vel sacer. §. XX.

Utriusque laboris unum idemque subjectum capax est. §. XXI.

Ratio naturâ ad Christianum laborem idoneus est. §. XXII.

Fis vero idoneus per DEUM. §. XXIII.

Media sunt tria (a) pra-

judiciis valedicere (b)

Diata studere (c) à

juventute labori assuescere. §. XXIV.

Motiva verò sequentia.

I. Mandatum DEI. §. XXV.

II. Naturæ terra. §. XXVI.

III. Natura humana. §. XXVII.

IV. Commoda. §. XXVIII.



§. I.

Assiduitati laboris Christiani duo opposita sunt :
Otium & peccaminosus labor.

II. I. Otium. Creator rerum nostrarum statum ita instituit, ut ille operâ creaturarum coleretur ac perficeretur. Hinc quoque creaturis, hominibus speciatim, aptitudinem, robur, sapientiam concessit, ad naturam colendum, perficiendum, unde varius in operantes usus oritur. Piger verò huic Numinis ordinationi se subtrahit, aptitudinem, robur, sapientiam, quam à Creatore accepit, negligit, defodit.

III. Piger

III. *Piger gravi & somnolento corpore est.* Hinc ipsi membrorum motus difficilis & molestus. Opus, quod ipsi peragendum, tanquam spinosum metuit, ne mollem cutem suam tangat, lædat. *Via pigri est tanquam sepes spinosa* Prov. XV. 19. Eligit igitur mollem lectum, in quo tanquam in elemento suo huc illuc se movet, uti *fores vertuntur in cardine suo* Prov. XXVI. 14. si alii ipsum ex gravi veterno excitare volunt: *Usque quo piger jacebis in molli lecto? Quando surges a somno tuo?* responder. *Parum somnorum, parum dormitationum: parum complicationis manuum ad dormiendam.* Prov. VI. 10. semper renuit pigritiæ valedicere.

IV. *Piger opus suum non aut non rectè intelligit.* Nam quum exercitium magistrum faciat, ille se non exercet, hinc in opere semper rudis existit. Solet quoque DEUS talentum concreditum auferre, si illud sepelitur.

V. *Piger commodas occasiones, temporaque opportuna non observat.* Unde, quanquam postea laborem aliquem suscipere vult, post est occasio calva atque tempus opportunum transiit. Dormit tempore sementis & messis. Prov. X. 5.

VI. *Piger prout vel magis vel minus pigritiæ*

gritiâ laborat vel graviolem tantum eum-
que publicum laborem intermittit, ægre
verò agit levem, necessarium, sibi utilem,
vel ab omni, etiam necessario, sibi utili ac
reficiente abstinet. *Piger abscondit manum
suam in patina, ne ad os quidem suum retrahet
eam* Prov. XIX. 24. quibus verbis summus
torpor exprimitur. Qui enim in labore
aliâs pigri sunt, non tamen in cibo sumendo.

VII. *Frout labos variat, sic otium. Com-
mode tamen dispescitur in privatum, publicum,
sacrum.* Illud, quando v. gr. pater familiâs
laborem, quem in bonum familiæ subire
deberet, omittit. Istud, quando persona
publica, sive Politica sive Ecclesiastica fun-
ctionibus suis non, aut saltem perfunctoriè,
defungitur. Hoc, quando nulla animæ
cura nec labos pro illa suscipitur. Memo-
ratæ hæ otii species sæpius conjunctæ sunt.
Qui turpi otio in functionibus domesticis
atque muneribus publicis diffluunt, illi
quoque salutis rationem & laborem non
habent, obeunt.

VIII. *Indagantes in otium reperiemus, præter
communes causas, has speciales. I. Præjudicia.*
Laborem incumbere pauperibus, inferioris
conditionis hominibus, rusticis veluti & ar-
tificibus. At divites in eminentia consti-
tutos

tutos *privilegiatos* esse à laboribus. Hæc superba cogitata imis divitum medullis infixæ sunt: Hinc arbitrantur stolidè illos sentire, qui se non minus ac tenuioris fortis homines ad labores obstrictos existimant. II. *Molliem corporis, metum gravioris laboris, periculi.* Solet labos corpus humanum defatigare, molliores ejus partes pungere. Qui vero molliter educatus est, laborem averſatur, fugit, *propter hyemem, frigus, piger non arat.* Prov. XX. 4. *dicit piger: Leo foris est: In medio platearum occidor.* l. c. XXII. 13. XXVI. 13. III. *Voracitatem.* Copiosus enim cibus solet corpus aggravare, hinc ad operandum inidoneum reddere. Somnum quoque inducit. IV. *Vitam otiosam.* Uti naturaliter homo hominem generat, sic pigritia pigritiam. Qui ad tempus otio deditus, ille in posterum vitam eandem ducet. *Pigritia facit obrui sopore.* Prov. XIX. 15.

IX. *Quam turpe otium sit, partim ex dictis, partim ex dicendis constat.* Otium enim est *vita genus ordini*, quem sapientissimus Creator posuit, *contrarium.* Unde otiosus *ἀτάκτως* inordinate ambulare dicitur. 2. Thess. III. 11. *Quantum penes otiosum natura ita constituta, ut nunc est, diu subsistere non posset.* Homines fame, siti, penuriâ variâ preme-

Aa 3

rentur.

rentur. *Otiosus & sibi & aliis molestus est. Aliis*, illis maximè, qui otiosi operâ uti volunt. Nihil enim agit: Officia sibi commissa negligit. *Sicut acetum dentibus & fumus oculis, sic est piger mittentibus illum.* Prov. X. 26. *Sibi*: Corpus otiosi in plumbi naturam abit, hinc sibi onus est: Pigrescit quoque Spiritus & vigorem ac agilitatem amittit. *Pigritia ad paupertatem redigit.* Piger enim nihil agit & tamen plurimum præ laborioso variis cupiditatibus inhiat, indulget. *Hinc frater est auctoris perdentis, dilapidantis omnia* Prov. XVIII. 9. *Propter hyemem piger non arat*, (unde) *mendicabit in messe* (scilicet) *nihil erit* Prov. XX. 4. *Veniet, sicut viator, paupertas tua, & egestas tua sicut vir scuti sensim & certò.* Piger paupertatem non effugiet aut repellet conf. Prov. XXIV. 30. 31. 32. Non quidem vota pigri defunt, sed illa sine successu, imo *desiderium pigri interficiet ipsum.* Prov. XXI. 25. & confundetur. X. 5. *Piger mortua proximus.* Et quamquam strenuum pluribus annis vivendo superet, strenuus tamen diutius vivit. *Pigrum denique tata natura semper laboriosa confundit, speciatim formica.* Unde Salomo otii iuratus hostis. *Abi ad formicam, piger, vide vias ejus & sape.* Prov. VI. 6.

x. II. *Inanis, peccaminosus labor.* Piger peccat nil agendo. Sed περίεργος curiosa, inania, ludicra, peccaminosa. Uterque peccat contra assiduitatem laboris Christiani.

xi. *Huc pertinent joculatores, Comædi privati & publici, docti ac indocti, qui jocos, figmenta ludicra, satyrica magno studio & opera excogitant, conscribunt, recitant, ut alios exhilarent, traducant, famam ingeniosi sannionis aut ejus commodum consequantur.* Tales enim ad seria & gravia Christianorum officia & ipsi inepti atque alios, quantum penes se, ineptos reddunt. DEUM sibi præsentem cogitare nequeunt, quod laboris malitiam docet. Contemptum, invidiam aliosque affectus producunt. Nec eximendi sunt, qui graves divinas Historias Majestate ac terrore plenas ludunt, DEUM ac Dominum nostrum IESUM Christum sub vilissimis ac profligatæ nequitiae hominibus sistunt, atque intuentium animos ludicra præsentatione leves reddunt.

xii. *Dein summè laboriosi operarii, qui verè omnem operam unice in proprium usum agunt.* Reperiuntur homines, qui à multo mane ad seram noctem in laborando defatigantur, quorum tamen labos Christianus non est. Nam quod agunt, non agunt ex obe-

dientia erga voluntatem DEI sed ex avaritia, amore pecuniæ, sine amore proximi: Negligunt curam & laborem pro anima.

XIII. *Insuper omnes illi, qui in rebus Religionis multas molestias subeunt, sed non ex DEO, imò contra DEUM.* Aliquando operosissima est *ἰθελοθρησκεία* falsorum cultorum. Attamen omnis hæc *θρησκεία μάταιος*. Religio *vana* est Jac. I. 26. 1. Petr. I. 18. atque *ματαιολόγοι* vaniloqui sunt doctores Tit. I. 10. nam quam per longum tempus atque elata voce Auditores informare contendant, nullum exinde fructum habent: Nemo Auditorum sapiens fit.

XIV. *Denique qui operâ & vitæ suæ genere fovent, promovent carnales ac mundanas hominum cupiditates.* Eximimus illos, qui necessitati ac utilitati hominum inserviunt. At priorum labos peccaminosus est, qui cupiditate lucri rapti nullum non laborem molestum, nocturnum, periculosum ferunt, ut voluptuosorum cupiditates explere queant.

XV. *His vitiis opponitur labos, isque Christianus.*

XVI. *Labos Christianus est vel communis vel sacer.*

XVII. *Labos Christianus communis est, qui circa*

circa res hujus mundi, agros veluti, recto animo fertur.

xviii. *Fertur autem recto animo*, quando operarius intendit glorificationem DEI. 1. Cor. X. 31. *labori se subicit tanquam divinitus præcepto filiis Adæ Gen. III. 19. laborando non solum suum ac suorum usum quærit, sed & proximi, maximè pauperis, infirmi Eph. IV. 28. Atque hic animus laborem Christianum à gentili distinguit.*

xix. *Labor requiritur sedulus*, diligens, agilis: *Prudens* quoque, qui recto ac commodo tempore suscipitur. Majoris momenti labos præfertur minori, facer communi: *Etiam constans ac fortis*, quo difficultates vincuntur. Filiis Adæ labos ad sudorem faciei usque incumbit Gen. III. 19. Exemplum prostat in Jacobo.

xx. *Labos facer est, qui circa animam vel propriam vel proximi fertur* Matth. XI. 28. Gal. IV. 11. 1. Timoth. V. 17. Hic illo excellentior, quod tum objectum, tum etiam fructus docet. Quanquam labos facer inexpertis videatur facilis, est tamen valde operosus, imò operosior communi.

xxi. *Uterque labos, communis & facer, bene in uno subjecto morari atque etiam simul exerceri possunt, ubi ratio poscit. Docet id*

utriusque laboris natura atque exemplum Pauli 1. Cor. IV. 12. Actor. XVIII. 3. XV. 10. Attamen aliquando uterque agi nequit & tum communis sacro cedit.

XXII. *Naturâ quidem omnem laborem fugimus, amamus verò otium. Sed ad Christianum laborem prorsus inidonei sumus.* Christianus enim labos consistit in difficili certamine adversus se ipsum, carnem ejusque concupiscentias, corruptam rationem, mundum, satanam. Consistit porro in tot adversitatibus, quas DEUS immittit, ferendis: Consistit insuper in variis perpetuisque gravibus functionibus, fide, spe ac charitate, Matth. XI. 28. 1. Thess. I. 3. Hebr. VI. 10. Apoc. II. 2. Nemo vero ad ejusmodi labores naturâ pronus, multo minus aptus est.

XXIII. *Qui itaque tales labores subit, subire debet in xp̃o. in domino.* Rom. XVI. 12. Non tam ille laborat, quam gratia DEI. 1. Cor. XV. 10. Spiritus durâmens potentia, qui ipsi datus ad pugnandum, vincendum ferendum, proferendum fidem, spem & charitatem.

XXIV. *Officium hoc præstiturus valedicat præjudiciis, quæ otium commendant aut permittunt, illi speciatim: Christianos à labore manuum liberos esse: Habere illos excellentio-*

rem laborem, quam ut terrestri exerceantur: Benignum DEUM suis liberaliter prospicere & in eorum gratiam divitem messem dare. Facile carnis pigritia est, quæ ejusmodi cogitata suggerit atque tanto magis fugienda, quo facilius se insinuat atque exolum nomen cultoribus pietatis allinit. Hinc cultor pietatis homo otiosus & cultura pietatis amore otii electa dicitur: *Studeat diata ac bonè ordinato vivendi generi.* Corpus enim, quod modicum cibum assumit, agile est & aptum ad laborandum. *Plurimum huc facit bona educatio.* Qui enim primis vitæ annis mollius habiti sunt & vitam solutam, otio deditam duxerunt, illi accrescente ætate ad laborandum plurimum inidonei sunt: Idonei verò, quorum membra à prima juventute ad operandum assuefacta sunt.

XXV. Moveatur argumentis, quorum quadam notabimus. Ex his primum mandatum DEI omnibus, speciatim Christianis, datum. Gen. III. 19. *In sudore faciei tuæ comedes panem tuum.* Uti enim alia, quæ ibi ad Adamum dicta sunt, simul concernunt ejus filios, sic etiam hæc verba. Adeoque posteri Adami, maximè post peccatum, tenentur ad laborem eumque molestum, ut eo victum sibi parent. *Piger, quisquis talis est, abi ad formicam &*
intu-

intuere vias ejus ac sapiens esto ignaviam fugiendo Prov. VI. 6. Ordinatione divina singulæ Israëlitarum familiæ agros & vineas sorte accipiebant, quas colere debebant: Quo ipso DEUS docuit velle se populum circa honestum laborem occupatum habere. Ex parte eximebantur Levitæ & Sacerdotes, quibus minor terræ parshinc quoque minor labos manuaris assignabatur. Ordinationem hanc leges Christianis datæ confirmant, uti plenius cernere licet ex 2. Thess. III. Erant ex Thessalonicensibus, qui inordinate vixerant, *nihil operantes sed variè satagentes. Talibus Paulus præcipit & hortatur eos per dominum nostrum JESUM Christum, ut in quiete operantes suum ipsorum panem comedant.* y. 11. 12. Cum hac æquissima sed otiosis acerba regula: *si quis non vult operari, ille etiam non comedat.* y. 10. Imò communione Christiana excludendi dicuntur, qui huic ordinationi obsequi nollunt. y. 14.

xxvi. *Alterum ipsa natura terræ:* Hæc ita, maximè post peccatum, comparata est, ut operam nostram poscat. Vel an frumentum, vinum, sine opera humana proveniunt? Terra spinis obsita esset, nisi per homines evellerentur. Potuisset quidem Deus

Natu-

Naturam aliter ordinare sed noluit. Imò studio ad tristem peccati Naturam terræ incolas docendum terræ maledixit. Quando verò terra ita comparata, DEUS naturaliter nos docet, velle se, ut victum manibus nostris acquiramus.

XXVII. *Tertium Natura humana*: Hanc instruxit Creator iis dotibus, quæ ad varios magnosque labores ferendum aptæ sunt aut saltem aptari queunt. Hominibus enim dedit robur atque docilia membra ad varia agenda, formanda. Sapiens Creator verò nihil frustra facit. Utique voluit, ut robur hoc rectè impenderetur atque corpus plenum instrumentis variæ formæ & usûs ad varios usus adhiberetur. Non solum Creator hominibus robur & docilia membra dedit, sed & sapientiam & prudentiam. Quia in parte distinxit homines ab animalibus robustis atque etiam robur humanum plurimum superantibus. Sed quoniam ratione carent, omne eorum robur inutile est. Sume bovem: An solus arabit aut onus aliquod huc illuc feret? Quo verò & robur animalium & hominum utile esset, his rationem dedit Numen tum ut cognoscerent quid faciendum, tum quoque quo modo.

XXVIII. *Quartum commodum*: Piger metuit

tuit damnum ex labore, sed stultè. Sedulitas laboris varium commodum adfert. Commodum adfert ipsi corpori, quod labore sanum ac vegetum est servaturque. Sapidus cibus, etiam tenuior, quem piger fastidit. Somnus ei dulcis ac brevis est. Commodum quoque adfert animæ, quæ in turpi otio in varias noxias cogitationes ac cupiditates incidit. Commodum insuper adfert sustentationi propriæ & familiæ. Vendit enim DEUS bona sua laboribus. *Qui frigus metuit, non metit: Metit, qui strenuè laborat. Qui laborat manibus suis, habet quoque, quod impetietur pauperibus.*



CAPUT XX.

De


Patientia.

Σύνοψις.

O fficio huic opponitur impatientia. §. I.	Gradus impatientia. §. VI. VII.
Hac præsupponit malum. §. II.	Causa ejus propria non est ipsum malum. §. VIII.
Quod variè considerari potest. §. III-VI.	Sed animus malus. §. IX.

Seipsum

<i>Se ipsum perversè amans.</i>	<i>Qua deducitur. §. XVI.</i>
§. X.	<i>Distinguiturque à naturali & politicà. §.</i>
<i>Infidus. §. XI.</i>	<i>XVII. XVIII.</i>
<i>Obsenebratus. §. XII.</i>	<i>Indicantur gradus. §.</i>
<i>Mundanus. §. XIII.</i>	<i>XIX.</i>
<i>Vitium hoc turpe noxiū- que est. §. XIV.</i>	<i>Additā cautelā. §. XX.</i>
<i>Sequitur ipsum officium sive patientia. §. XV.</i>	<i>Etiā media. §. XXI.</i>
	<i>Et motiva. §. XXII.</i>



§. I.

Patientia opponitur impatientia, quā quis ob bonum absens, malum præsen, impatientis animi est.

II. *Impatientia præsupponit statum miserum.* Nemo impatiens, nisi qui est aut putat esse in statu infelici.

III. *Malum, quod impatientiam producit, vel ab anima, uti suspicio, angor, vel corpore quemadmodum morbus, vel opibus veluti earum penuria vel famā lasā oritur.*

IV. *Variat quoque ratione infligentis, qui vel Deus vel homo. Et hic vel Magistratus vel persona privata eaque amicus aut hostis est.*

V. *Porro malum impatientia causa vel meritum vel inmeritum vel solitarium vel socium est.*

VI. *Impatientia incipit in corde, quod fastidium concipit ob infelicitatem, dolorem, quem sentit aut sentire putat aut metuit. Unde in illo frequens cogitatio de hoc suo statu. Hinc gemit, optat liberari. Fastidium testatum facit querelis, murmure. Contendit porrò injustā viā ex infelici illo statu effugere. Hinc vel vi perrumpit limites, qui tibi positi sunt.*

VII. *Unde jam impatientia gradus cognoscuntur. Qui porrò illustrantur. Quo minus malum, eò majus impatientiæ vitium. Impatientia & murmur erga DEUM pejus illo erga homines, Magistratus.*

VIII. *Quanquam impatientia causa quadam ratione dici queat malum, dolor, infelix status: Si enim impatiens haberet, quod vellet, impatiens non esset. Attamen propria causa & qua hic spectatur non est. Etenim fit, ut duo eodem malo impliciti sint, unus patiens, alter impatiens est. Imò haud rarò contingit, ut levius malum in illo impatientiam producat, in alio ne quidem gravius.*

IX. *Causa itaque quarendæ est in ipso homine & quidem animo ejus malo. Uti icil. unus idemque ignis consumit lignum, aurum verò illæsum conservat, purgat. Ita unum idemque malum animum malum, infidum, obtu-*

obtenebratum, mundanum, impatientem reddit; Sed conservat, perficit animum bonum, fidum, illuminatum, spiritualem. Exemplum prostat in Israëlitis infidelibus & fidelibus, qui unà in eodem deserto vivebant. Illi impatientes erant, murmurabant. Quare? Erant mali, DEO non confidebant, pisces, allium &c. magis quærebant quàm DEUM.

x. *Speciatim causa est animus malus se ipsum perversè amans.* Unde malum proximo, etiam innocenti, illatum animum impatientem non facit. Facit vero sibi illatum.

xi. *Tum animus infidus,* qui omnia ex præsensibus judicat. Hinc quia præsens status tristis, miser, non credit felicem ei succedurum, per angusta ad augusta semitas DEI ducere, itaque impatiens est. Et quanquam mentiri nescium verbum DEI auxilium, liberationem debito tempore & modo promittat, promissiones illæ nullam fidem reperiunt.

xii. *Insuper animus obtenebratus,* qui ob tenebras, quæ ei opponuntur, nihil videt. Tenebræ sive præjudicia sunt: Felices esse, quibus omnia ex voto fluunt: Infelices, qui malis premuntur: Persecutiones, opprobria, penuriam ex natura sua talia esse, ex

quibús bonum provenire nequeat. Itaque talis animus *impatiens est*.

xiii. *Præterea animus mundanus, mollis, carnalis.* Hinc impatiens est, quando mundus ei non faver. Quando cutis ejus mollis afflictionibus tanquam spinis pungitur: quando carni pabulum liberalius subtrahitur.

xiv. *Fætus, qui his progenitoribus natus, turpis omninò est.* Impatiens enim murmurat adversus summum cumque benignum DEUM. DEUS hominem per passiones perficere atque ad admirabilem laudem suam parare vult, sed stultus homo renuit, mavult abjectus lapis esse, quam dolatione ad egregium ædificium aptari: Accersit ita iram DEI. Israëlitz impatientes ab exterminatore perdebantur, quorum exemplum ad typum ultimorum temporum notatum est, 1. Cor. X. 10. 11. Impatientia etiam per se malum dolorosum est. Unde quando duo eodem malo affecti sunt, impatiens dolorem magis sentit quàm patiens, maxime quando hic se in DEO erigit & finem spectat. Hæc de impatientia; sequentia de

xv. *Patientia, quâ quis malum patienti animo fert.*

xvi. *Patens agnoscit omne malum à manu*

manu DEI sibi obvenire, quare constituit illud sive exiguum sive ingens suscipere ac ferre. Agnoscit nihil suum esse, quod auferri queat. Suum esse DEUM. Hunc non posse rapi. Imo hoc divinum bonum patientiâ magis & magis cognosci atque gustari. Quando malum actus infligitur, abiecit se sub potenti manu DEI. 1. Petr. V. 6. Et quum natura doloris, impatiens impatientiam producere vult, certat adversus impatientiam. Successu temporis exercitior factus de cruce non extimescit, fortiter adversus impatientiam militat vincitque eam. Hinc persecutionibus, tribulationibus non defatigatur, ut voluntatem DEI exequatur.

XVII. *Patientia Christiana à Naturali & Politica probè distinguenda est.* Datur enim patientia, quæ Christianam præ se fert & imperitum fallit. Nam utrobique malum patienter fertur, laudatur verbis Providentia divina dolorem, contumeliam adferens.

XVIII. *Discrimen tamen in animo, causa, fine & exitu cognoscitur.* Animus Christiani patientis verè agnoscit providam DEI manum, quâ sibi contumelia, dolor aut aliud malum obvenit: Hinc etiam verè humilis est. At homo naturalis ad DEUM oculos non attollit. Hinc ille patitur propter voluntatem su-

premi Numinis, cui nemo resistere debet: Sed his ob necessitatem neve impatientia dolorem augeat. Ille constituit DEO parere atque sperat carnis reliquias hac ratione magis & magis tolli, sed hic intendit lucrum, honorem, dignitatem. Ille liberatus à malo DEO quidem gratias solvit pro liberatione, sed vindictam non cogitat aut parat erga hostem, quo tanquam instrumento DEUS utebatur veluti Iosephus: At hic finem expectat atque occasionem, qua par pari compenfer.

XIX. *Patientia gradibus variat.* Minor est illa patientia, quæ levius malum, sed major, quæ gravius patienter sustinet. Qui solus vivit & mala, quæ obveniunt, fert, ad eum non assurgit, qui patiens est hostibus & quidem iis, qui ipsum variè angunt, circumdatus. Inferior patientiæ gradus est, quando animus se adversitatibus patienter subjicit, attamen natura ejus irrequieta est. Major, quando homo mala patienter fert & plenè acquiescit in fatis durioribus. Hunc superat is, qui tribulationes, contumelias cum gaudio excipit atque hilaris cursum dolorosum aggreditur perficitque. Hebr. X. 34. XII. 1. Rom. V. 3. II. Cor. VI. 10. *Tanquam tristes* in oculis hominum, qui ex externo

terno non aliud judicare possunt, *sed semper hilares animo*, certi quod fructus pacificus tandem proventurus. Et hoc superior est eorum, qui crucem expectant, expectant atque ex animo dicunt: *Salve Crux. Willkommen mein liebes Creuz.* quæ tamen verba non aliorum sunt quam militum veteranorum. Summus in patientiæ gradus eorum est, qui omni solatio, quod illis erat, destituuntur, quique, licet Spiritum consolationis expectant, deseruntur atque cum internis tenebris, adversitatibus pugnandum habent, & tamen patientes auxilium præstolantur.

xx. *Exploraturus patientiam suam animum non abjicere debet, quando exploratione factâ sibi mentem quietam ac hilarem in adversis deesse observat; Si modo convictus de luctâ adversus impatientiam ac querelas, quæ in se oriuntur, est.* Attamen contendere debet successu temporis altiores patientiæ gradus ascendere, quò certiora hujus Christianæ virtutis documenta teneat Exemplum notissimum Jobus est.

xxi. *Media patientia addiscenda sunt frequens lectio scripturæ aliorumque librorum, qui vitam Christianorum Gymnasium patientiæ esse docent.* Paulus Rom. XV. 4. ὑπομονὴν γραφῶν
patientiam.

patientiam scripturarum annotat sive indicat scripturam plenam esse historiis dolorosis, quæ piis obtingunt, ex quibus tamen feliciter emerferunt, quæ adeoque legentes ad eundem patientiæ cursum excitare debent. *Dein familiaritas cum militibus Christianis crucem expertis.* Fortis miles etiam pavidum fortem reddit exemplo atque adhortatione suâ. *Præterea comparatio levis armatura.* Miles onustus pugnare nequit. David gravem Saulis armaturam deposuit elegitque levem. Sic Christianus *per patientiam cursurus propositum ipsi certamen deponat omne onus*, mundum & quæ in mundo animam terræ affigentia atque circumstant peccatum Hebr. XII. 1. *Insuper patientia studiosus observet adversitates nonnisi impatientibus graves esse.* Immitti à DEO in bonum nostrum. *Tandem præmeditatio adversitatum.* Tela prævisa minus noceant. Quare frequenter cogitandum, vivere nos in mundo, in quo omnia instabilia: Amici, sanitas, divitiæ, dignitas, vita : si igitur hæc amittimus præmeditantes patienter feremus Joh. XVI. 4. *Denique solum DEUM, JESUM Christum atque bona cælestia ut sua habere, non vero terrestria.* Illa rapi non possunt; Hæc possunt.

XXII. *Ultimò perpendat argumenta ad patientiam impellentia.* Qualia sunt. I. *Interdictum impatientia.* Nolite murmurare, quemadmodum quidam Israëlitarum murmurarunt. 1. Cor. X. 10. II. *Præceptum patientia:* Possidete animas vestras in τῇ ὑπομονῇ ὑμῶν in patientia vestra sive mansionem sub cruce Luc. XXI. 19. Impatientia enim cum irrequieta anima conjuncta est. At patientia cum quieta. Patiens enim acquiescit in tribulatione. *Omne gaudium habete, si variis tentationibus circumdamini* Jac. I. 2. Mira est & carni nostræ paradoxa prorsus hæc adhortatio gaudere in cruce & quidem varia, quæ nos circumcingit. III. *Commodum ex patientia.* Patientia minuit dolores: Producit explorationem, qua scoriis segregatis solidum bonum manet. *Patientia perfectum opus habeat, ut sitis perfecti & integri, in nulla re deficientes.* Jac. I. 4. Ferax est bonorum operum Luc. VIII. 15. Propinquum DEUM habet, patienti coronam, affligenti justam retributionem dantem: *Beatus vir, qui tentationem sustinet: nam probatus factus coronam vitæ accipiet.* Jacob. I. 12. *Longanimes estote, fratres, usque ad adventum Domini:* Ecce agricola expectat pretiosum fructum terræ & longaninis est in se ipso, donec accipiat pluviam

matutinam & vespertinam. Longanimes ergo estote etiam vos, stabilite corda vestra, quia adventus Domini prope est. Jac. V. 7. 8. IV. Adversitates, quas alii sustinuerunt, cum nostris collata graviores reperientur. Quare nostrum est leviores patienter ferre. Nondum usque ad sanguinem restitistis. Hebr. XII. 4. ut plurimi, maximè martyres in utraque Ecclesia V. & N. Testamenti. V. Patientia gloria. In hoc gratia, si quis propter conscientiam DEI dolores perfert patiens injustè. 1. Petr. II. 19. Solent quidem vulgo homines impatientiæ accusati respondere: velle se lubenter malum ferre, modò illud meriti essent. At hoc stultum. Tales enim patiuntur ut fures, homicidæ, quorum dolores & patientia ignominiosa. Sed honorata eorum, qui, dum benè egerunt, adversitatibus affliguntur easque patienter sustinent. VI. Præeuntes habemus Christum & Prophetas virosq; Apostolicos, quorum exempla ad imitationem in sacris proponuntur. Respiciamus ad fidei ducem & consummatorem, qui pro proposito sibi gaudio sustinuit crucem, ignominiam contemnens. Hebr. XII. 2. Exemplum capite patientia, fratres mei, & longanimitatis Prophetas, qui locuti sunt in nomine Domini. Ecce beatos predicamus eos, qui perpassi sunt. Patientiam Jobi audivistis & finem Domini vidistis,

Habet constantia suos	Media, quibus utendum.
gradus. §. XXI.	§. XXIV.
Naturâ tamen nemo con-	Ut & motiva indicantur.
stans est. §. XXII.	§. XXV. XXVI.
Sed sit potentiâ & gratiâ	XXVII.
DEI. §. XXIII.	

*****:*****

§. I.

TRactationem de officiis claudimus constantiâ. Officia sive in agendo sive in patiendo consistant, constantiam requirunt. Absque constantia virtutis Christianæ nomen amittunt nec veram retributionem producant. Ezech. XVIII. 24.

ii. Inconstantia est vitium hominis, vi cuius is rectum propositum, actionem, passionem deserit.

iii. Inconstans adeoque est, qui propositum boni faciendi immutat. Matth. XXVI. 33. 35. Aut qui veritatem, quam agnovit ac professus est, rursus abnegat Gal. I. 6. & iustitiam, cui studuit, deserit Ezech. XVIII. 24. Vel si malum, adversitatem, contumeliam ab initio patienter quidem tulit, sed progrediente tempore præ impatientiâ succumbit. Hebr. X. 32. - fin.

iv. Inconstantia diversos suos gradus habet. Minus vitiosa illa, quæ in rebus humanis, levioribus, vel quæ non finalis est quæque pro-

producta ab obstaculis fortissimis. At magis illa, quæ circa objecta divina, magni momenti versatur aut quæ finalis est nec tam fortia impedimenta habet.

v. *Facile tamen fit, ut inconstans in rebus minoribus, humanis, etiam inconstans in gravioribus & divinis sit.* Fundamentum, quod utrobique, cor mobile est. Unde sequitur, quod evitaturus inconstantiam vitiosissimam, etiam evitare debeat inconstantiam minus culpabilem.

vi. *Uti in Natura sic in moribus inconstantia à tribus maxime causis ortum trahit.* *Ædificium veluti quod corrui, ruinam patitur ob fundamentum malè positum aut quod cum fundamento non recte agglutinatum erat aut denique ob vehementiam impulsus objectorum externorum.*

vii. *Inconstantia prima causa ergo malum fundamentum.* Tale omne est, quod extra DEUM. Quum enim solus DEUS immobilis petra in Israël & fundamentum probè fundatum sit, sequitur quod inconstans esse debeat, quicumque alii fundamento innititur. Hinc inconstans, qui innititur propriis cogitationibus, prudentiæ, aut verbo, axiomatibus, sententiis mundanis, Politicis. Hæ enim sententiæ, axiomata palcæ instar levia

levia sunt & carent solido fundamento, veritate divina. Sic inconstantes, quorum fundamentum mendacium, odium, voluptas, mundus, Patroni, Magistratus.

VIII. *Altera inconstantia causa defectus solida conjunctionis cum vero fundamento.* Uti enim ædificium non juvat, quanquam impositum immobili petrae, nisi etiam cum illa probè conjunctum ac combinatum fuerit; sic etiam hominem ad constantiam non juvat, quanquam rectum fundamentum profiteatur, imagineturque se cum illo conjunctum esse, cum quo tamen conjunctus non est. Tales sunt, qui veritates divinas, quæ columnæ & stabilimenta sunt, in ore, cerebro, auribus habent sed non in corde. Qui ajunt, imaginantur se DEO & JESU Christo inniti, quorum tamen fides non nisi imaginaria est. Matth. VII. 26.

IX. *Tertia inconstantia causa petenda est ab impulsu externo aut interno.* Sic veritas, sanctitas, patientia describitur seducentibus falsis doctoribus, hominibus impiis, ingruentibus persecutionibus, illatis adversitatibus. Falsi quippe Doctores, detorquendo scripturam sophisticis ratiociniis, spiritualibus incantationibus quandoque Auditores ab agnita veritate abstrahunt. Gal. I. III. 1.

Homi-

Homines mali, peccatis toti dediti proximum ad sanctitatem propendentem, illecebris, adhortationibus, minis, retrahunt inclinantque ad impietatem. 2. Petr. III. 17. Qui primos aggressus persecutionum sustinuerunt, illi secundos, tertios, eosque duriores evitarunt inconstantia in patiando.

x. *Inter has causas hoc discrimen est, quod tertia sola inconstantiam producere nequeat* Hinc est, quod si duo impelluntur ab iisdem causis, attamen unus constans perseveret cadente altero. Quare? Quia ille bono fundamento probe conjunctus erat, hic non item. *In inconstantia concurrunt duæ vel etiam omnes tres causæ.*

xi. *In inconstantia stultitia & damnum conspicua sunt; hinc nos ab illa deterrere debent.* Et quidem stultitia: nam inconstans deserit propositum, actionem, passionem, statum, quem prius sapientibus rationibus elegerat, egerat, subierat. Plus credit mendacio quam veritati. Innititur ut stultus arenæ, arundini tanquam fundamento. Matth. VII. 26. 27. Similis est infantibus, qui circumagiuntur quolibet vento doctrinæ & passionis Eph. IV. 14. Patiendo multa sustulit atque aliquod jus ad coronam cœlestem consecutus est. Sed inconstans nul-

nullum usum ex doloribus perlaris habet, amittit jus ad retributionem cœlestem atque pavidi desertoris ignominiam ac pœnam subire tenetur.

XII. *Constantia est illa hominis Christiani virtus, qua is in bono usque ad finem, superatis quibuscumque difficultatibus, constans permanet.*

XIII. *Non omnis constantia laudi ducitur.* Dantur enim, qui in tenebris, præjudiciis Religionis, malitia, fuga crucis constantes perseverant, qui hinc alios præjudicia ac errores fidei deferentes, malæ desertionis ac inconstantia accusant. Sed de hac Constantia hic non agimus. Quanquam, si accurate loquimur, hæc constantia nomen non mereatur. Etenim in inconstantiam & irrequiem æternam abit. Si tales, etiam per longum tempus, in regno tenebrarum constantes erant, attamen judiciis divinis, veluti morte, ingruentibus mutantur, pleni irrequie, atque tum sed nimis serò, errores, impietatem deponere cupiunt, abjurant. Loquimur de illa constantia, quæ in bono, quæque felicem inconstantiam sive transiitum ex Regno tenebrarum, diaboli in Regnum lucis & Christi excipit.

XIV. *Hujus constantia fundamentum est solus DEUS.* Omne, quod non DEUS, mobile & incon-

inconstans est. Hinc nulla expectanda constantia. At DEUS est *הצור* *rupes illa perfecta*, immobilis Deut. XXXII. 4. *סלע* *petra* Ps. XVIII. 3. Speciatim IESUS Christus est *lapis in Tzione, lapis angularis*, qui duos parietes conjungit, qualis ingens esse solet, atque profunde ac tutò ponitur, ut parietes imponendi nullam ruinam vel etiam leviorum motum patiantur, *pretiosus, fundatus, fundatus ita fundatus*, ut foundationi ejus nil quicquam desit, hinc prorsus immobilis. Jes. XXVIII. 16.

xv. *Fundamentum est omne divinam.* Cujus naturæ DEUS, ejus naturæ divinum. Quemadmodum ergo DEUS constans, immobilis, sic quod divinum. *Divinum est verbum DEI*, veritates ex DEO profectæ, de quibus hinc in sacris legimus, quod cælum quidem & terra transitura, non verò verbum DEI: Veritates Evangelicæ hinc *fundamentum* Hebr. VI. 1. *columna atque stabilimentum veritatis.* 1. Tim. III. 16. dicuntur, uti posterior locus à quibusdam non sine probabilitate exponitur.

xvi. *Divinum quid quoque est sanctitas, charitas omnisque virtus Christiana:* Nam Deus solus sanctus: Deus quoque *ἀγάπη* charitas est 1. Joh. IV. 8. *Ad stabiliendum corda vestra*

irreprehensibilia in sanctimonia 1. Thess. III. 13.
In charitate radicati & fundati. Eph. III. 18.

XVII. *Fundamenta hac sibi semper constant atque immobilia sunt.* Creatura moveatur huc illuc, DEUS immutabilis est. Scriba, Christianus, qui verbum DEI extra se habet, aut tantum in ore, memoria, sursum ac deorsum movetur, per errores, præjudicia, tanquam per fluctus, huc illuc agitur, verbum tamen DEI immobile est.

XVIII. *Homo itaque constans existiturus cum DEO & JESU Christo per fidem conjunctus esse debet.* Fides enim est illud tenax gluten, quod ex duobus unum facit, quo mediante pars mutabilis immutabili insita etiam ipsa non mutatur. *Qui credit in lapidem bene fundatum, is se non precipitabit,* quod fit, si quis innititur labili fundamento Es. XXVIII. 16. Rom. IX. 33. 1. Petr. II. 7. *DEUS in medio civitatis fidelium atque etiam uniuscujusque fidelis non movebitur* Ps. XLVI. 6. Atque hoc ex conjunctione clarum. Si enim duo arctissime unita sunt, sequitur vel utrumque vel nullum moveri. Non enim alterum altero immoto moveri potest. Aut necessario dicendum, quod conjunctio pristina rursus fuerit soluta. Jam vero quia altera pars Jehovæ est, qui non mutatur, qui sem-

semper idem, sequitur quod omnis fide cum illo unitus constans ac immobilis sit.

xix. Sic porro constans, qui verbum divinum in corde suo habet, quique juxta illud credit & agit. Hinc salvator auditorem Practicum accomparat viro prudenti ædificium suum Petræ inædificanti, quod hinc nulli venti aut inundationes evertere queunt. Matth. VII. 26. 27. Si manetis fide fundati & firmi, nec moveamini à spe Evangelii, quod audivistis. Coloss. I. 23. Est enim Evangelium æterna & constans veritas. Homo, qui illi fidem habet, qui se non patitur ab illa dimoveri, per consequens etiam constans est.

xx. Hinc nunc fluit constantia in virtutibus Christianis tum activis, tum passivis, studio sanctitatis ac patientiæ. Qui enim constans ob unionem cum DEO, Jesu Christo & verbo divino, ille simul constans in officiis Christianis. Fieri enim nequit ut quis constanter unitus cum DEO & sancta ejus voluntate, inconstans in studio Christianianismi sit. Non enim homo simul cum DEO unitus esse potest, & cum spiritu malo, per quem peccata patrantur. Nemo, qui constanter in luce versatur, versatur simul in tenebris.

xxi. Sunt quoque Constantia gradus, veluti obmotis obstaculis impingere quidem & nutare, sed tamen non labi aut prorsus à funda-

mento divelli. Tum concuti aut etiam abstrahi à veritatibus non fundamentalibus, firmiter tamen tenere fundamentales. Denique in fide & charitate petræ instar immobilem esse, procellis quoque irruentibus.

xxii. *Homo in se & ex propriis viribus in vero & bono immobilis esse nequit.* Nam homo in se consideratus arundini, arenæ, palæ similis est. Cogitata ejus de rebus divinis æternam salutem concernentibus sunt inania, falsa, stolidia, adeoque instabilia. Et qualia cogitata sunt, talia desideria ac conamina ejus. Vera fundamenta certa ac immutabilia homini naturali ignota sunt. Et quando ea illi monstrantur vel non perspicit, vel cum iis agglutinari nequit. Satanas, mundus, ratio, caro tanquam violenti venti, procellæ, graves inundationes impediunt, turbant, separant, divellunt.

xxiii. *At Deus, qui est æterna rupes, & non mutatur, hominem quoque constantem ac immutabilem reddere valet, vult reddique.* Deus omnis gratiæ καταρτίσαι ὑμᾶς, σπρίξαι, θενώσαι, θεμελιώσαι instauret, stabiliat, roboret, fundet vos. 1. Petr. V. 10. Deus βεβαιώσει confirmabit vos irreprehensibiles usque ad finem in die Domini nostri JESU Christi 1. Cor. I 8. εἰς τὸ σπρίξαι ad stabiliendum corda vestra irreprehensibilia

bilis coram DEO & patre nostro in presentia Domini nostri JESU Christi cum omnibus sanctis suis. 1. Theff. III. 13. conf. Jud. v. 24. 2. Theff. III. 3.

XXIV. *Media sunt credere Evangelio, verbo DEI in æternum mansuro, veritatibus, præceptis, prædictionibus, promissionibus, interminationibus.* Rom. XVI. 25. Esa. XL. 8. Luc XVI. 17. Coloss. I. 23. Ex adverbo μή τὰ υψιλά φροεῖν *non scrutari subtilia*, curiosa controversa λογομαχίας à contentiosis motas. Potius investigare, amare, æstimare primas clarissimas, certissimas veritates à DEO revelatas ad resipiscentiam, fidem, charitatem, mansuetudinem, castitatem ducentes. *Tum veritates, quas quis novit, ipsâ vitâ exprimere* Matth. VII. 24. 25. in fide, amore ac humilitate ambulare. Tales radicati ac immoti in summis quoque adversitatibus erunt. Coloss. I. 23. 2. Theff. II. 17. Coloss. II. 7. Matth. VII. 25.

XXV. *Ad his aliisque mediis rectè utendum commoveant nos sequentia argumenta.* I. Voluntas DEI. *Itaque fratres mei dilecti ἰδραῖοι γίνεσθι ἀμετακίνητοι, stabiles sitis ac immobiles abundantes in opere Domini semper.* 1. Cor. XV. 58. *Et vos tanquam λίθοι lapides vivi adificamini.* 1. Petr. II. 5.

XXVI. II. *Infelicitas ac damnum inconstantia.* Vel homo nunquam in vero ac bono stetit

stetit vel eo excidit. Si prius, prorsus de DEO ejusque gratia, in qua felicitas nostra sita est, nihil sibi promittere potest. Palea instar in gravi judicio DEI minimè consistet. Pl. l. 4. 5. Si posterius, nullum amplius usum exinde habet, quod prius veritatem agnovit, professus fuerit, pieque vixerit. Gravius experietur Numinis judicium. Hebr. X. 26. 27. 1. Tim. I. 19. 20. Ezech. XVIII. 24. XXVII. III. *Ingens felicitas Constantia in omni necessitudine ac calamitate. O ὑπομεινῶν qui permanet manet sub onere ad finem, ille salvabitur*: Matth. XXIV. 13. *Qui fidus usque ad mortem, ille accipiet coronam vitæ*. Apoc. II. 10. Qui DEO & JESU Christo viva fide adhæret, non est quod timeat. Uti Deus Petra immobilis est, sic immobilis, qui cum DEO conjunctus. Pluviz, venti & inundationes sive judicia DEI, dæmonum, hominum irruent quidem in tales, sed frustra. Inædificati enim æternæ petre. Deus fidus est & juramento fidem suam obsignavit præstabitque erga omnes promissionibus inpetitentes. Matth. VII. 25. Hebr. VI. 11. f.

Ei, qui nos à lapsu immunes conservare & ante gloriam suam irreprehensibiles cum gaudio statnere valet, soli sapiens DEO, servatori nostro sit gloria & magnificentia, robur & potestas & nunc & in omnia Secula:

Amen.